





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3538/A






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3538/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3538/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3538/A






3538/A

X

F 117
13

Ms. 4729



DE ORIGINE,
SITV, QVALI
TATE ET QVANTITATE
FRISIAE, ET REBVS A FRISIIS
olim præclarè gestis,

LIBRI TRES:

IN QVIBVS MVLTÀ SCITV
digna, & hæcenus incognita, tum ex patriæ annali-
bus, partim excusis, partim manudscriptis, tum
etiam ex probatis exterarum gentium histo-
rijs vigilantî cura, diligentiq; studio
cruta, proponuntur.

AVTHORE M. CORNELIO KEMPPIO
Doctocmiensî Frisio.



COLONIAE AGRIPPINAE
Excudebat **GOSVINVS CHOLINVS,**
ANNO M. D. LXXXVIII.

CANDIDO LECTORI

CORNELIVS KEMPIVS

S. D.

Quisquis Frisonicos casus, & fortia facta,
Quæque vel oceano proxima, scire cupis:
Gentis & inuictæ, quæ libertatis origo,
Qui mores, qui sumam religionis amor;
Hos voluas libros, monumenta hæc fide nepotum,
Pectore quæ prompto, Lector amice, damus.
Paucula sunt (fateor) nostrorum hæc scripta laborum:
Sed recreant animos integritate sua.
Multa tibi referent veteris vestigia seclis,
Quæque secuta leges, quæque geruntur, habes.
Sunt quos delectant studia hæc mea, sunt quæ malignæ
Artes detrectant turpiter ingenuas.
Sæpe solet Momus, mordaci tinctus aceto,
Carpere laudatos, ridet & immeritos.
At tamen haud timeo, cape quæ meditatio nuper,
Otia quæque modò fortè dedere mea.
Non speciosa quidem, cum sint ex tempore fusa;
Sed quæ sunt animi candida signa mei.
Vtere quæsitis, lacerare meosque labores
Desine, vel promas nitida, grata, magis.

AMPLISSIMO, OR
NATISSIMO, PRVDENTIS-
SIMOQVE SENATVI INCLI-
tæ vrbis Groningæ, Corne-
lius Kempis S. P.



V M nuper exactius mecum,
neq; id sine magno animi do-
lore, perpenderem, Viri grauis-
simi atq; prudentissimi, illud
Comici Terentiani, rerum hu-
manarum esse vicissitudinem,
fluxūq; humani Imperij gloriā;

Sæpe meam, fateor, tenet admiratio mentem,
Nec semel hæc animo nosse cupido fuit,

*Quomodo antiquissimū illud Frisie Regnum, à Rhe-
ni ostio versus orientē trans Albim fluuium, longis-
simo tractu per litus Oceani septentrionalis, in ipsam
vsq; Iuthiam siue inferiorem Daniam extensum, nūc
in tam varias prouincias, vel, vt patrio more loquar,
Zelandias, redactum, distractum, diuisum, & sepa-
ratum sit, vt non modò antiquissimū nomen in multis
partibus amiserit, sed etiā nulla penè vestigia antiquæ
formæ in eo reperiri possint. Commemorat Ptolomæus
multarum suo tempore per Germaniam vrbium, flu-
uiorum, & prouinciarum nomina, quarum hodie penè
nulla extant vestigia, imò nec locus earum à quopiam
demonstrari possit. si quis eas aded querere velit: cum
nomina omnia diuturnitate temporis sint immutata,*

† 2

vel

E P I S T O L A

vel vrbes varijs bellorum atq; calamitatum insultibus à sublimi statu, ad imum deuastatæ, & miserrime pessundatæ: fluuiorumq; ripæ, procellis vndarum aut inundationibus aquarum variatæ, aut aluei, intempestuosissimis alluuiionibus translati & mutati sint. Quas vicissitudines atq; mutationes ex vindicta Dei contigisse, nemini dubium est: cum seculum nutu vnica Maiestatis decurrant, qui pro suo arbitrio omnia mala in regna immittit, nihilq; firmum ac perpetuum in rebus humanis esse sinit, quod non sit varijs alterationibus atq; mutationibus obnoxium, iuxta Danielis dictum: Dominus transfert & stabilit Imperia: Quæ dicat, nihil perpetuum & sui semper simile inueniri. Nam ea, quæ magnis auspicijs sunt orta, longiq; successibus aucta, & ad rerum fastigia summa ope erecta, armis legibusq; constabillita, repentino tamen interim casui & alterationi sunt subiecta. Quod quidem Africanus ille Scipio non ignorasse videtur, quæ cum Carthaginem, potentissimam Romani Imperii amulam, deleri atq; inflammari videret, fleuisse dicitur, quasi præfagiret, nullum imperium, ac ne Romanum quidem esse perpetuum, neque humanis viribus aut consilijs conseruari, aut retineri posse. Ingenue fateor, Romanos olim pacis belliq; artibus, longè omnium amplissimum sibi peperisse imperium, verum antiquam illam Imperij gloriam, & potentissimam Monarchiam factionibus intestinis, dissidiorumq; voraginibus ac prauis studijs eosdem amisisse, comperio. Habui Monarchia Assyriorum memoriam peruerusam, fui

am

D E D I C A T O R I A.

amplissima, viguitq; plurimos annos, sed subiecta mutabilitati, tandem corruit. Itaq; & antiqua amplissimi Regni Frisia gloria & maiestas, domestica (proh dolor) seditione & ciuili bello, funestisq; factionibus & intestinis quorundam Procerum, ac seditionum hominum contentionibus adeo cōmutata, conuulsa, attenuata est, vt vix vlla vestigia antiquæ vetustatis & amplitudinis in ea appareant: iuxta illud apud Salustium Regis Persarum dictum, qui moriturus filiis suis; Ego vobis (inquit) Regnum relinquo firmum, si concordēs permanseritis, eritis validi & inuicti: sin autem discordes, & seditione inter vos distrahemini, imbecillum & expugnatum facile vestrum erit Regnum. Sublato enim iusto Regum imperio, quod ad Carolum Magnum vsq; durauerat, violataq; Potestatum equissima gubernatione, quam Carolus Magnus constituerat, successit horrenda illa Anarchia, quam etiam nunc rebellia tempora vocamus, quod omnes omnibus tunc rebelles essent, nemo alteri parere vellet. In hoc enim perplexo rerum statu Frisij pro emulatione Imperij inter se implacabili odio ita contendebant, & bello exitiabili se inuicem exagitabant, vt non concederent quemquam in eodē pago secum habitare, qui alterius esset factionis: Neque in symposijs & diuersorijs quemquam secum conuiuari, aut compotare, nisi qui suas partes tuerentur, & semper pars validior aliam expellebat. Quò enim quis plus potentia obtinebat, hoc plus iuris se habere putabat. Adeoq; hæc mali labe per totam

E P I S T O L A

Frisiam ita est propagata, ut passim quisq³, ex rap-
 viueret, resq³, alienas absq³, discrimine innaderet, &
 de incendio, cruore, atq³, luctu omnia compleret: bo-
 à malis, & moderati à vehementioribus ubiq³, oppu-
 nebantur, vires & pagi miserrimè deuastabantur.
 Monasteria & ades sacra prophanabantur, temp-
 incastelabantur, nobilissima quoq³, edificia, arces &
 ades nobilium eueriebantur, aut incendio consum-
 bantur, magi q³, latrocinio, quàm bello omnia consti-
 re, videbātur. Ut de ijs quis iuste exclamare potuerit

O Frisij, Frisij, quò vos discordia duxit.

Et dum quisq³, sibi, & parti sua factam iniuria
 vlcisceretur, tot videbantur domini, quod erant pag-
 atq³, in eam plerumq³, atatem gladios distinxerim
 cui immanissimus quisq³, barbarus pepercisset. Cro-
 uisq³, indies ea ciuili controuersia, usq³, ad praesentiss-
 mam totius Reipub. Frisiorum perniciem. Cùm eni-
 vires suas defendendæ Frisia simul impendere debu-
 issent, vulneribus eam inter se absumpserunt. Ut rectè
 dixeris:

Magni tum motus, passim ciuilia bella
 Inter cognatos, credite, semper erant.
 Principis officium permulti ambire solebant,
 Sanguis Christi adum funditur hinc miserè.
 Nobile tunc regnum Frisiorum debilitatum,
 Virtus ipsorum, tum lacerata fuit.

In quo perturbato rerum statu, Frisia (quæ ant
 alias nationes, legibus antiquis, & libertate apprim
 vige

D E D I C A T O R I A.

rigere, & sub vnus Regis imperio aut potestatis ga-
 bervatione regi solebat) tot tristes transmutationes,
 & rerum vicissitudines passa, à peregrinis dominis,
 & vicinis principibus vndiq, bellis impetita & vexa-
 ta, successiuisq, temporibus infelici Marte adeò atte-
 nuata, conuulsa, & attrita est, vt nullum in mundo
 regnum fuisse arbitrer, quod à sua origine magis de-
 fecerit, ac Frisia. Dum enim quisq, cateris prestare
 concupisceret, æquitas minimè seruabatur, neque
 amicitiam colere poterant, vt nemo facile queat im-
 medicabiles illas mutationes, ac rerum vicissitudines
 omnes enarrare. Verum tamen hinc appareat fuisse
 illud Salustij dictum: Concordia res parue crescunt,
 discordia magna dilabuntur. Sic enim tandem Frisia
 ex Regno, in multas ac diuersas provincias, distraeta,
 diuisa & separata est. Quorum vicini Principes, ma-
 xime Hollandiæ Comites, partem occidentalem, quã
 suæ ditioni sciebant esse proximam, sibi subiecerunt,
 partem verò ad orientem Amasis trans Albim sitam,
 Reges Dania & Duces Saxoniæ, nec non Episcopi
 Bremenses, Ostfrisii atq, Oldenburgiæ Comites, ar-
 miis subiugarunt, & suis adiecerunt ditionibus. Siqui-
 dem Principes cum animaduernerent Frisiam factio-
 nibus Procerum esse discissam & conuulsam, eamq,
 esse terram optimam, bene cultam & fertilem, eo-
 rumq, ditionibus commodam, cœperunt Frisiam inha-
 re, & eorum libertati inuidere, arbitantes, non de-
 bere populum tam dissolutè absq, Principe viuere, atq,
 quotidianis grassationibus inter se implacabili odio

E P I S T O L A

latrocinari. Animo voluebant, quomodo possent quisque suum extendere principatum, non cessabant intestinos illos motus Frisorum incitare, donec partem aliquam seditione conuulsam, & intestinis odijs labefactam, subderent. Atque tandem post multas fortune procellas, durissimosque casus, quibus sursum deorsumque ractata erat, paulatim nunc partem vnā, nunc aliam tandemque totā, sed diuersis temporibus, subiecerunt. Quia indomitus populus, non vnum sequebatur imperium, sed in suo quisque angulo viribus & opibus potentior, dominium affectabat, ut verissime in Frisia ranae murisque fabula Aesopica impleta sit, qui cum se inuicem morderent, prada milui facti sunt. Si enim tota & vniuersa Frisia sanctam inter se seruassent societatem, & sub vnius Ducis imperio vires suas per totam Frisiam in vnum contraxissent, omnium gentium multo validissimi & potentissimi fuissent, domesticoque praesidio freti coniunctis viribus, externos omnes Principes facile ex Frisia pepulissent & auertissent. Hinc est, quod ego mea maiorumque meorum Patriae commotus amore, rem perutilem me facturum existimaui, si originem, mores, consuetudines, ritus & diuisiones Zelandiarum antiqui regni Frisia, necnon nonnulla facta praeclara Frisorum antiquorum, resque gestas, tam domi quam foris, memoratu dignas, pro ingenioli mei tenuitate commemorare, atque posteritatis notitiae tradere possem: in eorum videlicet laudem, qui Frisiae regnum diuersis etatibus, manu, lingua, plerique etiam sanguinis effusione, illustrarunt.

Et

D E D I C A T O R I A.

ut si quæ alia fragmenta antiquitatis memoranda
 occurrerint, fideliter contexerem, atq; in vnum fasci-
 culum studiose colligerem, quæ ad immortalem
 gloriam Patriæ nostræ vlllo modo pertinere visa sunt,
 cres ætæ, cum tempore interirent, vel à memoria
 hominum recederent. Et ea potissimum, quæ in pri-
 ua hominum ætate, à senibus admiratione digna, vñ-
 iam gesta, recitari audiui; & etiam quæ à doctis,
 robustiq; authoribus in lucem traducta, aut in anna-
 libus Frisiorum, patrio idiomate conscriptis, relicta
 omperi. Quamuis sperem non fore quemquam tam
 indiscretum, vt arbitretur omnes vel minimas rerum
 mutationes illorum temporum descriptas esse, quum
 omnia non reperiantur in annalibus prodita, aut scri-
 ptorum diligentia posteritati commendata: Nam ve-
 teres scriptores, vix tantam habuerunt curam Frisæ,
 vt quicquam exactè posteris de ea relinquerent, sed
 quasi regionem quandam extra orbem suam esse rati,
 parcissimè de Frisia locuti sunt. Itaq; non minimum
 laborem me suscipere in scribenda Frisæ antiquitate,
 ipsa rerum exigit materia, cum humilior hæc mea
 scribendi sit ratio, quàm vt omnibus respondere que-
 am. Agnosco enim mearum virium imbecillitatem, et
 eum de meipso censuram ago, sentio me laborem sus-
 cepisse viribus meis imparem, vt his meis lucubrati-
 onibus non satisfaciam poluissimis quorundam auri-
 bus. Vicit tamen iter durum pietas, quam & patria
 debeo & amicis, iuxta illud:

Et pius est patriæ facta referre labor,

† §

Ed

E P I S T O L A

Eo ergo animo, iam multis annis hisce nentis insudavi, ut scriptoribus doctioribus solummodo velut memoriae adminiculum preberem, ut & ipsi maiori vena, & dictionis flore, aliquid magis elaboratum edant, quod maiorum nostrorum praeclara facta, non omnino periculo oblivionis labascerent. Quae cum ex Annalibus Frisiae & Hollandiae vulgari idiomate conscriptis, in latinum idioma conuertissem, (temperaneo tamen stylo & indocto) non verbum e verbo, sed latius nonnunquam contractiusue rem explicui, iuxta Horatium:

Non verbum verbo curabit reddere fidus
Interpres.

Aliaque ex historiarum monumentis, aut scriptis privato vsui annotavi, incompto humilique stylo ad umbilicum perduxi, quaedamque siubi commodius visum est, commutavi, atque vndique gravissimis vigilijs in hunc ordinem per certa capita in tres libros redegi, ut eorum esset paratior vsus. Quorum primus continet situm, originem, mores & qualitates antiquae Frisiae: Secundus vero, divisiones & partitiones Zelandiarum Frisiae: & Tertius, bella cruenta ab illis pro retinenda ethnica superstitione & antiqua libertate, gesta. Quae cum aliquandiu apud me detinerem, ac animo mecum volutarem, cui ea secundum veterem consuetudinem potissimum dedicarem, Vos mihi protinus Viri gravissimi atque prudentissimi, occurrebaris, dignissimi, quibus has nostras qualescumque lucubrationes consecrarem. Multis ad id motus sum rationi-

D E D I C A T O R I A.

onibus . Primum siquidem, cum urbs Groninga (in
 qua Maiores vestri semper cum magna nominis sui
 gloria, fasces consulatibus fulserunt) sit verustate,
 situ loci, atq; aduim tam priuatarum quam publica-
 rum antiquitate, & magnificentia præ omnibus Fri-
 siæ ciuitatibus commendata, & temporibus Titi &
 Vespasiani circa annum Christi saluatoris, 77. (teste
 Cornelio Tacito) Romana admodum nota, vbi in-
 quit; Gruines esse populos inferioris Germania. Quam-
 uis annales Frisie asserunt, Groningam multo prius
 & ante tempora Christi fuisse habitatam, nomencla-
 turamq; sumpsisse à quodam Grunone Iroiano, Regis
 Antenoris fratre, trecentos septuaginta septem ante
 natum Christum annos, eumq; hoc loco arcem primo
 construxisse, & à sese nomen indidisse Gronenburch.
 Quod aliquam similitudinē habere videtur, cum ad-
 huc vestigia speciem alicuius antiquitatis referentia,
 in eo loco cernantur. Et iuxta Ptolomæum, quarta ta-
 bula Europæ, & lib. 2. Geographicæ, cap. 11. nuncupa-
 ri videatur Phileum. Dicit enim in Frisia situm esse
 Phileum, inter Amasum ad orientem & Viarum siue
 Isulam flumines ad occidentem. Quod etiam ex eo pro-
 bari potest, quod antiquitus id fuit peculiare, vt deu-
 ctis prouincijs aut urbibus, supprefferint prisca nomi-
 na, & alia recentia nomina indiderint. Vnde fieri po-
 tuit, vt Gruno constructa arce Grunenborch, suppres-
 serit nomen Phileum, ac tandem hostium incurfione,
 deuastata arce, nomen Phileum abolitum sit, & à
 Grunenburch, Groningen denominationem reti-
 nuerit,

E P I S T O L A

nuerit, licet multorum hominum opinione, à vire
 Parochia, quod Frisonica lingua ex composito voca
 bulo, Grocu & gha/parochiā sonat, nomen sump
 se, non absq³ ratione, asserant. Omnium tamen doct
 rum consensu vrbs Groninga vetustate commend
 ta meruò alijs Frisic ciuitatibus encomio præferatu
 vt ob eminentiam, sui totius Frisic Metropolis & R
 galis appelletur, quæ sic successiuis temporibus opib³
 & populis clara facta, in urbem euasit, prout in de
 scriptione vrbs Groninga latius declarabitur. In qu
 vrbe, Deus Opt. Max. Vos, hoc genere & familia,
 his maioribus & parentibus, nasci voluit, quorum
 progenies ex antiquis patricijs in catalogo Proceru
 huius vrbs semper numerata, Rempub. hanc multi
 retrò seculis iustitiæ legibus municipalibus & pleb
 scitis moderati sunt, atq³ tam bellorum quàm pac
 tempore enixè laborarunt, vt conseruarent liberta
 tem & concordiam, omnemq³ operam nauarunt, qu
 non solum partem aliquam Frisic, huius vrbs ditior
 accommodam, sed etiam totam Frisiam occidentalem
 huius florentissimæ vrbs imperio subijcerent. Tum tē
 poris florentissima erat Resp. cumulata opibus & in
 stitutis antiquis, vt totius Frisic Metropolis meritū di
 ci meruerit, atq³ ante omnes ciuitates felicitate re
 fulserit, imperiumq³ magnum habuerit in Frisios oc
 ciduos, quos virtute & auspicio subegerant. Null
 um temporis vrbs cum Groninga fuit conferenda
 neq³ celebrior, aut legibus aut priuilegijs antiquis or
 natior, extare potuit. Tum temporis Maiores vesti
 tan

DEDICATORIA.

ta fortitudine, tantaq³ virtute praeclari erant, ut
omnes vnanimiter non dubitarent quouis vitae pe-
ricula pro Catholica religione, et cōmuni salute Rei-
pub. subire, atq³ è vestigio potius mori, quàm vel latū
anguem ab auita religione (quam à temporibus Ca-
oli Magni, quum primum ab idololatria ad fidem
Christi à viris Apostolicis, sanctitate & martyrio
reuerabilibus fuerunt conuersi, & à sanctis maioribus
viris, quasi per manus traditam, acceperant) se distra-
hi atq³ diuelli paterentur. Sed horum temporum fa-
lax rabies cum non vni alicui ciuitati aut prouin-
cia, sed toti pene Europa perniciem minitetur, alijs fa-
cultas, alijs voluntas ad resistendum defuit, vobis
promptam semper fuisse voluntatem, praesens euentus
liquidò testatur. Itaq³ cum Vos maiorum vestrorum
audacissimis vestigijs pro virili vestra fortiter insi-
statis Viri amplissimi, mihi sanè dignissimi esse vide-
amini, quibus has meas lucubrationes ceu patronis
optimè de me meritis, & praeter ceteris mortalibus mihi
colendis, consecrarem. Itaq³ peto à vobis, Viri amplis-
simi atq³ praerariissimi, ut hunc meum laborem, atq³
meae Patriae sempiternam memoriam, pro vestra er-
ga communem nostrae patriae beneuolentiam, grato
suscipiat animo, quò praeursorum Frisorum, & maio-
rum vestrorum memoriam, ab interitu vindica-
mus: quum vetustissima consuetudine dictum sit, pa-
tronum solere causam aliquando praebere inuigilandi
bonestis studijs: & si quandoq³ è grauissimis negotio-
rum vndis, quibus indies obruimini, vacui temporis
quid

E P I S T O L A


quid concedetur, legatis, quorum lectionem non in
iucundam Vobis fore, mihi planè persuasum habeo
tum propter rei nouitatem, quæ allicit plurimum ad
legendum, et suæ sit meditationis oblectamentum
de veterum haustu, noua quædam eruâtari: tum quod
extera nationes, res Frisiorū incognitas & præclaras
Maiorum vestrorum facta, ex eo cognoscant. Quod
si autem Vestre prudentiæ non omnino, prout debuim
his meis vigilis & laboribus satisfecerim, pro Ve
stra prudentia id faciatis, quod Vergilius facit as
legitur; aurum de stercore eruite; memineritisq;
neminem mortalium ita vnquam absolute scripsis
se, vt non aliquando humani aliquid pateretur. In
nullo enim labi, aut errare, magis angelicum, quàm
humanum esset. Scio autem multos vaniloquentes
sibi multum ascribere, qui mox cum vel modicum le
gere inceperint, stomachantes frontem contrahent
& magno flatu hæc quasi figmenta carpent, & se hi
storias varias pernoscere, & antiquitates habere glo
rientur, arbitantes, si vel optime factus aliorum alla
trent, lacerent, atq; linguam maledicam efferant, se
bellicum quid cecinisse. Iudices temerarij nihil amari
assolent, nisi suis moribus accommodum: quos equid
omnes facile contemno, modò Vobis ipse non displic
eam, ac velim sane istos aliquid magis elaboratum
proferre, antequam conatus nostros carpant. Cur e
nim odia detractatorum & æmulorum metuam, cum
Vestro refugio fulciar? Dicar enim pro patria prestis
sisse, quod potui, non quod volui, præsitus coriè ma
ior.

DEDICATORIA.

ita si potuissem. Si enim vulgo videmus eos magnis
loria titulis insigniri, qui, si quando opus fuerit &
accidat necessitas, patriam defendere vitæ suæ pericul-
o sunt parati: quanto magis honorabitur, qui pro
publica utilitate multos annos vitæ suæ insudauerit, &
viciis hominum defraudauerit. Valete Domini obser-
andissimi, multūq; colendi, quos Dominus noster Ie-
sus Christus in viam suam rectam dirigere. & ad no-
minis sui gloriā felici Rerumpub. gubernatione quā
iustissimè, quietè & pacificè tueri, conseruare, &
protegere dignetur, suāq; inexhausta bonitate, se-
ditiones omnes à Vobis, & Repub. vestra, velim auer-
ere, vt omnia ad tranquillitatem, iustitiam, & ho-
nestatem decenter, in Catholica religione gubernare
possitis. Quibus me commendatū, & in album ve-
strorum clientum conscribi, cupio. Datum
Groningæ, è Musæo nostro, 21. Octo-
bris. Anno 1586.

AD

P R A E F A T I O A D L E C T O R E M.



Vamuis antiquitus (Lector candidi-
 sime) vix vllis tanta diligentia, solici-
 tudo, atq; cura fuisse videatur in Fri-
 sia, vt quicquam rerum præclare ge-
 starum posteris exactè traderent, au-
 literis mandarent: tamen fuere alii
 qui viri præclari, qui tam natura duce, quàm ali-
 rationibus permoti, de Frisia mentionem quatuor-
 dam fecerint, sed parèe admodum & obscuræ
 de ea locuti, plerique non vera scripserunt; suis ta-
 men lucubrationibus commeruerunt, vt eorum
 memoriam consequentes excipiant anni. Itaque de
 re literaria bene meriti videntur, qui post multos
 animi labores, aliquot à studiis & laboribus dies va-
 cationum instituere, quibus postpositis aliis nego-
 tiis, patriæ inuigilent, vt rectè factorum suorum ma-
 iorum gloriam, in lucem proferant. Nam si ab ante-
 cessoribus nostris, vel paulo superioris memori-
 hominibus, ea omnia calamo excepta fuissent, quæ
 in Frisia præclare gesta fuerunt, absque dubio, plu-
 lucis, minusq; vanitatis, in historia rerum antiquita-
 tum Frisorum haberemus, quæ veritate captata, ma-
 gis assequi potuissimus. Ex quo constat multa egro-
 gia Frisorum facta, clara perennique memoria do-
 gna, scriptorum penuria in obscuro mansisse, atque
 in æternam obliuionis noctem abiuisse. Maiores e-
 nim nostri magis quærebant fortiter facere, quàm
 aut doctè loqui, aut eruditè ad memoriam postero-
 rum aliquid tradere. Multi ergo præclari viri auidè
 à me expetiuerunt, vt ego nonnulla Frisorum præ-
 clara facta, originem, mores, situs, ritus & qualita-
 tes, diuisionesque Zelandiarum (quæ priuato vsui
 multis annis annotaueram) in vnum fasciculum
 loco externi pignoris colligere, atque posteritati
 memoriæ tradere, dataq; opportunitate prælo com-
 men-

A D L E C T O R E M.

nendare vellem. Sed cum multis variisque præpe-
litus fuerim negotiis, diuque iam à politioribus stu-
liis feriat, periculosum existimarem tam grande
laxum voluere, atque huic grauissimo labori me com-
mittere, quum nusquam Frisia rerum præclare ge-
starum historiam habet publicatam; eò mihi magis
arduum, vel factu difficile æstimabam, rem aggredi
ere desperatissimam, ab huiusmodi scribendi pro-
posito primo totus abhorrebam, diuque hæsitabam,
atque quodammodo quasi inuita Minerua, manum
ad scribendum applicabam, ne si tam inaudita & in-
cognita, inconsultè aggredi præsumerem, ex leuitate
mea æmulum odium prouocarem, vnde, vt ceci-
derit alea, citra notam discedere non liceat. Ita-
que ambigere quis possit, iocòne, an seriò hæc
conscripserim: quia in huius emunctissimæ ætatis
acumine, parum æquos lectores fore considerabam,
qui maiorem dictionis florem, stylumque ac phra-
sim fortasse desiderabunt, atque stomachantes fron-
tem contrahent, minimeque probabunt, si suis opi-
nionibus inuenerint esse contraria atque diuersa,
dicentque:

Quis nouus hic nostris successit sedibus hospes?

Itaque procedente tempore, cunctatio maior mihi
ac segnities quædam incessit, vt de perfectione ope-
ris penitus desperarem. Aderant ilico viri grauissi-
mi, qui cupiditate cognoscendi facta maiorum, me
ad perficiendum opus iam inchoatum instigabant,
iniquum esse clamitantes, vt librum non vulgarem
utilitatem, si euulgaretur, de se præbentè, adeò mor-
dicus supprimerem, & apud me detinerem. Nam ne-
scire historias, aut ea que antequam natus sis, accide-
runt (teste Aristotele) est semper esse puerum. Non
posui diutius eorum petitionibus, vtile ac honestum
suadentibus, resistere, neque in meo otio omninò
torpere, sed me potius exponere maledictis calum-

††

nia-

P R A E F A T I O

niatorum, quam bonorum virorum non satisfacere
 desiderio. Cum patriæ nostræ, cui nascimur, & qua
 ortus nostri non minimam sibi partē vendicat, imò
 quæ omnes vna omnium charitate complectitur
 prodesse debeamus. Itaq; parum egisse nos arbitra-
 tus sum, nisi & hæc etiam aliis, qui ex talium lectio-
 ne voluptatem non mediocrem capient, impertire-
 mur. Omnes enim nationes voluptatem ex maiori
 recordatione percipere solent. Tali confidentia, au-
 dacius, quam efficacius, amicis parui, quod sperem
 hoc meo exemplo me alios doctiores conterraneos
 meos excitaturum, qui ingenio, eruditione, & fa-
 cundia mihi antecellunt, vt nostræ patriæ laudes
 splendidiorē vena celebrent. Quorum doctorum vi-
 rorum patrocinio fultus, odia detractatorum non
 metuo, cum doctorum refugium mihi patere vide-
 am. Vires animumque resumpti, atque rem tam dif-
 ficilem aggressus, operæpretium me facturum spe-
 ro, si aliqua rerum antiquitatum Frisæ perenni me-
 moria digna, succincto stylo, licet indocto & incō-
 pto, posteritatis notitiæ commendare possim. Si qui-
 dem Regum Ducumque bene gesta, quantumvis a-
 lioquin præclara, aut intermorianantur, aut obscuren-
 tur ætate necessum est, nisi historici opera literis cō-
 mendentur. Si autem gesta Romanorum & pere-
 grinas historias cupide legimus, multo studiosius &
 libentius domesticas & patrias res inquirere, & co-
 gnoscere debemus. Proinde humanitatem beneuo-
 lentiamque vestram ad candidam huius libri censu-
 ram imploro, cum hic noster labor origine sit anti-
 quus, pro vestra modestia aures æquas præbeatis, ac
 sopita omni arrogantie & temeritatis suspitione, ho-
 minum beneuolorum honestos conatus carpere de-
 sinatis, atque rectius inquiretis, acriusque intelliga-
 tis, & æquius iudicetis verane, an falsa sint, quæ hic
 à me exarata proponuntur. Et si à veritate non alie-
 na, cognitioneque digna & necessaria comperiatis,

meum

AD LECTOREM.

neum quæso hunc laborem æqui bonique consula-
tis: quum venia antiquitati datur, & bonorum viro-
rum sit etiam dubia in meliorē partem interpretari.
Illudq; persuasum habeatis, à me nihil hic exaratum,
nisi quæ a summis, indubitataeque fidei amicis, cu-
riose explorauerim, aut ex probatissimis authoribus
diligentissimè collegerim, quò certiora omnia ex-
plorataq; magis posteris traderem: Quamuis quisq;
suæ genti faueat, & illi studeat condecorandæ. Si
tamen à maleuolis, studio emulationis non probabi-
tur labor iste meus, velim ut ipsi aliquid magis ela-
boratum edant, priusquam hæc arguant: nam facili-
us est aliquid calumniari, quam imitari: iuxta illud:

*Non decriant certè, qui cum nil edere possunt,
Dignum laude, tamen gaudent maledicere semper.
Carpentis quæ aliis, famam venantur inanem.*

Attamen beneuolis, quibus egregia studia cor-
di sint, hæc non displicitura mihi planè persuadeo.
Instanter itaque, atque humiliter beneuolentiam
amicorum imploro, quod si aliquid minus bene di-
ctum repperint, illud secundum iustum animi mo-
tum corrigant & emendent, cum is non sim, qui me
iniuria affici putem, si quis errata mea reprehendat,
& verè ac fideliter moneat; quum omnium docto-
rum censuræ, in his quæ omisi, me lubens submit-
tam. Ideoque in hoc propensissimo voluntatis offi-
cio, non tam ea, quæ assecutus sum, quàm quæ asse-
qui optauerim, æstimate, & contra æmulos defen-
dite, cum & solus conatus, in reb⁹ honestis & Rei-
pub. vtilibus, etiam laudi aliquando detur, iuxta
illud:

Si desint vires, tamen est laudanda voluntas,

Exemplo Artaxerxis Regis Persarum, qui etiam
manu haustram aquam ab operario, dum sitibundus
equo insideret, boni consuluit. Nostra enim, etsi vo-
bis non allatura sint aliquam vtilitatem, saltem fa-

†† z

sti-

P R A E F A T. A D L E C T.

studium legentibus non inferent vllum, neq; dam-
ni quicquā. Si enim immortalem assecutus est lau-
dem Valerius ille Maximus, apud omnes humanarū
artū studiosos, quod ethnicorum & gentilium hi-
storias, externarumque gentium facta, memoratu
digna, in compendium redegerit, quæ apud alios
latius diffusa erant, quam vt breuiter cognosci pos-
sent: quanto magis nobis apud bonos noster mane-
bit honor, qui tam multa, ab aliis parçè admodum
tracta quidē, sed nunquam explicata, plenius in hoc
libro conscripsimus. Quamuis illud testatum velim
me nihil in his ita asserere, aut ita mordicus defen-
dere, vt à sacrosancta veritate, & publica tranquilli-
tate vel latum vnguem deuiare cupiam: quæ stu-
dioso Lectori, proinde vel legenda, vel, si
minus sapiant, prætereunda,
committimus.

Vale.

A V.

AUTHOR AD
Lectorem.

in lege conscriptum, Lector, breuitate libellum,
Atq; viri grati, munus obito precor.
Ius & mentem semper defendito, honores,
Proq; eius studijs vota benigna refert.
allere, si, nondum quæ sunt tibi cognita, damnas,
Iudiciumq; tuum futilitate cader.
inc quicumq; leges, nostro descripta labore
Fortia gesta breui, grandia bella libro:
rata mente rogo. porrecto munere gaude,
Et quacumq; potes, parte iuuare iuuæ.
erge diu nobis, quod agis, perge esse benignus,
Et studia auxilio profer honesta tuo.

Aliud in Zoilum.

Toc opus abstineas, heus, inuide carpere Zoile,
Aut dederis pralo doctius ipse tuum.

N LAUDEM AVTHORIS
CARMEN D. ANTHONII FOL-
lardi Bornbergij, ad S. Martinum
Groningæ Vicarij per-
petui.

En patriam gentem scribit ritusq; sacrorum
Kempius, & patria fortia gesta docet.
Qui mores Frisonum, qua sint ab origine nati,
Tristia qua tulerint, prospera qua tulerint.

†† 3

Hic

Hic lege, nec pigeat, perdisces, candide Lector,
 Quàm fuerint semper magnanimes Frisij.
 Francus eos potuit, potuitq³ affligere Danus:
 Attramen & neuter vincere eos potuit.
 Id tandem noscens Carolus cognomine Magnus,
 Non vi vincendos, sed pietate putat.
 Perlege (nec cesses) grato congesta labore,
 Quem peperit sera posteritatis amor.
 Authoriq³ fauens, flagranti mente precare,
 Vt sint ad Pyllos fata benigna dies.

IN LAVDEM AVTHORI
 PRO COMMENDATIONE LI-
 bri, per Doctorem Ennium Elchiũ
 Frisium Phycũ.

Res Frisia paucis quisquis cognoscere gestis,
 Huc ades, hoc præsens perlege Lector opus.
 In quo praeclare, Kempis Cornelius acta,
 Atque cupit mores pandere gentis Adam.
 Conuenit haec homini studiosa scienti, prater
 Cætera qui debet nosse, quod ante fuit.
 Hic populum Frisicum discas, nunc aequoris vndas,
 Nunc Martis furias, vincere corde suo.
 Hic est quod doceat pueros, iuuenesq³, senesq³,
 His ornare potest, sexus vterque caput.
 Nullus in orbe locus, si quid mihi credere possis,
 Tot patitur casus, totq³ pericla refert:
 Quod Frisia tractus, quamuis est strictior orbis,
 Et plures terra continet illa modos.
 Insula multiplicis formæ est, rursusq³ palustris

Magn

Magna peninsula bians continuusq, sinus. -
luthor natura miracula grandia doctus
Explicat his pulchris Kempius ipse libris.
cuncta docet, dignuq, fide est, grauis author, & ipsa
Non aliter de illo publica fama canit.
Quod quia festinans nimium, tibi carmen amico
Non satis excoctum, post tua terga datur.
irata igitur mente hoc, Lector, fruitare labore,
Tempora & Authori lata precare. vale.
iuat & aternos clarus feliciter annos,
Eiusq, ingenij fama perennis eat.

HISTO.



Historiam de Origine, Situ, Qualitate
& Quantitate Frisiæ, rebusq; à Fris
olim præclarè gestis, per D. Cornel
um Kempium Docomiensem, variæ (vt co
ligo) lectionis virum, comprehensam, &
tres libros distinctam, quantum ex gust
quem aliquot foliis perlectis colligere, p
breuitate temporis, potui, sine fidei & rel
gionis periculo typis mandari posse cense
ego Ioannes V Valschartz Tungrensis S. T
D. ac pro tempore Theologiæ facultat
Coloniensis Decanus licet immeritus. Vti
enim & necessariū esse arbitror cum à cu
ris maioribus vacat animus, vt quisq;
variarū rerum, & potissimum
maiorum suorum suæ
que gentis historiam
nolle satagat.



DE SITV QVA
LITATE ET QVAN
TITATAE ANTIQVAE
FRISIAE EX PROBATIS
authoribus. v

CAP. I LIBRI PRIMI.

FRISIA seu Phrisia, quæ
olim proprium erat re-
gnum, per littus, Germa-
nici oceani ab Rheni ostio,
in ipsam vsq; Cimbricam
Chersonesum, quam lu-
thiam siue inferiorem Daniam vocant apud
varios authores, variis denominationibus &
appellationibus sese extendit: & est regio
præclarissima inferioris Germaniæ, inter or-
tum & occasum longissimo tractu in littore
oceani septentrionalis sita, multasque in se
continens prouincias, quas Frisij patrio no-
mine Zelandias, quasi mari proximas vocât.
Ab oriente habet Holsatiam siue mare Da-
nicum, aut vt alij volunt Balthicum, ab occi-
dente Hollandiam, & vt scribit Aeneas Sil-
uius, Traiectum inclusiue, cuius occidentale
latus claudit celeberrimum flumen Rhenus:

A quanquam

quanquam & ipsum Traiectum ab Austro, cum magna parte territorij sui videlicet Tráissulanæ regionis ad Frisiam ab antiquis téporibus spectasse constat: vt infra suo loco latius dicetur. A meridie vero habet partem Saxonia, VVestphaliæ scilicet: ab aquilone vero oceano septentrionali, siue mari germanico, clauditur. Situs eius ab ortu vsq; ad occasum, ad austrum tamen inflectendo, in immensam porrecta est longitudinem, in latere vero angusta vix iter trium dierum. Nouiomagum Frisici regni terminus est. Sed priusquam descriptionem eius regionis, aut quis ab antiquo in Frisia rerū fuit status, atq; quæ præclare in ea gesta sunt, incipiam enarrare: operæ præcipuum me facturum existimaui, ab ea, quæ antiquitus nomen sibi illud retinuit peculiare: exordium sumere, atque hoc, iuxta veterum scriptorum exempla, qui semper situm regionis prius describebant, quam ostenderent quæ in ea facta fuere. Iulius Cæsar scripturus de bello gallico, de situ galliæ primo exordium sumpsit. C. Salustius etiam in suo Iugurtino bello, Aphricam descripsit, atque in coniuratione Catalinæ similiter situm vrbis Romæ. Nos igitur Frisicæ gentis antiquissimæ historiam conscripturi, quia in septem Zelandias diuiditur, ab ea totius operis initium sumere necessarium duximus, quæ semper ab antiquis
nomen

nomen Frisïæ sibi peculiariter, reseruauit: Est autem Frisia terra plana, populosa, & colonis plena, sine montibus, armentis & gregibus opulenta, & quæ in boreali plaga Oceano adiacet, palustrisq; existit, Gleba est argillofa, ferrarum gramine exuberans, pascuis vberima, alendisq; pecoribus aptissima, vnde etiam ingentes boues, crassos atq; pingues, alit: ita vt iure quidem mirari possis, vnde proueniant tanta bouum ac ouium agmina. Nutrit præterea Frisia multos equos, quos virgis ac verberibus tractabiliore reddunt, vt suauiter incedant, studeantq; veluti dedita opera mollem facere gressum, ne infidenti molestiam vilam inferant, quos intra bimatam domant, vsq; trimatam, fossas transilire; primo exiguas ac deinde ampliores, nam postea difficilior instruuntur. Hos exoticæ mercatores emunt, atq; in terras remotas veluti naturæ miracula, vel ad circumiacentes regiones, permutatione mercium, venales exportant. Insuper & lacte, butiro caseoque abundat, propter fertilissimæ terrarum pascua, & armentorum abundantissimos greges, quamuis tamen non æquali virtute atque valore, tum propter salis varietatem, tum etiam propter fundorum differentiam, quibus multas inferioris Germaniæ partes alit & nutrit, multa que vasorum magnorum milia butiro plena, vltra mare

ad remotas vsq; regiones, (quasi aromatica
siue medicinalia forent) exportantur. In pe-
coribus omnis eorum substantia est, ager pla-
nus ac palustris multo gramine fœcundus, &
alendis pecoribus iumentisq; aptus, prata ac
campi odore herbifico, incredibili suauitate
admirandi. Nutrit militares equos fortes ac
altos, nutrit vaccas, bouesq; proceros, innu-
merabili multitudine, & quod omnium re-
rum vincit admirationem, vna vacca in Fri-
sia sæpe procreat gemellos vitulos, qui si-
sint dissimilis sexus, neuter valet ad generan-
dum, & earum vna semper, Hermaphrodi-
ta fit sterilis, atque vulgari lingua, *Een quen*,
appellatur. Et si vterq; fœtus vnus sit gene-
ris, parisque sexus, valent ambo ad generan-
dum. Nutrit præterea oues, porcos, anseres,
anates, & gallinas in magna quantitate. Bo-
ues etiam à cœtu aliorum quantum indu-
stria permittit seorsum in aliis pascuis im-
pinguant, mactandique causa segregantur:
oues in vtroque sexu propter abundantiam
lactis ac nutrimentorum plerumq; cornutæ
sunt, lanamque habent longam ac mollem,
quam bis in anno tondent, & plurimum ab
aliis differunt mollitie, quarum magnus est
ibi numerus, quia istic iam nulli inueniuntur
lupi, quamuis olim in magna multitudine
fuisse constet. Agni in tota gregis multitudine,
matrem noscunt balantem, & similiter
mater

nater agnum odore cognoscit. In summa est regio valde fertilis, animaliaq; omnis generis maiora. atq; pinguiora habet, quam sunt in aliis regionibus totius Germaniæ, nam in aliquibus locis, casei tam magni conficiuntur, ut duo valentes ac robusti viri, sex aut septem ex iis, vix ad breue spacium deferre possint, virorum tamen manu non conficiuntur, sed arte mulierum, quæ ad hoc à iuventute edoctæ sunt, neque quispiam virorum, huic operi fæminarum interesse, mereatur: etiam si hoc precib⁹ impetrare conetur. Viri vero agros colunt terramque ferro voveneri proscindunt, quum sit illa tenax valde ac argillosa; atque ita tenui aratro subducta riturant, ac rastro coæquant, bouinoq; stercore letiorem reddunt, inque eo semen condunt, atque singulari quadam industria seminant, quamvis in plerisq; locis hoc externo condimento, minime egeant, quo tamen ut latiore segetem, messemque vberiore exinde reportent, & expectationi agricolarum respondeant: equis tamen & non vobus, ut sit in aliis locis, ad voluendos voveneres, utuntur. Alibi agricultura magno labore ac sumptu exercetur, soli Frisones in ea parte, minimo sumptu, laboreque tenui fruges fertiles, adferunt, hordeum scilicet, frumentum, triticum, fabas, pisas, & prætere₂ omnium genera leguminū, quæ breui tem₂

pore crescentia, ac cum fœnore resurgentia
suos cultores maxime ditant.

CAPVT II,

Australis vero pars Frisiæ, arenosum
habet solum, magisq; frumentis feren-
dis, quam gregibus alendis, aptum
quamuis etiam paululum vberim agrico-
lis suppeditet, & nutrit præcipuè nobiles e-
quas, ad genus faciendum, ex quibus etiam
pulos equinos elegantes nutriunt. Arborib;
quoq; plusquàm borealis pars abundat, vnde
videtur quodammodo esse domicilium a-
uium siluestrium, habet enim philomelas,
vultures, pdices, turdulas, aquilas, nifos, me-
rulas, accipitres, grues, ficedulas, ciconias, ar-
deas, falcones, onocratalos, graculos, colūbas
& q; valde mirum, ceterisq; regionib; nusquàm
visum, habet monedulas virides, instar psittaci
ticorū, ob pennarum decorem, ita vt vix ab
ijs discernere queas, atq; qui nunquam antea
psittacum viderit, monedulā psittacum esse
se, iudicabit. Sunt præterea & quam plura a-
uium genera, quarum mane & vespere
tantus est conuentus, tantaq; canendi suauita-
tas, vt nihil amenius nihil voluptuosius audi-
diri, possit. Habet etiam apes in plurimis
locis mellificantes, & plurimum potest ha-
beri cōmoditatis ex terra illa, si labore ma-
geretur, pallinetur, ac stercoretur. Habet
quoque

quoque tantam omnium alimentorum messem, quæ incolis per integrum annum sufficiat, & tempore caristiæ euehitur à mercatoribus ad alias propinquiores terras, in magna abundantia, excepta tantum siligine, qua carere non possunt. Forsitan & spelta ibidem in plerisque locis cresceret, si modo aliquando seminaretur. In pluribus locis palustris hæc regio existit, in quibus effodiuntur glebæ, quæ ad solem desiccata cespites vocantur. In aliquibus etiam locis nigra quædam vel viscosa gleba effoditur, quam incolæ eius regionis patria lingua *Turf* vocant, quæ usum lignorum ad ignes fomentum, supplet. Atque huiusmodi cespites in tanta effodiuntur copia, ut ingentes naues ijs oneratae, in Hollandiam abducantur, ex quorum cespitem cineribus, in aliquibus Frisiae locis (quod auditu valde est mirabile) optimum sal conficitur. Ferunt nonnulli tempore diluuij sub Noe, illuc ex Noruegia adiecta illam terram, quod videtur aliquam veritatis similitudinem habere, nam ubi illi cespites effodiuntur, ibidem etiam inueniuntur sub terra, magnæ & antiquæ arbores, euersæ ad arenam, iacentes in magna multitudine, super quas cespitosa illa terra residet. Inueniuntur præterea intra eandem arenam, atque terram cespitosam, abietum arbores partim exustæ, quas etiam egomet

in patria mea oculis meis vidi, atq; propriis manibus contriui, sed quia vetustate erant consumptæ, speciem tantum referentes, nihil præterea erant, cum omnia mutat æui longa vetustas. præter has arbores inueniuntur etiam quercinæ, quæ postquã sunt effosæ & siccatae, pristinã retinent duritiem, neque vnquam putrescunt, modo in siccitate permaneant. Vnde pro certo constat hanc terram ante diluuium pro bona eius parte fuisse horridam, incultam, syluis ac paludibus obductam, infœcundam frugiferarumque arborum & omnis culturæ impatiẽtem, vnde & syluestris Frisia in hodiernum vsque diem nominatur, vulgari lingua, *De seuen Volden*. Et si quis priscorum nunc ab inferis resurgeret, ac oculis suis Frisiæ intima contempleretur, nunquidne multum miraretur? cum nunc tota Frisiæ terra colitur, & ferre omnibus in locis, fœcunditate agrorum eximia ornatur. Estque præterea in ea parte Frisiæ mira arborum proceritas, neque vlla loca sunt (quantumlibet etiam præseferant horrendam faciem) quæ sagacitate humani ingenij melior non sit reddita, ita vt quilibet iam facile in omnibus Frisiæ locis, sibi victum parare, queat. Mirum in modum populus vnus alteri fert opem, adducuntq; ea quæ apud se abundant, & alibi desiderantur, qualia sunt ligna ædificiis apta, cespites ad
vsum

vsum ignis necessarij, qui in magna copia
 (vti antea dictum est) euehuntur, ac pro iis
 alia sibi necessaria, comparant. Multi etiam
 in boreali parte Frisiæ in locis paludinosi
 habitantes siccato stercore boum ignes suos
 fouent, atq; cibaria sua ad huiusmodi ignes
 coquunt, cum cespitibus ac lignis careant,
 atq; abiecta pecorum stercorea nulli vsui esse
 possint, cuius tamen incendiū grauem ac fœ-
 dum facit odorē. Præter hæc quoq; nonnun-
 quam rustici vtuntur stramine, pro ignis fo-
 mento, cum ligna atq; cespites deficiant, pro-
 pter vehemens atq; horrendū frigus, ac aspe-
 riorem hyemē, nam hæc prouincia (vt antea
 diximus) non ad meridiem, sed ad Aquilo-
 nem, sita est. Nam postquā mari Oceano est
 proxima, atq; ibi sol tempore hyemali vol-
 uitur breuiori circulo, longiusque distat, ex
 quo fit, quod terra, aqua, stagna, ac alia ele-
 menta naturaliter frigida, fortius ac imma-
 nius nimio frigore cōgelantur, ita quod cur-
 ribus ac rhedis per mare congelatū, in Hol-
 landiam sæpissime itinere longissimo ac pe-
 riculosissimo transeant. Etenim tam vehe-
 menter ibi nonnunquam sunt intensa frigo-
 ra, vt quemadmodum tempore æstatis æstu-
 nimo, sic etiā frigore immenso, terra & aqua
 in hiatū discedant, ac cum ita glacies est con-
 creta, disrumpitur sæpe, & ex eo tam horren-
 dus exoritur strepitus, vt putes totā terram
 A 5 dissilire

diffilire. Et si quæ fossæ hyemis tempore
pro aqua, niuibz oppletæ existunt, con-
gelantur tamen tam immensa duritie, vt
sint peruiæ transeuntibus cum curribus, at-
que impedimentis: ita etiam vt si ignis quan-
doque ibi accendatur, obstante nimia regio-
nis frigiditate, non est ita lucidus, nec adeo
efficax in sua actione, sicuti in aliis locis vi-
detur esse. Et quamuis asperior & longior
ibi hyems sit, fruges tamen eodem tempo-
re, quo in aliis vicinis prouinciis, & matu-
rescunt & colliguntur. Adeo ibi temporum
& statutz vires mutantur, vt cum alij feruo-
re solis exestuant, solam Frisiam niues sæpe
obruant. Rursusque vbi cætera rigent, illic
intollerandus æstus existat, præterea habet
& Frisia fructus omnis generis, veluti pyra,
poma, cerasa, pruna & nuces, quamuis non
in magna admodum copia, qui fructus om-
nes plerumque circa finem mensis Augusti,
maturescunt. Immo quædam horum fru-
ctuum genera, vtpote mala aurea, & simi-
lia solo frigore accedente, circa finem Sep-
tembris, maturescunt. ob id immensa est in-
colarum voluptas, non secus quam si in pa-
radiso terrestri, consisterent, vernantibus
scilicet æstiuis tēporibus omnis generis flo-
ribus, ac virentibus pratis ac arboribus. Exo-
tici etiam fructus, ex partibus Germaniæ
apportantur, qui adeo sole excocti sunt, vt
diu

diu conseruari nequeant, quos tamen tam a-
uide rustici deuorant, vt sæpe exinde mor-
bum aliquem sibi contrahant, ac vix mortis
periculum euadant.

C A P V T III.

QVia, vero Frisia Oceano est contigua,
sæpe ob seuitiam maris in magno est
periculo, nempe quâdo ventus flat ex
media Septentrione, ac Zephiro siue Occi-
dente, quem ventum nauæ vocant Corum,
vernacula lingua *Noortvæst*. Magno tunc im-
petu cōmouetur mare, turres Ecclesiarū, ac
ædes sublimiores grauitèr quatiuntur, ac in-
terdū etiam ad terram prosterñuntur: arbuta
quoq; sæpissime ad terram radicitus euellun-
tur, ac mole integræ vi ventorum deiiciuntur
ad terram, excitantur nonnunquā tam hor-
ribiles procellæ in mari, vt etiam sæpissime,
magnæ naues vi turbinum subuehantur in
sublime, vnde etiam fit quod mare ita com-
modum atque turbatum, longe à se agat suas
procellas, ad terram vsque, quare aggeres
sæpe franguntur, fossæ inundantur, septa dif-
sipantur, omniaque obstacula, humana in-
dustria facta contra huiusmodi impetus,
destruuntur. Quam vero formidabiles, pe-
riculosi, ac noxij sint venti huiusmodi per
totam Frisiam ipsi incolæ, immo etiam alie-
nigenæ eo confluentes, non ignorant, & ma-
xime

xime ibidem habitantes, quæ magno suo incommodo, hoc sæpius experiuntur. Vt igitur huiusmodi fluct⁹ quotidiani non in terram irrumpant, vallo, ex terra argillosa confecto, omne littus cingitur, vt ita tandē eius, impetus coerceatur. Quod si vero aliquando huiusmodi impetu vallū frangatur, tum campi inundantur, sata mergūtur, homines ac pecora suffocantur, aquis obruuntur, ac nullus euadit, nisi in altiora loca confugerit. Nec hodie (saltem vniuersaliter) est dubitare, Oceani inundationem plus ytilitatis, quā damni, incolis suis inferre, ac præcipue habitantibus in locis palustribus. Nam hoc certum est, quod in quibusdā locis & maxime (vt dixi) in palustribus, huiusmodi inundationem sequitur magna fertilitas agrorum, & multarum frugum prouentus, atque hoc beneficio Oceani inundantis terram ex limo æstuantis maris. Sed in aliis locis Frisig, maxima terræ sterilitas talem inundationem sequitur, propter aquæ marinæ, omnem terræ superficiem occupantis falsuginem vel falsedinem, quæ terram, aquas tam fluuiales, quam lacustres interioris Frisig falsas efficit, vnde etiam terra primo anno penitus sterilis, & infructuosa redditur omnesq; pisces fluuiales (quorum magna diuersorum generū in lacubus, stagnis atq; fluuiis est copia) moriuntur, nisi frequentes, ac quasi con-

si continuæ aduenientes in vere, pluvie: terra atq; aqua ita assequantur pristinâ dulcedinem. Rara antiquitus fuere, in Frisia oppida, sed frequentes pagi, in quibus contiguas ædes habebant, sed ruricole omnes ita per totam Frisiam semoti ac diuersi habitant, ut unus vix ab altero acclamari possit, ædificiis, non in Germanorû morem connexis ac cohærentibus, sed suam quamque domum fossa alta circûdat, ut aduersus incursus prædonum ac nebulonum, siue etiam aduersus omnes casus ignis aut incendij, tuti esse possint. Nostra vero memoria quam multæ insignes ciuitates in Frisia, reperiuntur. Omnes communiter altis ac latis vallis ac fossatis in superabilibus circumceptæ, turribus & propugnaculis ex terra argillosa munitæ, atque plateæ ciuitatum ut plurimum silicibus constratæ: Ceterum parvæ ac paucae, vetustatem aliquam præ se ferunt, quæ omnes fere intra ducentos ab hinc annos) excepta Grōninga ac Stauria) extructæ sint, & peruenerūt ad illam, in qua adhuc hodie sunt, sublimitatem. Et dici vix potest, quantū Frisia in oppidis, castellis,, vicis, pagis, Monasteriis, nobiliumque arcibus creuerit, post tempora Caroli magni. Quantum vero attinet ad ædificiorum structuram, diuites lapidibus cemento, tegulisque lateritiis domos suas ædificant atq; operiunt, pauperes vero ex luto,
sine

sine argilla, suas domunculas faciunt, ac straminibus vel arundinibus eas tegunt. Vnde Vergilius.

Atq; humiles habitare casas & figere ceruos.

Prædia eorum quæ possident, maior pars propria sunt, pauperes vero prædia sua certa annua pensione à ditioribus conducunt, ac in iis curiosa ædificia erigere, non permittitur rusticis, sine licentia domini fundi: persoluta annua pensione sua, gloriantur nemini se quidquam debere, sui que sese iuris esse. Ex caseo, butiro, coagulatoque lacte, magnum capiunt annuatim rustici emolumentum, atque commodum, agriculturæ quoque, ac rei pecuariæ, ut plurimum student, atque pecora sua hyemali tempore in stabiliis reclusa nutriuntur à colonis, præparato ad id (æstiuo tempore) fœno.

CAPVT IIII.

Verum quæ Frisia in hac descriptione accurate describitur, ea proprium id sibi nomē vendicat antiqui ssimo titulo, ceterisque præstantior semper est habita. Occidentalis Frisia à nonnullis vocatur, patetque ab extremi Rheni ostio, ad Amasum fluvium: quamvis, verum illi nomē pro magna parte, à Rehno usque ad Fleum fluvium Hollandi abstulerint. Servant tamen Annales atque multi scriptores antiqui, illi provincie adhuc suum nomen atque honorem inesse

inesse, ita vt eam adhuc vocent communi
vocabulo Frisiam Occidentalem. In huius
Rheni ripa siue ostio, olim magna arx erat li-
mitanea. sumptuosissime à Claudio Cæsare,
ex solidis lapidibus pumiceis latine Tophis
germanice *dusffstein*. constructa, vocata arx
Romana. Vbi tyranni præsidio imposito pi-
raticam exercebant ac famosum luculentis-
simumque erexerunt telonium, in quo na-
ues vndiq; conuenientes, de omnibus mer-
cimoniis constitutum vectigal pendere te-
nebantur: sed postea Britones populariter
eandem arcem translato nomine Castrū Bri-
tanicum siue armentarium, vulgari nomine
Britenborch. nominarunt quod nomen adhuc
in hodiernum diem seruauit. Cæterū Anno
domini. 1520. fluctib; marinis hæc arx peni-
tus submersa, cui; veteris ædificij vestigia, ac
ruinæ. Anno. 520. ac denuo Anno. 1532. & po-
stremo. 1562. mari omnino defluente, ad mag-
næ rei fidem, in littore Oceani, haud procul
à vico Catvvyck nō longe ab vrbe Leydis, cō-
spectæ fuerūt, tametsi aliqui lapides fusi, & à
gurgitib; translati fuere. Siquidē antiquitus,
Rhenus per Traiectū versus ciuitatē Leyden-
sem, ac deinde Catvvyck in Oceanū deflue-
re solebat, vbi tēpestatis vi, colles ac montes
arenosi, aluiū Rheni, ita tēporis successu ob-
struxerunt, vt hodie ostiū eius inueniri non
possit. In qua Frisix parte, duplices populi,
Eufactor

Bus factori parui scilicet & maiores habitant
 in quorum terminis, quam multæ ditiones
 diuersis nominib⁹ sitæ sunt, ut pote Kermer-
 lādia. VVaterlandia. Amstelandia. Goierlan-
 dia. Ooltergoia, VVestergoia, Septem syluæ
 Stellingvverffia. Schotervverffia. Opsterlan-
 dia. Smalgerlandia. Tungeradela. Octo Pa-
 rochiæ. Homsterlandia. VVredevvolda
 Langevvolda. Honfingha. Fymelinga. Meda-
 gora. Oldeampta. Billinvvolda. Flachvved-
 da. Phedargha, hoc est Reiderlandt & Gron-
 ninga vrbs inclita, cum Drenthia, & circum-
 iacenti territorio scilicet, Goe atq; VVolde:
 pecore ac pascuis exuberantes & pagis Eccle-
 siis nobilium arcibus, ædificiis, plusquā alia
 quædam regio, exulta. Vbiq; fertiles, aquis
 irrigues stagnis abundantes, nauibus peruicæ
 agris opulentæ. Quæ omnes ditiones sibi no-
 men Frisiæ semper peculiare retinuerunt,
 ac Frisonici iuris esse voluerunt. Huius Fri-
 siæ incolas, Aeneas Siluius, Iacobus Carmeli-
 tanus, Tacitus, Merlianus. Hermolaus Bar-
 barus. Ptolomeus Plinius. libr. 4. cap. 17. na-
 turalis historiæ Frisiabones, vocant. Est au-
 tem hæc prouincia iam optime exulta, ciui-
 tatibus, oppidis, pagis, arcibus ac vicis: nec vl-
 lus in ea est locus vacuus ac incultus, nisi quæ
 stagna aut lacus occupant. In multis etiam
 partibus, perspicuos habet lacus piscosos,
 magnos quidē sed vtilēs. quos pro sui mag-
 nitudi-

nitudine, ac piscium multitudine, patrio nomine Maria, vocant. Cui Frisię parti antiquitus latiori termino Transissulana regio, cum Tuentha iungebatur, & teste ptolomæo, vno nomine vocati sunt Busfactori. Quarum vltimæ tres ditiones, superius nominatæ ad Occidentem Amasi, videlicet, ad Fymlingam, Husingam, & Phædargam, ante ducetos fere annos inundatione maris, perierunt 36 pagi, vnde ex hoc fere illa terra speciem maris præbet ex aquarum pondere super terram cespitosam, residente patrio nomine nuncupatur. *Dollart.* ex Oceano singulis diebus bis fluente, in Amasum, & refluxente, vt procul spectantibus mare esse videatur. Quod mare etiam ad meridiem, & occasum, intra pagum Finstervvoldā in duas partes scinditur pluresque insulas facit.

C A P V T V.

ET quamuis hæc regio feris (propter sylvarum defectum) careat animalibus, tamen delitiosos ac opulentos quidem delectat inquilinos (pronidente omnium conditore & largitore deo) propter auium volucrumque, tam campestrium quam fluuiialium genera, quarum tum ouium etiam carnibus lautissime pascuntur. Cibatu Frisij duro & inconcinno vtuntur, laridum, carnes fumo exsiccatæ, butyrum salsum, & caseus illi genti peculiaris

B**culiaris**

culiaris suus est cibus, panem mediocre
rustici conficiunt ex Hordeo, præter eum qui
fit ex siligine ac tritico, quem ita nouerunt
purgare, ut colore, sapore, ac sanitate exupe-
ret frumenti seu siliginis bonitatem: ex cu-
ius esu, tantum roboris ac virium obtinent,
ut vix gens aliqua fortior sub sole, repe-
riatur. Parant quoque multas salitas & exsic-
catas carnes, præcipue ex pinguioribus, bo-
bus ac ouibus, easque non aëre, sed fumo cespiti-
um indurant, & delectantur huiusmodi car-
nibus ouinis plurimum exteræ nationes, qui-
bus audius vescuntur incolæ, quam recen-
ter mactatis, idque præsertim tempore æsta-
tis. Et ut de anatibus, anseribus, & aliarum
auium generibus, quarum in Frisia vix est
numerus, quanquam & aliis in prouinciis
forte, (et si non in tanta multitudine) huius-
modi etiam inueniantur. Cygnorum tanta
est multitudo, ut non tantum nobiles, ac de-
licati (quorum vsui proprie competere vi-
detur) sed & mediocres, agrestesque homines
ad saturitatem iis vescantur: & ut habet carnem
suauem, plumasque molles & albas, ita tamen
carnes habet nigras, atque in alis suis magnam
fortitudinem, præterea in lacubus & stagnis
degunt, & quasi peculiare, & naturale sibi so-
lum, Frisiam elegerunt, nec credo usquam
terrarum reperiri, ubi cygni tam frequentes
sint, ac generentur, atque in Frisia. Cum vero
vehemen-

vehementia frigoris fuerint superati, tum
attollunt sese in sublimē, vastumq; mare, ve-
luti vnicū præsidiū, pro securissima sta-
tione petunt, mitigato vero tempore, rede-
unt ad pristinas suas aquas: vnde etiam rusti-
cis omnibus in illis partibus habitantibus o-
pulentus aduenit questus. Qui vero nedum
illius terrę incolis ad vsum domesticum suf-
ficiuntur, etiam ad alias terras vltamarinas
in Hollandiam scilicet, magnis copiis ex-
portantur, abundant enim sic auibus, vt ve-
natione vel aucupio rusticis interdicere,
valde insolens videatur. Nec plebei homi-
nes minus, quam nobiles, leporibus, turdis,
perdicibus, cygnis, anatibus, anseribus, atque
id genus auibus, vescuntur. Hoc de Frisiis
dixisse diuī Cæsarem crediderim, quū
quarto libro belli gallici scriptum relique-
rit. Rhenus (inquit) vbi Oceano appropin-
quat, in plures defluit partes, multis ingen-
tibus insulis effectis, quarum magna pars, a
feris barbarisq; nationibus incolitur, ex qui-
bus sunt qui piscibus, omniumque auium
genere viuere existimantur. hæc ille: præter
hæc omnia, & quamplura Frisia fert victui
hominum vtilia, quæ hic singulatim profe-
qui longum esset. Et profecto cōstat Frisios
nonnullos in insulis habitare, vt patet de
occidentali Frisia, ad Occidentem Fleui flu-
minis in VWaterlandia, sita: quam Rhe-
ni etiam

ni etiam insulam in multis locis nemo dubitat in præsentem vsque diem anare, cuius enim superficies, in multis partibus, tenere vestita gramine ac frutice, non modo modice calcantes absorbet, sed & vestigia hominum vix admittit. Nam limo funditus subsidente, homines in luteas voragines attrahit, & cum ab aliis leuantur, trahunt magis adiuuantes, quam sequuntur, accedente præcipue asperrima hyeme, cum frequentes pluuiæ, illam paludinosam terram irrigant: vbi etiam magna atq; curiosa ædificia in altum erigere (ob instabile solum) non possunt, nam vbi fundamenta poni vel iaci debeant, ibi mox in magna quantitate, aquæ scaturiunt. Pauperiores, ac magis tenues incolæ piscationi, aucupio, & aliarum campestrium auium acquisitioni operam dantes, sibi quæstum magnū, ac ditioribus voluptatibus, procurant. Varium ac multiplex piscium genus affatim Oceanus illis præbet, vsui non tantum eius regionis incolis, sed & exteris quoque nationibus, ad quas saliti, deferuntur.

CAPVT VI.

IN summa Frisia regio est pulcherrima, populosa, & totius mundi fertilissima, tantaque soli vberas, vt ducentena vulgo, & vbi eximie ferax est, trecentena messe redundet.

det tellus: in qua grana singula frumenti binas, quandoque trinas pluresue spicas, proferunt: quarum culmi tam dense accrescunt, vt nec æqui facile pertransire, nec coturnices inde auolare possint. Omnesq; (vt breuiter dicam) in se habet commoditates, quas vnquã mortales, à superis possent impetrare ac obtinere. Habet etiam passim portus tutos, & aditus marinis aquis peruios, lacus, paludes, fluuios piscibus longe plenissimos, ita quod in Frisia, vbi aqua, ibi & pisces: neq; piscinæ & fodinæ pro aquis & impiscationibus tamquam inutiles illic non fiunt. Habet namq; quatuor amplissima, veterumq; scriptis notissima flumina, quæ per Frisiam in Oceanum delabuntur: Albim, videlicet, Visurgum, Amasum, & Fleuum, atque antiquitus iuxta Ptolomeum libr. 2. geographiæ, portû & arcem Manarmanem, atq; Lauicam fluuiû vulgari lingua, de *Lauuers*. qorum os nunc per tempestuosum maris æstum mole arenarum præclusum, atq; iam incognitum. Quamuis Occidentalis Frisia adhuc alijs prægrandibus irrigatur aranibus piscosis, prædictis non multum minoribus, videlicet, Hula, Cunera, Borna, & Vechto, qui à Couerdia in Vidrum, singulari industria ducti, post multas ambages, tandem omnes in mari mediterraneo, exonerantur. Oritur autem Vidrus in antiqua Saxonia seu VVest-

B 3

phalia,

phalia, & perfluens vsq; ad austrum Hardenbergiæ, æstatis tēpore tam aquis destituitur, vt nullo periculo, facile quis eum pedes transuadare possit, ceterum hyberno tempore aquarum multitudine redundans, oppidum Zvvollam alluit, ac deinde exonatur in Oceanum. Tanta est ibi in aquis & fluuiis anserum copia, vt fere cunctas aquas cooperire, videantur; nō enim eas aucupes exturbant, nam grossiores habēt carnes, quam quæ ex siluestri venatione, capiuntur. Sunt fere omnes coloris cinericij, quidam vero candidi, habentes nigerrimas pennas, in extremitatibus alarum, ac in magna multitudine Couordiam, ad publicas nundinas venales portantur, atque etiam ad alias regiones deferuntur. In Issula vero, copiosa est piscatio, neq; vlla amnis pars peruiam vadi copiam dat, ita vt in aliquibus locis decem vel duodecim vnus retis tractu Salmones sepiissime, capiantur ac vix in tota Europa vberior Salmonum piscatura reperitur, siquidem in tanto numero ibi Salmones aliquando capiuntur, vt etiam sepe fortissima quæq; retia tantam multitudinem non ferentia, rumpantur. Inueniuntur præterea aliæ variæ & multæ species pisciū, præsertim carpionū, luperum, & capitonū miræ magnitudinis, & pinguedinis, neq; ingrato sapore, pisces etiā salmones meliores sunt, & in maiori prætio, qui

qui in Isula capiuntur quā in aliis fluuiis, imo tanto nobiliores, quāto in eo diutius fuerūt, suntque etiam ibidem multæ aues, quæ piscibus insidiatur, veluti ardea, mergus, & quedam species anatum. Amasus vero est fluuius, in quo (teste Strabone lib. 1. ac Ptolomeo. lib. 2, cap. 14.) Drusus germanicus priuignus Octauiani Augusti, nauali prælio superauit Bructeros, qui iam sunt, & vocatur Broockmerlandij in orientali Frisia Et vocatur à Strabon. Amasia, vel per aspirationē Hama-sia, à Ptolomeo Amasus. Bocatius vero Amasim vocat eundem fluuium, atque descendit de monte Melibeto apud Padebornam, vbi haud procul à ciuitate Meppis, cum Haza fluuiio coniungitur, sed non ita aquis ibi abundat, vt oneratas naues bene ferre queat, ac per Frisiam defluens pro tanta aquarum magnitudine non admodum copiosa est in ea piscatio, vtpote qui præter viles, ac vulgares pisces, nullos alios habeat. Præterea habet & Orientalis Frisia, alia prægrandia flumina piscosa, alternis motibus quotidie, modo in Oceanū refluentia, videlicet, Iada. Hondt & Eydora, Amaso non multum minora. Rerum itaq; omniū copiā ad victū necessaria, vsuiq; humano accommodā, vbertate soli, Frisia suis cultoribus cumulatissime producit; ministratque etiam multis aliis terris cibum, per circuitū sitis, vt vix vlli prouinciæ

totius Europæ cedat, vel amenitate loci & situs, vel celi salubritate, vel terræ fecunditate, vel aliarum rerum quarumlibet vitæ degendæ conducibilium, aut ad splendorem ac luxum pertinentium vbertate, exceptis oleo atq; vino, quæ propter frigiditatem ibidem non crescunt. Exprimitur tamen ibidem oleum ex semine lini, ac raparum, quamuis tamen iis non vescuntur, ob rarum olei usum, atque abundantiam butiri, quare propter dissuetudinem eis iniucundum videtur oleum, eiusque usus.

CAPVT VII.

ET quamquam Frisij vetustissimi sint populi, atq; per tot annos nomen suum inuariatum retinuerint, tamē inueniuntur eisdem à quibusdam (vt antea dictū est) appellari Bulactores, Cauchos, & Gruines, à quodam Troiani generis duce, à quo & Metropoli in Frisiæ Groningā, nomē accepisse, nonnulli asserunt. De hoc populo Aeneas Silvius, qui postea adeptus Papatum, pius Papa secundus dictus est, in Europa sua in hunc scribit modum. Gens Frisiorū ferox, armis exercitata, robusta & proceri corporis, securi & intrepidi animi, liberā se esse gloriantur, suis vtens moribus, exteris nec parere sustinet, nec dominari cupit. Haud inuitus Friso pro libertate mortem appetit, sublimem virum

rum qui se cæteris præfert, non ferunt. Magistratus annuos eligunt, qui Rempub. equo iure disponant, fæminarum impudicitiam seuerius puniunt. Sacerdotes ne alia cubilia polluant, sine coniuge non facile admittūt. Vix enim cōtinere hominem posse, & supra naturam arbitrantur, in pecoribus omnis eorum substātia est, ager planus & pālustris, multo gramine fœcundus, ligno caret, bituminoso cespite, & sicco stercore boū ignem fouent: hæc Siluius. Scribunt etiam de Frisonibus aliqui graues ac magni nominis auctores, quod fuerunt seruitutis impatientes, libertatisque amatores, mortemque pro ea appetere. Certe Frisones patres nostri tributorum nomen horrebant, gladium & aratrum, bellum & pacem, mortem & vitam in æquo pro libertate ponebant; ita vt in commune prouerbiū abierit apud omnes, Frisones non verbis ac voce, sed ictibus contendere, ac pro vna voce tres ictus refundere. Ita quod ille Mantuani versus iis merito ascribi possint.

Gens durata gelu, gens insuperabilis armis.

Maxima enim antiquitus gaudebant libertate, neq; superiores Dominos habebant alios, nisi primarios viros iudices, qui singularia obtinebant plebiscita, & iura municipalia, in qualibet pertegentis, qui per pagos vicosque ius reddebant, ac per omnem pro-

B 5 uinciam-

uinciam publicę vtilitati inferuiebant, con-
 sulentes in medium de reb⁹ gerendis. Erant
 autem Frisones in diuersos ac multos popu-
 los (vti dictum est) per totam ipsam Frisiam
 diuisi, qui singuli suos mores habebant, ve-
 etiam in lingua Frisonica, vel in vestib⁹ qui-
 bus mulieres & viri erant discretę, sicut &
 hodierno die in partibus Frisicę, apparet.
 Omnes pecunię pœnales, quę aut pro ho-
 micidiis, aut pro adulteriis, aut aliis enor-
 mibus & magnis delictis extorquebantur, ad
 communem populi Frisonici deponebātur
 vtilitatem, atque si quis eos insolitis velle
 onerare tributis, citius vitam, quam vel v-
 num teruncium (iis inuitis) extorqueret
 nisi forsitan sponte, et vltro allecti, aliquic
 præstare, voluerint. Ita enim illorū magna
 nimitas duci, non autem cogi, poterat. Qui-
 libet etiam Iudex, pro parte sua, propriam
 ac ascriptam pecuniam, pro administratio-
 ne Reipublicę accipiebat, leges paucas, im-
 mo fere nullas habebant, & plus apud illos
 boni mores, quam alibi leges valebant: Cæ-
 terum crescente per ætatem in Frisia ciuili-
 tate, creuit etiam legum obseruantia, vt re-
 cte de iis quis exclamare possit.

Legibus antiquis, stat res Frisona, virisq̃,

*Illudq̃; imprimis curę habebant, vt apud
 bonos plus iustitię iura, quā opes valerent.
 Hodie vero nostro sæculo, apud Frisones*

non

non tam vetustate ipsa (alia quidem in locis aliis mutata) quam pecuniæ studio, ple-
raque deprauata, vitiataque cernuntur, &
omnes priscae libertatis leges, sunt mutatae,
ac seruitute magna affliguntur atque infini-
tis exactiõibus expilantur.

CAPVT VIII.

ESt insuper hæc regio tam palustris, &
paludinea, stagnisque plena, vt hostis
nihil in ea perficere possit, nisi æstas nimis fue-
rit sicca, & certâ eligat oppugnandi rationem,
aut per brumã in glacie, firmatis castris, expe-
ditio in ea fiat. Autumni enim aquosa tẽpo-
ra immeabilem faciunt terrã, vnde ppter pa-
lustria loca, & crebras vndas, nõ potest facile
expugnari. Immo & quãplurima loca adeo
inuia sunt, atq; cenosa, vt vix in algidissima
hyeme congelari videantur, vt etiam pedi-
tem leuiter gradientem non sufferant quan-
to minus equi ad illa loca possent accedere,
nisi in medio hyemis, quãdo scilicet omnia
rigent frigore, glacieq; constricta sunt. Hen-
ricus Leo Dux Saxoniae, An. 1155. pulsus Ba-
uaria, Frisiã hostili agmine inuasit. sed parũ
profecit in locis palustribus, in quibus nihil
erat loci, copiis equestribus, quæ res facit ho-
mines taliũ regionũ insolentiores. Hæc terra
priusquã in prouincias redigeretur, à ppris
Regibus

Regibus est administrata, prout infra paulo dilucidius congruo loco explicabimus. Terra ipsa ferri est inops, & fossis altis vnde quaque dissecta, vnde accidit vt Frisij olim raro vterentur in praelio gladiis, sed longiori hasta, quam ipsimet patrio nomine *ecce Friesche schoet*; vocant, breui cuspidē præferato: & in ea inferius bifurcatum telum, siue nodum, quo terga dando (si ratio aut necessitas id poscat) per fossam ocissime transsilire, seque recipere, & fugam simulare, & cominus inde reuersi aut eminus iterum dimicare, possint. Equi nec forma, nec velocitate conspicui, nec ingyrum vti Italici equi, sed recto tantum conatu, agebantur. Exercitum vero is ducebat, qui præcipua virtute præstaret, quique magis exemplo, quam imperio polleret. In summa plus viriū quam consiliorum in bello ferebāt, existimabantq; plus robori penes pedites esse, eoque mixti in turba prælibantur, ac hostem primo impetu audacissimo aggrediebantur. In bello feroces sunt, & inedia, vigilia, algoris patientissimi, forma decenti, sed cultu negligentiori, atque ab ineunte ætate corpora laboribus exercere, armaque tractare, solebant. Neq; vsquam progrediebantur viri absque armis, sed gladio ad omnem temporis fortunam erant præcincti. Arma erant illis vt plurimum arcu pedalis, & sagittæ cum ense admodum prælongo.

longo, à dextero latere, inferius parum cur-
uato, in modum fere Turcarum *Sabulorum*,
ex vna tantum parte acuto: quem gladium
sua lingua Frisica appellabant, *Een ffryschen
laggen ofle een ffryschen korden*. Artem quoque
sagittandi, præcipue cum balistis, omni tem-
pore, loco & occasione, prosequébatur: nam
à primeua ætate parentes solliciti, filios suos
instruebant, quomodo illi balistas, siue pe-
dales arcus tenerent, eleuaret, deprimerent,
vel aptarent in telis excutiendis. Atque tem-
pore belli, ex omni iuuentute, delectos atq;
rebofissimos ante aciem collocabant, liberi
coniuges parentes, sanctissimi pugnae futurae
testes, adhibebantur in præliis, in quorum
conspectu, aut gloriose vincere, aut cū laude
cadere, decorum erat. Ad matres, atque ad
vxores vulnerati deferebantur, neque illæ
numerare & irrigare plagas, formidabant.
nullum plane foemineæ mollitiei inditium
aut signum præbentes. Nullas mæstas depro-
mebant voces, non lachrimas, non gemitus,
non eiulatus emittebant, sed pro communi
patriæ causa, cæsos fœlices beatosque appel-
labant, gaudebantque quod non domi inter
coniugum filiorum lamentationes obierint,
sed foris in bello, inter hostium fremitus,
hastarumque fragorem atque strepitum. Ne-
que defuit veteribus Frisiis memoria præ-
clarissimorum factorum, quin & humi so-
lebant

lebant recondere statuas lapidum excisorum, ubi quid præclare factum ab illis, constabat. Conspicui colles fidem visentibus præbent. Equidem adhuc hodie plurimis in locis Drenthiæ cernuntur mira compagine immensa saxa oblonga, in modum ianuæ alicuius sursum transuersumque, viribus quasi gigantum, peraltissime erecta, & superius structa, præsertim duobus miliaribus à ciuitate Groninga ad pagum Rolde proficiscendo & prope Anloe vulgari lingua nuncupata *duyffelskutte*, huiusmodi videntur, quibus curiosus indagator procul dubio edocebitur, propter præclara maiorum suorum facta ac prælia, ibidem commissa, fuisse atque essetalia ingentia saxa erecta. Quo in loco Drusum Imperatorem Romanum sua castra olim constituisse, & à FRISIIS pulsum, proditum memoriæ est, de quo execrationis vocabulum prodiit, vt in detestationem rei pessimæ vulgus dicat, *dat dy die drues*. Fertur etiam relatione fide dignorum, mulierculas FRISONICAS belligeraturas, cum viris suis prodiisse, ac inclinatam iam aciem atque labentem, aliquando illarum hortatu, restitutam: Quippe non solum mutua exhortatione sese fouebant, sed & viros ipsos ad arma capiendâ, inflammabant. Hinc multi credunt ali-

quid

quid sancti prouidique fæminis inesse eamque consilia propterea non esse aspernanda. Fama, per manus tradita, à nostris maioribus ad nos peruenit, oppidum Leouardiam Frisiæ Occidentalis, olim in die Simonis & Iudæ à mulieribus (viris deficientibus) defensam: atque dum res in exitum ciuitatis ageretur, neglecta sexus fragilitate, virili audacia, arma repente corripuisse, & incredibile animorum fortitudine, mœnia conscendisse, tantoque impetu in hostes irruisse, vt ipse tandem multo pudore affecti, & confusi, fugam capere, compellerentur, atque ita tandem hostibus repulsis, recuperatam fuisse ciuitatem, quarum rem annua memoria apud Leouardienses neco tempore perdurauit Sed hæc traditi magis fama quam cognita referuntur, non enim habentur in vllis annalibus, quamuis tamen multa sunt, hic & vbiq; errarum gesta, ac facta quæ apud Historiographos non inueniuntur, quare fidem arbititer penset.

C A P V T IX.

FRisones non indigenas (vt quidam volunt) sed aduenas esse, sicut cæteras omnes Germaniæ nationes, nulli hominum est dubi-

dubium, sed à quibus exorti; aut vnde egredi
 fi, quoue tempore ad hanc, quam nunc incolunt
 terram, venerunt: ad liquidum reperire non potui.
 Itaque ad primam eius originem recurrere, non solum mihi, sed & fortasse
 aliis doctioribus impossibile foret. Vellem itaq;
 hanc scribendi prouinciam in alterius cuiuspiam
 humeros potius, quàm in meo impositam fuisse,
 quum fortasse multi inueniantur, quibus hæc mea
 scripta non satis placebunt. Sed huiusmodi ob-
 trectatores non curo, nisi meliora dederint mihi
 satis est, etiam si non omnibus, vt saltem placeam
 Frisii conterraneis meis, in quorum gratiam hæc
 conscripsi, nemo enim vnquam omnibus placuit.
 Ceterum ego ita ab adolescentia mea sum in-
 structus, atque etiam in annalibus Frisæ simi-
 liter inueni, originem Frisiorum, Saxonum, &
 Brunsvicensium à tribus fratribus, scilicet
 Frisone, Saxone, atque Brunone descendisse,
 eosq; fratres vno eodemque tempore, ad has
 quas nunc incolunt terras, peruenisse: vbi acceperunt
 singuli possessionem vacuum, in quibus veluti
 aduenæ habitabant, ac suis hæredibus perpetuo
 habitandas, tradiderunt. Saxo ad terram in qua
 nunc Staden & Bardevvyck est sita, declinauit:
 atq; ibidem paulatim accrescendo, gentem
 constituit Saxonicam, quæ & postea si-
 dicta est, & in hodiernum diem perdurat.

Bruno

Bruno vero, circa Vefaram fluuium primo habitare cœpit, vbi etiam castrum magnum scilicet Brunsvvick, fundauit, & creuit in gentem magnam. Friso vero occupauit insulas inferiores, à quo Frisonica gens, cum terra sua, nomen ac originem fertur traxisse. Ab ea ergo memoria, sumendum est principium scribendi Publica fides patrię historiæ habet, hos prædictos fratres profectos ex Insula quadam Indiæ nomine Frisa, ac longa nauium profectio, ad has nostras terras, eodem tempore peruenisse. Sunt etiam, qui Frisiam habere appellationem scribunt à Frisone Clodij regis Francorū filio, quemadmodum Iohānes Trithemius Abbas Spanhemensis ex Hunibaldo probat, ad has, quas nunc incolunt terras venisse, quum tamen Saxonum ac Frisonum Cronica, de gente à qua exordium sumpserunt, non parum discrepare, videntur. Si enim de suo ortu Chronica Frisonum (omissis aliis) tantum loquerentur, non multo labore opus esset, cum satis multa de his & similibus, apud Frisios loquuntur ac habentur. Nunc verò cum de aliis etiā, (à quibus tamen discrepare non nihil videntur) mentionem faciant, necessariū videtur, aut vnus gētis Chronica, (scriptis aliis omnibus) sequi, aut saltem diuersa concordare, atq; ad vnum veritatis stylum, redigere. Quod scilicet facere, sicuti primū

C

est

est valde temerarium, ita alterū laboriosum nimis videtur. Ponā igitur pro captu mei ingenii aliqua certa, quæ tam apud Saxones quàm Frisones de his, in Annalibus eorum, referuantur, & ad manus meas peruenerunt: Atque vbi diuersa concordare nequiuero, lectoris iudicio relinquam, vt quam voluerit partem, sequatur: quare etiam hanc protestationem primo præmittere volui. De ortu Frisorum, duæ inueniuntur editiones apud Frisios, patrio sermone conscriptæ, nō tamen omnino inter sese cōcordes, quarum singulas hic ponere curabo. Vna dicit quod temporibus beati Apostoli Thomæ, quum scilicet is Indiam ad fidem Iesu Christi conuertisset, tres fratres Brunonem, Saxonem, atque Frisonem propter eorum excessus atque delicta, ab India, cum tota eorum progenie fuisse relegatos atque proscriptos. Quorum fratrum nouissimus scilicet Friso, cum suis cœpit Frisiam incolere, atque à se Frisiam denominare. Altera vero editio, de origine ac ortu Frisonum, haberi videtur in speculo Saxonum, libro 3. cap. 43. vbi dicitur, quod in exercitu Alexandri Magni, fuerunt multi milites, cum rege vel principe Sicilia, qui præfatum Alexandrum iuuabant. Victo igitur Dario rege Persarum, subiugauere totam deinde Orientem, qui que post immaturam mortem Alexandri, non audē-
res in

tes in Asia remanere, (quia ibi omnibus odiosi erant) impleuerunt de rapinis & spoliis, quæ acceperant, trecentas biremes, atque quærendarum sedium causa, pergebant versus Europam, quæ naues omnes propter imperitiâ artis nauticæ in mari submersæ sunt, exceptis tantum quadraginta quatuor, ex quibus octodecim venerunt in Prussia, quæ tum erat terra inculta, & manserunt ibidem. Duodecim vero, terrâ Rugiorum occupaere, ex quibus orti sunt Thitmarschi, Holsterni, & Hadalarinij: sed viginti quatuor ex iis, receperunt se in Saxoniam, qui quæ (expulsis inde Turingis) possiderunt eam, hæc ibi. Cum autem Thitmaria sit ab antiquis temporibus pro Frisia habita, cum Hadalaria eos, qui hic memorantur cum Saxonibus de exercitu Alexandri Magni venisse, cõstet, profecto eosdem de eadem gente ortos fuisse apparet, atque paulo post mortem Alexandri, ad has quas nunc incolunt terras, peruenisse. Atque hæc contigerunt, circiter annos 400. & alia computatione quingetos, ante Christi saluatoris nostri incarnationẽ.

C A P V T X.

DE VVestphalia vero, quod illa sit eadẽ gens cum Saxonib⁹, nulli dubium est, nam & hoc eorum mores ac lingua indicant, Huic assertioni, etiam alludit Venerabilis

rabilis Beda, in suo Martyrologio; Et præterea etiam quidam vocāt VVestphalos, antiquos Frisones. Et Frisij in Chronicis antiquis vocantur sæpe inferiores Saxones, vt patet manifestè ex Chronica Traiectensi, atque similiter ex Chronica Hollandiæ. Hoc itidem testatur Bartholomeus Anglicus, in libro de proprietatibus rerum, dicens. quod incolæ Frisiæ vocantur Saxones. Et sic antiquitus tam VVestphalia, quam Frisia solet vocari Saxonia, sortasse à fratre Saxone. Et quamuis hæ gētes, tam autoritate speculi Saxonum, quam traditione Frisonum, (vt supra satis patuit) ex Asia venisse, dicantur: non tamen clarè potui inuenire, ex qua parte Asiæ, aut ex qua prouincia aut Insula, eiusdē Asiæ, deuerint. Is enim libellus de ortu Frisicæ gētis intitulatus, patrioq̃ue sermone conscriptus, dicit hos tres fratres, ex quadam Insula nomine Frisa, cum omni sua cognatione, & familia fuisse expulsos, atque nauigiis, ad has quas nunc incolunt terras, peruenisse: quæ verba volunt probare, gētis Frisonicæ principia ex India manasse, non tamē dicunt inde originem traxisse: ideo pulchre alludūt prædictæ opinioni, quod scilicet fuerunt de exercitu Alexandri Magni, vt nihilominus ex Asia, Græciæ magis contigua, descenderint. Credendum certe est, Alexandrum in omnibus prouinciis ac regnis iam deuictis, strenuos

nuos quoque ac potentes viros, quos in suo exercitu, longo vsu sibi fideles comproba- uit, ipso recedente, pro custodia ac præsidio, ubiq; reliquisse, vt ita populum nouiter de- uictum ac subditum à rebellionē (quæ facile oriri solet) compesceret: atque etiam inter hos, tres prædictos fratres, cum eorum ami- cis, vni, aut pluribus Indiæ regionibus præ- fecisse, quique (mortuo rege Alexādro) ex- pulsi ab Indianis rebellantibus (vt plerumq; contingere solet) quum iterum in Asiam ad suos rediissent, eisq; etiam, eo quod parti Alexandri, qui Græcus erat nimium studu- issent, odiosi fuissent effecti. Quare inde etiā ascensis nauibus, fluctibus atque vento sese committentes, vt nouas ac tutas sibi acqui- rerent sedes, ad has venerunt terras. Et sic v- traque editio de quibus prædiximus, potest esse vera, quarum vna asserit ex Asia altera ex India ad Asiam venisse, & sic confestim ex Asia soluentes, versus Europam nauigasse. Quamuis Kranthius hoc anile inuentum ac penitus somnium esse, dicat: Neque præsu- mendum est, quod principes Alexandri, co- pias militares dimiserunt, cum inter sese ci- uilibus bellis de principatu contendebant, & ob id militares copias in precio habuisse, vt vel sic tandem omnibus Indianis terrori atque formidini essent.

NEc necesse est dicere, Frisios esse Græcam sobolem, propterea quod de exercitu Alexandri Magni venisse, narrantur, vt vult pius Papa: nam si Græci fuissent, vtique in pace in patria sua Græcia scilicet, mansissent, neque (vt ęstimo) suis odiosi fuissent, propter Alexandrum, cum & ipse Græcus fuerat. Cæterum Alexandrum, deuicta Asia, sumpsisse ex ea milites, & duces auxiliares, facile crediderim, inter quos, & ipsi tres fratres, cum sua familia forte fuerunt, & quia nimia pertinacia, ac fauore adiuerunt & defenderunt Alexandri partes, ideo post mortem eius, etiam suis inuisi, odiosi que effecti. Simile quippe Iulius Cæsar, Titus Liuius, Suetonius, Cornelius Tacitus, ceterique clarissimi authores Romanos sæpe fecisse narrant, qui cum totum orbem terrarum vrbi Romæ subiecerint, de extremis Hispaniarum Galliarumque finibus, nouas sibi legiones auxiliares, postquã deuicti atque subiecti fuissent, semper conscripserunt. Et alia editio, quę de origine Frisonum conscripta habetur, non multum ab his, quę dicta sunt, discrepat, dicit namque decem naues ex Asia versus Europam, vt sibi tandem nouas quærerent sedes, emissas: atque post multa maris pericula ad Hiberniæ insulam primum

primum applicuisse, ibiq; donatione Regis, accepto terræ inhabitationis loco, ad litus Oceani, tres mansisse naues, reliquas autem septem vltius nauigantes, donec ad ostium Amasi fluuij, vbi Oceano influit, peruenirent, quem ingressi, viderunt terram in vtraq; fluminis ora pinguem ac fructiferam, habitatores vero paucos, aut nullos. Quare nauibus isti omnes egressi terram illam possiderunt, eamq; coluerunt: successuque temporis multiplicati, terminos suos dilatauerunt, expulsis inde (si qui modo fuerunt) terræ habitatoribus, atq; vicinis: Atque ita deinceps omnem terram Frisicam, in septem prouincias, aut vt melius patrio more loquar, Zelandias, diuiserunt. Atque hæc quidem discretus ac beneuolus lector facile cum superioribus concordare potest, quamuis certe, illa omnia nobis incerta sint, atq; penuria, incuriaque temporum ac scriptorum non satis relictæ, inhilominus hæc quæ præscripta sunt, scrutanda atque trutinanda relinquo discretioni legentium, vt quidquid ipsemet velit, ei que verum esse videatur, sequatur. Cum aliud præterea nihil de origine gentis Frisonicæ, tam apud Frisios ipsos, quàm apud Saxones, quod certum atque verum sit, inuenire potui.

NVnc prætereundum non videtur, neque à proposita historia alienum esse opinionem quorundam Historiographorum, referre, dicentiū Frisones post captam Ierosolymam à Iudæis tunc diuenditis, atque per orbem terrarum dispersis, sumpsisse exordium: inter quos inuenio Venerabilem patrem Regnerum Chartusianum, ciuitatis Colonienſis, virum sane præ ceteris omnibus de hac materia ſcribentibus doctrina ac eloquentia inſignem, qui profecto perquam elegantem tractatum, de origine, laude, ac illuſtribus viris gentis Friſoniç duobus doctoribus Gronnigenſibus, ſcilicet D. Hermanno Eeldervvolt, ſacræ Theologiæ profeſſori, ac Eccleſiæ beatæ Marię virginis paſtori, ac Magiſtro Iacobo Spyk de Colonia medicinæ Doctori, dedicauit. In quo tractatu de origine Friſonum, ſic incipit: Rerum tranſeuntium (inquit) poſtulat ordo, vt ipſam originem Friſonū, quantum poſſibilitas adminiſtrat, perquiramus, ne omnia quaſi ex inſufficienti inchoaſſe, videamur: partem quidem in libris legendo didici, quod Anno domini 77. tempore Veſpaniani Imperatoris, duę gentes in orbe ſpectabiles, valde humiliatę & afflicte fuerunt: Prima erat Hebraica, & ſecunda erat Picta-

Pictauica. Et postquam causam atque ordinem afflictionis & destructionis prædictarum gentium ad longum supradictus author posuit, ad nostrum propositum sic subiungit. Quum igitur miseranda clades Hebraicam gentem sic attriuisset, Titus misericordia motus, duas phalanges neci subtraxit, & eis regiones inhabitabiles in Alemania tradidit præcipiens ne alibi moraretur, aut alicui populo qualiscumq; linguæ aut nationis iungerentur. Valde enim timebant Romani, ne populus seditionibus assuetus, prouincias inficeret, & ita nouam tribulationem Reipub. inferret. Dicunt nonnulli quod Titus hoc ideo fecerit, ut mitior eis mortem inferret, quia suspicabatur, quod in illis locis, (si tamen illuc peruenirent) non diu viuere possent, tum propter famem & miseriam, quam in obsidione Hierosolymitana sustinuerant, tum propter necessariorum carentiam, & locorum ineptitudinem, quæ tum humano incolatui inconueniens, deserta, horrida omnino, & inculta, iacebat. Remotissima igitur peregrinatione cum iubilo grandi suscepta, venerunt tandem post longam peregrinationem ad Alpes montes niucos, ad quorum radices pene inhabitabiles, deputata fuit prima turma, prædictorum exulum, qui distant à Hierusalé iuxta vulgarem computum, ultra septuaginta dietas, per vias difficiles, per

nemora, paludes, montes, deferta, & alia plu-
 rima incommoda viatoribus satis nota. Ve-
 nientes autem ad loca ibidem deputata, in-
 tenerunt eandem terram sterilē, incultam,
 niueam, montosam, petrosam, & ad semen-
 tem omnino ineptam: & vt breuiter dicam,
 nihil præter imaginem mortis præferentem.
 Cæterum præualuit necessitas contra mor-
 tem, ita vt ipsorum industria fugarent om-
 nes incommoditates, nam labore atque su-
 dore totam terram fecundam spectabi-
 lemque fecerunt, vt certe hospitibus aduen-
 tantibus videretur Paradisum aliquem ter-
 restrem, præparasse: sic enim omnia mutat
 instantia peruigilis curæ, & diuturni laboris.
 Atq; successiuis temporibus, ita in eadem terra
 conualuerunt, sic eam tenuerunt, defende-
 runt, & sibi in ea complacuerunt, vt etiam
 parati modo sint in præsentem vsque diem,
 corpus ac totam substantiam pro libertate,
 exponere. Qualis autem fuerit gleba eius, ex
 hoc prætendi potest, quod plures sunt distri-
 ctus eius, in quibus incolę panem nunquam
 gustauerunt, & qui foris nunquam exeunt,
 & quid sit panis ignorant: scænum ibi pro
 summis diuitiis autumant, ex quo bestias
 suas nutriunt, vt sic lac, serum, & caseos ha-
 bere, quibus vitam transigere, & se sustenta-
 re possent: niues ibi nunquam defunt, fri-
 gora abundant, atque commoda huius vitæ
 & de-

& deliciae, acqueq; pretiosa ibi ignorantur. Veruntamen in quibusdam locis sunt aliqua ciuitates satis opulenta, & sensatus populus. Et isti nunc Heluetij, siue patrio nomine *Zvvytzers*, vocantur. Terra ipsa *Zvvitzea*, dicitur. Manentibus autem istis in terra hac montosa, vti iam diximus, caeteri exules profecti sunt ad loca sibi deputata, videlicet, ad littus Oceani Septentrionalis, quod extenditur ad fines veterum Saxonum, & nouorum, in longum. Fuit namque ista terra valde aquosa, paludinea, caelo aspera, & deformis, ita vt tam propter fluctus & inundationes maritimas, quam piratarum incursiones periculosa, nulla spes videbatur, posse ibi aliquando homines commorari, praesertim propter intensum frigus, flante scilicet ibidem crebro Borea in illis locis. Sed quemadmodum superius dictum est de *Zvvytzeris*, sic & de his constat factum fuisse, quum amor vitae, & labor improbus omnia vincat. Vnde factis aggeribus multisque aquae ductibus, contra fluctus marinos, qui inter diem & noctem ibi crescunt, atque decrescunt, fossisque pluribus adaptatis, ad exsiccandos sulcos, ceperunt terram erigere, & confidenter procedere, eamque varijs arborum, caeterarumque plantarum generibus, excolere, vallis, irriguis pratis, hortisque amenissimis decorare, donec tandem miseratione diuina mare contempe-

pescerent, & terram homines suis vsibus co-
 aptarent Ita vt vere dici potest de ea, bonam
 materiam sæpe cessare sine artifice, & dicta
 est terra sic deinceps vulgato nomine Frisia,
 quasi frigida, vt quibusdam videtur, pro-
 pter scilicet magnum frigus, quod in ea solet
 esse, ob causas supra dictas. Hæc author supra
 dictus in forma verborum allegat: quorum
 verborum nonnulla (ad rem non facientia)
 breuitatis causa, à nobis vltro prætermissa
 sunt. Cuius equidẽ sententię non accedimus,
 sed eam omnino fabulosam, ac vt incertam,
 vna cum authore eiusdem, reijci mus; atque
 hoc quidem testimonijs probatissimorum
 authorum, quos in sequenti capitulo, intro-
 ducemus.

CAPVT XIII.

NVnc igitur paucis huic opinioni, atq;
 errori prædicti authoris responden-
 dum erit, eamque refutare nobis non
 erit difficile. An vero dictus Regnerus, de
 origine huiusmodi Frisonum scribens, pri-
 mus fuerit author, quod ipsemet fatetur, ac
 etiam quod aliqua ab aliis audita conscrip-
 serit, vnde alij inde scribentes, eum sequuti
 sint. An vero hæc ipsemet legendo didicerit,
 & sic alios sit secutus, incertum est, vtrum
 tamen illud sit, constat hanc suam opinionẽ
 esse falsam, ac longe diu ante eadem tempo-
 ra Fri-

ra Frisiam ab hominibus habitatam atque
cultam fuisse. Atque vt vanitatem & indig-
nam huius scriptoris ignoratiam ostendam,
probat Cornelius Tacitus eques Romanus
ac clarissimus Historiographus, qui tempo-
re Titiae Vespasiani floruit, dicens quarto
libro Annalium in fine. Frisiorum nomē in-
ter Germanos clarum. Item quod tempori-
bus Tiberij Cæsaris, Frisij transrhenanus po-
pulus, pacem exuere, nostræ magis avari-
tiæ, quam obsequij impatientes. Tributum
iis iusserat Drusus modicum, pro angustia
rerum, vt in vsus militares coria boum pen-
derent, non in tanta cuiusque cura, quæ for-
mido, quæ mensura, donec Olemnius è pri-
mipilaribus regendis Frisiis impositus, vro-
rum delegit, quorum ad formam acciperen-
tur. Id Frisiis arduum, primo boues, mox
agros, postremo corpora coniugum aut libe-
rorum seruitio tradenda, putabant. Hinc iræ
& quæstus, & postquam non subueniebat re-
medium, ex bello rapti qui tributo aderant
milites patibulo affixi. Olēnius infensus fu-
ga peruenit, receptus Castello cui nomē Fle-
uum, haud spernenda iis ciuium sociorumq;
manus littoris Oceani præsidebat. Quod
vbi L. Apronio inferioris Germaniæ pro-
prætori cognitum fuit, vexilla legionum ex
superiori prouincia peditum & equitum,
auxiliares delectos quosque acciuit, ac simul
vtrum.

utrumq; exercitum Rheno deuectum, Frisii intulit, subito iam ea illi obsidio & ad suam tutanda, digressis Frisiis, mox superaddit, tandem prorumpunt Frisij ante alios, atque acri pugna, hoste pulso, recipiunt cohortes, aliasque fessas vulneribus. Neque dux Romanus ultus est aut corpora humauit, quam multi tribunorum praefectorumque, & insignes Centuriones occidissent. Clarum inde inter Germanos, Frisonum nomen extitit. haec ille, & alibi, libro duodecimo Augustae Historiae. Quod natio Frisonum, sub Diuo Claudio Imperatore, per rebellionem clade L. Apronij capta infensa, aut mala fide datis obsidibus confedit apud agros à Corbulone descriptos. Et idem lib. decimo tertio Annalium, commemorat Frisios sub Nerone Imperatore, nouos inuasisse agros, & duos legatos ex Frisia, Romam venisse. Veritum & Malorogem, qui Pompei Theatrum intrantes, quum vidissent quosdam cultu externo inter Senatores sedere, & intellexissent, id honoris earum gentium legatis dari, qui virtute & amicitia Romana praecellerent, nullos mortalium aut armis aut fide ante Frisios esse exclamauerunt, ac digredientes inter Patres confidere: ob quam rem Nero etiam ambos ciuitate donauit. haec ille. Itaque satis constat, quod hi duo Imperatores praecesserunt destructionem Hierosolymitanorum, atque

etque ipsos praefatos Titum ac Vespasianum
nam Imperator militi primo Vespasianum cum
exercitu ad Hierosolimam destruendam, &
destructa est anno secundo Vespasiani, qui
erat tertius post obitum Neronis, & tunc sta-
tim facta est dispersio Iudeorum. Et lib. 20.
ibidem. Cornelius Tacitus dicit Frisios esse
transrhenanam gentem, quos adiunctos Canino-
atibus, ipso imperante Vespasiano, memo-
rat rebellasse Romanis, & hoc ante captam
Hierosolimam & dispersionem Iudeorum.
Ex quibus omnibus & verisimilliora dicen-
tibus, nos liquido colligimus, Frisones diu
ante tempora Titi Romanorum Imperato-
ris, & destructionis Hierosolymitanæ, Iude-
orumque dispersionis, & armis ac viribus
claruisse, nomenque Frisiorum ignotum om-
nino non fuisse, atque eandem terram quam
modo incolant, possedisse. Quæ omnia sæ-
pius literarum monumentis, eam ob rem,
aliquanto fusius addidi, ac adduxi, quod maior
fides nostræ Historiæ inesset. Igitur illud ex
prædictis authoribus adductum, probatur
esse falsum, quod scilicet prædictus Carthu-
siensis, & alij quidam dicunt, Frisones sem-
per & usque ad Caroli Magni tempora, sub
gravi vixisse servitute: & nec armis, neque
bellis propter duram & diutinam subiectio-
nem atque servitutem, fuisse aptos & assue-
tos. Si enim tam imbecilles, tamque despecti
(vt di-

(vt dicitur) Frisones fuissent, quomodo enim
 go tam sæpe vicinas impugnassent nationes
 & Romanis (qui toto fere orbi dominabantur)
 bellum ausi fuissent inferre? vel saltem
 contra eos pugnassent? Legitur enim apud
 probatos authores, Saxones in Oceani litto-
 re supra Rhenum sedentes, id est, Frisone
 Romanum Imperium aliquando incurfasse
 neque superari potuisse aut debellari; qui
 paludes intransibiles, inhabitarent. Hec itaq;
 candidissime lector, diutius quam vellem
 deduxi; vt certe errores multorum, multa
 fabulose scribētium, dimouerem, sunt enim
 qui magno flatu se historias omnes pernos-
 cere, glorientur: exosculantes hanc fabellam
 prædictā eamque turgentibus ac plenis buc-
 cis veram esse, affirmant.

CAPVT XIII.

SI autē Frisones aliquando ex Iudæis pro-
 gnati sunt, vt aliqui non absque maxima
 præsumptione asserere volunt, eo quod
 (quemadmodum Iudæi) in armentis ope-
 ras habent, auro argentoque abundant, atq;
 egestare soliti sint, vt & in hodiernum diem
 apud Frisones fieri videtur. Insuper quod
 quoq; multa propria nomina tam virorum
 quam mulierum, & hoc seculo apud Friso-
 nes audimus, quæ diligens lector facile in
 veteri Testamēto descripta inuenire potest.

Tum

Sum etiam, quòd in idiomate Frisico, multa verba sint, quæ apud Frisones lingua proferuntur eadem. Et apud Hebræos in eodem significato olim fuisse, & adhuc esse constat, quorum vnum ex gratia referre non incongruum esse arbitror: videlicet de Petro, qui uerit Bar-Ioua, id est filius Ionæ: & apud Frisios *Bern*, puer dicitur. Hi inquam volunt, quod cum diluuium inundasset totâ terrâ, sub firmamento cæli, ac circa Noë super omnes montes in aqua ferrebatur, in qua Noë cum suis erat inclusus, tandem cum aquæ minuerentur, terraque siccaretur, eo tempore Noë vnum de filiis suis, nunc huc, nunc illuc in locis, in quibus tum arca appulerat, cum sua coniuge ac liberis, deposuisset, qui sic forte etiam ad littus Oceani appulsus, vnum de filiis ibi reliquisse, piè asserere voluit. Iosephus etiam in libro de antiquitate Iudæica, cōtra Manethonem, & Appionem grammaticum declarat Iudæicos mores, quib⁹, ut dixi, valde familiarunt Frisiorum mores, & hodie mulierum Hebræarum veterum. Et si cuncta iam de Hebræis dicta recte examinētur, & ad varias hominum opiniones resoluantur, inuenies Frisiam fuisse (licet non sub eodem nomine) longe ante Hebræam habitatam. Sunt autem Hebræi dicti ab Heber, vel ut alijs placet, ab Abraham, vnde cunque dicuntur Hebræi, & originem suam habeant

D

ac du-

ac ducant ab Assyrijs & Chaldæis, quod Moyses, & Iosephus ingenuè fatentur. Nam Moyses clare dicit in sacris Biblijs Abrahamum venisse ex Hur Chaldæorum, & Iosephus contra Appionem, & alibi appellat Assyrios & Chaldæos patres Hebræorum, ex quibus Assyrijs, Friscam gentem ante Abrahamum imo & ante Heber, suam originem traxisse constat. Quod idem declarat Berossus Assyricus grauiissimus author lib. 4. de antiquitatibus, ita scribens, q̃ tempore primi regis Babylonix, constituit Noë in Europa regem Sarmatix, Tuisconem filium suum primogenitum, cuius dominium tendebatur à Thanaï fluuio, vsque ad Rhenum. Idem Berossus lib. quinto dicit, quod temporibus Nini tertij regis Babylonix, anno imperij sui quarto, Tuisco Gigas Sermatas legibus firmat apud Rhenum, ex quo constat Teutones siue appellatos à Tuiscone filio Noë. Et pro eo notandum Tuisconem fuisse filium naturalem Iapeti, siue Iaphet, quem Tuisconem Noe aut Ianus auus eius adoptauit, præ omnibus nepotibus suis in filium, & propterea apud Berossum ponitur in arbore Noë siue Iani, aui sui, & non in arbore Iapeti. Deinde est notandum, quod Tuiscon fuit pater Sarmatarum, vt patet ex eodem prædicto Berosso, quia à Noe vel à Iano, creatus Sarmatarum Rex, missus est Coloniam, vbi tandem multipli-

tipli-

iplicatus misit ex suis familijs ad singulas
prouincias, iuxta magnitudinem regnorum
(additis quandoque alijs ex alia familia) vt
quia Sarmatia à Thanai fluuio ad Rhenum
usque lata, & eadem magna prouincia, non
potuit bene coli per familiam Tuisconis,
hinc iuncti sunt illi omnes filij istorum He-
regorum. Vbi tandem dispalati, & per terras
illis per si, nomina à locis acceperunt. Vide his
olura apud præfatum Berosum, in quarto
lib. Ex quibus constat, quod Iudæi ad Frisiā
duenticij, non loco nomen dederunt, sed à
loco nomen acceperunt. Potest ergo esse,
quod aliquis potens circa illum locum fri-
gidum, à filiis Tuisconis descendens, habita-
uerit: qui in obsequium Imperatoris vene-
rat ad obsidionem Hierosolymæ, sicut tunc
consuetum fuit, & ab hoc Frisonicum nomē
splendidum esse factum. Veniam ergo can-
dide Lector, tribue mihi scribenti, quod la-
terandæ fabulæ diutius quàm par est, imo
hor: nam ego tibi super his rebus, meam ape-
rio opinionem, tu ex his meliora, ac verita-
ti propinquiora, conijcito, occasionem per
a consecutus perspiciendi, & magis veri-
similia rimandi. Nam in rebus obscuris, vbi
nulla ex Annalibus præcessere adiumenta,
oportet ex probatissimis authoribus potius
per coniecturam diuinare, quàm certis tra-
lere.

INuenitur etiam in Chronica Episcoporum
Traiectensium Frisiam fuisse habitatam
anno ante Natiuitatē Christi, nongentesi-
mo, eodem ferme tempore, quo Samuel iud-
cauit in Israel. Notatur enim apud Eusebium
Cæsariensem Samuelem iudicasse in Israel
anno mundi 4084. Christum vero natum
fuisse de Maria virgine, vna supputatione
anno creati mundi 5199. alia supputatione
5100. Si ergo ijs temporibus, quibus Samuel
iudicauit in Israel, fuit habitata Frisia, ergo
non solum nongentesimo anno, sed millesi-
mo centesimo decimo quinto anno, ante na-
tiuitatem Christi Frisia fuit habitata. In eisdem
etiā Chronicis inuenitur Frisiam illis tem-
poribus fuisse binominam, nam ab alijs dicitur
batur Frisia, & ab alijs Saxonia inferior appe-
labatur. Quod si Frisones in principio gen-
tium, & multis deinde sequentibus annis, bo-
nomi fuerunt, hoc claret satis in Historijs &
Chronicis Britonum, quos nūc Anglos voca-
mus. Nam hoc nomen *Engelland* acceperūt
quodam Engisto Frisone, ex regio sanguine
Frisonū, nato: quiq; anno à Christo nato, 385
atq; teste venerabili Beda, anno Christi 449
in subsidium Vortegeci seu Vortigerni regis
Britanniæ accitus, quum à Scotis atque Pi-
ctis bello premerentur, neque vlla superes-
set

et spes auxiliij à Romanis, externumq; quæ-
rens auxilium nempe Frisiorum, quorum
auxilio hostes exturbare possit, appulsus est
Engistus, cum tribus longis nauibus, & mag-
na multitudine Frisiorum, in orientali par-
te insulæ Britaniæ, ac liberauit regem ab ho-
stium obsidione, & vexatione. Engistus vero
dux eorum, iubente rege, manendi locum
quasi pro patria pugnaturus eligeret, re autē
vera, ambitione ductus hanc expugnaturus
suscepit: ac tandem consilium iniens occul-
tum, de inuadendo imperio, dolo regem
Vortigernū circumueniens, multos ex nobi-
litate Britannorum interfecit: atque sic ob-
tinuit Britannia regnum. Et ita succedens
Vortigerno regi in imperio, procurauit pro-
uinciæ cui præerat, nomen suum aptandum,
& sic deinceps regnum illud Britannia à se
vulgari nomine *Engeslandi*, dictum est, & po-
stea corrupto vocabulo, Engellant, pro vt in-
ferius etiam clarius suo loco dicetur. Hic En-
gistus habuit fratrem nomine, vt quidā tra-
dunt, Horfa, & fuerunt filij Vetgilti, cuius
pater Vitta, cuius pater Vecta, cuius pater
Veden, de cuius stirpe multæ provinciæ ac
regna, suum genus atque originem duxerūt,
vt nonnulli putant. Sunt qui scribunt, me-
moratum Engistum pro exhibito obsequio
à rege postulasse dominium quoddam in il-
lo regno, quod cum Rex renueret iterum
D 3 postu-

postulauit, vt tantum sibi loci vel spacij in terra concederet, quantum equino tergoro complecti, & per girum circumscribere posset, in quo pro voto suo quoddam erigeret ædificium. Hoc autē si à rege impetrato, paruas preces esse existimans, exiguum quoddam magnæ rei loco expeti, gratulatus est rex, ratus per quam breue tergus paululum agrorū occupaturum: sed Engestus accepto corio, discidit illud in paruas ac exiles corrigias siue particulas, & adiens locum istum, quem antea elegerat, complexus est permagnum terræ spatium, atque extructo in eo castello, vocauit illud Corrigiam, & vulgari gentis lingua *lan-kxaster*: atque sic Frisij paulatim grandescentes, pulsīs hostibus, finitimorum sedibus infesti, arma vertere ceperunt in socios Britannos, eorū ciuitates ac agros depopulantes, ab Orientali mari vsque ad Occidentale (nullo prohibente) suum continuantes incendium, destruētes omnia ædificia tam publica quā priuata, trucidantes etiā passim inter altaria sacerdotes, præfules ac primores terræ vario genere mortis (sine vullo respectu honoris ac ætatis) ferro ac flamma eis confuētes: Neque erat qui ita crudeliter interemptos, sepelire audebat. Quare nonnulli fame confecti, manus hostibus dabant pro alimentorum subsidiis, etiam æternum seruitium subituri: nonnulli etiam

de

le miserandis reliquiis, ad montes confu-
 gientes, atque ibidem comprehensi, acerua-
 tim iugulabantur, aliqui etiam transmari-
 nas regiones petebant, alii pacem præstolan-
 tes, in sua patria pauperem ac infelicem vi-
 tam degentes, in montibus, faxis, cauernis,
 siluis abditisque locis, tristi ac mœsta sem-
 per mente, habitabant. Sic itaque summa re-
 rum in Britannia potitis Frisonibus, ad sua
 propria loca reuersis, Britanni ex suis cauer-
 nis & speluncis quibus abditi atque abscon-
 diti fuerant, emergebant; & paulatim vires
 animosq; resumētes, duce Ambrosio Aure-
 liano viro modesto (quiq; solus Romanę gē-
 tis præfatis temporibus superfuerat) renouāt
 bellum, Frisonesq; ad bellum ultro prouo-
 cant, nunc hi, nunc illi superiores existentes,
 vt tandem Deo fauente victoriam consecu-
 ti sint. hæc Beda lib. primo Anglicana histo-
 riæ. Sed quia hæc paulo lōgius, & fortasse ex-
 tra materiam, descripsimus, propterea nobis
 redeundum est ad id, vnde digressi sumus.
 Apparet itaque clare ex iis, Frisiā, non ab In-
 dianis, nō etiam à Iudæis dispersis in destru-
 ctione Hierosolymitana primo fuisse deno-
 minatam atq; habitatā. Quod etiā ex eo satis
 claret, quia apud Strabonē, noti & nominati
 fuerūt Frisij: dicit enim certos insulares Frisi-
 os ex insula Birchmānię (nūc vt opinor Bor-
 chū vel Borckū) ex ostiis Amasii fluuij, à Dru-

fo Germanico armis vexatos, & demū superatos. Hic vero Drusus secundū Iulium, anno Christi 24. vixit, venenoq; sumpto, periit. Et præterea etiam Strabo, dicit circa tēpora Christi ipsum vixisse, vt satis claret legent eandem Geographiam. Item Plinius lib. 4. cap. 15. naturalis historiæ, & etiam alibi, sæpe meminit Frisiorum & Chaucorum, quare etiam Frisij tunc temporis noti fuerunt, & sic Frisia fuit ante tempora scilicet Titi ac Vespasiani, terra certe valde præclara & cognita. Neminem ergo tam difficilem fore spero, quin pro certo credat, neque in re tam clara dubitet, Anglos omnes à Frisonibus esse ortos, cum ex supradictis habeat sufficiens argumentum fidei: & præterea etiam certissimum est, adhuc in hunc vsque diem, quamplurima verba Frisonica immisceri in lingua Anglicana, ita vt fere cum Frisij eodem vtantur idiomate. quemadmodum illis, qui vtramque loquelam ac linguam norunt, illud satis constat.

CAPVT XVI.

CONstat etiam in historijs (teste Sebastianiano Mústero) quomodo ante Christum natum, Frisij populi inferioris Germaniæ cum Cimbris siue Danis, in Heluetiam venerint, & ob inundationem Oceani istinc migrauerint cum magna multitudine

dine, ac tãdem peruenerint ad Rhenum, tra-
iectoq̃ue Rheno occupasse partem aliquam
Galliæ, nempe oram maritimam, vbi nunc
est Brabantia & Flandria. Sed cum nec terra
illa satis comoda ijs esse videretur ad in-
habitandum, relicta ea, ac peragrata tota de-
inceps Gallia, venerunt tandem ad Rhoda-
num, postulantes à Romanis, vt sibi sedes ad
habitandum darentur, sed repulsam passi à
Senatu, armis Romanum imperium inuade-
re decreuerunt. Itaque expeditionem mo-
uentes in Italiam, reliquerunt citra montes,
omnem apparatus bellicum, quem tam su-
bito intra montes deportare nequiverunt, re-
lictis ex deputatis, pro impedimentis illis cu-
stodiendis, sex millibus virorum. Interfecto
autem eo agmine, quod montes transcende-
rat, & ingressus fuerat in Italiam, putabat Iu-
lius Cæsar, ex reliquijs citra montes dereli-
ctis, natos Aduaticos, qui habitationem suã
habuerunt iuxta montes Tigurinos, qui mo-
do vocantur Vrani & Sueci. Vnde Historici
commemorant quosdam Frisios Cimbrof-
que, seu eorum reliquias, consedisse inter
Heluetios. An vero longè post etiã ex Sue-
tia, quidam venerunt in regionem Helue-
tiorum, à quibus Sueci, siue Suitceri dicti
sunt, non potest satis probari. Suetiorum
enim siue Heluetiorum historiæ habent, nō
omnes qui nunc Suitzeri vocantur, vno &
D 5 eodem

eadem tempore in illis locis sedes occupasse. Et scribit Munsterus de his in hunc modum, Tépore regis Suecorū Sigeberti, atque Christophori Comitiss Frisiæ, auctus est populus Septentrionalis in tantum numerum, ut cogerentur penuria victualium quærere alias sedes. Collecta autem in Suecia sex milia, & in Frisia mille & ducenti viri, absque mulieribus & pueris, quorum multo plures erant, turmatim patria sunt egressi, venientesque ad Rhenum, prohibiti sunt à Gallis, ne traiecto Rheno, partes eorum occuparēt: contemnebant enim eos Galli, tanquam homines otiosos, inertes ac inermes: nam humi cubabant, perinde quasi nulla distingueretur cura, æstimabātque eos ceu homines fugitivos, & ad arma ineptos. At Sucui atque Frisones inter hæc considerantes suam penuriam ac necessitatem, cogitabant etiam quid è re sua esset, quomodo scilicet prouiderent suis vxoribus, parentibus, ac liberis, videbant etiam hostes suos parum esse sollicitos de ipsis, omninoque negligentes in excubiis suis agendis, quare ex improviso obtruebant eos in castris interficiēdo plurimos, optimamque & permagnam prædam abducendo. Ex qua victoria stupefacti alij populi ac nationes, miserūt legatos suos ad eos, qui interrogarent, quid hæc atque tanta facientes, in animo haberent? qui responderunt,

sefe

sefe nihil iniquè postulare, neque quem-
quam velle ledere, suoque loco expellere,
petere saltem sibi dari terras illas, quæ in il-
lorum regione, vacuæ ac ociosæ iacerent, ex
quibus etiam illi nihil commoditatis perci-
perent, has terras sese cupere ad habitandû,
citra vicinorum suorum detrimentum. Pre-
terea etiam asserebant, sese eo venisse, vt
quietam tranquillamq; ducerent vitam, vi-
ctumque ex cultu terræ quærerent, nemi-
nem molestarent, aut aliena contra ius & æ-
quitatem sibi vendicarent. Audientes ve-
ro incolæ, à peregrina gente tantum postu-
lari novas sedes, facile eorum proposito ac-
quieuerunt, dederuntque iis postulata loca
ad inhabitandum, montes & valles, fontes
ac lacus, qualem faciem terræ, vsque in ho-
diernum diem adhuc habet inferior Helue-
tia. Hæc enim terra constat altissimis monti-
bus, & profundis vallibus multisque aquis.
Nec tamen putabis candide lector, terram
istam, ob id quia tota est montosa, & in sum-
mis iugis montium perpetuam habens gla-
ciem, sterilitate aut penuria aliqua laborare,
quasi interim ea non etiâ sentiat aut habeat
quoque largissimam manum Dei, qui & ex
lapidibus potest efficere panem, & ex du-
rissimis petris educere non tantum aquam,
verum etiam & vinum generosissimum
ac optimum, vt in hac regione impleri,
vide-

videmus. Nam terra ista per Frisios ac Cim-
bros multo labore & industria, melior & fer-
tilior reddida ac effecta, modo sic abundat
vitibus, arboribus, frugibus, radicibus & her-
bis, ut die hodierna etiam multa hominum
millia, victum ex ea sibi parent, nec aliunde
comentum inuehant, sed ipsa etiam exteris se-
pissime comentum atque vitæ necessaria
ministret. Siquidem nulla est terra tam de-
plorata & malæ conditionis, quin si labor,
industria atque cultura ei adhibeatur, me-
lior ac fecundior effici potest: quemadmo-
dum & superius satis dictum existit. Et quã-
vis Munsterus eosdem Cimbro s fuisse com-
memorat, constat tamen in eam expeditio-
nem conuissè plures populos ex septentrio-
nalibus regionibus, & ante alios Frisones,
Saxones, cum primario suo duce Christofo-
ro tamquam Cimbris valde vicinos. Cæte-
rum propterea solos Cimbro s fuisse nomi-
natos apud Munsterum conijcio, quoniam
Rex eorum Sigebertus, author eius expedi-
tionis fuerit. Annales tamen Frisiorum no-
bis per manus à maioribus nostris traditi, di-
cunt Heluetios siue Suitzeros, à militibus
Frisorum, qui sub Carolo magno aduersus
Romanos militabant, ortos fuisse: qui quum
pertæsi fuissent alieni imperij (ad libertatē
enim se natos arbitrabantur) in patriam re-
spexere, & cum redirent ex militia, superatis
maxi-

maximis difficultatibus, per montes & terras, per bella & labores, per regna & nationes (alijs Frisonibus in Frisiam, qua adnenerant remeantibus) aberrauerunt, aliqui verò in montibus, donec quietum locum in Heluetia inuenirent, manserunt. Sunt etiam aliqui Historiographi, profecto eximie auctoritatis, atq; fidei testes, qui referunt in exercitu horum Frisonum etiam Sanctum Magnū primarium ducem ac antesignanum fuisse. Sed res est antiqua & quasi exoleta, & quam quisque proprium adfert sui cordis figmentum, & ubique inuenitur scriptorum varietas atque inconstantia, propterea cuius lectori relinquimus hac de re suum iudicium & rationem. Quod si quis mauult diuersam sequi opinionem, id per me quidem illi erit integrum ac licitum.

*De laudibus & moribus antiquorum
Frisonum.*

C A P V T XVII.

Dicturi aliqua de moribus & laude gentis Frisicæ, hoc primo notandum est, q̃ Frisij (licet inter Germanos morentur & numerentur) plurimū tamen habitu, lingua & moribus à Germanis differūt: nam proprium habent suum idioma, quod pauci Germanorū intelligunt, paucioresque imo
vix

vix ex mille vnus perfectè addiscet, quorum tamen idioma caracteribus Germanicis probè scribi potest. Et quamuis peculiaris lingua ei genti est, tamen in tanta prouinciarum & Zelandiarum distantia, magnam varietatem habent, & in vnaqua; Zelandia adeo imparibus & externis linguis, hic & alibi consilius, loquuntur, vt aliquando mutuo sese plane non intelligant, nisi is talis sit, qui in omnibus Zelandiis sit bene notus ac versatus. In Occidentali vero Frisia est sermo cultior & venustior, commercio externarum gentium indies magis ac magis excolitur. In Orientali vero Frisia sermo durior ac crassior, rudiorque, vix reliquiis antiquæ linguæ Frisicæ ruricolæ supersunt. Quarum tamen vrbicolæ omnes humaniores, germanica lingua vtantur, & apud paucos homines prisca lingua permanfit. Et vt superius annotatum est, licet in Frisia, à multo tēpore nullę omnino fuerint ciuitates, sed pagi ac villę frequentes, & idcirco vrbicolæ pauci, sed omnes fere ruricolæ, qui seorsum discreti rura sua colebant, sicut occasio locorum ac cāporum dederit: sunt tamen præ cæteris Germaniæ rusticis, Frisij, moribus & verbis valde vrbani ac composti, imo ciuiles, ac humani erga extraneos: nam aduenas salutant capite denudato, alteroq; genu flexo, atque ad omne humanitatis officium paratissimi. Atque

que si ea persona mulier sit, excipiunt eam osculo, nullus illis fucus inest, simplicitatem ac veritatem omnem non amplectentes modo, verum re ipsa comprobantes: fidei enim omnis & amicitiae sunt obseruatissimi, atque externarum gentium aestimatores candidissimi. Summum enim semper apud illos nephas est habitum, fidei & amicitiae vincula violare, citiusque illis vitam adimas, quam non, quidquid sunt polliciti, praestare, ut recte dixeris de eis quod sequitur:

Quiq; fidem sancto, & constanti pectore seruant.

Tanta olim erat integritas antiquorum Frisiorum in contractibus, tantusq; candor & simplicitas, ut omni verborum fraude emptoris omissa, vno tantum verbo, res ipsas diuenderent, atque quod in legibus, & contractibus magnam simplicitatem habuerint, ex eo argui potest, quod omnino non fuerint litigiosi: nam nec commissi, nec depositi vlla iura habebant, neque testibus, neque sigillis indigebant, sed simpliciter omnia credebant. Caeterum, honoris & gloriae omnino erant auidi, in exornandis domibus magnifici, in suppellectilibus mundi ac nitidi, vestibus ornati, auro argentoque abundantes praeter ceteris nationibus. Viri Frisonici magnam praese ferunt grauitatem, atque matrimonia sua non opibus aut nobilitate, sed formae praestantia & animi pro-

mi probitate, inter æquales, conciliant, liberorum magis, quàm voluptatis causa: unde plerumque contingit, quod vix diues atque Nobilis, pauperem ducat vxorem, formosam: Alij vero viri vxores ducen- tes, castori focias, & pares laboris, non dominas, siue ad delicias, assumere consue- uerunt. Neque querebatur dos, sed iugati bo- ues aut vaccæ dabantur, & frenatus equus, & gladius acutus. Proinde apud eos non mul- lier viro, sed vir mulieri dotem assignabat, & coniugij societatem, non precio, sed filio- rum charitate iungi, oportere: ne coniunx ob magnitudinem dotis insolens facta, ali- quando ex placida cōsorte, maligna ac pro- terua euadat, ac in virum dominari conten- dat. Coniuges præterea (viris vita defunctis) si non sint superstites liberi aliqui, cum do- talitio abeunt in ædes paternas, ita tamen vt intra annum luctus alio viro non nubant. Su- periori adhuc ætate, si quando honesto ado- lescenti vxor querebatur, non de multa sub- stantia, diuitijs, formæ elegantia, vel de mul- tis iugeribus agrorum, quæstio erat, sed tan- tummodo, si esset honesta, proba & morata puella, cuius stirpis, cuius honoris, cuius fa- mæ, quæ adolescenti nuberet, diligenter in- quirebatur. Sed hodie (proh dolor) hoc tã- tum quæritur inter copulandos, quàm sint diuites, quam habeant vel expectent heredi- tatem

tatem aliquando iuxta illud Satyrici:

Protinus ad censum, de moribus vltima fiet

Quaestio, &c.

Imo nonnunquā placet superba, morosa, impudica, deformis, petulans, atque rixosa puella, si modo sit diues, si habeat multorum agrorum iugera, neque quaeritur an sit bene nata, si sit modo bene nummata. Præterea præsentibus amicis & sanguine iunctis, duobus scilicet ex paterna maternaque linea testibus adhibitis, parentes despondent natos, atque hoc datis dextris & arra necestur, ac deinde statuto die, solenni pompa, magnoque ornatu ad Ecclesiam Parochialem conflunt, ubi sponsa coronata, (magna multitudine virginum præcedente) adducitur, atque ante summum altare lateraliter cum sponso collocata, utriusque consensu mutæ cohabitationis, tam in prosperis quam in aduersis requisito, per annuli impositionem, sacerdotali benedictione copulantur. Deinde instruuntur conuiuia alacria, accitis tympanis, fistulis, syolis, lyris, & diuersorum instrumentorum generibus, ut conuiuantes hilariiores reddantur, excitantur fere omnes cum ingenti alacritate ad saltum & choreas, & dimisso ordine per terram currunt. Inuitati ad nuptias raro pecuniam offerunt, munerata tamen seu donaria, agnati & cognati, affines & amici, tantummodo sponsæ dant,

E

ut iis,

ut iis felicibus auspiciis, incipiant ac perfici-
 ent letiorem cohabitationem, quæ omnia a
 singula sponsus diligenter notata reponit
 sequenti vero die, noua nupta sponsa, crini-
 bus peplo abscontis, affabili incessu, conui-
 uis scyphum electiore liquore repletum
 in signum quod materfamilias effecta sit, li-
 beraliter alicui propinat. Mira præterea est
 in foeminis Frisiorum pudicitia, atque valde
 fecundæ sunt, neq; fucum aliquem sciunt
 neque scire etiam cupiunt, quemadmodum
 exteræ mulieres in fucanda facie, edoctæ
 sunt: numquam enim aliquo collyrio, mi-
 nio aut cerussa faciem suam deformant, sed
 suo natiuo colore, quem Deus & natura de-
 dit, contentæ sunt. Fœmellæ omnes ad pu-
 dorem & sobrium ornatum domesticæ
 propriæ curæ educantur, non inertio ocio te-
 pus effluere patiuntur, sed domi aut nent
 aut fila trahunt, aut labores domesticos
 beunt, inque eam continuam operam & cu-
 ram agunt, aut panes aut ceruissiam coquunt
 aut cibos parant, proles suas ornant ac vesti-
 unt, lectos linteaminaque aptant. Non in ve-
 stibus preciosis, luxuriæ ac libidinis affectu
 cibis, sed in habitu simplici, tutioris pudici-
 citiæ incedunt, ne, quæ saltem lasciuiens, su-
 spitio exterius appareat, quod in mente cor-
 rupta, exæstuat iniquus assensus. Et castissi-
 mam illam Romanam Lucretiam iugite-
 imi

imitantes, lanæ texturæque deditæ, inter lubricantes ancillas mediis in ædibus commorantur. Rara in ea gente zelotypia inuenitur, ita ut vel mori malint, quàm ex uxoris parte, aliquam contumeliam ferre: nam in tam numerosa multitudine, rarissima adulteria sunt. Nullum antiquitus apud Frisios flagitium grauius censebatur, quàm adulterium, fidemque conjugalem violare. Cuius conuicta mulier, nudabatur coram propinquis, vulgateque pudicitie pœnas dabat, absque vlla venia aut misericordia, neque ætas aut forma aut opes, coniugium frangentes, reconciliare poterat. Beatus Rhenanus li. 3. rerum Germanicarum memorat, apud Anglos, Saxones, nempe Frisios moris fuisse, quod si virgo in paterna domo fuerit stuprata, vel aliqua matrona, adulterio polluta, strâgulatam illam cremari, violatorem vero supra sepulchri foueam suspendi, aut cingulotenus vestibus recisis, flagellari: castis matronis, oppidatim corp⁹ viri imperiū parata, nunc hæc, nunc illa difficillima quæque domi ac foris administrans, negotia perinde ac si virilem fortitudinem haberet, quæ dotis inopiam augeat, & grata parentibus sit, cuius sanguinem à nullo adultero vitiatum esse, suspicantur. Hæc etiam liberis commendatissima est, quibus nec de matre erubescendum vnquam, nec de patre est ambigendū.

E 2

Quip-

Quippe exploratum habent, ob vulgata
fœminarum pudicitiam, ex ea susceptam
prolem, inter liberos minime fore collocan-
dam. Suam etiam quæque mater alit prolem
propriis vberibus, & quàm rarissime sub al-
tius educantur mammis, aut nutricibus cõ-
mittuntur, iuxta illud:

*Vbera mammarum tribuit natura puellis
Natorum causa, non forma siue decoris.*

Serius in iuuenibus vsus Veneris, atque
eo minus exhausta pubertas existit, nec vir-
gines tam cito nubunt, vt validior fiat pro-
creatio. Antiquitus instituebatur iuuetus
nobilium quàm ignobilium hominum
honestia artificia addiscenda, à parentibus dis-
ciplinam veluti hæreditariam sortiti. Ne-
mo premebatur aut cura aut metu, id quod
aluit staturam, roborauit vires, & confirma-
uit nervos eorum: nam nimius metus, & ni-
mia anxietas in iuuenibus, plurimum vires
corporis eneruat, & spiritus tristis exsiccat
ossa, vt dicit Ecclesiasticus, tantum abest, vt
huiusmodi corpora, in motu, dolore, timore,
re, & anxietate continua permanentia, incre-
menta iusta habere possint.

CAPVT XVIII.

Est præterea & alia non contemnenda
aut ridenda consuetudo, quamuis alii
gentib⁹ rata, quã pro lege vel quasi ob-
seruantur.

ruāt, vt videlicet, quoties alicui patheram
 el poculū vino vel ceruisia plenum propi-
 ſit, tum dicant ſua materna lingua, *bet ghildt*
de ffrye ffryſe. & nō tradunt patherā, ſiue po-
 tium, niſi datis dexteris, cuiuſcunq; etiam
 conditionis, aut ſtatus, aut ſexus, fuerint:
 uiq̃ue tum accipientes prædictum pocu-
 m, respondent eadem lingua *ffier vrael ele*
rye ffryſe, etſi perſonæ diſſimiles ſinerint, aut
 træque fœminei ſexus, nihilominus addi-
 oſculo, idem perficiunt: quem etiam mo-
 em, in hunc vſque diem Friſij pertinaciter
 etentum, obſeruant. Quæ res peregrinis
 uidem ſpectatoribus, plurimum admira-
 onis ſimul & delectationis, adfert. Neque il-
 id pro dedecore ducitur apud illos, nec ſu-
 picio alicuius mali inde, aut ſcandalum exo-
 tur, cum id conſuetum eſt illis, etiam in
 uacunque hominum frequentia ac multi-
 tudine facere: neque ſolummodo id in con-
 iuiis factitant, ſed etiam, quando aliquis a-
 vicus, vicinus, aut quiuiſ alius notus (poſt-
 uam aliquamdiu abſuerit domo,) vel vxor
 ut cognata, obuiauert illis, ſtatim datis dex-
 ſis ſtringentes collum ipſius oſculabundi-
 lutant. Et etiam ipſi homines externi, qui
 ſas hanc conſuetudinem ridere ſolebant,
 um iam in Friſiam ex cauſa veniunt, illud-
 oſum cupidè (fortè delectationis gratia)
 mitantur. Præterea fuit recepta à Friſoni-

bus antiquitus consuetudo, ut neminem pro Frisone agnoscerent, nisi materna ac vulgari lingua dicere potuisset, *hyrdt rae ryrn lyrrē*. Itē q̄ sequitur, *Dyr is nin klyrik so krol als klyrikcāp-ster krol herede klyrik aller klyriken ys hy to krol*. Atque qui hæc verba iteratiuē absq; titubatione effari aut promere nō poterat, aut saltē nimio pauore hiscebat aut balbutiebat, eum antiqui Frisij tanquam proditorē terræ, in vincula coniiciebant. Ceterū de laude huius Frisicæ gentis multi laudatissimi & doctissimi viri, multa scripserunt, quorum tamen per pauca admodum ad nostras peruenere manus. Bartholomeus Anglicus, & Anthonius Sabellicus, libro scilicet octauo, de Frisia ita scriptum, posteris suis reliquerunt: Gens Frisonū, est valdē ferox, audax, armis exercitata, robusta & proceri corporis, & intrepidi ac fortis animi, agilis quidem corpore, lanceis ferreis vtēs pro sagittis. Terra ipsa plana est, pascuosa, palustris ac graminosa, lignis carens. pro ignium fomento, terreis cespitibus bituminosis, aut boum exsiccatīs stercorebus sæpe vtens: gens inquam libera, suis vtens moribus, exteris nec parere sustinet, nec dominari cupit: morti exponit se pro libertate, potiusq̄ mortem diligit, quā seruitutis iugo se opprimi, ideo etiam dignitates obeunt militares, nec alios inter se in sublime permittunt, sub militiæ titulo. Subter
tamen

tamen iudicibus, quos annuatim de se ipsis eligunt, quique Remp. ex æquo iure disponunt, reguntur. Viri fere omnes circulariter in coma sunt attonsi, qui quanto sunt nobiliores, tanto altius circumtondi gloriosius arbitrantur. Castitatem multum colunt, & sceminarum impudicitiam seuerius puniunt, filios suos atque filias, vsque ad completum fere adolescentiæ annum, castos seruant, ex quo contingit, quod temporis dati nuptui, ipsorum soboles, prolem completam, robustam ac magnam, generent. Nam qui meretricio non se abstinere congressu, is perbelle iam demonstrat, se non liberorum procreationi, sed voluptati fluderi. Hæc habet præfatus Bartholomeus Anglicus in libro de proprietatibus rerum. Et hoc quidem ita ad præsentem diem apud Frisios seruatum fuit, exceptis paucis, quæ temporū diuturnitate, vel paululum immutata, vel penitus abrogata sunt. Nam in primis præfatus ille Bartholomeus dicit, viros ferè omnes, & præcipuè nobiles in coma circulariter attonsos, quod tamen hodierno tempore omnino verum non est, quia nunc ferè omnes viri, promissis & longis barbis vtuntur, & comam nutriunt. Nemo tamen mihi vicio vertere debet, q̃ hæc ita vt in antiquis libris inueni, meis scriptis inserui: quum & maioribus nostris id peculiare fuit, & nobilibus

præsertim à Carolo Magno constitutum, ut satis patet in eisdem libertatis priuilegiis à prædicto Carolo Frisonibus datis; cum & hi, ante & circa Christi Saluatoris nostri natiuitatem, fuerunt antiquorum Frisorum mores ac consuetudines. Verum enimvero hodierno die, non solum Frisones, sed & omnes fere nationes à prioribus moribus degenerantes, commercione aliarum gentium, quibus coniunctæ sunt, sese conformes semper fecerunt, & quod dolendum (proh dolor) est, plerunque in peius mutatæ sunt.

CAPUT XIX.

ET licet Frisij feroces & sinceri esse dicantur, magnoque præditi animo, in hostes tantum, & non indifferenter in omnes, (candide lector) hoc dictum velim intelligas: quum alias singulari quadam liberalitate, urbanitate, hospitalitate, ac fidelitate præ cæteris nationibus sint præditi, atque inter sese, valde benigni (pacifici, mansueti atque modesti, ad iram tardi. Cæterum quando prouocati fuerint, tarditatem suam, magna ferocitate compensant: habent enim animos valde generosos, herōicos, tumidos, & in domesticos motus semper inquietos, & impatientes. Natura taciturni, & ad prius faciendum quàm ad dicendum promptiores, simplicioris ingenij, synceri, non fucati, exteris

exteris beneuolentissimi, in omnibus rebus
atis creduli, etiam si quis forte impossibilia
pud illos referat, credunt. Valent nihilo-
minus ingenio, ut ad quamlibet artē, quam
modo addiscere cupiunt, sese facile applica-
re possint, atque in ea exactissimè proficiunt.
Et quamuis antiquitus nullum habuerint
cum exteris nationibus commercium, neque
communicabant cum illis in aliquo nego-
cio, sed contenti sua sorte, domi manebant,
uictitantes de fructibus sibi in propria sua
terra natis; tamen externos notos, ac forte ad
eos declinantes, non modo rogati comiter
& benigno hospitio, excipiebant, sed & vl-
tro inuitabant, & omnia gratis distribuebāt,
omnemque diem infeliciter periisse existi-
mabant, quo non contingeret, peregrinis ho-
minibus, aut pauperibus beneficium quod-
dam exhibuisse, atque pro fortuna paratis
epulis, cuncta illis ad liberalem conuietum
necessaria, abundè sine vlla numismatis com-
pensatione administrasse, nisi publica forte
fuerint hospitia, ubi ad tempus commorari,
aut diuertere, & huiusmodi precio venun-
dari, soleant, sicut in aliis terris, numero ac
pondere omnia, mēsurantur. Id efficit anno-
næ vilitas incredibilis, gentisque liberalissima
consuetudo ac natura: nefas enim habebatur
quemquam epulis aut domo arcuisse, & ho-
spitium, cibum aut potum itinerantibus ne-
gasse,

E s

gasse,

gasse: imo si quis conuictus fuisset idoneis
 testibus, peregrino alicui ter negasse hospi-
 tium immisso igne, ædes eius combureban-
 tur, vt etiam ille merito propriis domibus
 priuaretur, qui earum vsum aliis inhumani-
 ter denegasset. Quinimo & iumentorum v-
 sum, viatoribus, quousque voluerint, liber-
 rimè præbebant, ipsumque per compita via-
 rum alacriter ducebant, vtque tali eorum be-
 neficio vterentur obsequiis, & precibus vr-
 gebant. Victus eorum vt plurimum erat lac
 dulce, vel lac concretum, butyrum, caseus, farina,
 caro fumo indurata vel exsiccata, quarum tanta
 etiã nunc est ibi copia, vt ita salitas carnes, fu-
 moque exsiccatas, in culina trabibus suspendat.
 Panem rustici conficiunt, in multis locis nigerri-
 mum, non cribratum, ex optimo hordeo vel sili-
 gine cum fursuribus: diuitum vero, atque potentum,
 panis delectabiliter apparatus: fit enim albi-
 simus, & de puro tritico pinfitur. Festis diebus
 sumptuosiores epularum apparatus, precipue do-
 minicis diebus, iuxta antiquos mores tantum co-
 quunt, quo per totam hebdomadam coctis ve-
 scantur, & vocant tale ferculum, patrio more,
 non quidem confusa, sed separata atque discreta,
 scutellam Frisonicam, in qua quatuordecim ge-
 nera eduliorum reponuntur, vt iuxta Horatium,
Multaque de magna superessent fercula cæna.

Nec quidem olim notatis manducabant horis,
 sed siue nocte, siue die, quotiescunque edendi
 libido

libido suaderet (siquidē tanta vbiq̃ue rusti-
cioris cibi & potus abundantia est) comedere
p̃bat: ita vt sordidæ auaritiæ m̃cipia esse re-
putarentur, qui pro numerata pecunia esu-
rientem cibaret. Vnde quidam Frisonicæ
gentis hospitalitatem h̃ac, his versibus recte
commendauit:

Quæ sit vita rogas? tenso nunc frigore stringor,

Nunc ego fumosi soluor ab igne soci.

Quem defossa palus & bubula stercora pascunt,

Et multo diues pisce culina scatet.

Quin liquido potum me suffocare butyro

Officiosa volens sic fore turba studet.

Quam præstat tecum tenui concedere mensa,

Et solita tandem sobrietate frui.

Multa præterea & pene inter se quotidiana celebrabant conuiuia, & effusius aliis gen-
tibus comestationib⁹ indulgebant: mensam
bis in die sumptuosè sternebant, & omnia
quæ ad epularum delicias pertinent, abun-
dè administrabant. Coquorum tamen ar-
tem, varijsq̃ue saporibus condita, vt inutilia,
reiiciebant: carnibus tum assis, tum elixis,
vescebantur. Et circuli instar confidebant
mensæ, in quibus potationibus & ebrietati-
bus in multas sæpe horas, à meridie vsque in
medium noctis, cibo ac potu se opplebant,
& in hoc totis incumbabant viribus, vt vitā
quā suauissimā transigerent. Et tum se
præ-

præclarè sua putabant instituissè conuiuia, si nullus sit irritandæ gulæ, ventrisque fer-
ciendi modus omissus. Cõuiuis domum in-
trantibus, aut egressis, ostendere solent, li-
men dicendo: extra illud nihil. quare & no-
stro æuo hic mos est supra mensas habere ro-
sas depictas, vt sub illis dicta vel facta, inter
pocula, aliò non effutiantur. Sed hi oēs pri-
scæ vetustatis mores, tã ipsa vetustate quàm
nouo luxu, ac lautitia, mutati, deprauati &
vitiati sunt, impendio sumptuosioris men-
sæ, frequentibus epulis, exquisitisque exter-
narum deliciarum dapibus, redundantibus.
Proiectis enim maiorum exemplis, innouã-
do mensarum ritum, licentius sibi quàm
mos patrius permittit, indulgent: & luxum
à finitimis vicinis deposcunt: vnde in patria
nostra, haud parua luxuriæ nutrimenta flu-
xerunt, inde enim splendidiores mensæ, lau-
tiores culinæ, sordida coquorum ministe-
ria, variæque farciminum sordes manauère.

CAPVT XX.

Potus gentis Friscæ, ceruisia est, & rarus
vini vsus, quia ex bonitate terræ vinũ
non habent, ignotusque genti omnis vi-
nearum cultus, peregrini tamen mercato-
res in magna copia adferunt, vnde nostro se-
culo, vinum non solum bibunt, verum etiã
ingurgitant, noctes atque dies cyathos vino
ple-

plenos, exsiccant; sed recipiunt nonnumquā
condignam mercedem; nempe hydropisim,
aut dysenteriam, quam illi *Schoerbuch* vocāt.
hordeum & triticum ferunt, ex quibus non
solum panem efficiunt, sed etiam ob vini ca-
ritatem ceruissiam coquunt quæ non minus
quam vinum largius compotantibus ebrie-
tatem inducit, & ab ipsis in symposiis, conui-
uijsque bibitur, & quanto electius hordeum
habeant, & diligentius præparauerint, tanto
saniozem & præstantiozem exinde potum
non dubitant euenturum, ex quo Cornelius
Tacitus, potum Germanorum humorem ex
hordeo aut frumento, in quandam vini si-
militudinem cōpertum, scribit. Et Hippo-
crates videtur habere de hordeaceo potu ra-
tionem, & censuram meliorem: prout in li-
bris eius desuper confectis, clarissime demō-
strat. Proximi riparum & fluviorum acco-
læ, aduētitiā cereuissiam Hamburgensem
siue Bremensem habent. Dictū mirum quā-
to perē eam in delitijs habeant, & mutuo sese
ad bibendum inuitent ac hortentur. Hospi-
tem vel alterum, eum locum in quo bibitur,
subeuntem, porrecto poculo ad combiben-
dum officiosissime hortatur, & ut suum in-
tret hospitium, rogant. Præterea inimicus
æstimatur, qui sæpius inuitatus, non præten-
sa causa compotare, recusat: neque iuxta Pla-
tonis sententiam, lib. de legib', bonus socius
appel-

appellari mereatur (quamuis bonum sociū
Plato appellat eum, qui bibēdo & iudicando
nouit euitare ebrietatē) nisi cum illis bibat.

Ingentia autem & magnæ capacitatis cor-
nua, ferarum animalium, laminis aureis, ar-
genteisve circa oram medium, ac finem cir-
cundant, quibus poculorum loco in conui-
uijs vtuntur, quod forsā inexpertis generat
admirationem. Aurea enim atque argentea
vasa, apud paucos antiquos rusticos repe-
riuntur, imo penes nullos, nisi quibus à ma-
gnatibus ea dono præstita fuerunt. Horum
prædictorum cornuum Iulium Cæsarem
meminisse existimo lib. sexto belli Gallici,
dicentem: In Hercinea sylua multa ferarum
genera nasci constat, quæ reliquis in locis nō
sunt visa, inter quæ vnum genus est eorum,
qui Vri appellantur, eorum cornuum am-
plitudo & figura & species, multum à nostro
rum bouum cornibus differunt: hæc studio-
se conquisita, ab labris argento circumclu-
dunt, atque in amplissimis populis atque
conuiuijs pro poculis vtuntur. hæc ille. Qua-
lia cornua meo adhuc seculo habuerunt Fri-
sij, & in conuiuijs utebantur, quæ speciem
prædictam præsentabant. Verum postposi-
ta iam antiquitate, luxuria illa ex Italia, in
Frisiam subrepsit, effecitque, vt nihil quod
preteritū quiddam sapiat in Frisia modo de-
sideretur.

DE

DE VESTITV ANTIQVORVM

FRISONVM TAM MVLIERVVM,

quàm virorum.

C A P V T X X I

Porro vestitu prinatis diebus ferme omnes frugali & simplici, vtuntur: festiuis vero diebus parum splendidiorē. Patres enim nostri habitu ab omnibus discrepabant Germanis, ita vt extra patriam quis constitutus, solo habitu agnosceretur facile Friso, siquidem vna veste toto anno utebantur, neque vnus cultior, quàm alter erat. Et id quidem euenisse existimo, quia raro priscis illis Frisij cum Germanis fuit conuersatio, vtpote regionem cælo asperam, facie horridam, nec mercatoribus congruam, raro prisci Germani frequentabant, sed nunc ex mutua ipsorum frequētatione, Germanis fere conformes habitu efficiuntur. In initio primæ ætatis meæ, circa annū Christi 1522. gestabantur à viris senibus rostrati calcei, & vt Sabellicus dicit, calcei anteriore parte, in tenuē cornu protenti, semipedalis longitudinis: vestes erant curtæ, atq; strictæ, ex panno, vix dimidias nates tegētes, aut nō longiores quàm ad coxas: quæ in dorso à summo ad imum quatuor plicas scutulatas habebant connexas, similiter ab anteriore parte bene complicatas, cætera plana excisa circa colum

lum usque ad humeros. Ad umbilicum vero pro cingulo, utebantur zona, aureis filis contexta, vel fusa, extensaque in longum, argentea deaurata lamina, latitudine duorum digitorum. Indusia fere omnes variis coloribus circa collum excisa, sericis vel aureis filis exornabant, atque caudata gestabant caputia, siue pilia rostrata, quæ vulgo *koogels* vocabantur, prout ex hac imaginis sequenti inspectione, antiquissimus ritus vestium in Frisia demonstratur. Nobiles autem, vel qui inter populares ope & diuitiis eminebant à plebeis, splendidior vestis, auro scilicet & argento discriminato discernebantur: ornantes manus armillis: prout ex inspectione sequentis imaginis videre licet, qualem ego vestem in modum tunicæ bene aptatam, dum adhuc puer essem, conspexi. Crines erant intonsi, & prolixi ad humeros usque, ut à tergo iis defuerent, qui utrimque à fronte discriminati pendebant, barbam quidem rasabant præterquam superiore labro, & nonnulli etiam eandem nutriebant: superinduebatur pallium breue, non longius quàm prior tunica, unde natum est hoc vetus adagium:

In breui tunica, saltant Frisii quasi pica.

Præterea etiam sæpius perizomata gerabant longa ad genua, cui pallium adiungebatur, unde multa admiratione prosequuntur sunt,



unt, qui aut Frisiam vidisse, aut aliquid de
 plis audiuisse, gloriebantur. At obrepens
 aulatim humanæ mentis corruptio, omnia
 autavit, calcei a fronte vehementer expansi
 in modum equini pedis, vel ursini, laxior
 editus, ac multo demissior quàm antea, ad
 media fere crura descendens, habitus quo vi-
 i ac mulieres induuntur; cõmuniter laneus
 F est;



est, seu panneus, sed adeo vtrumque diuer-
 fus, & colore & forma, vt raro vnus sicut alius
 vestitus appareat. Aduētitiis & nouis formis
 vestimentorum iam plurimum gaudēt, præ-
 fertim Italicis Gallicisque à quibus ante an-
 nos aliquot, obtusa calciamenta viri, cum flu-
 xis & discissis manicis tunicas, & texta pilea,
 quæ bireta vocant, receperunt. Pilea hodie
 gestant



gestantur longa , fastigiata vltra dimidium
 cubitum, supra caput extantia in altum, & cla-
 uis partim curtus, partim oblongus. Ista au-
 tem virorum antiqua frugalitas , hodie ad
 mulieres transijt , quæ in præsentem vsque
 diem cum vicinarum nationum mulieribus,
 tam in exteriori quàm interiori habitu , &
 maxime capitum velis & ornatu , multum
 discre-

F 2

discrepat: hæ enim dispositis multiplicibus
 peplis, quibus grandia olim capita faciebant
 vnico tantum hodie velantur, modestiusque
 incedunt, neque vllum habent fuci, fictiui
 coloris vsum, sed natiuo colore contentę ni-
 hil præterea asciscunt. Et hodie in Frisia eti-
 am multæ mulieres bireto vel ex panno, au-
 serico, aut sameto facto, peplone, capita te-
 gunt: sed Frisonicæ mulieres vetulæ, festiui
 diebus ita auro argentoque fulgentes ince-
 dunt, vt similes in orbe Christiano eiusdem
 que status & conditionis vix videris. Rara
 quippe ibi mulierem rusticam, nisi argento
 inaurato, ingentis ponderis cingulo orna-
 tam, ad templum prodire conspicias: at di-
 latissimas habens tunicarum manicas, & ha-
 in medio cuneatas, atque deauratas armillis
 vsque ad brachia, fibulamque pro pectori
 ornatu ex argento deaurato, ex patria gestan-
 consuetudine, quin & digitos quoque mul-
 tos ornant aureis annulis. Et hæc quidẽ igno-
 bile vulgus, verum matronæ nobiles longe
 aliter aureis, argenteisque variis decoratur or-
 namentis, ita vt nõ minus oneratae quàm or-
 natę esse videantur. In capitibus subtilissimi
 pannis lineis, negotiatorum quæstu ab exte-
 ris regionibus longo maris circuitu impor-
 tatis, velantur: sub his tamen tegumentis, au-
 reas quasi coronas lapidibus pretiosis intex-
 tas, secundũ qualitatem stirpis ac opulentia
 portant

portant. Toga autem scapularis, quæ virgo indu-
duta conspicitur, ipsam pudicitie castitatisq;
observantiâ designabat, qua utebantur spon-
sæ, cum coniugali vinculo iungerentur, nup-
tæq; primo anno festiuis diebus, ita ad ædem
sacrâ incedebant. Nunc vero iste mos omni-
no abolitus est, & virginû ornatus in pretio-
sis & amplissimis aureis vel deauratis coro-
nis, consistit. Quæ ornamenta Germanis ad
Frisiam olim aduentantibus, iucundum in-
solitumq; præbere solebat spectaculum, pro-
ut exfiguratione sequentis picturæ videre li-
cet: Sed hodie satis honestus, satisq; decorus,
quarûdam fœminarû vestitus est, nisi quod
supernè nimium excavantur, ita ut vlnas, pe-
ctus & humeros denudent: festiuis dieb⁹ ob-
longam togam & dissolutam gerunt qua te-
gitur caput & corpus ad pedes vsque excepta
tamen facie. Et similes sunt togæ nobilium
atq; plebeiarum, ciuilitatem summè colunt,
cum inter loquendum, tum & in porrigendis
manibus, patiuntur etiam sese osculo excipi,
verum si quis propius accedere conetur, re-
pulsam patitur, ac vitæ periculo se exponit,
cum viri caprarû maritos se effici nullo mo-
do velint. Aurum & argentum exquisita ve-
stimentorum fimbria, ex variis preciosis ani-
malium pelliculis, aut sericis, sametisq; fere
omnino abiecerunt. In Orientali autem Fri-
sia, longe diuersus vestiû habitus adhuc à mu-
lieribus



liis antiquitus obseruatur, & de præsenti adaptatur: put inferius, in descriptione Oostfrisicæ illarum rerum ratio commodiori loco describetur, nunc vero cætera exequi pergā.

De moribus modernorum Frisonum.

CAPVT XXII.

Sed morum & ritus Frisiorum modernorum Siam longe alia est ratio, cum omnia mu-
tet



tet æui longæua vetustas. Itaq; non alienum
 arbitror paululum de iis proponere. Omnes
 enim hodie Frisiorum conditio siue status
 quadruplex est. Primus clericorum tam se-
 cularium quàm religiosorum, qui optima
 conuersatione plebi præeuntes cum verbo
 pariter & exemplo docent, vtrique magnis
 & largis redditib⁹, prædiis & possessionibus,

F

4

à piis



à piis maioribus nostris prouisi : assignantur.
 enim illis plerumque circa templum domus
 cum agris & pratis, vnde victum suis aut fa-
 mulorum manibus, abundè satis, instar vici-
 norum rusticorum agricultura quæritant, &
 ab aliis plurimum honoris percipiunt, non
 vt in luxu & voluptatibus obscænis viuant,
 sed vt perpetua orgia celebrent, vt verè de
 Deo

Deo doctrinæ possessionem retineant, Deo
Opt. Max. sabbato, aliisque festiuis diebus sa-
crificent, sacrasque laudes cantent, atque ani-
marum curam habeant, reliquis vero diebus
per hebdomadam vacent. Vt etiam scriptu-
ras intelligant, & ipsas festis diebus populum
è suggestu edoceant, & interpretentur, quæ
scire ipsis opus sit, vitam agant cœlibem, vt ar-
tes Ecclesiæ necessarias propagent: nam qui
in his minus probantur, facile ab inerti vul-
go contemni solent. Vestitu religiosi quique
suo, satis decenter vtuntur. Seculares portant
tunicas oblongas, fluxas vsque ad genua, ni-
gro vt plurimum colore, caput mitra lanea,
quod biretum vocant, paruo ac rotundo,
quo rasuram tegunt, non multum fastigiata,
cooperiunt, & in capite auresque satis adhæ-
rentes, ne vento deturbentur, iuxta aures in-
sutas habent fascias, quibus sub mento conne-
ctantur. Ex collo cum in publicum procedunt,
fasciam dependunt, quidam laneam, quidam
sericam, honestatis tantummodo causa. Do-
ctores & Licētiati ex sameto vtuntur, super-
induunt & calceis crepidas siue sandalia,
quæ domum reuersi deponunt. Sed (proh do-
lor) omnia iam abierunt in dissuetudinem.
Ocio maior pars monachorum vacat, libris
pauci intendunt, pomeridianas horas luden-
do, potandoque terentes. Sed mihi hic tem-
pero, ne grauem mihi conciliem inuidiam,
F 5 etiam si

etiam si nihilominus veritatem dixerō, & dicar os meum in cælum ponere, dum eos qui supra me sunt, carpere contendam: malum enim omnes dici, quàm esse boni, probi, & iusti, quando etiam sunt publica vitia. Iniurias suas minores sacerdotes ad Episcopum siue eius Officiale[m] vt commissarium aut Decanum deferunt (militiæ enim clericali adscriptus, ad vulgaris fori iudicium trahi non potest) vnde grandi damno eos qui nocuere aliquando afficiunt, & sibi securitatem parant. Et si quid inter sacerdotes simultatis siue discordiæ exoriat[ur], Episcopus solus aut eius Officialis tamquam iudex competens, decernit: & si quis eius non steterit decreto, ei sacrificiis interdicat, quæ pœna apud eos est grauissima. Quibus enim sacra ita sunt interdicta, hi numero impiorum & sceleratorum habentur, ab iis omnes decedunt, conuersationem eorum & sermonem defugiunt, ne quid ex contagione incommodi accipiant, neque iis petentibus ius redditur, neque honos ullus communicatur. Et quod Aeneas Siluius dicit, sacerdotes apud Frisios ne aliena cubilia polluant, sine coniuge non facile admitti, eò quòd vix continere hominem posse, atque super naturam esse, arbitrentur. Id ita verum non esse, neque etiam vnquam fuisse (quod salua pace tãti Historici dictum sit) audacter dico, & nescio à quo falsiloquo, tanto

tanto viro, tam anilis & falsa (audita enim scripsit) persuasa sit fabula, quum manifestè constet in hac gente, semper fuisse, & adhuc esse permultos, & non paucos numero mundissimos & castissimos sacerdotes, qui abiuratis coniugibus atque concubinis, cælibatum amplectuntur. Neque tamen impudicos & fornicarios eos habere non paucos negauerim, qui de eo conuicti grauibus pœnis & censuris Ecclesiasticis mulctantur, atque tandem prouentibus omnibus ac dignitatibus, clericali ordini annexis priuantur. Itaque presbyterorum filii in Frisia semper fuerunt vilissimi æstimati, patresque eorum ob lęsę honestatis infamiam, non minus contemptibiles effecti, velut sal infatuatum, concalcabantur. Sed quę gens aut natio caret illa labe, primum lapidum in fornicarios Frisicę sacerdotes mittat. Quę rogo consequentia est, vt Frisii, hominem se continere posse super naturam arbitrarentur: quum tam multa, tam opulenta, & regalia in suis terris fundauerunt monasteria, in quibus pene innumerabiles vtriusque sexus homines castissimè, sub regulari disciplina Deo omnipotenti, militent? Quod vero Frisones apud claros authores zelo castitatis prę cęteris laudantur nationibus, non indignabuntur lectores. Huius quippe rei testes (nisi breuitati studerem) plures asserere possem authores. Legi autem nuper in quo-

quodam vetustissimo libro sermonum præ-
dicabilium incerto tamen authore, Gens (in-
quit) Frisonum, miro modo castitatē cælat.
Hæc de ijs dixisse, sufficiant.

CAPVT XXIII.

Secundus vero status modernorum Fri-
siorum nobilium est, hic multos habet
gradus. Sunt enim Comites in occidua
Frisia de Egmonda, & Barones de Breden-
rode & VVassenaer, ac in Orientali Frisia de
Emeda, Esens, & Ieyverden, qui non solum
dignitate, & generis claritudine, sed & poten-
tia cæteros antecedunt. Terras habent & do-
minia latissima, ab Amaso vsque ad Iadam,
fluuium: cæteri que nobiles per regionem
dispersi, florū ad instar interlucent. Sed illud
innobiliū ordine mirum videri potest, quod
Comites ipsi, quoties Imperij necessitas exi-
git, obsequia tamquam subiecti præstent, mi-
lites exemptos se dicant, & nisi ad stipendi-
um nemini seruiant, nec subditos suos infer-
uire sinant, & tamen Romanorum Impera-
torem Dominum suum ac Principem esse
dicant & recognoscant. Prophanari, & non
parum minui generis sui splendorem existi-
mant, si mercaturam, artēue aliquam me-
chanicam exerceant, aut manu laborent, aut
si vxorem plebeiam, vel se inferiorem du-
cant, siue in aliqua vrbe, more ciuium habi-
tent.

tent; itaque ab omni opere immunes, neque seruiunt cuiquam, neque imperant. Atque urbanorum consortia, commertiaque omnia perosi, arces & robustiora, splendidioraque ædificia, in pascuis ruri collocata, cum familia sua liberè habitant. Quidam ex iis Principum Regumque curias frequentant, aut bella sequuntur, alii vero de redditibus suis, & patrimonio viuentes, domi manent. Communiter tamen totam vitam suam venationibus, aut bellis, transigunt & intendunt, venaticosque canes alunt. Quod solum ipsis licere longo usu, & concessa libertate, contendunt.

Lepores etiam fouet Frisia plurimos, hinnulosque paucos, quos tamen capere, aut saltem persequi, priuatorum nemini, conceditur, ceruos verò aut apros, nullos habet. Hinnulorum venatio in aliquibus locis, sub magna & arbitraria pœna interdicta. maxime in orientali Frisia sub Comitibus Oestrisiæ, vbi iuxta Auricam locus est nomine Iyl muris vndique cinctus, arbutis cõlitus, leporibus, & hinnulis percommodus, in quo quasi in viridario siue leporario quodam, fouent maximum numerum, quos proposita pœna capere nemo audet, sed Comitibus, operam venationi daturis, in voluptatem pro tempore seruantur. Noxias tamen feras veluti vulpes, martes & mustelas, rusticis captare licet,

cet,

cet, si possunt, quamuis in Frisia raro inueni-
antur, quæ non exigua damna inferunt in-
quilinis, & tamen venationibus retiariis, aut
foueis vel sagittis apprehensæ, pellium lucro
restaurant illud damnum. Laute insuper no-
biles ipsi epulantur, vestiuntur splendide,
diuersoque colore serico, fametoque tam
viri quam mulieres domi & foris exornan-
tur, multoque famulorum cœtu incedunt,
incessu adeo maturo & præmeditato, ut à ple-
beis mox ut videntur, internosci possunt. E-
quis & curru, si longius sit eundum, & non
pedibus vadunt: nam dedecorosum hoc val-
de ducunt, & meræ egestatis inditium, pedi-
bus itinera conficere. Ad verbales iniurias
sunt omnino impatientissimi, & confestim
iniuriosa verba, verberibus compensant, in-
teriores vero atrociores illis illatas, non vi,
vel pugnis, veluti in Germania vlciscuntur,
sed iure, coguntque iure, & mediante iusti-
tia, qui intulerunt ad satisfactionem.

CAPUT XXIII.

Tertius status oppidanorum est, quo-
rum quidam Regi Hispanorum subie-
cti sunt, quidam comitibus, ac princi-
pibus Oestfrisæ. Qui autem regi Hispania-
rum parent, libertates multas habent & in-
stituta, quibus in communi ferme vtun-
tur. Singulis annis Magistratus suffragiis,
cuium

ciuium nominatur ac eligitur. Ex quibus
præses prouinciæ idoneos ac orthodoxos e-
ligit, & confirmat. Si de rebus arduis a-
gitur, assident in Concilio Scabini, quos ci-
uitas sibi deligit nuncupati vulgari lingua,
(*die gesvorenge eemeente.*) Criminalis vero iu-
stitia & summa potestas penes Senatum Re-
gium est. Habet tamen ciuitas Groninga,
legum condendarum potestatem, possunt-
que pœnam mortis, & mutilationis mem-
brorum statuere. In omnibus fere ciuitati-
bus sunt ingenui & plebei. Reip. administra-
tio fere communis est, & vtrisque permissa,
nec istis plebs feruire aut subiecta esse vide-
tur, sua cuique substantia tuta est & libertas,
saluis legibus, vt viuere volunt. Eleemosynas
multas tribuunt, & stipem largam mendicis
indies erogant. Nulla fere est ciuitas, in qua
non fratrum mendicantium cōuentus sunt,
atque peregrinorum, inopumque publica
hospitia. Aluntur etiam iuuenes ephebi, qui
studiorum causa paterna domo egressi, vo-
luntariè hinc inde exulant, tam multi inter-
dum in vna ciuitate (præsertim Groninga)
vt mirari possis, vnde illi à ciuibus ex pietate
sustententur: nã nulli rei fidelior, maiorque
cura adhibetur, q̃vt pueri atque iuuenes bene
instituantur. Domus publica iuxta singulas
parochias vna est, in qua artium & disciplina-
rum studia colantur, ad quam tam extranei,
quam

quàm ciuiũ filij quotidie conueniunt, & diligentissimè in variis bonarum disciplinarum rudimentis, instituuntur. Qui ipsis præsunt, præceptores viri non minus virtute, quàm doctrina spectabiles sunt, ex quibus profecto discipuli optimas quasque hauriunt disciplinas, ea intentione, vt Dei auxilio concurrente, in cleri militiam tandem ascribantur. Negligentes, ferulis & virgis percutiuntur, aut verbis duriusculis castigantur, & si improbi esse velint, corripuntur, & tamquàm equi calcaribus ad cursum incitati, constringuntur: mollis quippe educatio, quam indulgentiam vocant, neruos omnes mentis & corporis frangit. Maxima est cura parentum, à maligna societate nebulonum restringere filios, ne irrecuperabiliter corrumpantur, & vt domi forisue bonis moribus instituuntur, cum sciant, quàm prona sit ætas hæc ad omne malum, licentiaque accedente, adhuc fit deterior. Quapropter diligentissimè curant, vt puerilis ætas ab illicitis aspectibus, & officiis arceri & abesse cogatur: & si quis puer vel iuuenis, coram patre, aut alio quodam amico, siue sene, scurrilia aut obscæna verba loquatur, siue hominem canum præterierit capite operto, statim reprehenditur & obiurgatur, cum maximum honorem senum esse volunt, neque vsquam terrarum, honoratiorem locum ipsa senectus habet. Vbi quæ illud

Illud omnibus in animo est, Maiori cede. & non minus fideles amici, quàm parentes præstant, quum illos summo supplicio arbitrentur dignos, qui pueros licentiosè in omnibus vitijs educant, & sic educatos aliquando à parentibus in patibulo lugendos dictitent. Ideoque in ciuitatibus, oppidis, & pagis, legali vsu cautum est, ne in sacris cœmeterijs pueri claua, pila, vel taxillis ludât, quos ministri præsidis ilico alligant itatus publicis, aut palis ad eorum insolentiam corripiendam, fabricatis. Proinde iuuentus ab ipsa pueritia, plerumque honestis disciplinis instituitur. liberales artes multis curæ sunt, & in primis diuinarum artium studia, aut Iuris ciuilis scientia, maxime si quibus à pueritia egregia indoles, eximium ingenium, atque animus ad bonas artes propensior esse probatur. Tales enim fieri Magistratus in Rep. præferunt, quales fuerint adolescentes in moribus educati. Atque hæc quidem hætenus. Sed hodie (proh dolor) non multum solliciti sunt de Republica, vt vbique fieri contingit, vnde etiam fit, vt quotidie omnia ruant in peius: nam & incolæ bonas artes contemnunt, satis esse putantes, si vel à limine latinam linguam solummodo salutauerint, nihilque curant aliud, quàm vt rem suam familiarem locupletiores reddant. Præterea & pueri quondam lectum petitori, flexis genibus

G

nibus

nibus ante parentes (Dominica oratione, & Angelica salutatione recitata) paternā benedictionem accipere consueuerunt: quem morem vetusta quadam deuotione suscepti fidei sic introductum, etiam nunc aliubi vtrunque seruant. Imo etiā ad Dei cultum deductissimi sunt nisi in locis illis, vbi iam à Romana dissentiant religione. Nullus artificum olim fuit, qui mane antequam laborare inciperet, ædes sacras non intraret, & diuinum Officium audiret. Ministri atque ancillæ festiuis diebus à dominis suis, cum quib⁹ habitant, vt matutinis sacris interessent, frequenter excitabantur atque compellebantur, eisque non modicum irascuntur, qui ex pigritia aliāue inani causā ædes sacras frequentare negligebāt hodie. Si quis ex ditioribus moritur, accendunt luminaria magna, & domum thurificando suffumigant, atque vicini funus altera die educunt, præcedunt clerici & sacerdotes cantillantes cum ceroferariis duobus, & vno cum thuribulo suffumigante, donec ad sepulturæ locū perueniant: sequuntur amici cum luctu ac lamentatione ad sepulchrum, & ibi à sacerdote thure suffitum, & aqua benedicta conspersum corpus, cum certis imprecationibus, sepulchro tandem imponitur, terraque obruitur. Antiquit⁹ sub paganismo, suos nonnulli defunctos humanabant, ditiores vero in sarcophago condehant.

ad ca

ad caput victualia, & amphoram cereuiciae
ponentes, eo errore capti, quo putarent mor-
tuos sese in futuro seculo recreare, ciboque
exsaturari nunc. In funeribus & parentatio-
nibus mœstitiam ingentem præ se ferre ostē-
dunt, nigris enim amiciuntur vestibus, de-
functos triginta diebus atra veste lugent, ac
funebre sacrum pro iis faciunt. Et quib⁹ for-
tuna amplior est, post exequias in memoriā
defuncti, conuiuantur, peractisque epulis,
fundunt omnes pro defuncto preces suas, sed
tamen non vbiq⁹ æqualiter huiusmodi ex-
equiæ parantur, cum aliquo triginta dierum,
nonnulli verò toto anno, nigris indumentis
obuoluti magis, quàm omnino vestiti, oblō-
go talari pallio lugeant.

C A P V T XXV.

Iustitia, communiter olim per totam Fri-
siam ab illiteratis fere administrabatur in
singulis oppidis, & nonnullis pagis etiam
similiter contingebat. Viri duodecim vitæ
integritate ac honestate præcipui eligebatur
in iudices, nullo habito respectu, siue scirent
litteras siue non, modo ad munera & largitio-
nes, incorruptum animum gererent. Hi iu-
dicandi munus necessario subibant, licet re-
munerationem siue mercedem inde nullam
expectarent, præter honorem, pro communi
tantum bono, suis negotijs posthabitis. Iudi-
cijs

cijs statuto tempore intendebant, forma gubernationis publicæ honesta erat, & iusta: atque in ciuitatibus iudicia, legibus & iure cōstituta fuerunt, proinde in omnibus tribunalijs primas partes æquitati, miserationique tribuendas volebant, nihilque rigidum aut feuerum, siue præcipitanter in iudicijs fieri permittebant, & si quid cōtrouerſiarum inter laicos oriretur, a qua incorruptaque iudicia vbique seruabantur, & communi iudicio omnia decernebantur. Iurabantque singuli sese vnumquemque iudicatuſ, secundum iura municipalia, & quodcunque eis visum fuerit iustius atque melius. Neque ab eorum sententijs maiores nostri omnino appellabant, putantes indignum fore tantorum virorum gratis iudicantium decretis controuenire. Hodie vero ab his, si perperam iudicatum videtur, ad Senatum Regiæ Maiestatis appellatur. Ciues interim honestissimè inter sese & amicissimè viuunt, in foro locisque publicis & priuatis, frequenter conuenientes, mercantur, conuiuantur, collidunt, colloquuntur, & se luctando exercent, raro alter alterum decipit, raro contendunt, his cura est, vt quæ sunt victui & vestitui necessaria, procurare: quocumque tempore, quocumque etiam loco, tam viri quàm mulieres obuiantes inuicem sese mutuo honorant atque salutant, & fœminæ urbanæ diuitijs abunde

abundantes, valde sunt in vestitu fastuosæ, abutuntur illis in superbiam. Sed modò mores & consuetudines ciuium mutantur, militibus peregrinis, semper aliquid noui ex bello adferentibus, luxus, pompa, hodie multorum malorum sunt seminaria. Hinc iam pro dolor increbuerunt & etiam incruduerunt, conuitiandi, iniuriandi, & scortandi vitia, & quamplurima alia mala. Nam vbi nō regnat sapientia, necessario sequitur, vt ciues inter sese mutuo laborent odijs, atque alter alterum deuorare contendat, maximè vero optimi viri periclitantur, rerum suarum iactura.

C A P V T XXVI.

Quartus Frisiorum status, est eorum, qui ruri pagatim villatimque habitāt, quique illud colunt, & propterea etiā rustici vel rurales appellantur. Horum fuit olim satis dura cōditio, quanquam interim se liberos esse gloriarentur. Seorsum enim ab alijs quisque cum familia & pecore suo humiliter satis viuebat: nam casæ eorum luto, argilla, lignoque ex terra paululum eductæ, & stramine vel arundine contextæ, erant: in quibus ignis in medio, & in aliquibus in camino reſeruabatur, iuxta quem vxor ac liberi versabantur, ibidem & pecus & armētum, & frumentum & omnem supellectilem cōdebant,

debant, quumque paterfamilias ad focum
 sederet, iumenta totamque domus sue supel-
 lectilem cernebat. Et habebant, ut & nunc et-
 iam plerumque in caminis suis, saltantes gril-
 los, qui hyemali tempore inhærent caminis,
 tantum importunissimum, hospitibus præ-
 fertim, (dum indigenæ his assueti, non tur-
 bantur) inferentes: sed iam omnia sunt mu-
 tata. Domus sumptuosissimè, ab intra & ex-
 tra, plurimis mansionibus ornatas, extruunt,
 cibus tamen maximè solemnis est Frisiis, ca-
 ro fumo indurata, vel exsiccata, puls auena-
 cea, hordeacea, aut filiginea, ita addensa, ut se-
 re partes inde manibus decerpi possint, aut
 decoctum legumen. Operantes in die quater
 comedunt, ociosi bis, paneque nigro vescun-
 tur, cereuisia ptisana, lac vel apia, serumque
 potus. Gens omni tempore inquieta, laborio-
 sa, munda, & ut plurimum bene vestita ma-
 gis quàm in Saxonia aut VVestphalia. Et iam
 Frisia rusticos habet diuites, ita ut plerique
 24. aut 30. vaccas per hyemem enutrient, mul-
 tosque boues faginent, & ubique in vicinas
 ciuitates ad vendendum agant, quidquid tã
 ex agro quàm ex pecore fructus percipiunt,
 sibi que ibi ex aduerso comparent, quæ apud
 se non habent & egent. Mortua vxore, libe-
 risve defunctis, certam Parocho suo nume-
 rare pecuniam, aut vnã vaccam, pro iuri-
 bus Ecclesiæ dare, coguntur. In sacra æde (quæ
 in sin-

in singulis pagis vna est, satis dotata prædijs
& possessionibus:) Dominico aut festo die
ante meridiem omnes conueniunt, & à sacer-
dote suo paracho, Dei verbum & sacra au-
diunt. Viros in plerisque pagis inter se ru-
stici eligunt ex optimatibus, qui emungēdis
pecunijs nō inhiāt: quos rusticorū magistros,
mamburnos, aut ædituos Ecclesię appellant,
contētionum illi, contractuumq; sequestres
sunt & Reip. dispensatores. Et habent hi eam
rerum experiētiā, vt possint ignaram plebē
de rebus gerendis instruere: vtpote quomo-
do ædes vtiliores ad constituēda pecora ex-
truant, quomodo prata extendant, noualia
ferendis frumentis aptiora reddāt, agrorum
fertilitatem conseruent, quomodo piscatu-
ræ inuigilent, & alias quascumque commo-
ditates, feliciores afferant. Rustici ipsi guber-
nationē in plerisq; locis nullam habent: sed
nobilibus, siue proprietarijs prædiorum cre-
bro per annum, seruiunt: rus colunt, & semine
conspargunt, fructus metunt & horreis
important, aggeres maris reparant, vias resi-
ciunt, domos ædificant, cespites atque fossas
effodiunt. Et vt homines nihil agendo, malè
agere discunt, ita etiam isti multum agendo,
& honestis laboribus multas malas cupidi-
tates reprimunt. In summa nihil est, quod
seruilis ac misera ista turba absque periculo
recusare audent: nam delinquēs in ijs graui-

ter mulctatur, aut sub exactorum istorum censuram eadit. Sed nihil est hominum generi isti durius, quàm quod prædiorum quæ possidet, maior pars non sit sua, sed illorum à quibus certa pensione annua, vel frugum parte quotannis redimere, tenetur. Ex his omnibus prædictis modum ac finem facio huius primi libri, ne excurrat in immensum, cum hæc solummodo de Frisiorum gentis origine, situ, qualitate, libertate, ciuilitate, humanitate, atque morum integritate relatu dignissima, arbitrati fuimus, sufficere. In quo si quid bene dictum existit, Deo Optimo Maximo, & gloriosæ virgini Mariæ laus sit & honor.

Sin autem aliquid minus bene dictum reperitur, me humiliter vniuscuiusque correctioni submitto.

Finis primi libri.

LIBER SE- CVNDVS RERVM GESTARVM ANTIQVO-

RVM FRISONVM, EXPLICAT DI-
uisiones terræ, & mutationes no-
minum, & prouincia-
rum Frisiz.

LIBER SECVNDVS.

CAPVT I.

RISO igitur, primus Fri-
siaz gentis conditor, à quo
& nomen & genus traxerūt
Frisij, potitus (vt dictum
est) Frisia, diuisitque totum
illius regionis tractū à Rhe-
no vsque trans Albim, ad
Eidoram fluuium, in septem partes, septem
filiis suis, quas partes Zelandias appellant,
quasi mari proximas. Quarum prima Oc-
cidentalis Frisia, quæ est ad occiden-
tem Fleui fluminis, nunc maris meridiona-
lis, & comprehendit omnem terram inter
Rhenum & Fleuum fluuium, quæ iam pro-
pter impetuofam maris inundationem ac-
cessit comitatui Hollandiæ, continens in se

G s

Lei-

Leidam, Traiectum & Harlemium, vetustissimas profecto ciuitates, quarum vltima appellationem traxit & denominationē sumpsit, à quodā Lemo filio Dibbaldi, Regis Frisiæ, primo ex Arce conditam, & corrupto vocabulo Heer Lem, dictam, successiuisque temporibus ædificiis auctam, & in urbē amplissimam extructam, prout Annales habent, habetque ea vrbs multos homines, qui solummodo pannis texendis vacant. Leidis vero ciuitas ab Engisto filio Regis Frisiæ, ex Britannia pulso, primo ad ripam Rheni fundata, & temporum successu est multiplicata, vti etiam annales referunt. In qua vrbe etiam annuatim magna copia pannorum paratur. Præterea habet in se hæc Zelandia Enchusiam, Horniam, Alcmariam, Amstelredamum, Edamum, & Medemblicā, cum antiquissimo castello Fleuo, de quo Cornelius Tacitus mentionem facit, lib. quarto Annalium, quod profligatis & fugatis à Frisiis, Romanis. Olemnius fuit castello receptus, cui nomen Fleuum, quod castellum arbitror esse arcē in Medenblick, in qua Radbodum regē Frisiæ frequēter resedisse, historici scribunt. Erat enim ibi eo tempore oportunior Regū habitatio, tã propter commoditatē vicini Fleui fluminis, q̃ propter edium structuras. Quæ omnes ciuitates iam ob inundationem maris meridionalis, comitatui Holladiæ subiectæ & sub curia prouinciali Holladiæ prudentis

ime felicissimeq; gubernantur. In hac Zelandia fabricantur maximæ naues, & potest in illa haberi omnis apparatus nauium, & clas-
is instructissima apparari. Sub eadem Zelandia, subiectæ sunt quædam Insulæ, non longe à continenti in Oceano sitæ, vtpote Tessel, (aut vt aliqui volunt Texel) & Vbelant, quarum ripa, natura ipsa vallo solidissimo ex congerie arenæ maris, munita est Tum eti-
iâ in mari Mediterraneo habet insulas Gryn, VViringen & Marken, quæ fluctibus marinis circumuolutæ & circumseptæ, aggero solidissimo, ex illa terra & gleba argillosa munitæ sunt, quo impetus maris coerceatur, omnes fertiles & optimæ cultæ, in quibus humiles casæ, ex lignis omnes constructæ, piscium captura, magnum quæstum faciunt, & sibi victum incolæ procurant. Quamuis in ijs etiam armenta nutriantur, ex quibus lac, butyrum & caseos sibi corporant. Et faciunt ibidem tam bonos caseos amanuarios ex recenti lacte coagulatos, vt præstent omnibus caseis, qui Amstelredami & in Frisia venduntur, distrahunturque circumquaque per totam fere Germaniam. Et nonnulli si reperi-
ant caseos quasi putres vermium scaturigine plenos, letantur in eorum bonitate, imo exesos nonnihil (& interiori substantia quasi putrefacta) replent vino, quo adhuc magis putrefiant, vt ita & laudē augeant atq; saporē.

CAP V. T

Secunda Zelandia est Comitatus VVe-
stergoe à Fleuo siue mari meridionali vs-
que ad Aulam Dei, vbi nunc est *Vien-*
claeſter, vbi Issula solebat excurrere, & in O-
ceano influere, iam autem ex alluuione ma-
ris continens terra facta, optima gleba, noua
terra vocatur, dirimente vero hanc Zelandiã
mari angusto, à Staurea ciuitate vsque ad Eu-
chusiã, quod iam reputatur esse in latitudine
circa tria miliaria, potestq; fieri traiectus secun-
dis ventis spatio triũ horarum, & cum celum
est serenum, potest facillime Hollandia vide-
ri in Frisia. Quamuis hanc Zelandiam, quon-
dã contiguam vna cum priori Zelandia iam
Hollandiæ conterminam fuisse constat, nul-
lumq; interstitium aquæ extitisse, præter tan-
tummodo viginti aut 25. pedum amplitudi-
nem, Fleui videlicet fluminis, eumque post-
modum propter æquoris sæuitiam, disjunc-
tum. Habet & hæc Zelandia in se vetus em-
porium celeberrimum Stauriam, nec non
Suecam, Bolsuerdiam, Franekeram, Harlin-
giam ciuitates, in qua Harlingia, vexillum
sancti Magni in parietibus Ecclesiæ ab anti-
quis temporibus conseruari, fabulantur Fri-
sii, qui fuit ex militari genere antesignanus
& dux Frisiorum, sub Carolo Magno in ex-
pugnatione Romæ, sua tempestate corporis
robore, nobilitate, & in Deum incredibili re-
ligione

ligione animique magnitudine longè cæteris Frisonibus præstantior. Sub hac Zelandia siue prouincia, ad Aquilonem in Oceano sitæ sunt duę insule, Schelling videlicet & Ammelant, à quarum cõtinente, per mare discretæ, tria miliaria Germanica, maxima maris angustia tenet, quam duarum aut trium horarum spacio, naus bono vento agitata percurrit, insulæque illæ optimis pagis & Ecclesiis decoratæ, atque habitatoribus multis, & mercatoribus, refertæ. In his Insulis nullum nociuum animal inuenitur, etiamsi multos habeant in se cuniculos, qui incolis plurimū incommodant, damnaque non parua inferant, qui cuniculi sic generatione creuerunt, auctique sunt, vt tandem iam impleuerint fere totas Insulas, tanraque agris & domibus damna atque incommoda inferant, vt incolæ vix consilium contra eosdem capere, aut animantibus illis occurrere, possint. sed tandem consilio adiuuento comparant sibi Vierras siue catts syluestres, quos illi Frettos vulgari lingua nominant, illosque mittunt in cuniculorum cauernas & speluncas, ac sic vnguibus suis, illos cuniculos extrahunt, aut saltem per aliud foraminis ostium expellūt, venationique exponunt. Hæ prædictæ Insulæ iuxta maris littora, vbi respiciunt Meridiem, multum sunt fœcundæ, ad septentrionem vero valde montosæ, arenosæ, & infœcundæ.

cundæ. Quarum incolæ valde vexantur & diripiuntur à piratis, qui ibidem semper in tumultis latitant, & à collibus arenosis maria prospiciunt, vt præternauigantes inopinato impetu obruant.

Descriptio Ciuitatis Stauria.

CAPVT III.

STauria ad littus maris meridionalis sita, propter negotiationes, quæ ibi solebant exerceri, quondam clara, ac longa vetustate conspicua, multarumq; regionum emporium, tantis opibus & negotiatorum mercimoniis frequens fuisse dicitur, vt vix illi par, in Europa haberetur: erat enim tota fere orbe celebris. Et etiâ Regalis ciuitas dicta est, limitesq; imperij eius vique Nouiomagium patebant, vbi vetustissimo stylo, characteribus fere ignotis, longo ordine, ad portas Castri legitur inscriptum; HVC VSQVE IVS STAVRIÆ. & alio loco: Hic finitur regnû Stauriæ. Quæ res profecto magnum perhibet Stauriæ vetustatis testimonium. Et quamuis continenti adhæret, tamen magna ex parte cingitur fluctibus instar Amstelredami, nâ aquis marinis alluitur, atque fere circumluitur, habens ad orientem vastum lacum, ad occidentem mare mediterraneum, olim frequens, celebris & inclita ciuitas, habitatoribus ac mercatoribus plena, vbi naues magnæ, tutas

etitas suas stationes, & tranquillissimum portum habere, solebant. Nunc vero (proh dolor) per tempestuosam inundationem aut aestum maris, interiecta arenarum magna mole, portus ita est præclusus & obstrictus, ut nauigijs vix sit peruius, atque ciuitas modo omni mercatura destituta, ad extremum miseriarum & calamitatum redacta, vix vestigia antiquæ claritatis, amplitudinis & vetustatis, inueniantur. Habuit etiam prædicta ciuitas Stauria Monasteria & Ecclesias ornatissimas, quarum aliquæ adhuc inter ruinas & vepres desolatæ iacent. Magna ibidem habitat in præsentiarum piscatorum, nautarum, naucletorum & nauercharum frequentia, qui mare illud meridionale indies scrutantur. Fertur ex antiquorum relatione, ibidem fuisse domos, quarum vestibula fuerunt deaurata, & columnæ ædium auro puro splendentes, nunc vero solas casas rusticas præ se ferentes. Hoc si verum sit, non necessitatis gratia factum est, sed ut potentia suæ monimenta, atque argumenta veteris felicitatis ostenderent, ac inæstimabilium suarum diuitiarum gloriâ, posteritati relinquerent. Harum adhuc ædiû collapsarum vestigia supersunt, atque ex ea felicitate ciues tam insolentes & petulantes fuisse factos, ut naues ad remotas regiones emissas, ut optima quæque & preciosissima mercimonia adportarent, oneratas optimo & præ-

& præstantissimo tritico, postea reuersas, sciscitatos ex nautis, quo nauis latere triticū im-
misissent, responderibus nautis, ad dextrum
iussisse, vt nautæ illud triticum rursus è fini-
stro latere nauis in mare proijcerent: vnde
ex iusta vindicta Dei, magna congeries arena-
rum, portus alueum ita obstruxit, arenasque
ad litus peruoluit atq; meatui eius obiecit,
vt magnæ onustæque naues, iam ibidem nul-
lam stationem quietam habere, sed facile tē-
pestate qualibet iactari, periclitari, vadisque
afflictari possent: quod sine dubio magnum
iræ diuinæ signum ac testimonium fuisse cre-
ditur. Vbi Guilielmus Comes Hollandiæ,
&c. anno 1345. cum octoginta millibus pug-
natorum hominum prope Monasteriū san-
cti Odolphi à Frisijis infelici fato cæsus & in-
teremptus, quorum occisorum ossa vsque ad
annum 1545. inhumata ibidem iacuerunt, in
quibus aperta iudicia vulnerum & ictuum
gladiorum adhuc apparebant, quæ à Maria
Regina Vngariæ anno prædicto plaustris
curribusq; imposita Stauriā deuecta & in do-
mo mortuaria sunt deposita. De quibus Cer-
ardus Nouiomagus haud ignobilis Poëta
subiecta cecinit carmina:

*Egressum sneca me excepit Stauria quondam
Postibus ex auro factis assueta domorum
Lumina fulcere, at modo vix vestigia prisce*

Splen-

Splendoris retinet, fluctus perpeffa furentis

Vicini Oceani, licet hic tamen esse videre

Congesta in tumulum Hollandorum principe cafo

A Frifis pulchra pro libertate paratis;

Mortis adire domos patrio vel viuere iure.

Illa excellens & nobilis olim ciuitas, hodierno die, vix habet quinquaginta domos integras, cæterum ruinæ antiquæ fuę potentię, magnificentiæ, ac gloriæ, adhuc indies ceruntur. Ex qua Dei vindicta naues plerūq; mercibus onuftæ, in falo anchoras eiicere neceffe habent. Vnde translata eft inde mercatura, nō fine graui Ciuitatis damno, Amftelredamum: vbi nautæ propter fecuritatem porius omnes merces transferunt, & cum ibi libera vendendi emendiq; detur cuilibet copia, dici non potelt, quanta ex omni natione mercatorum & opum vis eò confluat: vt certe putares toto orbi illa fufficere. Arcē habet prædicta Stauria Regiam ac munitiffimam ad mare fitam, aggere magnę altitudinis circumfictam, foffaę profunda, aquę plena, circumdatam, & ab ima foffa ad vafigiū vique graminibus veftitam, cuius aggeris infimas partes, murus paulo humilior ex coctili laterculo & calce, circuitum arcis pandit, quo potius & melius valli fundamenta, solidiori mole & ftructura exiftat. Quæ certè munitio fic eft inftructa & inftituta, vt manuariis tormentis inftructi & edocti milites, poft eam

H late-

lateant, locique humilitate, & fossa contecti
(quauis etiā hostium cingente corona,) tor-
mentorū ictus euitare possunt, planeque
videas nulla potentia eandem arcem esse fa-
cile expugnabilem. Ciuitas vero ipsa olim
altis mœnibus, fossis, ædificiis, opibus, & ho-
minibus florentissima & ditissima, hodierno
vero tempore omnium ciuitatum, miserrima
pagique gerens speciem. Ex hac Ciuitate
originē duxit quanquā Suecæ natus eximius
ille Ioachim^o Hopperus V. I. Doct̃or, splen-
didis ortus maioribus, ex vetusta Hoppero-
rum familia, qui semper cum propter exi-
miam eius prudentiam, & singularem pieta-
tem, tum etiam ob maxima in me beneficia
à me hic merito nominandus venit, vir pro-
fecto cum veteri prosapia & linguarum cog-
nitione vndiquaque doct̃issimus, perspicaci-
s ingenij, sobrius, & morum grauitate in-
signis, tum etiam omni virtutum genere or-
natissimus, omnisque ocij ac inertie impati-
ens. Hic idem Hopperus ab adolescentia ita
studiis & virtutibus deditus fuit, vt nunquam
intermitteret diem ac noctem, quam non ali-
quid scriberet vel legeret, atque Louanij bo-
nis literis institutus, legum studio ita se de-
diderat, vt summo auditorum applausu, eas-
dem profiteretur: cui præter exactam iuri-
quod profitebatur scientiam, felicissima ad-
erat, vel ex tempore scribendi dicendique
facul

facultas, ita vt diceret orationem bonis electisq; verbis, simul ac sententijs, ex vberissimo quodam manare fonte, adeo nec restitit vnquam, nec hæsit, nec interfiluit: vnde etiã sibi perpetuum nomen peperit, & fortunis, & dignitate suam illustrauit familiam, multosq; egregios libros edidit, qui publicæ bibliothecæ traditi, magna cum gloria, per vniuersum Christianismum, diuenduntur. Ac tandem ob ingenij sui solertiam, insignesq; animi sui dotes eo peruenit, vt ad Aulam Regis Hispaniarum accitus, summa moderatione, & perpetui sui nominis honore, iam multos annos Iustitiam administrauit, omnibusq; proceribus quàm gratissimus fuerit. Deinde ad Regem in Hispanias ob singularem suam prudentiam vocatus, cum à suo Rege, tum ab his qui apud Regem titulo & authoritate pollent, mirificè adornatus, in Hispaniis præmatura morte, vitam inunctus est: cui certe multum debent studiosi omnes, quibus, plerisque suis doctissimis lucubrationibus, non parum contulit.

C A P V T III.

Tertia, Zelandia est Comitatus Oestergoe, quæ incipit ab Aula Dei, ab antiquis temporibus sic dicta, nunc autem vulgari lingua, *Nienklaester*, vbi nunc Leouerdia est sita, vt quidam volunt, & extendit

dit sese in orientem vsque ad Lanum fluuium, qui vulgo, *die laures*, dicitur, & ad Austrum vsque ad Bornam, fluuium inclusiue continens in se *Opsterlandt*, *Schotervvarff*, & *Sm llingerlandt*, cum nobilissima Metropolitana Ciuitate Leouardia, atq; Doccomio ciuitate Frisiae antiqua & sancta: nam ibidem reliquias diui Bonifacii Episcopi & martyris, multis corruscantes miraculis, quibus escere, inferius suo in loco annotabimus. Atque hae duae secunda videlicet & tertia (vt patrio more loquar) Zelandiae iam vno nomine appellantur *Vestfreslant*, siue Occidentalis Frisia, & eius est tanta rerum omnium vbertas, vt prorsus nihil quod ad humanos vsus pertineat, desideres: atque antiquis adhuc gaudent priuilegiis & libertatibus, neque olim aliquem nisi Romanorum Imperatorem, solebant agnoscere, dominum. Veruntamen multa ac fere infinita corporum ac rerum perpeffi sunt damna, pro hac tuenda libertate, pugnando contra externos, principes, maxime Hollandiae Comitibus, qui pene omnes Frisios suae ditioni subiungere, conati sunt, vt in alia descriptione latius ac fusius volente Deo adhuc dicetur, nunc vero domini Burgundiae subiecta sub provinciali Curia Leouardiensi, prudentissimae felicissimeq; gubernatur. Et habet sub se vnam solummodo Insulam, quae lingua vulgari

ga

gari nominatur *Schyrmontkoghe*, quæ est alii-
minor, & infecundior, circumdaturq; vastis-
simo mari, & habet mediocres tumulos ac a-
renosos montes, ad eam partem qua Oceano
adiacet, ynamq; villam & parochialem Ec-
clesiam in arenoso loco sitam, & vento im-
petuoso ex septentrione multis annis irru-
ente, mare tam importune illi sit ad littora,
vt temporis successu, montes ac colles rue-
rent in mare, & plurima terra ab eadem Insu-
la absorpta est, cuius incolæ vt plurimum pi-
scationi operam dantes, victum sibi acqui-
runt, atque à piratis plurimum affliguntur,
qui ibidem sæpissime latitant, æquoraq; in-
festant, nam ex istis altis littoribus præterna-
uigâtes naues ex inopinato obruere possunt.
Et aliquando vsu venit, vt mare in hac insula
Balenas visendæ magnitudinis in littus eiici-
at, quæ propter molem atque miram defor-
mitatem, aspicientibus magnum terrorem
ac timorem incutiunt. Patet ab hac Insula,
incolis iter nauigabile in Frisiam trium ho-
rarum spacio, secundis quidem ventis, &
quando serenum est cælum, potest hæc Insu-
la facile videri in Frisia, & est ibi inter conti-
nentē & Insulam, sinus quidā maris, in aliqui-
bus locis vadosus, vbi conchæ marinæ legun-
tur. Præterea tāta est illic, & in aliis insulis æ-
tis temperies, vt pisces non sale conditi, sed
tantum sole & aëre siccati, totum annum du-

rare possunt. Habet etiā hæc Insula cuniculo in maxima copia, qui habitantes in suis antris securū ibi elegerunt domiciliū, iuxta illud

Gaudet in effossis habitare cuniculus antris.

Nam in arenosis istis montibus & collibus saltantes, vlna ac palustri iunco pascuntur.

C A P V T V.

Hic iam de situ ciuitatis Doccomanæ aliquid dicere, amor dulcissima patriæ meæ, me cogit.

Est autem ciuitas Doccum, sita in Dongerdelia, in qua sum natus, & à pueritia educatus, haud procul distans ab Oceano. Locus in quo hæc ciuitas constructa est, primo fuit dumosus & inuius, paludinosus atque horridus, postmodum vero propter commoditatem subortam, villa facta est, ac deinde ciuitas constructa ac aucta, quid enim non mutat peruigilis instantia curæ atque laboris. Annem habet ex portu maris Scholbaich bis in die alluentem & refluentem, qui in Oceanum delabitur, ipsamque ciuitatem quasi mediam interfecat, ad navigationem plurimum accommodus, ex quo, magna ciues ibidem habitantes, sentiunt commoda, quia maiores nauēs ad hanc ciuitatem, per illum amnem deduci possunt, non quidem equis, sed impulsu ventorum, vel maris fluxu atque refluxu concitantur. Hæc ciuitas (vtri à maioribus meis accepi) olim emporium, omnium occidentalium merci-

mercimoniarum, fuit celeberrimum, quamuis modo non vsque adeo sit frequens & plena habitatorib⁹ & mercatoribus. Pontes habet duos ligneos, structos super amnē, quorum alter celeberrimo silice constratus, loco fori publici celebratur, in quo quotidie frequentes fiunt ciuium deambulationes. Hæc inquam ciuitas olim altis vallibus & profundis fossis, magnisq; propugnaculis munita fuit: cæterum temporibus Caroli quinti Imperatoris, anno domini, 1525. destructa ac euerfa, nunc temporis vero iterū anno domini scilicet, 1582. factionibus Goseanorum, reædificata, reparata, vallo ac fossa vti prius, munita. Forum habet satis amplum & oblongum, magnificis & preciosis ædibus ornatum, in quo publica domus in medio, speciem peninsulæ præbens, constructa est, in qua libræ ad vsum Reipublicæ constituta, vbi referta vasa butyri, caseique, & cæteræ merces omnes, an iustam habeant quantitatem, ponderantur atque mensurantur. Et quidquid præterea rustici ex circūvicinis pagis, ex agris suis percipiunt fructus, eodē venale portant. Ciues sunt industrii, & plerumq; negotiatores callidissimi. nundinas annuas habent quatuor, atque duas Ecclesias parochiales, in vno cœmiterio constructas, vnam Sancto Martino, & alteram Sancto Bonifacio dicatam. præterea extat ibidem quoddam

Xenodochiū satis ditatum vni cum Sacello
Diui Anthonij. Ornatur etiam Ciuitas hæc
magnifica Abbatia Sancti Bonifacij, ordinis
diui Augustini, Præmonstratensis: in cuius
Ecclesia est sepulchrum eiusdem Sancti Mar-
tyris non procul à choro, testimonium sancti
funeris referens. Etiam aliorum quampluri-
morum Sanctoꝝ Martyrum reliquiæ & of-
fa, ibidem in crypta ante chorum in omni ho-
nore ac reuerentia obseruantur, & veneran-
tur: qui in eodem loco Martyrium pro Chri-
stinomine, meruerunt. Existit ad Occiden-
tem illius tumbæ, fons pulcherrimus ac salu-
tifer semper aquarum plenus, & nunquā ef-
fluens, à prædicto Martyre (Deo tamen ar-
chitecto) cū ea regio incredibili siccitate ex-
aruiisset, miraculose, pastoralibaculo percus-
sus: cuius quidem aqua, tota est limpidissima
atque dulcissima, multis profecto miraculis
corruscans: nam eius potu febricitantes sana-
ri, alleuari, existimant. præter hoc etiam e-
genis, pauperibus, infirmis ad valetudinem
recuperandam, multum conducens atque
conferens. Extitit præterea ad mea vsq; tem-
pora, calix quidam ex puro auro, & baculus
pastoralis ex ebore, ornamentum item Mis-
sale, quod casulam vocant, & testamentum
nouum Italicis literis in pergamena propriis
digitis conscriptum, quibus omnibus San-
ctus ille Martyr Bonifacius, Missam celebra-
re,

re, solebat: quæq; omnia magnifico appa-
ratu, septenis annis, publicè populo ostende-
bantur. Visebantur etiam mea ætate, cum
pueritiæ annos agerem, atque apud Doccu-
manos bonis literis ac moribus operam da-
rem, panes quinque siliginei, ab eodem mar-
tyre, in formam lapidis transmutati: pristi-
num tamen candorem & saporem, in hunc
vsque diem habentes, pro vt inferius tertio
libro, vbi de eius vita latius agetur, planius
dicemus. Hæc omnia quæ prædicta sunt, ob
sanctimoniam ac antiquitatem, in archiuis
dictæ Ecclesiæ ad hoc vsq; tempus, sunt ob-
seruata, cum adhuc nonnullis aliis, sancto-
rum Martyrum sociorumque eius reliqui-
is, toto orbe celebrandis, quæ in festo dicti
Martyris die, in populi frequentia, summa
cum deuotione, ad huius Martyris & mili-
tis Christi, memoriam ac mortem refrican-
dam, exornandâq; ostenduntur, visitantur
& spectantur: hæc qui viderit (sicuti & ego
hæc me sæpius vidisse fateor) nec quicquam
antiquius, nec mirabilius vsquam vidisse,
asseret. Et quamuis hæc iunioribus videan-
tur esse fictitia ac fabulosa, tamen succinctis-
sime ea, quæ huius rei veritatem ostendent,
inferius annotabimus. Hic fuit ille Bonifa-
cius, qui aliquando rogatus, an liceret sacer-
dotibus ligneis calicibus sacrificare, fertur
respondisse, olim aureos sacerdotes ligneis
H 3 vascu-

vasculis litasse, nunc vice versa ligneas sacer-
dotes esse, atque aureis calicibus uti: cuius
quidem prædicti memorabilis Martyris, in
decretis Canonicis fit mentio, sed verbis in-
uersis. Hæc inquam Ciuitas tam priuatis æ-
dificiis, temporum successu, exornata, ob fa-
ctiones *Schiringanorum*, & *vetcopiorum* grauif-
sima pertulit damna, & in contrarias factio-
nes sæpius expugnata, ferro ac flamma con-
sumpta, tandem præualete altera factio so-
rum parte, iterum extructa, & post excidi-
um renata atque reædificata, variisque for-
tunæ procellis agitata: iam tandem sub Phi-
lippi Regis Hispaniarum tutela requiescens,
longa pace cuncta resouente, post tristes fa-
uillas & rudera feliciter floret, opibusque &
diuitiis mirum in modum abundat.

CAPUT VI.

NVnc vero ad descriptionem Ciuitatis
Leouardianæ calamus noster conuer-
tatur, hæc enim est Ciuitas Frisæ oc-
cidētalis Metropolitico ornata honore, Op-
pidum certe nouum ac recens in meditullio
occidux Frisæ situm, semicirculi instar, in-
fra centum vel circiter annos prius à quodā
præfecto vrbis, Magistro Petro Hoppers
vallo communitum, atque temporum suc-
cessu ob fertilitatem terræ in magnificentia
& diuitiis cito adauctum. Amnem habet per-
nau-

nauigabilem fluentem per singulas fere Ciuitatis plateas, omni genere merciū accommodatissimum, atque plurimos pontes super amnem, ex coctilibus lapidibus constructos, in quibus frequentes fiunt ciuium deambulationes. Solum per circuitum Ciuitatis est valde fœcundum, quare etiam ibidem maxima est butyri & casei copia, quæ hebdomadatim ex circumiacentibus pagis atque villis aduehuntur, atque confestim à peregrinis mercatoribus, haud leui publici ærarij vectigali quæstu, nauigiis ad circumiacentes regiones portantur, ciuesque ex tam frequenti multarum gentium conuersatione opes suas augent, magnumque quæstum faciunt. Atque ex cunctis vndique regionibus, tanta rerum & frumenti copia vicissim aduehitur, vt singulis septimanis, die videlicet Sabbati, publicæ nundinæ celebrentur. Itaque præ ciuium & commerciorum frequentia, merito totius prouinciæ emporium appellatur. Quantum vero attinet ad humanæ vitæ vsum, nulli Ciuitati Frisæ est secunda, nam gratissimis & lautissimis piscibus omnis generis, abundat, vnde etiam in hac ciuitate Leouardiensi delicatius, quam aliis in Frisia locis, viuitur, & in mediocri precio, panis, caro & pisces habentur. Est quoque in hac ciuitate, sedes Episcopalis, anno domini, 1570, ex optimo consilio Regis

gis Hispaniarum erecta, eiusque beneficio mirum in modum dotata, in qua sunt venerandæ dignitatis Canonici, qui in horis nocturnis siue diurnis, nō intermittunt laudare nomen domini Dei nostri. Habet hæc ciuitas tres parochiales Ecclesias, quarum vna est Basilica Episcopalis *Oldehoeff* in honorem Sancti Viti, dedicata: altera, Diuæ Mariæ virginis, *Nyhoven*, vocata: tertia vero Ecclesia Sanctæ Catharinæ nominata. Sunt etiam & ibidē Franciscanorum & Dominicanorum Prædicatorum, duo amœnissima monasteria, ac templa, maximis sumptibus extructa, atque duo Cœnobia sanctimonialium virginum, quorum vnum est ordinis Iacobitarum inclusarum, quæ per diuites sunt, atque in hoc virum aliquem seu mulierem aliquam ingredi, grande piaculum est: alterum vero est, sororum Sanctæ Annæ, sub regula Sancti Augustini militantium. Præterea sunt in eadem Ciuitate, duo valde honesta Xenodochia, eaque opulentissima, cum eorum Sacelli, quorum num in honorem Diui Iacobi Apostoli, alterum in honorem Sancti Anthonij est fundatum, vtrumque profecto bene dotatum, & ad sustentationem pauperum, peregrinorum, ægrotantium, egregiè ornatum, ita vt vix in tota Frisia par & simile illis inuenias. Habet etiam Leouardia perpulchras, & in domesticæ suppellectilis

Ætalis nitore, valde ornatas ædes, atque niti-
das, plateasq; lapidibus, silicibus perpolitis,
stratas. Ferunt quidam antiqui Frisij. (quod
& aliquo modo similitudinem quandam re-
ferre videtur) Leuardiam dictam, à quo-
dam Caupone, cui nomen erat Leo, qui in
eodem loco, hospitium, siue passagium cun-
ctis transeuntibus præbere solebat, quasi di-
cerent, *Leve Vveert*, vernaculaque lingua,
nomen loci ita inditum, ac deinde corrupto
vocabulo *Levverden*, denominatum, cuius
quidem initia primo parua fuere, sed deinde
multas per tempora habuere accessiones. Sed
hæc maiorum nostrorum relatione accepi-
mus. Insuper ibidem quamplurima ædificia,
ex decreto Magistratus, non straminibus aut
arundinibus ut antea, sed coctilibus tegulis
successivis temporibus, constructa sunt, tan-
taque prosperitate Ciuitas breui tempore
excreuit, atque in tanta copia ibidem homi-
nes habitare cœperunt, ut ex hospitio villa,
ex villa Oppidum nominatissimum sit ædi-
ficatum. Tandem vero Anno domini, 1501.
ex decreto Alberti Ducis Saxoniz, & tum
temporis domini Frisiz ibidem munitissima
Arx est constructa, bombardis aliisque id ge-
neris munitionibus (quas haud nouit vlla
vetustas) decorata, qua, Ciuitas, maiorque
pars Frisiz in officio retineri possit. Institu-
it etiam Dux & dominus ibidem Curiam
prouin-

prouincialem, siue confistorium aulicum, in quo togati Doctores duodecim ex equestri dignitate, sex patriotæ siue intranei, & totidem ex plebeis peregrini, assessores sunt. Aduocatorum & procuratorum ibi admodum frequens est numerus, omnes malefactores ex tota prouincia, Leonardiam vsque, ad prouincialem Curiam deducuntur, atq; arcis custodiæ in Arce traduntur, vbi sunt horribiles carcerum loci, quibus mancipantur, qui ob crimina atque facinora interimendi, veniunt; ibidemque executioni mandantur. Ciuitas habet Senatum ex optimatibus ciuium quotannis nominatum, & à Regio prefecto Frisæ confirmatum, à cuius autoritate ac iudicio, prouocatur ad Senatum Regium, siue Curiam prouincialem: eoq; etiam recurrunt in decisione causarum suarum, omnes Iudices rurales ex tota prouincia: nam illi mittunt eò suas dubias causas ad Iurisconsultos (quorum ibidem est magnus numerus) diiudicandas. Magna siquidem & veneranda ciuiliū legum autoritas ibi habetur, & præcipuè fulgent atque florent docti Iurisconsulti, ita vt merito doctissimorum virorum emporium dici possit, qui que nodos omnes, difficilesque Iuris quæstiones optimè soluere, enodare, & explicare norūt, vt rectè quidam in eius laudem luculenter & graphice his panegyricis versibus, scribat.

CURIA

*Caria sic celebris, sacrosanctumq; Senatum
 Consilio Marcellus adest, pietate Matellus,
 Fabricius, Curnus, Fabius, Cato, Scipio, Brutus,
 Lalius, & prudens, & legifer ille Licurgus,
 Factio nulla viris, nec perturbatio praeceps,
 Omnibus aequata trutinantur rite balance.
 Hic quoque sunt docti legum, iurisq; periti,
 Et qui iustificant alios pietate, fideq;
 Pragmatici, exculti ingenijs, multumq; disertis,
 Quia orant causas, Patroni rite vocantur,
 Nilq; loci Rabulis, qui nigrum in candida vertunt
 Palmam inter Frisias vides Leouardia gestat.*

Et quamvis Ciuitas Leouardia inter nouas
 Frisiae Ciuitates numeretur, nullaque anti-
 quitatis vestigia in ea appareant, laude, & ve-
 rustate digna, nihilominus temporibus Ca-
 roli Quinti Imperatoris, & Philippi Regis
 Hispaniarum, in potentissimam ac florentis-
 simam euasit Ciuitatem, aedificiis nimirum
 multis & pretiosissimis mirum in modum
 aucta: Ciuitas profecto tota ornatissima, pul-
 cherrima, magnificis atque eximia virtute
 praestantibus viris illustrata, foris verò amoe-
 nissimis campis, ac hortis fecundissimis, va-
 riisque pomorum generibus, praecipue aure-
 is malis praeter alias nationes dotata decora-
 ta. In hac Ciuitate, à pueritia educatus est
 doctissimus ille Viglius Zvrichemius iuris
 vtriusque Doctor, Frisonicae gentis vnicum
 decus & lumē incomparabile sui seculi, mul-
 torumq;

torumque studiosorum & doctissimorum virorum, alumnus, vir grauis atque in causis dicendis exercitissim⁹, & in obeundis magnis & arduis negotiis, summa præditus industria. Hic inquam Zvichemius ad Reipub. munia Bruxellas à Carolo Quinto. primo vocatus, ac in Aulam Regis Hispaniarum pertractus, regni regionumque negotiorum vndis emerfus, magis anabat studia quàm colebat. Itaq; in sua senectute, suis sumptib⁹ & stipendiis, Collegiũ studiosorum Louanij construxit, vbi etiam doctissimos quosque viros suis stipendiis alit, vt bonas literas & linguas iuuentutem doceant, in quo maximam Frisiorum adolescentium multitudo, optimis disciplinis, & vera pietate liberaliter & gratis instituitur: quæ res permagnos progressus attulit rei literariæ, vir certe immortalis laude dignus, cuius perpetua memoria huic Academix summo vñui, & ornamẽto est. Fuerunt etiam & alij plures docti atque illustres viri Frisij, quos breuitatis causa nos modo non commemorabimus. Quibus tamen inter ceteros adnumerare placuit ex cognatione mea, in materna linea Iohannem Docomiensem, iuris vtriusq; Doctorem, magnum auunculum meũ, sui temporis Iurisconsultum præstantissimum, primo Cameræ Imperialis assessorem, ac deinde ob variam eruditionem, & rerum gestarum gloriam

riam in Consilium Ducis Cliuix, accitum;
 Anno vero Christi 1540. Colonia peste ex-
 tinctum, in cuius ædibus etiam aliquamdiu
 habitauit, cum Colonia literis bonis operam
 darem: à quo tum temporis multa vidi in il-
 lo virtutum exempla, atque doctrinæ. Tum
 etiam (teste Erasmo Roterodamo) Hayone
 Hermana iuuenē profecto, diuinæ indolis,
 cuius extant epistolæ aliquot, quibus nihil
 purius, suauius, aut sanius: is fortasse omniū
 palmam tulisset, si naturæ felicissimæ par-
 ticipasset industria.

C A P V T VII.

Quarta Zelandia siue Prouincia, est *Stel-
 lingvverff, Steenvyck, Cunera, & Vollen-
 houē*, cum omnibus adiacentibus terris
 Transissulanis, vsque ad Dauentriam, inclu-
 siue, & hanc Zelandiam Episcopi Traiecten-
 ses totam sibi subiecerunt, exceptis *Stelling-
 vverff, & Schoteruuarff*, cum inferioribus syl-
 uis, qui fortissimè multis ac grauib⁹ resistētes
 impugnationibus Episcoporum Traiecten-
 sium, adhuc cum duabus supradictis Zelan-
 diis sunt restricti, & sub gubernatione Regiæ
 Maiestatis Hispaniarum, Curia Prouincia-
 lis Leouerdianæ felicissimè, reguntur. Quæ
 Zelandia, nullam ad eam partem, qua mari
 mediterraneo incumbit, habet Insulam, sed
 in se multas ac egregias vrbes, vtpote Dauen-
 triam

triam, Svvolam, Hasselctum. Steenvvycam
 & Vullenhouam. Et est quidem Dauentria
 Ciuitas Frisiz antiquitus reputata, & Impe-
 rialis merito dicta, ad Insulam omnino com-
 modè sita, muris & turribus latericiis, por-
 tis & propugnaculis altissimis optimè muni-
 ta, & circumdata: magnisque ædificiis, & tri-
 bus Parochialibus Ecclesiis ornata, quarum
 vna ad montem, altera Dñe Mariæ, & tertia
 Sancti Lebuini Martyris, Basilica Episcopa-
 lis dedicata, in qua præfati Martyris ossa su-
 periori tempore, requiescebant. Habet præ-
 terea etiam Dauentria duo monasteria, vnũ
 Franciscanorum gaudentium, alterum fra-
 trum Diui Hieronymi, pro seminario pau-
 perum clericorum, & quatuor monialium
 conuenticula. Agnoscunt Imperatorem Ro-
 manorum, pro suo domino, atque sese sub
 eius Imperio esse gloriantur, licet tamen Re-
 gi Hispanorum nostro æuo pareant, eumq̃
 agnoscant. Habet etiam priuilegium cum
 aliis duabus transsylvanis Ciuitatibus sibi
 confœderatis cudendi scilicet monerã pro-
 priam: & pontem ligneum super Insulam
 sumptuosissime extructum, quo facile qui
 exercitum traicere posset. Ciues fere omnes
 exercent grandia commercia, regio autem
 per se satis rudis & arenosa, pro bona eius
 parte, syluis obducta, multisque arboribus
 oppleta, materiam præbet, ad naualem præ-
 cipuan

cipuam fabricam. Schola etiam particularis
 ibi olim insignis fuit, cui præfuit aliquando
 Alexander Hegius græcæ linguæ & latinæ in-
 signis professor, cui⁹ discipuli fuerunt, Era-
 smus Roterodam⁹, & Iohannes Murmellius,
 viri profecto insignes, & singulari doctrina
 conspicui, inter quos prædictus Murmellius
 Dauentriâ publico stipendio accitus, exitiali
 morbo correptus, anno domini 1507. vita
 functus est. De morte ipsius, suspicio non
 admodum vana exoriebatur, quasi ab æmu-
 lo quodam veneno sublatus fuisset, sed qui
 ægrotanti adfuere artis medicæ peritissimi,
 eundem pleureti extinctum fuisse, affirma-
 bant. Habet etiam hæc Ciuitas insignem Ty-
 pographiam, qua omnium generum diuersi
 ac optimi quiq; libri imprimuntur. Aliud pe-
 culiare nihil habere potui de hac inclita Ci-
 uitate Dauentriensi. Svolla vero Ciuitas
 ad Vidrum fluuium sita, in quem defluit
 Vechtus, nundinis multis clara, vallibus,
 turribus, portis, & altis fortaliis satis muni-
 ta est, & præclara ab antiquis schola particu-
 lari decorata, vbi & græca lingua & latina op-
 time docetur. Hæc Ciuitas à Ptolomæo de-
 nominatur, Naualia, libro secundo, capite
 vndecimo, vnamque monetam cudit, cum
 Dauentria atque Campena. Sed ab antiquis
 tem poribus iuxta fœdera cum Groninga
 & Dauentria inita, vnam monetam in si-
 gnum

gnum confœderationis cudebant, cuius epigramma subsignatum cum insignijs dictarum quatuor Ciuitatum, ab vtraq; parte talem formam habebat, qualem ego vnâ vidi.



CAPVT VIII.

QVinta Zelandia est inter Lanum siue Lanicam & Amasum fluuios inclusa, cum Drentia & *VVestervolt*, vsq; ad *Ascanij* vicum, nunc *Aschendorp*, *VVestphali-* am versus se extendens, & hæc quidem Zelandia, quondam nulli externo paruit domino, sed tantum inclitæ Ciuitati Groningensi subiecta fuit, quæ in meditullio siue medio fere terre sita, omnem illam Zelandiam (excepta *Reyderlandt*, quæ Comitib; Emdensi

denſi paret) tributariam fecit. Sed anno domini 1536. à nobili ac generoſo domino Georgio Schenck præſecto Friſiæ, domui Burgundiæ cum circumiacenti territorio ſubiugata, Carolo quinto Imperatori, parere cœpit, atq; vno nomine moderno tempore appellatur ager Groningeniſis, ſiue territoriũ Groningẽſe. Vnde videtur quod Groninga ſit in terminis Drenthiæ ſita. Conſtat enim, qđ Henric⁹ hui⁹ nominis tertius Imperator Romanorũ, anno domini 1047. vndecimo Calẽ. Iunij, in Bulla ſua aurea donauit ex conſilio procerũ & prælatorum Eccleſiæ Traiecteniſis, pro teſtamento patris, & antecelliſſoris ſui, (cuius inteſtina ibidẽ in ſummo templo ſepulta) comitatum Drentiæ. addens in eadem Bulla, vna cum villa noſtra *Groningen*, in dicto Comitatu, ſituata: & ſic inuenitur ſcriptum in parietibus maioris Eccleſiæ Traiecteniſis. Eſt autem Drentia regio paludibus fere obducta, vnam ſolummodo habens viam militarem anguſtam verſus aquilonem, per quam ſolummodo traduci poteſt exercitus in Friſiam, vbi eſt Arx Couerdia, quæ eſt quaſi propugnaculum totius terræ, vt ab illa parte nemo ingredi queat, ſi Arcis præfectus repagula obſiciat, vel ſi via illa ab incolis ſit obſeſſa, facile prohibere poteſt. Cætera loca adeo ſunt luſoſa & perplexa, vt vix expeditiſſimis ſint peruia. Gens eſt inquieta, &

stricta parsimonia, dura, laboriosa, plurimo-
que labore continuo, vitam perduram egit,
atq; bobus suis terram arat. Multis arboribus
gladiferis oppleta est regio, materiam præbet
ad nauale fabricam: præcipuæ arbores tanta
crassitudine excrescunt, vt in circuitu denos
aut octenos pateant pedes. Mulieres quoque
virorum perferunt labores, assuetæ, vna
cum viris suis opus facere: quo fit, vt conti-
nuum exercitum, & victus parcitas, corpora
eorum macilenta ac robusta efficiat, longio-
risq; sunt ætatis quàm in Frisia homines, vt
qui plerumq; annis centum vitâ agant. Quin
etiam quosdam hic inuenias octogenarios,
qui agris arandis validissimi adhuc sunt, ita
etiam sæpissime vt iuniores illis palmam da-
re cogantur, videasq; ibi viros centenarios,
qui adhuc integrum ordinem dentium ille-
sum habeât. Omnes sunt humanitatis atque
ciuitatis amantissimi, neque à Frisiis sese li-
beralitate atq; munificentia superari sinunt.
Ager quatenus colitur & stercoretur, satisq;
fertilis est, & satis frumenti producit, sed in-
stituuntur sæpe ad aratrum vnum, quatuor
aut quinque bouum paria, atque duo equi.
Terra illorum alioquin non est mala, nam
abundat iumentis & ouibus, ceterum anima-
lia omnis generis sunt minora, quàm in Fri-
sia. In humilibus casis habitant, in quibus ig-
nis in medio conseruatur, ad quem cum Pa-
terfa-

terfamilias sedet. iumenta omnia, totamque domus suæ suppellectilem, cernit: habent enim sub eodem, quo ipsi tecto habitant, sine ullo interstitio pecora sua, & quidquid ex agro pecoreque commodi percipiunt, Groningam deferunt, & ad vendendum portāt. Hæc Zelandia habet sub se ad Aquilonē Insulas duas, *Rotterdamoghe* videlicet, & *Bosch*, inhabitabiles, circumuallatas altis arenosis montibus, atque cuniculis plenas.

C A P V T IX.

Descriptio Ciuitatis Groningane.

GRoninga Frisiorum ad differentiam alterius Groningæ in VVirtenbargensi ditione, vulgari lingua *Groningen* vocatur. Et est Ciuitas Frisiæ emporium celeberrimum, quam à quodam Grunone Troiano fratre Athenoris, regis Franciæ nomen sumpsisse, quidam existimant. Quia enim sonus Gruno prior est vocabulo Grunenburg, verisimile est, ab ipso Grunone primo conditore, trecentos septuaginta septem annos, ante natum Christum originem primo sumpsisse, & arcē eo loco Grunenburg extruxisse, cuius dominium postea dixere Burchgrauium. Tametsi multi negent tunc iacta fuisse fundamenta: communi tamen opinione & doctorum hominum autoritate inter omnes constat, hanc Ciuitatem vocasse

state esse commendatissimam, de qua vrbe tota prouincia denominationem habet. Cæterum quidā à viridi siue virenti parochia, propter amœnitatem loci, & frequentium herbarum & plantarum viriditatem appellari, quasi à *Groen* & *Gha*, (quod ex Frisonico idiomate in latinum conuersum parochiam sonat) nomenclaturam sumpsisse, asserunt. Cui astipulantur etiam nonnihil insignia vr-
bis, scilicet scutum album, cum viridi trabe. Verum Cornelius Tacitus Gruines populos esse inferioris Germaniæ meminit lib. An-
naliaum vigesimo primo. Vnde ego Groningam nomen & originem duxisse existimarem. Hæc præclara Ciuitas & Imperialis à Ptolomæo libro secundo Geographiæ, ca-
pite vndecimo, & in tabula Europæ quarta Philenum nuncupare videtur. Sita quasi in meditullio Frisiæ, in amœno loco, irrigua duobus riuulis in Oceanum decurrentibus, & piscosis, qui ex paludibus & stagnis Dren-
tiæ ortū habent. Campos habent acernissi-
mos, tum aucupiis, tum etiam venationibus idoneos, & cum temporum successu, ciui-
um ædibus mirum in modum excreuit, ab incolis primo fuit cōmunita ligneis mœni-
bus, ex tabulis quercinis fabricatis, & post-
modū temporibus Henrici quarti anno ab incarnatione domini, millesimo centesimo decimo, Ciuitatis mœnia primo ex coctili lapide

pide à fundamentis sunt iacta, & muro circumdata, forma fere quadrata munita est, mirificè Monasteriorum & Ecclesiarum ornamentis, decorata: totius Frisiæ & Drentiæ metropolis, eò quòd totius Frisiæ regionis media sit, & mercimoniis omnibus copiosissima. Hæc ciuitas olim dum sui iuris esset, libera fuit sub Romano Imperio, ac latissimam portionem in Frisios occiduos habuit, cui etiam paruit maxima Frisiæ pars, nempe *Oester-*
burgundia: sed moderno tempore ipsa parer domui *Burgundiæ*: ita enim temporum vicissitudo omnium rerum est. In ciuitate enim *Leerdiana* & *Doccumana*, per suos *Castellanos* de publicis & priuatis causis cognoscebant, leges statuebant, atque ius dicebant, secundum plebiscita vrbs *Groningensis*, neque licebat Frisiis tum temporis ad aliquem alium Magistratum, quacumque de re prouocare ut appellare, nisi ad *Senatum Groningensem*, Eam ob rem multas calamitates pro libertate sua defendenda à finitimis principibus passa & bello fuit impetita, tandâ diripi domus *Burgundiæ* subacta: ciues tamen nihilominus retinent in hunc usque diem propensum animum ad Romanum Imperium. Quadrangularis fere est ciuitas, & habet mœnia duplicia, intrinsecus ex lapidibus constructa, extrinsecus vero ex argilla lutosa, crassissimum vallum magnæ latitudinis, variis

riis arborum generibus conlitum & septum
turribus propugnaculisque validissimis
oportuno loco inter se dissitis munitum, unde
in circumiectam planitiem longe, late
prospicitur, vigiles in turribus & propugna-
culis non voce, sed tuba vigilias custodias
agunt, correspondentibus inuicē tubę pulsu
& si quis, forsan vigilū semisomnis vel par-
uo horę spacio ad tesseram non responderit
ille ipso actu, tum veluti suarum proditorum
aut desertorum custodiarū, carceri mācipaba-
tur. Fossa aquę plena & profunda vltra du-
centos pedes ciuitatis circuitum pandit. Por-
tas habet maiores & excellentes octo, excel-
sis turribus insignitas, bombardisque multi-
& magnis refertas, plus quā vlla alia Frisia
ciuitas. Nemo nocte in ciuitatem intromit-
titur, ne ipse quidem Consul, nisi in publi-
cis negotiis abfuerit. Habet etiam hæc insig-
nis ciuitas duas Parochiales Ecclesias, & in-
tra septa vnius cœmiterij, duas constructas
quarū vna rotunda est, & Diuę VValburgę
dedicata, ædificium profecto admirabile, &
singularē antiquitatis speciem per se ferens
cui labori lapidis artificio par opus instar tē-
pli Diuę Marię ad rotundam vrbis Romę
constructum: qualem nec in Frisia, nec alibi
ego vidi, habens tectum plumbeum, & Hun-
norum industria (vti fertur) antiquitus tā-
quam inexpugnabile castrum & refugium
barba

barbarorum, ex lapide puniceo, siue vulga-
ri vocabulo, *Drveffsteen*, seu topho ædifica-
tum, vt etiam antiquissima testatur structu-
ra. Sunt qui asserunt à Romanis primo pro
Pelonio Frisiorum, temporibus Drusij Im-
peratoris extructum, vbi Frisij tributum in
sus militares coria boum pendere, sole-
ant. Cuius parietes & structura, tantæ firmi-
tatis adhuc hodie sunt, vt nulla arte frangi
queant, & quolibet inspectores ita in admi-
rationem adducunt, vt firmiter iudicent
nullum ædificium ea tempestate reperiri po-
uisse, præstantius. Nec desunt qui asserunt
sub hoc templo, antrum siue specum fuisse
cauernosum, quod in proximo vico Helpe-
na, extra urbem subterraneis ductibus, sese
prodere & erumpere dicitur: compluresque
olim fuisse, qui curiosè cupiditate stimulatì,
absconditæ cauernæ viam cognoscere stu-
dentes, in speluncam sunt intromissi, & vt
facilius viam reperirent, facès atque lucer-
nas secum ferentes, vbi aliquanto processis-
sent, ventorum tantam sensisse procellam, vt
lumen extingueret, quæque illos nō sine ma-
gno vitæ periculo repulit, vt numquam so-
tale, quid sensisse affirmarent, quæ etsi mini-
mè peroptauì videre, ab aliis quærendo &
sciscitando, vt varia, sic etiam valde dubia,
eius rei famam reperi. Permanfit itaque in
hunc vsq; diem res illa incognita, & spelun-
ca ob-

ca obstructa, neque iam quispiam reperiri
potest, qui tantum discrimen amplius sit au-
sus aggredi, & opacam eius crepidinem in-
trare, præsumat. At postea hoc ædificium in
honorem Dei (profligatis Hunnis) Diuæ
VValburgæ dedicatum, & consecratum. Est
etiam fons ad Orientem chori huic templi
propinquus, habens scatebram humilem, a-
quis dulcissimis, sed ilico tumescens & efflu-
ens, irrigat totam plateam, atq; ab omnibus
satis grato sapore commendatur. Multa eti-
am alia in hac Ciuitate antiqua monumenta
vetustas tradit. Alteram adhuc habet hæc Ci-
uitas Ecclesiam parochialem in honorem
Diuæ Mariæ virginis ad ripam fluminis AE
constructam, primo ex Sacello Ecclesiam
parochialem, propter frequentiam plebis
factam. In qua sub picta imagine Caroli Ma-
gni ad occidentalem ianuam, in pariete in-
crustata, characteribus fere ignotis & obliquis
scriptum reperi. Carolus Magnus Frisiam
libertate inæstimabili donauit, quam nemo
bonus nisi cum anima simul amittet. Præ-
terea Basilicā habet Diui Martini, authorita-
te summi Pontificis in collegiatam, eleuatā:
ac eius statuto cautum, si qui ciuium filij ad
gradum Licentiatus sunt promoti & idonei,
in eius templi canonicorum album recipe-
rentur, & præ cæteris præferantur. In hac Ec-
clesia quiescit Sancti Odgeri martyris & le-
uitæ

stæ corpus, & alterum brachium Sancti Io-
annis Baptistæ. Habet etiam turrim magnæ
titudinis, ex quadrato lapide & silice du-
ssimo, atque elaborata mira arte constru-
ta atque ædificata, vnde ad quinque milia-
ia Frisonica in planiciæ, sereno cælo facili-
ter videtur, opus profecto pulcherrimū, &
singulari admiratione dignum, quod in ho-
iæternum diem spectantibus recentissimæ
structuræ videtur. Vt rectè dixeris,

Existit turris longe scitissima mundi,

Indumeranda inter Creticis spectacula septem.

In hac inquam altissima turre, diurni cu-
stodes aduentantes equites, tuba significare
solent, vt hi qui portas inferius obseruant,
remoneantur, vt in maiori tutela habeant
nam Ciuitatem. Huic turri superstructa est,
urricula aliqua, quæ in modū lucernæ affur-
git, altitudine paulo plus quàm duas aut tres
d summm hastas superat, in cuius cacumi-
ne pendet campana magna, quæ horis singu-
is sonum reddit, Pulsat etiam adhuc alia ca-
pana in hac turri, quando in ciuitate tumult-
us aliquis excitatur, aut incendium quoddā
oritur. Si quis à summo turris loco, oculos
in terram defigat, homines inferiusambu-
antes, quamuis procerioris staturæ, non ali-
ter quàm pueri vnius tantummodo anni ap-
parent, in qua turri adhuc alia pendet præ-
randis campana, qua vesperi circa nonam
pulsa-

pulsatur, ac post eius campanæ sonum, nemini licet noctu per ciuitatem vagari sine licentia. Habet etiâ hæc laudabilis ciuitas, duobus ordinis mendicantium amœnissima & pulcherrima Cœnobia, & templa Franciscanorum, videlicet de Obseruantia, & Dominicorum Prædicatorum, non dissimilia palatiis regum, & aulis instructa, amplis & sumptuosis templis, quorum alterum, videlicet Prædicatorum, anno domini, 1308. die Præsentationis Virginitatis à Domino Ludolpho de Groninga præfecto siue Burchgrauio in Groningen fundatum est. Præterea habet etiam quatuor Conuenticula Sanctimonialium, quorum duo militant sub tertia regula Franciscanorum, pleræque ex optimatibus, & patriciis sanguine sic satis dites : & tertium Monasterium Bequinarum ab antiquis temporibus vetus Conuentus nominatum, nunc vero vulgari lingua Spiritales ancillæ nominantur : & quartum Monasterium Sororum Diuini Hieronymi habitu viduarum secularium incedunt. Extant etiam in eadem Ciuitate duo valde honesta & ditissima Hospitalia siue xenodochia cum Sacellis, quorum vnum in honorem Sancti Spiritus ædificatum, alterum vero Sanctæ Gertrudi est dedicatum, in quibus sustentantur ciues depauperati, & adhuc quatuor alia Hospitalia mediocriter dotata, cum Sacellis eorum, ad sustentationem peregrinorum.

eregrinorum pauperum, valde propitia & nota: atque vnum adhuc Monasterium Diuili-
 hieronymi fratrum pro Seminario clerico-
 rum pauperum fundatum. Est quoque no-
 ris temporibus, bonarum artium sumptuo-
 sissimo Gymnasio ob loci commoditatem
 ornata ciuitas, quod meo tempore celebre
 reddidit, insignis, vitæ Regnerus Prædinius,
 eiusdem scholæ moderator, qui eruditionis
 suæ monumentum post se in scriptis reli-
 quit, & de schola, sua virtute & doctrina be-
 ne meritus est, cuius tempore frequens ad-
 nodum fuit discipulorum numerus, vir
 magnæ æstimationis, atque singulari sobrie-
 tate, ac ipsa vitæ rigiditate, qua ab incunte æ-
 tate vsus erat, valde exhaustus. In cuius lau-
 dem à Doctore Cypriano VVommelio Fris-
 io, hi versus sunt deprompti.

Laud mibi continuo solet admirabilis esse,

Si quem fert oculis publica turba suis.

Sed quem commendat quisquis laudabilis ipse,

Hunc ego consistim deueneratus ero

Ergo frequens, quum tu memor es doctissime Thome

Regnero, eloquij flumen inesse mecum.

Atque vel Isocrati Veneres dicendo referre,

Vel Demosthenes telas, viua grauis.

Nec modo Romulis vbertim vocibus uti,

Attica, sed parili verba sonare modo.

Nunc illum statuo, reuera existere talem

Et Frisiam tantum gaudeo habere decus.

Gratu-

Gratulor & Frisia, cuius condiscere publi

Extanto liceat sacra fidemq, viro. Hec ille

In summa, quod ille Regnerus, doctos si
institutione & diligentia fecerit discipulo
nouerunt nedum Frisij, verum etiam exter
nationes, ingeniosos suos pueros certatim a
illum mittentes, eiusque fidei committer
tes. Est quoque hæc Ciuitas anno domin
1568. optimo consilio Philippi Regis Hispa
niarum, contra hæreticorum incursus, h
turbulentis temporibus Episcopali sede do
corata, habens Curiam Episcopalem splen
didè foris intusq, ornatam regalibusq; man
sionibus extructam, cui præfedit insignis sa
cræ Theologiæ professor & episcopus pri
mus, Reuerendus in Christo pater & domi
nus, D. Iohannes Knyff, quamuis ætate iam
grandis nemini in prædicatione verbi diuin
dum vixit cedens, vir prudentia, consilio, &
pietate vix vlli in hisce nostris seculis secun
dus, & pastor vigilantissimus, quiq; vndique
doctos & ingeniosos accersuit viros in Ca
nonicos, quos fama notos habebat, ita vt sub
eius gubernatione recte dixeris,

*Fructiferumq, Dei verbum crebrescit, & omnis
Religio feruet, quæ (proh dolor) alget vbiq;.*

Habet etiam hæc ciuitas duo speciosissi
ma & amplissima fora in meditullio Ciui
tis sita, vnde amplæ plateæ ad portas vergunt
magnificis ædibus vndique cincta, quæ in v
niuer

niuersū lapideæ sunt, intus tabulatæ, & foris
miro artificio atq; maiestate decoratæ, & cir-
cumcirca Ciuitatem plus minúsue ducentas
villas, quarum incolæ & rustici, quidquid ex
agro, tum ex pecore, fructus percipiunt, in
Ciuitatem ad vendendum tenentur adpor-
tare, neque vlli conceditur, nisi exotica fru-
menta extra Groningensium fines asporta-
re, præcipuè peregrinis mercatoribus, non
permittitur à rusticis emere butyrum, ca-
seos, equos, boues, vaccas, aut quidque simi-
le, nisi prius forum Groninganum; tribus
continuis diebus frequentauerint, ibiq; con-
stitutum vectigal, siue tributum pepende-
rint. Et si fortè quis in eo deprehensus fuerit
culpabilis, res diuendita Fisco applicatur, aut
certa pœna multatur. Multas habet hæc ciui-
tas nundinas publicas & frequentissimas, &
maximas in festo Natiuitatis Mariæ, quas illi
Vrymerck, appellant. Quo tempore omnium
criminum, fide publica, proponitur im-
punitas, triumque septimanarum spacio,
vnicuique licet illuc venire, ceu in asylum,
nec licet per id tempus alteri de altero vl-
tionem sumere. In quibus peregrini mer-
catores ex remotissimis locis confluunt, mer-
caturam exercent, butyrum & præcipue obe-
sos equos, & boues emunt, & in alias longin-
quas regiones deportant. In summa, rerum
quæ tuendæ vitæ hominis necessariæ sunt,
K magna

magna ibidem est copia. Habet denique prætorium & ænopolium in medio fori sumptuose in speciem insulæ constructum, ex tantque in ea ædificia magnifica præter cætera ornatissima. Habet præterea Patricios, & multos nobiles atque diuites familias, insignesque alios ciues locupletes, qui pro magna sui parte viuunt ex censu & redditibus suis, habetque etiam suam propriam monetam, quæ in tota Frisia tam Occidua, quàm Orientali valet. Differt tamen hæc Ciuitas à reliquis Frisicæ Ciuitatibus, legibus ac institutis, nam Frisij Occidui, & Orientales ciuile ius vsurpant, vt cæteræ fere omnes gentes: Groningenses vero soli, municipale & plebiscita, tantum habent, ex quorum decretis, filij ex æquo in paternis bonis succedunt (hoc tamen seruato) quod duæ filiæ, vni filio cœquantur, ita vt dotis magnitudine filiæ, si frater sit, est dimidium patrimonij. Singulis annis ex antiquissimis vrbis familijs patricio sanguine natis, magistratus suffragio creatur, cuius decreto omnia eduntur. Gubernatio vero Reip. communis est plebeis & nobilibus, ex quibus eliguntur quatuor Cōsules, qui iuste & accurate iura populo reddunt, ex scriptis plebiscitis, & ex receptis, & longo vsu temporis comprobatis consuetudinibus, à quorum sententiis nemini est integrum appellare, aut prouocare, nisi ad
totum

totum Senatum, à quo non appellatur vltèri-
 us, nisi per viam querelæ, ab eodem malè in-
 structo, ad eundem bene informatum. Nam
 si quis exiltimet causam suam non satis dis-
 cussam & examinatam, aut non rectè intelle-
 ctam, atque ob id sibi iniuriam factam, huic
 æquum esse arbitrantur, suam causam rur-
 sum in iudicio proponere, atque diligentius
 examinare. Alluitur etiam hæc Ciuitas duo-
 bus flauis siue riuulis ex stagnis & paludi-
 bus Drentiæ ortum suum sumentibus, quo-
 rum vnus incenia vrbis media quasi interse-
 cat, cui nomen ad Occidentem Ciuitatis AE:
 in quæ ab oriente sub ipsa Ciuitate, alius riuus
het Schutendeep, illabitur: & extra Ciuitatem
 in vnum alueum coniunguntur & feruntur
 per Frisiam in mare Oceanum, crebris flexi-
 bus, subinde curuatis decurrentes, in quo
 per singulos dies bis refluit & redundat ad
 Oceanum, & paruis aggeribus leuiter aqua
 fluente arcetur ad quæuis necessaria ad Ciui-
 tatem aduehenda & asportanda, fluuius non
 modo incolis, sed & externis accommoda-
 tissimus. Cæterum vltra Ciuitatem versus
 meridiem non præter miliaria tria peruius
 nauibus existit, decursus vero eius ex Dren-
 tia vsque ad mare fere nouem miliaribus
 cum eius flexibus, complectitur. Ex orien-
 tali parte Ciuitatis, fossa trium miliarium
 longitudine, sumptuoso opere ad Amasi-

K 2

por.

portum (vulgo *Delffel*, ducta est, in ea catara-
ctæ siue aqueductus duo sunt, anno domini,
1574. publicis impensis ad exitum Ciuitatis
sumptuose constructi, per quos merces nauic-
ulis impositæ Groningam vehuntur, & ad
Frisiam Occiduam exportantur, quam fos-
sam quum nauigare cupiunt nautæ, aperiunt
cataractas modico spacio inter se distantes,
& per eas descendunt, & rursus cum transie-
runt, claudunt: atque hoc propter salvas ma-
rinas aquas, quæ ex Oceano in fossam deflu-
unt, & terram omnem irrigant, & multiplici
gramine fœcundam reddunt. Quum enim
leniter aqua fluit, multum limi secum fert, &
quibusdam in locis humilioribus paululum
stagnans terram fructiferam fertilemque ef-
ficat, atque hoc commodum fossa prædicta
Ciuitati Groningensi adfert, quod vna no-
cte, vel die nauigio ad portum, *Delfszyl*, mer-
catores & ciues, mercaturæ gratia ire, & inde
redire possint. Habet etiam hæc Ciuitas
hortos & pomeria valde amœna, ad meridi-
em Drentiam filigine abundantē, ad septen-
trionem Frisiam, habet itidem sui iuris do-
minium extra mœnia in circuitu ad vnum
fere miliare, vulgari lingua (*het goerecht*) pro-
pagatum, in quo omnes Ecclesiæ soluunt Ec-
clesiæ Diui Martini, prædictæ quasi Matrici,
annuum censum. Præterea & aliam adhuc
habet ditionem nuncupatam *het oldeampt*, in
rium

qua merum & mixtum Ciuitas habet imperium, & constituunt ibi duos Castellaneos, vnum in Minterna, alterum in Petersborch ex antiquissimis Ciuitatis familiis qui ius dicunt iuxta municipalia iura, nec appellatur ubi iis, nisi ad Senatum Groningensem.

C A P V T X.

IN hac florentissima Ciuitate natus est VVesselus Groningensis, philosophus, Monachus ordinis Diui Hieronymi, vir continentissimæ vitæ, doctrinæ singularis, ac insignis Theologus per totam Europam sua etiam ætate notissimus, ac scriptis suis longe notior factus, vnde & summus Pontifex ipsum in Italiam vocauerat, sed humanissime se excusans, verbi Dei in sua patria fidelis interpres, sanctè & piè vixit, atque ingenio, sapientia, eruditione facultate dicendi & scribendi, non dubito parem esse veteribus, quique propter sacundia & doctrinæ laudem à Lodouico rege Franciæ euocatus Parisiis, ad aliquot annos in magno precio habitus, Academiam fere collapsam sua fide, diligentia, eruditione, virtute, & constantia, velut alter Atlas sustinuit, ac conseruauit. Tantam seruandæ sobrietatis curam habuit, vt nunquam ebriosam potationem sibi indulgisse dicatur, ne præcipuum fortitudinis vinculum continentia, luxuriæ viribus elidetur, tandem postliminio reuersus in patriam,

K 3

mortuus

mortuus est Groningæ. & sepultus in eade an-
tediti veteris Conuentus spiritualium An-
cillarum, iuxta summum altare, lumen pro-
fecto mundi incomparabile, sui seculi. De
hoc VVesselo testatus est eximius ille Re-
gnerus Prædinius moderator scholæ Gron-
ingensis in enarratione sua locorum diffici-
lium super Lucam, cap. septimo, in hunc mo-
dum: Paulo aliter istud accepit, vir omni
virtute & doctrina præstantissimus VVesse-
lus Groningensis, quem ego talem, atque di-
xi cognoui. non solum ex eius monumentis
(quæ apud me diuersa sunt, necdum typis
edita) sed etiam ex sermonibus seniorum,
qui illum familiariter nouerant, nam mihi
per ætatem non contigit, vt viuus viuum vi-
derem, mortuus est siquidem vno & viginti
annis, antequam ego nacerer, nimirum o-
ctuagesimo nono supra millesimum & qua-
dringentesimum, suæ vero ætatis vnde se-
ptuagesimo, præliterant illi quidem conti-
nentia & frugalitas senectutem viridem, &
planè firmam, sed confecerunt eum immo-
derata studia literarum. Et profecto hunc
vnum de omnibus, quos huc vsque mea pa-
tria tulit. Aliud enim genus mortis Rodol-
phum Agricola peremit, neque ita natu-
grandem: hic enim Heydelbergæ in Ger-
mania periit superiore, ille vero Groningæ
in patria nobis communi, in qua alter alte-
rum

nam familiariter diu coluerat, quemadmodum iidem illi senes, de quibus supra dixi, mihi commemorare solebant: nam illi omnia vtriusque intimè præsentes viderant. Quin vnus tum adolescens, sæpe ad mensam inseruierat, vbi vterque accubisset, sæpe laterna prælucens domum vtrumque duxerat, quin calceos Agricolaë, sed madidos sæpe detraxerat nam VVesselum nemo vnquam vidit ebrium. Illa porro monumenta, quæ apud me esse dixi, docent inter illos vsum coniunctissimum fuisse. At ego & VVesseli, & Agricolaë vitam alio loco scripsi, & ea quidem fide, vt mihi liceat sanctè iurare, ne minimum profecto à me dictum esse vtriusque ornandi causa, quod pro certo non comperissem. Hæc ille de VVesselo. Rodolphus vero Agricola (inquit ille) natus est in agro Groningano, patre sacerdote & pastore in Baffelt. Rethor ac Philosoph⁹ magni nominis, & in hac Ciuitate Groningana educatus, bonisq; literis imbutus, quique inter cætera, de inuentione Dialectices scripsit libros perutiles, sed præmatura morte interceptus, non potuit perficere quod decreuerat, certè decus perpetuum totius Frisiæ, quem singulari laude prosequitur, Erasmus Roterodamus in suo Dialogo de recta latini græciq; sermonis pronuntiatione, in titulo Cicero-niano, siue de optimo dicendi genere, vbi in-

quit: Rodolphum Agricolam fuisse virum
 diuini pectoris, eruditionis reconditæ, stilo
 minime vulgari, solidum nervosum, elabo-
 ratum, compositum, sed qui non nihil resipi-
 at & Quintilianum in eloquendo & Isocra-
 tem in orationis structura, utrobique tamen
 sublimior. Quod voluit præstitit, nec dubi-
 um quin Ciceronis figuram potuisset effin-
 gere, si huc vertisset animi studium. Et huic
 tamen ad summam laudem obstiteret quæ-
 dam, scilicet regionis, ac temporum infeli-
 citas, quibus vix quidquam honoris habeba-
 tur literis politioribus, & nationis parum
 frugalis vita. In Italia summus esse poterat,
 nisi Germaniam prætulisset. hæc ille. Vir
 certe doctissimus & scriptor illustris, poëta-
 que insignis, qui optima fide & singulari do-
 ctrina ornauit Academiam Heidelbergensem,
 & tandem ibidem vita defunctus, & se-
 pultus apud fratres Minores, non sine iactura
 latinarum linguarum, cum eleganti Elogio
 & inscriptione pietatis ergo, ab Hermolao
 Barbaro Veneto patriarcha Aquilegiensi lo-
 co Epitaphij decoratus, de quo dubites, ut-
 rum sit dignus ipsone, qui scripsit, an hoc,
 quem eo exornauit.

Epitaphium Agricolæ.

*Inuida clauferunt hoc marmore fata Rodolphum
 Agricolam Frisij, spemq; decusq; soli.*

Scilicet

*Scilicet hoc vno meruit Germania laudis
Quicquid habet latium, Græcia quicquid habet.*

Aliud de Rodolpho Agricola.

*Frisia me genuit, Rodolphus ego Agricola, at nunc
Heidelbergæ tenet, meq; eadem rapuit,
Ossa tenet tellus genitrix, delapsaq; cælo,
Pars melior superest, spiritus ethereus.*

Aliud eiusdem R. A.

*Quisquis adis magni templum venerabile patris,
Ad noua ne pigeat sistere busta pedem.*

*Frisonicis quondam Rodolphus ego Agricola oris
Natus, Heidelbergæ tristia fata tuli.*

*Corpus terra tegit, paræ est studys mihi fama,
Non totus perij, spiritus astra colit.*

Vixit autem hic Rodolphus, annos 42. Philosophiæ, Theologiæ, cæterarumque liberalium artium non ignarus, in patria primum, mox cultioribus studiis, latinæ græcæque linguæ in Italia summam operam dedit, immatura adhuc ætate vberrimis animi beneficiis, excelebat. Hebrææ etiam linguæ postremo cognitionem habuit, & Muliæ & picturæ quoque apprimè studiosus fuit, omnemq; fidium modulationem callebat, & in singulis disciplinis, supra quam credibile est, profecit. Obiit tandem Heidelbergæ mente in Deū porrectissima, sub Frederico Imperatore tertio, & Innocentio Papa octauo, anno Christi nati, 1485. quinto Ca-

K 5

lend.

lend. Nouembris, dum ex vrbe Romana patriam repeteret, vir profecto in secularibus literis eruditissimus. Scripsit quædam ingenij sui excellentissima opuscula, quibus nomen suum immortalitati consecrauit, & posteritati reliquit. Hic organum propria manu, miro vocalium concentu, grataque auribus melodia suauem, in ædibus sacris Diui Martini Groningæ construxit, vt profecto nihil amcenius, nihilque voluptuosius audiri possit, in qua tota ferme consistit harmonia, neq; vlla lyra consonantio rem reddere posset sonum. Extant præterea eiusdem viri quidam versiculi, mira quadam suauitate, quatuor vocum modulamine, in formam Rithmicâ redacti, quos Agricola sæpe cantillare solebat. Circumferuntur multa à dicto Agricola composita cantica, patrio sermone ad nos reseruata, quæ passim apud multos in Ciuitate Groningana in magno precio habentur, & quatuor vocum modulamine cantillantur.

CAPVT XL

ET quia Ciuitas Groninga aliquoties tributaria fuit Conuentui VVerdensi, vt liquet ex antiquissima scriptura olim Magistro VVilhelmo Frederici, pastori Ecclesiæ Diui Martini ob insignem antiquitatem transmissa: ita placuit propter cognitionem

tionem antiquitatis verbalem illam descriptionem hic subiicere, quarum literarum verba, prout posita erant, pro rei nouitate ad fidem assumā. Antiquitates quædam (inquit ille) loci Groningensis & circa, antequam ad Ciuitatem erigeretur, ex quodam antiquo priscæ scripturæ libro insignis Monasterij V Verdenſis, qui conscriptus creditur fuisse circa annum domini, 1166. vt habetur inter cætera prout sequitur.

Villicus domini Abbatis in Groningen, in tertio anno subscriptum dabit seruitium: seruiet enim sex diebus, primo die dabit quinque maldaria panum filiginis, quinque arietes, quorum singuli valent sex vncias, porcellum vnum valentem duas vncias, vaccam vnam valentem decem vncias, plaustrum cereuisiæ, decem caseos, gallinas decem, oua centum, quadrantem butyri, dimidiam pernam, fertonem piperis, lini fasticulum, talentum ceræ, decem modios æuenæ, Domino Abbati & Capellanis suis, de piscibus sufficiēter, de gramine satis, ad eleemosynam quinque solidos. Secunda die tantum, excepta vacca. Tertia die tantum, & vaccam. Quarta die tantum, excepta vacca. Quinta die tantum, & vaccam. Sexta die tantum, excepta vacca. Redemptio huius seruij ad placitū Senioris respiciat. Seruitiū presbyteri de V Vinzhem, quod dabit Abbati in tertio anno 5, maldaria

maldaria panū siliginis, maldarium tritici,
 5. arietes, duos porcos, vnum porcellum, vac-
 cam vnam, 10. caseos, 10. gallinas, oua 100.
 amphorā butyri, 3. amphoras vini, plaustra-
 tum ceruisiæ. talentum cere, fertonem pipe-
 ris, fasciculū lini, 10. modios auenæ Gronin-
 gensis mensuræ, duo plaustrata graminis, li-
 gnacum veribus, ad eleemosynas 5. solidos,
 domino Abbati & suis Capellanis de piscib⁹
 sufficienter. Omnes equos Abbatis noctē &
 diem integrū debent custodire in pratis. De-
 bet etiā dare pannum bonum annuatim Ab-
 bati ad cappam. Iste Grunevecht simili mo-
 do in tertio anno p se domino Abbati ser-
 uiet excepta cappa, &c. Hæc sunt, quæ villic⁹
 de Groningē dabit aduocato & nunciis Ab-
 batis. In festo sancti Odgeri, talentum vnum
 de tribus laribus, duæ iacent secus flumen
 AE, tertia Rodolphi iuxta caminatam, sex
 solidos, viginti octo vncias super Beddere-
 vvalde, & Stederevvalde. Septem arietes
 dabunt illi de sylua. Ipse villicus vnum, Men-
 ke vnum, Tice ventrē arietis. Illi de VVal-
 de, cum arietibus dabunt septem caseos, ha-
 bebunt etiam illos deinde, quæ soluuntur de
 Drentia, cum illis deferentur panni domi-
 num de Frisæ. Item hi sunt redditus curtis
 in Groninck in Abdinclāde, sexaginta grami-
 na soluentia triginta talenta. In Abdincltran-
 ge quatuor gramina soluentia duo talenta,
 quod

quod dicitur Huerlandt, & quodlibet graminen soluens sedecim vncias, & census ibidem sex talenta, & tertio anno vaccam. In Herfingē triginta quatuor vaccas. In Roderhemmucke sex gramina soluentia sex talenta. In Dalen viginti quatuor modij filiginis, & quatuor modij bracij. In Sleen triginta modij filiginis & bracij. In Anloe quatuor modij filiginis, & quatuor modi Bracij. Item ad seruitium Abbatis atque nūnciorum eius & aduocati, dum intrant Frisiam statuto tempore in Loon quinque solidos Datētrienſis monetæ. In Dalen tredecim modios filiginis, tredecim modios bracij, quinque solidos, in Arnulo sex modios filiginis, octo bracij, in Glemmene quatuor modios filiginis, quatuor modios bracij. Hæc ille. Quis mihi suppeditauit Hieronymus Frederici, filius dicti V Vilhelmi, I. V. Doctor, vir antiquitatum singularis amator, & vigilantissimus indagator. Atque ad fidem literarum propter antiquitatem paululum extra propositum, huic loco adposui, nunc vero longius digressi, reuertamur ad res Frisonicas prosequendas, quum illa nomina iam omnino sunt oblitterata & abolita, prorsusq; incognita.

CAPVT

CAPVT XII.

SExtra vero Zelandia est ad Orientem Amasis fluij sese extendens vsque ad Iadam fluium, quæ est comitatus Oestfrisiæ. Et oritur Amasis ex Hassiæ montibus, (quos Ptolomæ⁹ appellare videtur Obnobios) qui Padeburnam, & Monasteriensem mediam fere prouinciam interfecat, & per Frisiam defluens, & discernens orientalem & occidentalem Frisiam, fertur in Oceanum. Quæ Zelandia ex parte est Comitatus, in quo est Emeda, Aurica, Norden, Esens, & Ievverden cum suis attinentiis fere ad Visurgum fluium, terra lini admodum ferax, habens sub se multas Insulas, ad Aquilonem in Oceano sitas, & circumuallatas altis montibus collibusque arenosis, vtpote Borckum, luest, Norderoghe, Balteringhe, Langeroghe, & Spikeroghe, quæ totæ mari cinguntur, quarum traiectus in Frisiam potest fieri, secundis ventis spatio trium horarum. Et si nauis aliqua onerata aliquando præter voluntatē & intentionem rectorū, ad illas Insulas vento impetuoso agitante appulerit, aut ad littora necessitate cogente illiserit, naufragiumque fecerit, habitatores earum Insularum rapiūt quidquid in naui inuenerint, respondentq; gubernatoribus, Deus & Fortuna vos ad nos dire-

direxit, idcirco accipimus quod Deus & Fortuna nobis miserunt. In hac Zelândia sunt populi duplices Cauchorum, quorum inferiores possident Prouinciam per circuitum Oceani ab Amaso fluuio, & VVestphalia usque ad Iadam & Visurgum fluuios. Superiores vero in septima Zelandia extenduntur à VVesera trans Albim usque ad Eidoram amnem. Habet hæc regio terras agentes illustres, videlicet Emsingoniam, Erockmerlandiam, antiquitus apud Tacitum Bructeros nominatos, Moermelandiam, Federgā siue Reiderlandiā, Ouerlengellandiam, olim Alani Saxones, quæ hodie subiectæ sunt Comitatus Emedensi. Item Esingam, Stesdorpiam, leuerdiam, Ostringam & Rosteringam, quæ partes iure hæreditario propriis parent dominis, aliquæ Comitibus Aldeburgensi, & aliæ comiti Retbergensi, atque vocantur vno nomine ab antiquis Cauchi pavi, vt dictum est, quamquam & illum antiquissimū Frisiæ de Aldenberg Comitatum, intra Cauchos paruos antiquitus nominatum Annales referant, teste Alberto Crantzio libro quinto Saxonix, capite secundo. Orientalis vero Frisia fluuiis magnis alluitur, nempe Amabo, Iada, Visurgo, & Albi, præterea decorata est, multis aliis amnibus etiam nauigabilibus, aliisque riuulis diuiditur hæc Zelandia, sed ignobilibus, quia non adeo interfluunt, neque

neque ad interiora penetrant. Esenses autem Domini, & Ieuerdienfes, ſub beneficio feudi obtinent terras atque iurifdictiones ſuas, Duciq; Burgundia tamquam Comici Zutphanie, homagium pro illis præſtant. Hanc vero nobiliſſimam & ditiffimam Zelandiam vel Comitatum Emedenſem, Keno iunior Dominus ſiue Capitaneus in Brockmerlandt, atque ſui ſucceſſores ſibi paulatim ſubiecerunt, quorum primus fuit Vlricus, qui factus fuit Comes à Frederico tertio Imperatore Romanorum, anno domini 1464. & nominatus eſt Comes Orientalis Friſiæ, ſeu vulgari nomine, Oeſtvvreſlandt. In hac Zelandia ex antiquata maiorum obſervantia, conſtitutum fuit inter altas ſylvarum planities aptum tribunal, vbi per longa terrarum territoria bis in anno conveniebant probatiſſimi & excellentiſſimi quique viri, ex ſeptem Zelandiis, præſertim conſuetudinum & iudiciorum periti, qui ad hoc delecti erant, & nouerant totius regni conſuetudines, & iura municipalia, ac ſub dio ro tribunali ſedentes, in colle quodam paulo eminentiore, ab incolis perpetuo tempore appellato vulgari nomine *Oſtalsboō*, prope Auricā, certis anni tēporibus ius cuique, per pro- uocationem diſceptanti, dixerunt, qui ex lō- ginquis illis Zelandiis quotannis confluebant, examinatiſque cauſis & controuerſiis,
iuxta

iuxta consuetudines & iura municipalia, causas, appellatione dirimebant, noua iura condebant, legesque statuebant: vnde adhuc multi antiqui Frisij, ex supradictis Zelandijs gloriantur sua iura municipalia condita & statuta esse in *Obstalsboē*. Qui locus licet retro actis multis annis & seculis, cultore vacuus, horrendam nemorum densitatem induerit, tamen quibusuis eum intuentibus, vltro ostendit speciem alicuius antiquitatis fuisse. Henricus Imperator tertius, cum semel venisset Bremam, & luculentius quàm pro vrbis facultatibus tractaretur, concessit Ecclesiæ Bremensi Comitatus Oestfrisix, qui contiguus Diœcesi Bremensi esse dignoscitur. At Frisij à memoria Diui Caroli magni liberos sese asserentes esse, semper malè paruerunt Episcopo Bremensi, ab antiquis tamen temporibus eum agnouerunt, tametsi agre, cū effrenis popul⁹ Ecclesiā facile contemnat. Temporibus enim Caroli Magni, pars illa Frisix palustris huic subiecta fuit, quæ limitanea est & Diœcesi Bremensis Ecclesiæ subiecta, vt patet ex diplomate ipsius Caroli, Ecclesiæ, & VVillehado præfule, dato. Itaq; verba ipsius hic ad finem apponam: innotuit, inquit idem laudabilissimus imperator, serenitati nostræ eam parochiam propter Barbarorū infestantium pericula, seu varios euēt⁹, qui in ea solēt cōtingere ad sustētacu-

L

la si.

lasiue stipendia Dei seruorū ibidem militantium minimè sufficere posse. Quamobrē quia Deus omnipotens in gente Frisonum sicut Saxonum ostium suum aperuit, partem præ-nominatæ regionis, videlicet Frisæ, quæ contigua huic Ecclesiæ esse dinoscitur, eidem Bremensi Ecclesiæ suoque prouisorii VVillehado Episcopo, eiusq; successoribus perpetualiter delegauimus retinendam. &c. Præterea etiā multa alia sunt, quæ iisdem literis continentur nō necessaria. Hæc sunt verba Bullæ, quæ nos ad fidem eius extraximus.

C A P V T. XIII.

BRemenses itaque ad annum Christi, 400. stimulati multis malis, quæ Capitaneus Frisæ (vti Crantzius lib. vndecimo: capite 10. Metropolis meminit) per multa tempora malignatus agebat, & ciuibus & amicis sine discrimine, graue bellum indixere, eidemque multis vndique contractis in eum auxiliis, Comitum de Aldenborg, ministeralium Ecclesiæ vt trecentos equites stipendio alerent, tribus ex vrbe armatis milibus: ducunt in Frisiam, terramque hostilem quam Stalandt dixere, ibiq; diu varia pugnatum est fortuna, cum incastellarent Frisij Ecclesias suas, sed vi armorum coacti sese dedere, partim iuramento firmantes, quod Bremensibus in reliquum, in omnib⁹ parerent, nec alios è suis Capitaneis eligerent, quomodo ha-

do haftenus Didij ductibus & monitis par-
ruissent, sed post multos annos nonnulli ex
primoribus, numero quadraginta viri, trans-
filiunt muros nouę arcis, quam diximus fun-
dassee & firmassee Bremenses in ea parte, arcē
pacis dixere, & iam intne oppugnauere, ma-
nentem in ea Bremensis praefectum, quum
amplius nihil efficerent, nisi quod arcis prae-
fectum prospicientem ē fenestra occiderent.
Capti deinde Bremam sunt adducti atq; sup-
plicijs interempti, nec longum tempus in
medio, Capitanei terrarum Frisiae populo
collectam indixere grauem, sed ille conspi-
rauit vt non pareret. Quidam ex Capitaneis,
quum audiret vicinos esse Caesaris oratores
in occidua Frisia, ad dimouendas earum par-
tium controuersias, adiit illos, sed non sine
grauī impendio flexit eos, vt interponerent
se medios inter populum quinque parochia-
rum, & eorum Capitaneos: factae sunt treuge
conceptaque forma compositionis, sed inter
treugas, quum opportunum eidem Capita-
neo videretur, subductus clam à Brema de-
fluente amne Dromonibus armatos impo-
suit, atque terras inuasit, attamen populus ad
arma conclamans fortiter restitit. Comperta
in magnatum suorum nimis potenti auda-
cia, populus misit qui Senatum Bremensem
imploraret in Capitaneos, pactis conditioni-
bus, vt seruatis pristinis libertatibus terra-

rum, Senatus solueret quotannis singula domus mensuram hordei, cuius tertia maneret apud terræ prouisoires, idem in multis quæ indicerentur transgressoribus. Quibus ita firmatis, armamenta & bellicum apparatus Bremenses expediunt, Ecclesias à Castellaneis incastellatas magno labore capiunt, Blixem, Berhoue, domus inde suas lateritias, quas firmabāt dedidere, iurantes patriæ salutē tueri, pactaq; seruare, quæ populus pepigisset, atq; tum denique cotrouerhiæ fuit finis. Hæc ille.

CAPVT XIII.

A Diungam quoq; hoc in loco communes veterum mulierum Oestfrisonicarum vestes, quibus olim amiciebantur: nam hæ singulari veste utebantur, longè à ceteris vicinarum terrarum mulieribus, & proximis Frisonib; differentes, miroq; modo formatas, prout sequentis imaginis interpretatio à fronte & à dorso intuenti, ostēdit. Nam licet Frisones, assertore Sabellico libro octauo, Ennead. 10. ad occasum Hollandiam, ad orientem Saxoniam, attingunt: sunt tamen Frisones omnino discreti, & lingua, ritu, & in vestibus ab aliis Germanis. Mulierum enim vestes, & ornamenta erant festiuis diebus varia. In conuiujs & nuptijs utebantur tunicis laxis, innumerisque plicis plenis, constructis de rubeo panno plerumq; ditiores vero fæminæ quæ inter popula-
res.



res aut nobilitate aut opibus excellabant, de
serico non dissoluta, vti ex hac imaginis in-
spectione nobilum foeminarum vestitus ap-
paret: fissura earum plerumque in sinistro la-
tere, à quo induebantur & exuebantur, ha-
bente in superiori parte foramen, per quod
caput efferebant, longa à brachiis vsque ad
pedes in circuitu, ab imo vsque ad summum

L 3

plena



plena plicarum, pulchrè coaptatarum habentes deauratas & quadratas in anteriori parte laminas à collo vsq; ad pedes, illustres feminas plebeie verò ex utroq; latere habebant manicas planas & tenues, ad manus confectas, cingebantur cingulo ex corio, aut ex bysso, argenteis laminis deaurato. Hec etiam vestimenta in aliquibus locis, diuitibus erat disco-



discolor, infutis stolis nigris, ad tres aut quatuor digitos, à summo ad finem latij. Festiua ante dicta tunica, ornata erat extrinsec⁹ quē admodū mulierum Hebraicarū, quarum ornamenta describuntur à propheta Esaia cap. 3. qualia sunt, torques argentea, armillæ inauratæ, monilia, mitræ, in aures & vittæ. Erat & illis pectorale admodum simile patenæ argenteæ

L 4

gentes

gentes deaurate extrinsecus variarum gemmarum plenum, quod appendebat catenae argenteae. Fibulas etiam habebant argenteas tantae magnitudinis, ut unciam unam duae perderent. Capitis velamen siue ornamentum, erat primum fascia, ex bysso vel subtilissimo panno colore rubeo aut viridi, superius strictum aut cuneatum, quod circum caput religabant, solummodo maritatae, ac praeter oculos & nasum faciem fere abscondebant, huic fasciae inferius erat circulus laneus aut byssinus, cui annexae erant parvae vittae, quibus appendebant foliola argentea, aut deaurata, quae semper movebantur, & a collo pendebant monilia, ut inquit Ovidius 10. Metamorphoseos:

Dat longa monilia collo.

Sed plures per circuitum aureas vel argenteas catenas deauratas gerebant. Item nodos argenteos deauratos magnitudine pomi in humeris gestabant, & ornabantur ingentis ponderis cingulo inaurato, cui appendebant argenteae catenulae, cum cimbaliis argenteis deauratis inter sese tinnientibus, quarum pulsatione sonus reddebatur. Feminae nobiles, aurea & argentea virgula, aurium ima perforabant, & in aures portabant ex auro vel argento deauratas, cui gemma ut plurimum aliqua, erat appensa filo argenteo, aut ex auro, nam decus existimabatur anti-

antiquitus aurum in auribus gestare. Postremo omnes scēminæ comam dimittebant, vnam tantum à tergo ab occipite vsq; ad cingulum, cui innectebantur tres aut quatuor ligaturæ constantes ex fistulis, rosulis atque nodis, omnes argenteæ deauratæ, in quorum finibus plures erant massalæ, ex bysso dependentes. Hæ sunt vestes, hæc sunt ornamenta mulierum in Oostfrisia habitantium, qualia adhuc gestauerunt mea ætate, atque in hodiernum diem in vsu obseruantur à nonnullis tum mulieribus, tum virginibus.

C A P V T XV.

DEscripsimus quidem seriò hoc in loco (lector candidissime) vestes & ornamenta mulierum Oestfriscarum, eò quod nullus in hunc diem de huiusmodi ornatu fecerit mentionem, aut etiam viderit. Cæterum (proh dolor) omnia in tota Frisia vetera ornamenta & vestes adeò sunt exoluta, vt vetustatem Frisonicam non amplius agnoscas, & quamuis tunc temporis pro Barbaris habebantur Frisij, tamen Romanos & alios hostes sæpe vicerunt continentia sua, seriò nō nisi propria affectantes. Sed iam obrepens paulatim humanæ mentis corruptio, aut omnes virtutes, aut maximā earum partem euertit. Ex quo mos ille antiquus, penitus fere abolitus, & licentioris cultus vsurpatio,

L 5 à ritu

Ardu patrio peregrinata est, ita ut ne vestigia
quidem antiquę faciei hodie habere videan-
tur. Gens certè in hoc stulta & leuitatis insi-
mulanda, quę sub vmbra nobilitatis existi-
mat sibi nihil non licere, atq; singulis quin-
que mensibus fere vtaturalis atque aliis ve-
stibus: vix Protheus tam varias indueret fi-
guras, quam Frisicę gentis iuuenes subinde
habitum suum mutant. Alij enim delectā-
tur Gallico pileo, alij Hispanico cucullo, ali-
isque magis arrident laceratę, & mille varia-
tę coloribus vestes, qualem olim scurrarum
vestitum fuisse, veteres ostendunt picturę:
& ita Frisia nostra, quam continentiam in se
tamquam naturalem antiquitus aluit, iam
omnem luxū a finitimis desumpsit: id quod
Rodolphus Agricola noster, grauius in qua-
dam oratione deplorat, dicens: Quę (inquit)
peregrina luxuria patrię nostrę gloriā con-
taminauit? Et bene patrię gloriā dixit anti-
quis interfuisse vestibus, ornamentis, mori-
bus & legibus. Certabant de industria & for-
titudine mulieres Frisonicę, & paulo minus
ab ipsa ineunte ætate, quem ipsi viri armis
assuetę, quales præcipuè fuisse mulieres illas
Cimbricas constat, quę hostium arma sum-
pserunt, & contra Romanos bellarunt, dein-
de vulgo terribilissimum dederunt specta-
culum, & seipsas interfecerunt, atque etiam
hostes pueros occiderunt, ne in hostium
potesta-

potestatem venirent, ut Plutarchus in vita Marij, & Valerius Maximus lib. quinto cap. primo, atque Orosius lib. sexto scribunt. Singulare etiam studium & laus fuit apud mulieres Frisonicas libertatis defendendæ, prout clarius primo libro, cap. octauo dictum existit. Et ne quis putet hæc figmenta esse, quæ de mulieribus Frisonicis scripta sunt, aut à nouo quodam scriptore excogitata, scribit de iis Procopius lib. primo, quod Frisia, gens valida, liberi omnes. Seneca quoque lib. secundo de ira ita scribit: Generosi ira aliquid boni habet, liberasque videbis gentes, quæ sunt iracundissimæ, ut Frisios. Iulius Cæsar quoque lib. primo ita scribit: Mulieres Frisonicas fientes ostentasse maritis pueros, maritosque rogasse, ne se in seruitutem redigi paterentur. Meminit quoque Cornelius Tacitus lib. 20. Annalium, Velledæ virginis nationis Bructeræ, quæ latè imperitabat, veterem apud Germanos more, plerasque scæminarum fatidicas & augescente superstitione arbitrentur deas: tuncque Velledæ autoritas adoleuit, nam prospiras Germanis res, & excidium legionum prædixerat. Hæc ille. Multa hic occurrerent scribenda, sed omnia non expediunt. Mercaturam etiam & usuram paucissimos Frisonum exercuisse, produnt authores, præcipuumque dedecus illis erat pecuniæ cupiditatibus teneri, & auri sacram famam

mē seclari, sunt alterius nationis hominib⁹,
sed auro caruisse. ac non magis quā argentū
sine vlla animi affectione contēplisse narrat
Tacit⁹, additq; se dubitare, argentum & aurū
dijpropitij an irati negauerint Frisiis, idq; tā
diu continuauit apud eos, donec à Romanis
victi ac superati, argentea vasa eorum legatis
dono data, non minori contemptu quā fi-
ctilia, tractabant. Refert etiam Iulius Cæsar,
eos argentum negligere, ad sedandas conten-
tiones, sed commerciorum vsu, aurum &
argentum à Frisiis primo acceptum, & post-
quam agnita est pecunia, eius desiderium
quoque Frisios abduxit, atque formam ex-
ternarum pecuniarum agnoscunt, pecuni-
amque probant veterem, diuque notam ac
foenus iam exercere apud eos, nec inconsue-
tum est. Gaudent insuper & Frisij donis ex-
ternarum gentium, tam priuatis quā publi-
cis, vti equis, phaleris, torquibus, id quod
ex gentibus consideratur, quæ ex Frisia eru-
perunt, & prædæ cupiditate inuasunt exte-
ras gentes ac nationes, quæadmodum descri-
bunt Pausanias, Sabellic⁹, Pollio, Herodiam⁹,
& similes, ferocitate & audacia, fortitudineq;
Frisios fuisse illustres, historiæ produnt. Mela
etiam, lib. tertio cap. tertio: Qui sunt imma-
nes (inquit) nimiris corporibus, & ad insitam
ferocitatem vasti, vtraque exercent bellando
animos corpora ad consuetudines laborum.

CAPVT

IN hac nobilissima Zelandia, Metropolis est ciuitas Emeda, sine Hemeda, in terra Emsingorum, in Frisia orientali sita ad septentrionalem plagam Amasi fluuij, vulgato verbo *Die Eemse*, à quo & ciuitas Emeda denominationē habet & obtinet, portu celebris, & aditu facilis, in quibus naues non facile tempestate iactari, aut vadis affligi possunt, vt inquit Vergilius:

Statio bene fida carinis.

Est enim Amasus tam magnificus, latus, & securus portus, vt in toto Septentrionali mari, & forsan amplo Oceano parem vix inuenias, qui eidē valeat cōparari, omnes enim vnde cumque nauigantes liberē recipit in suum sinum, vt procul spectantibus mare esse videatur, secureque introrsum à tempestatibus (modò sibi ipsi deesse non velint) protegit atque conseruat. Quaque in arctum coit, id minus Italicum miliare continet, quam vnius horæ spatium, naus bono ac secundo vento agitata percurrit. Est verò Emeda ciuitas in fertilissimo solo, sita: nostro tempore ob commoditatem portus insignis Emporium facta, estque mercatus in ea ciuitate maximus, innumerabilibus mercatorum navigiis frequens, quum maiores naues plenis velis illuc intra ciuitatis mœnia, deduci possunt.

sunt, & transferre omnium mercium genus, in quaecumque orbis partem commodissime possit. Egregium sanè in hac ciuitate templum conspicitur, cum eminentissima, & sumptuosissima sepultura Comitum ex alabastro & marmore artificiosissime constructa, cætera verò omnia ornamenta Ecclesiæ Dei opt. max. ac Sanctorum omnium simulachra, è medio sublata, & altaria destructa, religioque Catholica contempta iacet, ac in templis psalmos Dauidis teutonicè omnes in templo præsentibus, cantant. Præterea etiam ibidem Monasterium Franciscanorum fratrum Minorū adhuc cernitur, quod religiosi abactis, ædificiis prophanatis, in vsum pauperum pro Xenodochio habetur. Est & in eadem Ciuitate adhuc aliud Xenodochium pauperum cum Sacello adiuncto. Ciuitas est valde populosa, atque in ea vtr plurimū ciues mercaturam exercent, atque conueniunt ibidem plurimi exteri mercatores, mercaturæ gratia, ex omni natione, qui omnes securè in ciuitatem venire possunt, cum precium ibi, sicut vbique semper in precio est. Magna ibi reperitur frumenti ac mercatus copia, ex orientali plaga à mercatoribus nauis illata, quibus aliis vicinis regionibus alimenta præbent: suntq; etiā ibidem singulis annis nundinæ, ad quas vicinæ nationes conueniunt, neque vllus in Ciuitate angulus est, qui non

non frequentissima sit hominum turba repletus. In pauperes sunt munificentissimi, & præcipuè in eorum ciues, & eiusdem religionis homines largissimi. Arcem habet ex coctili lapide sumptuosissimè à Comite Edzardo nouiter structam.

C A P V T XVII.

SEptima Zelandia est VVorstringia, cum omnibus suis confiniis vltra Iadam, Vurfurgum, & trans Albim, vsque ad Eideram fluium, vtpote antiquissimus Comitatus Tithmarfia, & Comitatus de Aldenburg & de Staden, de quibus plurimæ semper fuerunt controuerfiæ. Præterea Eiderstadia, Hadelaria, Kermingerlandia, Butiagerlandia, & Stengerlandia, cum antiquissimo Stadensi Frisia Comitatu. Et hæc Zelandia variis paret dominis & principibus, qui singuli in suo quisque angulo, partem sibi aut belli, aut venditi, siue transactionis iure subiecerunt, cum viribus & opibus potētiores essent, vtpote Dux Saxoniae siue Louvvenburgensis, Hadelaria, quam non auro, sed sanguine mercatus est: & est Hadelaria Prouincia palustris, in quam Carolus Magnus cum expeditioni militari profectus est, cum illi motus rebellionis à gente renunciaretur. Et monstrant adhuc Incolæ locum, in quo castra fixisse dicitur, Carelsandi vocant, vnde ad iugado-

ga domitis habitatoribus victorem exercitū
reduxit incolumen. Duci Holsatiæ & Comi-
ti Aldenburghensi cæteræ parent Zelandiæ,
excepto transalbiniano Tithmerfiæ Comi-
tatu, qui semper liber permansit, quamvis
antiquitus Ecclesiæ Bremensi subiectus fue-
rit. Quæ omnes Prouinciæ, etsi suum singu-
læ habeant Principem, omnes tamē iam Im-
peratorem Dominum recognoscunt. Tith-
marsii verò populus, palustribus locis habi-
tans, se liberum esse asserit, & nulli vnquam
Principi paruissē, nisi quod Bremensem Ec-
clesiam breui ac tenui censu recognoscit, cæ-
terum imperata non facit. Multas ac graues
tolerauit impugnationes à Rege Danorum
Dutmaro, qui circa annum domini, 1424.
collecto vndique maximo auxilio, Tithma-
riam inuasit, atq; ad iuga coëgit, sed Tith-
mariam non ferentes parere Danis, viriliter
eis restiterunt, atque repulerunt Danos, ali-
quot milibus ex iis prostratis. Deinde anno
Christi, 1474. Christiernus rex Danorum,
venit ad Imperatorem Fredericum, indicat-
que esse in ditionib⁹ suis intra limites Roma-
ni Imperij, gentem nulli parentem, atq; pro
libertate insolescentem, eosque sibi ab Impe-
riali Maiestate subiici postulauit, rem indig-
nam dicens, populum suo arbitrio viuere,
non subiectum esse alicuius Regis Imperio.
Annuit Imperator postulatis Regis, & vt eos
sub

ub potestatem redigeret, concessit. Sed
spes eius exitu caruit, prius enim Rex morte
preuentus in Tithmarfos expeditionem non
fecit. Tandem Christianus Ioannes, inclitus
Rex Daniæ, cum Adolpho Duce Holsatiæ,
recuperatis vndique viribus Tithmarsiam
cum ingenti exercitu, anno domini 1559. in-
uadit, armisque suppresserunt, abducta in-
finita præda. Obsides verò 80. secum duxe-
runt, omnia latrociniis sunt exhausta, & in
seruitutem redacta, terramque eam tributa-
riam fecerunt, atque fidelitatis iuramento
altrinxerunt. De his Saxo Grammaticus in sua
præfatione in hunc scribit modum: Frisia
minor (inquit) adiacet Daniæ, quæ à Iuthiæ
prominentia, subsidentium camporum, ac
gremij deuexioris inclinata recellu, maxi-
mos frugū prouentus, beneficio Oceani inun-
dantis assequitur, cuius refluxionis vis, plus
utilitatis an periculi incolis afferat, ambiguum
extat: siquidē tempestatis magnitudine, per-
ruptis æltuariis, quibus apud eos maritimi
fluctus intercipi solent, tanta aruis vndarū
incedere consuevit vastitas, ut interdum nō
solum agrorum cultum, verum etiam homi-
nes cum penatibus obruant. Hæc ille. Et om-
nes isti inhabitantes per communem hanc
descriptionem, hodie appellantur Frisones,
licet cum distinctione: nam ab Oriente incia-

M

piendo

piendo ab Albi fluuio vulgari idiomate,
Siransvreesen & *VVorstvreesen* nominantur, at
 que postea ad Occidentem declinando, vl-
 tra Iadā fluuium habitantes *Butientervreesen*.
 Et hi omnes à Ptolomæo Cauchi magni ap-
 pellantur, & nulli antiquitus paruerunt do-
 mino.

CAPVT XVIII.

KAnutus Rex Daniæ Frisiam minorem
 (inquit Saxo Grammaticus lib. 14.)
 quæ est & ipsa Danicarum partium
 cum paucis exilij comitibus petit. Diues agr
 prouincia est, pecoribus plena ac opulenta:
 cæterum confinis Oceano patet humilis, ita
 vt eius interdum æstibus eleuetur, qui, ne ir-
 rumpant, vallo omne littus præcingitur,
 quod si fortè perfregerint, inuadunt cam-
 pos, vicos, & sata demergunt. Neque illic lo-
 cus natura alius alio editior existit, plerumq;
 agros ab imo conuulsos alio loci traiciunt,
 locum eorum occupante lacuna, in quorum
 confederint prædiis possidendos, sed talem
 inundationem sequitur fertilitas magna:
 nam gramine tellus exuperat, torrefacta in
 salem gleba decoquitur, hyeme continuo
 gelatur æstu, stagni speciem præbentibus
 campis, vnde & in qua rerum parte locanda
 fuerit, pene natura ambiguum fecit, cum alia
 anni parte nauigationis patiens, alia aratri
 capax

capax existat. Incolæ eius prouinciæ natura
feroces sunt, corporibus agiles, anxiam &
grauem armaturam contemnunt, ancilibus
vtuntur, & missilibus dimicant, agros scro-
bibus cingunt, saltus contulis edunt, penates
in editum subiecto glebarum aceruo proue-
hunt. Hos à Frisonum gente conditos, no-
minis & linguæ societas testimonio est, qui-
bus nouas sedes quærentibus, ea forte tellus
obuenit, quam palustrē primum ac humidā
lōgo durauere cultu. Administratio prouin-
ciæ, sub nostris Regibus esse cœpit, à qua Ka-
nut⁹ quū fortè præsidium implorasset, prōpto
omnium fauore suscipitur, pollicitus se eis
aliquid de consuetæ pensionis onere laxatu-
rum. Auidi promissionis Frisij, intuitu exilis
præmij, immani se negotio onerant, ac pri-
mum mœnia propter Mildam fluuium, quis
eum recipiant, condunt, tantulo stipendio
ingens militia stetit. Sueno verò reditus eius
opinionē accepta luti in equitatum digestis
à Zelandiis & Scanis classem adscissit, ex qua
nonnuilas naues Slesuici subductas ad Ey-
doram fluuium, vsque solotenus pertrahen-
das curauit, ne ea pars elapsi hostibus foret.
Quæ res ei impendio magis, quàm vsui fuit,
inde cum copiis ad recens oppidum pergīt.
Id inter paludes amnemque situm, natura
quàm opere munitus erat. A latere ei Milda
fluuius fuit angustis alueis, sed placidè ma-
nanti-

M a

nanti-

nātib⁹ aquis. Quod quia Rex ob angustias exercitu circumire non poterat, locis ex copia idoneis castra defigit, deinde cæsis virgultis, quæ nemus proximum offerebat, ad peragrandas paludes, castramenta fieri iubet, quibus (quum opportunum foret) velut pontibus vterentur. Interea quidam ex Frisica iuventute, siue moræ impatientes, siue vegetioribus animis, virtutis iactandæ cupidi, prouocandi gratiarium, qui inter castra medius erat, consueta arte transiliunt, vagumq; eminus hostem incessant. Sed neque laceffientibus obuij defuerunt, nam complures ex utroque agmine, huic se certamini ingerunt, suorum cuique pericula propulsuri, neutris communis fortunæ negotium patienter inspectare, valentibus. Itaque paulatim crescente pugna, adeo omnium huc animi confluxerunt, vt ex eo belli præfulti victoriæ summa pendere, videretur. Quo viso filius Thorsam Petrus omnium Regis arcatorum particeps, non ignarus Frisicæ temeritatis, confestim armari exercitū, præstolariq; castris paratū iubet. Huius rei inscij, Frisij tota amnē manu repentē transuolant, ratione sine paratu Regem in castris esse. Itaque audacius quàm prudentius, omnis eorum irrupuit exercitus, inopinatum hostem opprimere audius. Sed Suenonianis non segnius occurrentibus, ad sibi notas refugere patudes

des, quas mox equites, factorum à se pontium stramentis usu facile superant, translaticque fugam acerrimè prosequuntur. Aliud quoque ferro sibi compendium struunt; nam tanta in fugientes strages excitata est, ut constrictis cadaueribus amnis, mox à victoribus cum paucis exilij sociis, eques elabatur, reliquis fugæ expertibus, oppidum receptui fuit. Cui Sueno Kanutum adesse ratus, obsessos quàm poterat infensus aggreditur, sperans conditione eius, totius belli finem futurum, saucios integris mutat, fessis requietos succedere iubet, diurno prælio nocturnum sociat, omniq̃ue iactantia curat, ne lassus quies remedio fiat, addebatq̃; obsessis animum, recens captiuorū occisio, nec cuique toties à victore læso venia sperabatur. Contra Rex si pugnam remitteret, neq; mox oppido potiretur, Frisios obsessos auxilio futuros timebat, ideoq̃ue perseuerantiori prælio opus ducebat. Sic metus utrinq; pugnandi occasionem fecerat, nec interdum dimicasse contenti noctem quoq; bello contribuerunt. Tunc verò anceps prælium erat, cum VValdemarus, clamore cominus orto, Frisios instare ratus in partem qua strepitus exaudiedatur, cum signis accurrit, sociosq̃ue perquàm strenuè repugnantes, errore noctis elusos oppressit. Ita fortissimi animi Dux, temporis habitu circumuentus, quibus o-

M 3

pem

pem ferre decreuerat, cladem atq; exitium irrogauit. Oppidani verò assiduis plagis, & continua lassitudine exhausti, nullumque pugnae supplementum habentes, cum nec vires, nec vulnera vllò momenti spacio recreare quiuissent, desperatis rebus dedere se Regi, quum fidem atque clementiam vltra ac ratifuerant, experti sunt. Hæc de diuisione terræ Frisiæ paulo prolixius dixisse sufficiat, nunc verò cætera exequi pergam.

CAPVT XIX.

SVnt etiam, qui Frisiam in tres partes diuidunt & discernunt, nempe in orientalem, Groningensem mediam, & Occidentalem, quæ singulæ Zelandiæ vna, ab altera tenui diuiditur freto. Et media Groningensis incipit ab Amaso (vti Plini⁹ dicit) fluuio, vsq; ad Lauram, illustribus ditionibus secundum nomenclaturas subsequentes, Marna, Hunsinga, Fimelinga, Langevvolda, Fredevvolda, Medagora, Humerlina, Duerfvvolda, Oldrampta, & VVedda cum VVestervvolda atq; Phedarga, seu Reidēsi terra (vti superius dictum) decorata. Qui populi Diuo Ludegro amicissimi facti, ex diuitiis suis & offertoriis (vt vocant) Ecclesiam Monasteriensem construxerunt primum. Hæc inquam ditiones Groningenses Frisiæ, adhuc in hodiernū diem temporalem, supremamque iurisdictionem

tionem habent, & singulæ suas leges, vsus, ac
consuetudines, suaq; municipalia satis com-
pendioso volumine per libros, titulos, & ca-
pita exquisitissima ratione, summaque rerû
& iustissimorum hominum æquitate diligē-
ter condita, & distincta, suosque iudices vul-
gato nomine Redgeros, siue Grietman-
nos, qui sibi consistentes omnium contro-
uersiarum primæ instantiæ definitores sunt,
& solius iustitiæ respectu habito, ius populis
dicunt, non vt leges sentiunt, quas non no-
uerunt, sed prout municipale ius eis dictat,
atque iudiciorum consuetudo habet. Et si
quod est admissum facin⁹, si cædes facta, si de
hereditate, de finibus controuersia est, iidem
discernunt, nec magnatum, nec diuitum cap-
tantēs gratiam, quod æquum est, omnibus se-
cundum iura sua municipalia reddunt, sciē-
tes etiam, quod Deus occulta inspiciat. Om-
nibus tamen gratum & vtile, imò necessariū
videtur, interpretationem difficiliarum sua-
rum legū sumere à iure scripto, & rescriptis
principum Romanorum. A quorum iudiciū
sententiis appellatur ad præfectum Regium,
siue eius locum tenentem, & Capitaneos
quatuor, quem patrio idiomate *Lutenant* &
Hoeffmannen vocant, & hi controuersias om-
nes ex vniuersa gente eò delatas, suo compo-
nunt decreto. Et is locum tenens solus à Re-
ge constituitur, & non temerè, nisi grauissi-

mas ob causas officio suo mouetur, sed quoad
viuit, perpetuo manet. Capitanei verò siue
vulgari lingua Hoffmanni, alternis annis à
Senatu Groningano constituuntur, & suffra-
gio creantur ex eodem Senatu, viri pruden-
tes ac synceri patricio sanguine nati, qui neq
fauorem, neque gratiam aut præmium cap-
tant, sed solummodo quod iustum est, iudi-
cant, & nihil aliud, ob quascumque causas ac-
cipiunt, sed gratis & sine vllō remunerationis
præmio lites terminant, duratque officiū
eorum toto biennio, vt & alij Magistratus
hoc potiri queant. Omnes ruricolæ ex tota
prouincia à ciuibus in causis debiti coram
Hoffmannis ad iudicium vocantur, quoties
vel de minima re à quopiā impetuntur. Di-
ctique Capitanei siue Hoffmanni omnium
fere controuerſiarum, siue mulctis & omni-
um prouocationū perpetui sunt definitores
& se constituūt iudices tam de publicis quàm
priuatis causis, neque parent vltiori pro-
uocationi: & hi sua stipendia ex fisco Regio
siue mulctis percipiūt. Quod si grauiores cō-
trouerſiæ, arduæ perplexæq; ad eos deferan-
tur, prius ad arbitrium optimorum virorū,
qui in eo territorio inueniuntur, rectè de-
cerni volunt, & remittunt, vt potius suffra-
giis quàm legibus terminentur, priusquā ad
ilicquod iudicium deueniatur, & si tum ipsi
an causa nihil decernere queant, cum consi-
lio

lio locumtenentis, de horum negotiis maiori diligentia decernunt & qui iudicatur reus vel condemnatur, cogitur pro multa temerè litigantis quinque marcas fisco pendere, prouocationis beneficio condemnatis denegato. Et hæc terra multum ab aliis differt legibus & institutis, quum Frisij tam Occidentales quàm Orientales vsurpant ius Civile, hi autem, vt dictum est, ius municipale tantum. Itaq; iuris peritorum & foro litigantium null^o est ibi numerus, quoniam ea nullis causidicorum cauillationib⁹ interpretari atque peruertere possunt, nec litigantium querulorum libellos in vsu habent, sed ore præsentem peragunt, id quæ fit, ne lites auaritia iudicum, & patronorum in longum pertrahantur.

Qui videt hæc igitur leges, & publica iura,

Se putat antiquum nempe videre forum.

In hac terra magnus & insignis nobilium hominum numerus est, qui & suas peculiare habent iurisdictiones, equestris ordinis viri, qui quotannis, quaternis vicibus ex vetusta consuetudine, Groningam conuenire, & de causis possessionum agrorum inter partes decernere solent. Sed ille mos iam totus abolitus, vix quæ semel in anno controuersias dirimunt. Cuius regionis mentionem sæpe facit Cornelius Tacitus, & claruerunt ante Christum natum, ac fortissima bella gesse-

M 5

iunt

runt cum Iulio Cæsare, primo Imperatore, quemadmodum etiam Raphaël Volaterranus cōment. lib. 7. cap. 20 scribit, à quo tamē bello victi sint, ac vult quosdā ex iis ad Heluetiam processisse, atque Heluetios modernos esse ex Frisiis prognatos. Id quod adhuc mores eorum demonstrant, nam pro libertate vt & Frisones, occumbere parati sunt, vtī superius lib. 1. annotauimus.

CAPVT XX.

HAE omnes Zelandiæ, olim coniunctæ in regnum fuerunt sublimatæ, & ob sui amplitudinem titulo Regio decoratæ, vnoque nomine appellatæ Frisia. In quibus singulis prædictis Zelandiis Friso primus conditor huius regionis, ac gentis, vnum de suis collocauit filiis. Et his septem Zelandiis sic occupatis, ipse Friso cum filia sua VVimeth perrexit in VVimserlandt, quam terram nomine filiae suæ sic vocauit. Ex qua VVimeth progeniti sunt, Hadelricus in Hadelingerlandt Tithmarus in Tithmarsche, & Radelinus in Redingerlandt, dilatantes suos terminos, pulsisque habitatoribus terræ, occupauerunt terram vsque Staden & Hannouer. Quamuis Berofus asserit de Germanis, Thitmarfos à Marso filio Tuisconis descendisse, qui habitant iuxta ostia Albis fluuij. Habueruntque Frisij à multo tempo-

tempore proprios suos Reges, qui residebant aliquando in Medenblick, aliquando etiam in VViltenborch, aliquando in Gronenborch, & nonnumquam in Phostelandt, de quib⁹ inuenimns apud Sabellicum, duos nominatos, lib. 7. Enneados 8. Radbodum siue vt alij dicunt, Rathodum, quem bello vicit Carolus Martellus. Alterum verò dictum Gundebaldum, qui fuit Carolo Magno amicissimus, ipsumque in Hispanica expeditione cum suis Frisonibus armis instructus, sacra militia sequutus, cum Rolando pro fide Christiana in monte Ronceuallo, anno 770. occubuit, teste Sabellico Enneados 8. lib. 8. Habueruntque & alios Reges multos ante Christum natum, atq; aliquamdiu post eius natiuitatem, vsque ad tempora Caroli Magni, sub quo vixit Radbodus eius nominis secundus Gondobaldi frater, vltimus Frisorum Rex, cæteri non ita magni fuerunt nominis, quorum nomina & genealogiam ex Annalibus Hollandiæ infra apponere operæ precium esse duxi. Quamuis & alij diuersis temporibus quamplurimi Principes, & primarij viri fuerunt in Frisia, quorum nomina penuria scriptorum in obscuro mansere. Inuenitur tamen temporibus Commodi Imperatoris quendam Cleandrum Frisonem, magni nominis & æstimationis apud Imperatorem fuisse, qui tandem anno Christi

Hi 194. conspiratione in ipsius Commodi
necē facta, imperium affectans, cruenta ma-
nu funestam mentis libidinem satiauit. Item
apud Tacitum lib. 11. Annalium de Gamea-
sco Duce Cauchorum dum Germaniam in-
feriorem cum suis Frisonibus incurfaret. Itē
lib. 13. quod Malorix & Veritus Frisorum
principes fuere. Inueni quoque de quodam
Cimosco Rege Frisonum apud quendam I-
talum Franciscum Oriostum huiusmodi
historiam: Cum (inquit auctor dictus) Ci-
moscus Rex Friliæ ictu sclopi transfuerbe-
rasset Comitem Hollandiæ cum duobus fi-
liis suis, relicta vnica filia Olimpia nimium
speciosa hærede, hanc in vxorem filio suo
Arbando dari, crebrè legationis officio peti-
uit Rex, quæ quoq; communi consilio Fro-
cerum Arbando desponsata, & dotis iure
Hollandia assignata, clam cum nobili Bire-
mo Zelandiæ Regulo cōtracto matrimonio,
consortium Arbandi (à quō eius parens &
fratres inaudito sathanico inuento, scilicet
bomdarda atroci essent perempti) renuit.
Arbandus verò quum amore virginis de-
periret, datis pro Regia magnitudine & mu-
nificentia muneribus, ipsam exquisitis ver-
borum illecebris aggressus, de nuptiis inter-
ellat, ac cum ille nullum votis assensum ab
impetrare & extorquere posset, varias hinc
de excusationes prætēdente, ne in eius am-
plexum

plexum consentiret Arbandus flagrantiori amore incensus, omnem industriam ad hoc verfit, quò ipsam per vim, volentem, nolentemq; raperet, atq; suo coniugio sociaret. Apparatis itaque pro Regia fortuna omnibus necessariis, cum prima nocte genialem thorum conscendisset, atq; nouæ sponsæ concupito amplexu potiri speraret, ab ipsa in thalamo iugulatur Arbandus. Quo facinore facto, Olimpia assumptis confestim duebus tantæ rei amicis consciis, ad omnem fortunæ euentum eò ausugiendum paratis, relictâ Hollandia clam noctu conscensa cymba, per occultos nauigationis anfractus, lunæ lucentis beneficio, se ad Flandriam conuertit. Quo facto Cimoscus Rex iusta indignatione permotus, in vindictam necis filij, hostilia Comitû Zelandiæ indicit, atque instructa classe Zelandiam petit, atque Biremum in prælio deuictum, captiuum Dordracum perduxit. Olimpia verò magno discrimine ad Rolandum Flandriæ Comitem declinans, opem atq; auxilium ab illo implorabat, patris mortem totamq; rei seriem ei exponens, atque vt tutelam sui susciperet, rogat. Rolandus ad res præclaras natus, puellam in suam protectionem suscipit, atque iussit optima quæq; sperare, neque ad quemuis aduersæ fortunæ impetum animum despondere, magno atq; imperterrito animo Dordracum adiit, atq;
Cimo

Chimoscum in duellum prouocat, conditio-
ne proposita, vt si victor existeret, Biremum li-
berè è custodia dimitteret Rex: si autem ipse
victus fuerit, Olimpia Regi traderetur. Ac-
cepta est à Rege conditio, atque cum vterq;
ornatus in campum prodiret, circum-
stante vndique satellitum ac procerum co-
rona, Rex eminus sclopeto interfici posse
Rolandum, sperans; bombardam emisit in
ipsum, quam cum exigua corporis declina-
tione vitasset, antequam ille bombardam
denuo oneraret, affluit Rolandus, & Chi-
moscum gladio impetiit, vnoque ictu caput
eius diffidit, atque in terram arietauit, acce-
ptaq; bomba nunquam antea visa, ne in
perniciem aliorum bonorum amplius vsui
esse possit, in mare proiecit. Hæc supradictus
author in forma verborum, à me autem ideo
adiecta sunt, vt ex eo demonstrarem artem il-
lam bombardarum, non Moguntia primo
supra centum annos, vt quidam asserunt, sed
à Rege prædicto Frisonum, à priscis tempori-
bus adinuentâ. Testatur etiam hoc Munster⁹,
bôbardas anno Christi 1354. apud mare. Da-
nicum in vsu fuisse, primumq; inuētorum &
authorem fuisse quædam Chimoscum, quē
corrupto vocabulo supradictus author Chi-
moscum vocat. Multi adhuc alij inueniuntur
Reges Frisiae, sed ordine iis immorari, haud
sane operę pretiū videtur, ne prolixior sermo
lectoris fastidi paruiat, itaq; ad cætera pergiā.

G E N E A L O G I A R E G V M F R I -

S I A E I N S V C C I N C T A M S E R I E M

re da cta ab Engisto, qui Angliam primo cum

suis Frisonibus adiit, accessuq; apud Regem

impetrato, Frisonibus aperuit ingressum,

sed postea pulsus & fugatus ex Anglia

ad Frisiam rediit, ac Leidam ciui-

tatem primo con-

struxit.

C A P V T X X I.

E Ngistus siue Hengistus, & Horfa fratres,
in subsidium Vertigeri Regis Britan-
niæ vocati, contra Scotos & Pictos, cum
suis Frisonibus, qui & inferiores Saxones ap-
pellabantur, Britanniam anno Domini 385.
vel vt alij volunt, 449. ingressi, Scotos atque
Pictos prælio oppresserunt, sed postea ambi-
tione ducti, in Britanniam dominari cœpe-
runt, nam Regnum eorum affectabant, & pri-
mores eorum maiori ex parte vario genere
mortis interfecerunt. Ex quo Engistus agros
opesque insularum cum suis participans,
vt linguæ pariter & gentis memoria in deu-
icta insula sempiterna foret, noluit quod de-
inceps Regnum illud Britannia, sed à se vul-
gari voce *Fngelslandt* corrupto vocabulo *En-
gelandt* vocaretur. Constructoque castello
ad orientem Rheni ripam, præsidium in eo
constituit, Dibaldum Borchgrauium, vt via-
toribus

toribus passagium liberum præberet, & tutum negotiatoribus accessum & recessum præstaret, vnde postea & ciuitas sumpsit nomenclaturam, vulgari idiomate *Leiden*, ex quo Dibbaldo genitus fuit Lemus. Engisto secundum Bedam successit Orich filius eius, cognomento Hoeisch. Orich reliquit post se filium Minricum. Minrico successit Edelbrecht. Hi tres Reges in Anglia potiti imperio, ibidem contra Anglos pugnantes occubuerunt. Lemus autem filius Dibbaldi, condidit Harlemiæ Castellum, & successu temporis plurimis ornatis ædificiis, in ciuitatem succreuit, vnde ex composito vocabulo *Heer* & *Lem*, nomenclaturam primo sumpsisse Annales Hollandiæ volūt. Ex quo Lemo, nobiles de VVassener successionis serie pullasse Annales produnt, qui in hodiernum diem, vetustigia de telonco ad ripam Rheni in Leidis subleuant, genuitque Lemus Aurundulium filium. Aurundulius auribus asininis (vt fertur) natus, reliquit post se Falconem, qui primo construxit palatium egregij operis super flumen VValim nuncupatū Falkenhoff, & Falkenburch prope Leidam. Falconi successit, vt nonnullis placet, Beroaldus. Beroaldus rex Frisiæ anno Christi 589. prælio à Lothario Rege Franciæ, superat⁹, & in ipsa pugna cæsus, fortiter pro libertate Frisiæ occubuit. Ex quo tempore Reges Frisiæ homagium præsti-

præstiterunt Regibus Franciæ, sed exigua
pendebant vectigalia. Reliquit hic Beroal-
dus successorem Aldigildum puerum, qua-
re consensu & suffragio procerum eligitur
ad tutelam regni Theodoricus vir fortis ac
strenuus, cuius moderationi pro suo arbi-
trio Frisia administranda committitur, do-
nec Aldigildus ad plenâ suæ adolescentiæ eta-
tem perueniret, quo tempore ita se vigilem
& industrium præstitit, vt ab omnibus &
prædicaretur, & etiam ameretur. Qui tamen
hic non censetur in numero Regum Frisico-
rum, eò quòd Regium nomen non assumfit,
neque diu præfuit tutelæ. Aldigildo autem
in Regnum sublimato, eoque mortuo, anno
Christi 672. successit ei Radbodus filius, eius
nominis primus. Hic Radbodus Rex multa
prælia cum Danis & Ducibus Brabantiae
gessit, ac tandem plenus dierum anno salutis
723. vita decessit, vt quidam tradunt, nam
alij à Carolo Martello occisum, alij à diabo-
lo suffocatum asserunt, vt infra dicetur
lib. 3. cap. 8. 10. 11. Hic reliquit post se duos
filios, Melgerum & Aldegildum, qui relictâ
idolorum cultura, in fide Christi baptisma-
te renati, patri in Regno succedunt. Melge-
rus verò non diu post morbo contracto fi-
nem viuendi fecit. Aldegildus primus Rex
Frisiæ Christianus, successit patri in regno
sub homagio & tributo moderato Caroli
Martel-

Martelli, duosque procreavit filios Gundebaldum & Radbodum. Gundebaldus ultimus Rex huius stirpis sub Carolo Magno in Hispaniis militans, occubuit cum Rolando pro fide Christi in monte Rōceuallo, anno salutis 770. nullo post se relicto legitimo filio, fuitque eidem Carolo amicissimus. Etsi autem Radbodus Fratri Gundobaldo in Regnum reuera successerit, & à Carolo magno victus, & Regno exutus fuerit, ut infra apparebit lib. 3. cap. 13. Vulgares tamen Hollandiæ annales habent, quod Regni habenas relinquens acceperit Comitatum de Egmunda pro sua hæreditate, fixeritque sedem in eo, nec unquam tantæ fuerit potentia, ut regnum sibi vendicaret. Ex quo & magnæ nobilitatis propago disseminata sit: Nobiles scilicet Comites de Egmunda, qui usque nunc nati sunt, originem se duxisse magnæ æstimant. Fœminas autem, quæ in alienas translatæ sunt familias, hic ex industria omisimus, quum ad successionem genealogiæ nihil faciant. atque seriem præsentem super modum obscurant. Et quia venerabilis Beda lib. 1. historiæ Anglorum ait, Engistum fuisse regem Frisiæ, & in Chronica Leideni plenius legitur de eodem Engisto, quæ Beda in superioribus obscurius posuit, non pigebit illa, quæ ibi habentur de hac materia, pro oblectatione legentium hic inferere.

CAPUT

C A P V T XXII.

ANno domini 449. (inquit ille) venerunt ex Frisia in exilium pulsæ, tres longæ naues, (Annales autem Frisionum dicunt hæc accidisse anno ab incarnatione Christi 385.) in quibus erant Hengistus & Horfa frater eius quos rex Vortigerr⁹ suscepit benignè, & tradidit eis insulam, quæ vocatur Thanet inhabitandam, ea lege, ut sibi fideles essent contra hostes, proq; patriæ pace & salute militarent, & illis militantibus debita Britones stipendia ferrent. Hengistus verò quum esset astutus, fecit se regi familiarem, considerans ipsum imbecillè, minusq; prudentem, Scotosque atque Pictos continuo Britanniam impugnare, persuasit Regi, ut mitteret eum in Frisiam patriam suam, ut inde adduceret milites stipendiarios bellicosos, ibidem abundanter existentes, quibus regnum suum tutaretur. Rege ergo annuente, Hengistus Frisiam petiit delectuque Frisonum habito, prima quidem classe vndecim navium cum vxore sua & Ocho filio, & filia aliisque amicis suis quamplurimis Britanniam repetit, atque innito cum hostibus certamine, victoriam sumpsere Frisones. Quod cum in Frisia nunciatum esset, mittitur confestim illi maior classis armatorum, nempe quadraginta navium, ferens manum

N 2

fortio-

fortiorem, quæ adiuncta cohorti præmissæ
insuperabilem fecit exercitum, & deinde
Regi conuiuium præparauit. Rex autem visa
ipſius Hengisti filia eam adamauit, & in con-
iugem sibi petiit, & accepit. Nuptiis itaque
celebratis, idem Rex Frisonibus prædictis
regionem aquilonarem Britanniae dedit ut
inhabitarent, qui exinde contra Scotos & Pi-
ctos nauigantes, vastauerunt etiam & Orca-
des Insulas, occupantesque plurimas regio-
nes, ditati sunt, & multiplicati vehementer
nimis, ita ut ipſis quoque indigenis terrori
esse cœperint. Quod cernens Vortuner⁹ pri-
mogenit⁹ Vortigerri Regis ex prima vxore,
indignè tulit, & contra Hengistum & fratrem
eius bella mouit, in quibus & fratrem Engi-
sti cum plerisque aliis occidit. In secundo
vero bello frater ipſius Vortuneri interem-
ptus est. In tertio vero bello, ipse Vortu-
nerus victoria potitus, Frisones omnes ex re-
gione aquilonari, eis à patre suo concessa, fu-
gauit, multosque occidit, atque è nauibus eie-
ctos submersit, cæterosque in Thanet con-
clusos obsedit. Sed non diu post ipse Vortu-
nerus obiit, post cuius mortem Hengistus
cum magna turba Frisonum iterum illuc ad-
uenit, & spe improba totius Angliæ regnum
complexit, cœpit machinari, quomodo Re-
gem generum suum caperet, atque cæteros
Britanniæ principes occideret. Misit ergo le-
gatum

gatū ad Regum sub prætextu pacis constitu-
endæ, quod Regi credulo optimè placuit.
Die igitur constituta & assignata pro pace
inter eos firmanda, ipse Rex & omnes princi-
pes eius conuenerunt, vbi etiam & Hengi-
stus cum suis Frisonibus per obsequij simu-
lationem aduentens, eosdem secreto præmo-
nuit, vt dum sua lingua diceret: *Nimmet oure
Saxen* (quod lanè Frisonicum est) omnes si-
mul cum armis accurrerent, Britannosque
inuaderent, & ex improviso trucidarent.
Quod ita perfecerunt, nam Hengistus po-
tentia suorum vallatus, quum ad secreta loca
peruenissent, & periculis expeditos puta-
rent, trecentos ibi Britanniæ Principes peri-
merunt, & Regem Vortigerrum, contra pro-
missam fidem, & iusiurandi relegionem, ca-
ptiuarunt, & compedibus ferreis constri-
ctum abduxerunt, qui tandem pro redem-
ptione vitæ suæ, & vt ab illa dura & diuturna
captiuitate se relaxaret, resignatis in manibus
Engisti vrbibus & arcibus, libertatem recu-
perauit, & sic Engistus in Anglia cœpit do-
minari. Tunc Angli iterum à Christiana fide
recesserunt, eò quòd Engistus cum suis paga-
nus erat. In illa igitur ciuitate, quam Vorti-
gerrus sibi retinuerat, manens, ipse Rex cum
suis vxoribus & filia Hengisti, cælesti igne
consumptus est, eò quòd cum propria filia
concumbens, filios ex ea genuerat, nec ad

N 3

prædi-

prædicationem S. Germani Episcopi ipsum
de incestuoso concubitu corripientis, sese
emendauerat. Non multo post etiam Hengi-
stus mortuus est, post cuius mortem, Ocha
filius eius recessit ex ea parte Britanniae ad
regnum Cauchorum, nempe Frisonum, &
de ipso Reges Frisiae orti sunt, ut quibusdam
placet. Et sic Anglia dominandi ius ignavia
perditum, virtute recuperavit. Britanni enim
videntes ferocitatem & tyrannidem Friso-
num, inito consilio direxerunt Londinen-
sem Archiepiscopum ad Abdiouenum Regem
minoris Britanniae, ut eis succurreret. Ille ita-
que delectu habito, in subsidium Britanno-
rum misit Constantinum fratrem suum, cum
armata militum manu, ubi Constantius ere-
ctus est in regem decem annis. Hic tres habu-
it filios, scilicet Constantem, qui Monachus
factus est, Aurelium Ambrosium, & Uter-
pendragontum. Aurelius ergo Ambrosius
post mortem patris regnavit, & colligens
copias cum aliis Britonum principibus, Fri-
siones debellauit, & tandem duodecim præ-
liis superans eos, pro maiori parte ex Anglia
fugauit, non tamen penitus extirpare potue-
runt: nam (ut refert Beda in libro saepe citato
de gestis Anglorum) tempore Mauritiij Im-
peratoris, qui cepit anno domini 781. re-
gnare, decimo quarto anno Regni eius, Gre-
gorius Papa misit Augustinum prædicare
verbum

verbum Dei genti Anglorum, anno ab aduē-
tu eorum in Britanniam circiter centesimo
quingagesimo, teste Beda lib. 1. capite. 20.
regnante tunc in Cantium Edelberto Rege
potentissimo, qui fere cum omni gente sua
fidem Christianam deuotè suscepit. Erat au-
tem ille Edelbrecht (teste Beda lib. 2. histo-
riæ Anglorum cap. 5. filius Minrici, cuius
pater Orich, cognomento *Hoefsch*, quod Fri-
sonico idiomate propriè sonat mitis, & le-
nis, cuius pater Hengistus, qui cum filio suo
Orich Britanniam primus intrauit, de cuius
stirpe permultarum prouinciarum genus
regium originem duxit. Ex his Bedæ verbis
constat Frisones numquam penitus ex Bri-
tannia (quæ nunc Anglia est) fuisse extirpa-
tos, & ex horum progenie fuit S. VVillebror-
dus in Anglia natus, qui ad prædicandum
Euangelium Christi Frisonibus, atque Saxo-
nibus Traiectum deuenit. Testatur hoc idē
Marcellius in legenda S. Suidberti Episcopi,
vbi loquitur de duodecim viris sanctis & do-
ctis, qui cum B. VVillebrordo primum Tra-
iectum venerunt, dicens: Et quoniam hi
Sancti Doctores propagati fuerunt in An-
glia, de stirpe Frisonica, igitur conuenienter
prædicare potuerunt iis Euangelium Iesu
Christi germanica lingua. Dicit insuper
Chronica Leidenfis, quod S. VVillebrordus,
cum suis ex Anglia veniens, primum appulit

in Valachriā insulā Zelandiæ, & venit VVest-
capellam, vbi Idolum habebant Mercuriū,
ibiꝛue Euangelium lingua Frisonica, quasi
Friso Frisonibus prædicauit. Hic aliquanto
prolixius extra materiam diuagati sumus, vt
demonstraremus Anglos à Frisonibus origi-
nem habuisse. Nunc autem historiæ nostræ
seriem prosequamur, & ad reliqua propera-
bimus.

CAPVT XXIII.

HAec igitur terra & possessio Frisonum
cum termino suo, incipit à Rheno, vt
dicit Bartholomeus Anglicus in libro
de proprietatibus rerum, & terminatur ma-
ri Danico: sed hodie longè alia est ratio di-
uisionis, vbi non secundum flumina, sed se-
cundam domini principum terrarum Fri-
siæ sunt partitiones Zelandiarum, cuius sin-
gulæ Zelandiæ propriis & specialibus discre-
tæ sunt nominibus, omnes tamen, & tota
hæc terra generali nomine Frisia nūcupatur,
vt se Frisones nominari gloriantur. Et quā-
uis hæc omnes Zelandiæ, lingua, legibus, insti-
tutis inter sese differre videantur, multa ta-
men multis communia sunt. Cornelius Ta-
citus in libro de moribus Germanorum di-
cit, maioribus, minoribusque Frisiis voca-
bulum esse ex modo virium, vtræque natio-
nes vsq; ad Oceanum Rheno prætexuntur,
ambi-

ambiuntque immensos insuper lacus, & Romanis classib⁹ nauigatos. Ex quo veteres Historici Frisiā bifariam diuisere, duplicemque esse dixerunt, maiorem videlicet & minorem. Minorem verò constat proximam esse Danis, sed ubi ad Orientem incipiat, aut finiat, non facile dixerim, & ideo iudicio illorum, qui illius terræ maiorem habent noticiam, relinquo definiendum. Id tamen affirmare non dubito, quin Frisiæ terminos, vel maiores aliquando fuisse, eò quòd ante conuersionem Germanorum ad sacram Christi fidem, non solum Frisiis, sed etiam omnibus pene Germanis peculiare erat, aut suos dilatare (expulsis vicinis) terminos, aut prioribus relictis sedibus, vel prædæ dulcedine, vel alieni soli fertilitate ductis, nouas quærere, & sic superuenientibus fortioribus, pauciores facile pellebantur suis sedibus. Siquidem in regionibus frigidis, eò maior est ibi hominum fœcunditas, quòd rarior est ibi aëris contagio, quæ solet mortalibus fœtidum calorem ingerere, fatumque & mortem plerumque accelerare. Quod & Frisiis euenisse, atque ipsos aliis fecisse, non raro apud veteres legitur. Quippe inundatione maris sæpe cōpuli, in tantam multitudinem cum omni suppellectile, coniugibus & liberis, ac tenuitate fortunarum, quas habebant emigrasse, nouas sedes quæsiuisse, & natalitia loca deseruisse.

se constat, ut longè pauciores sæpe essent, qui domi manerent quàm qui egrederentur, ut vix sufficiens incolarum numerus terræ excolendæ relinqueretur. Nec mirū, quod homines ad maris ælius, quos perpetuo natura affligit; per dies singulos his accidentes, indignati sunt, ut patrio solo digrederentur, quæ tamen posterioribus seculis tam frequentes non accederunt. Nam refert Cornelius Tacitus Eques Romanus lib. 3. Annalium, tempore Neronis Cæsaris Frisios agros vacuos reliquisse, & novos quæsiuisse, eosdemque possedisse. Iamque fixerant domos, semina aruis intulerant, utque patrium solum exercerent, quum dubius Auitus accepta à Paulino provincia, minitādo vim Romanam, nisi abscederent, Frisij veteres in locos, aut nouā sedem à Cæsare impetrarent, perpulit Verrium & Mallorigē preces suscipere, quibus Romā profecti Nero iussit Frisios agris discedere. sed illis aspernantibus, equis auxiliaribus repente immissis celeritatē attulit, captis cælisque, qui peruicacius restiterant, eosdem agros Ansibarij occupauere, qui antea expulsi à Caucis (ut idem refert) suis fuerant sedibus. Hæc ille. Et alibi apud eundē Tacitum: Proinde factū per Cattsos & Frisios itinere trans Rhenum in ultimis Galliarum oris, ad septentrionalem Oceanum confedere, ubi cum diutius manere non possent, ob maris Gallici

Gallici inundationem, per Galliam errabundi, ad Rhodanum usque venerunt, ibique sedes figere constituerunt. Item amplius apud eundem Tacitum: Frisij Gallias incurfabant. Et quidem his similia plura apud veteres inueniri posse non dubito, nisi priorum temporum scriptores, ut Ptolomæus, Strabo, Tacitus, & plures alij, qui res Germanicas, vel eius situm diligenter scripserunt, valde obscuram ambiguitatem præberent legentibus, ita ut admodum difficile sit discernere & cognoscere, qui antiquitus Zelandiæ & prouinciæ Frisiæ fuerunt termini. Quod inde euenisse constat, quia non modo in Germania, sed etiam in vniuerso pene orbe, non solum limites Regionum, prouinciarum, Insularum, Comitatum & locorum, sed & nomina penitus sunt mutata. Insuper & Regnorum atque prouinciarum termini multam acceperunt varietatem, ita ut aliqui populorum situs, aut prorsus ignorentur, aut cum magna difficultate inueniantur, quibus siue hominum voluntas, siue rerum euentus nomina penitus diuersa indidit.

C A P V T XXIII.

HÆc igitur attendentes viri docti, & multarum rerum periti, laborauerunt accuratius hanc tollere ambiguitatem, scribentes tabulas super Cosmographiâ Ptolomæi.

Ptolomæi, & Diui Cæsaris commentaria, vt
priscâ illa regionum & ciuitatum nomina,
cum his, quibus nunc vocantur nominibus,
concordarent. Exercuerunt quidam propria
ingenia sua, & non parum (vt verum fatear)
profecerunt ex fluuiorum circumstantiis,
quæ magna ex parte in Germania antiqua
nomina retinuerunt, multaq; alia, quæ prius
obscura erant, polteris plana fecerunt. Non
tamen in omnibus, maximè in descriptioni-
bus inferioris Germaniæ, lectori satisfacce-
runt, cum sæpe quisque alteri contraria pro-
ferat. Nam, vt de populis Zelandiarum &
prouinciæ Frisiæ paucos proferam, Bru-
cteros, Angriuarios, Chamanos, Cattos, Dul-
gebinos, Chasuarios, Cauchos, Fosos, & mul-
tos alios à priscis narratos authoribus, Frisiis
quidam esse proximos, ipsi interpretatores
dicunt, non tamen quibus nunc vocantur
nominibus, possunt affirmare. Nam si quis
Ptolomæum, Strabonem, Plinium, alios-
que veteres tum Geographos, tum Histo-
ricos inspexerit, inueniet plurimæ gentium
& prouinciæ nomina, quarum vestigia
nusquàm hac nostra ætate inueniuntur,
quum Tacitus inquit, maior Cæsari mo-
tus, ne bellum vna mole ingrueret, Cecinnam
cum quadraginta cohortibus Romanis di-
strahendo hosti, per Bructeros ad fluuium
Amasum mittit. Equitum pedo profectus
finibus

finibus ducit, ipse impositis uauibus quatuor
legiones per lacus vexit, simulq; pedes, eques,
classes, apud prædictum amnem conuenire.
Item ductum inde agmen ad vltimos Bru-
cterorum: quantumq; Amasiam & Lippiam,
amnes inter vastatum, haud procul Teuto-
burgenſi saltu, in quo reliquæ Vari legio-
numq; inſepultæ dicebantur. Hæc ille. Ergo,
ſalo, meliori iudicio, quosdam populos de
ſupradiſtis, non tam Friſiis proximos (vt ipſi
volunt) quàm Friſios ipſos fuiſſe, & eſſe cre-
do: licet nunc aliis vocentur nominibus.
Nam vt ſupra dictum eſt, Friſia quum ſit ma-
gna, & multas in ſe contineat prouincias, &
Zelandias diuerſorum nominum, quarum
nonnulla nomina inſtar aliarum nationum
nunc mutata creduntur. Hæc tamen gens,
hæc etiam terra, ex omnibus pene Germa-
niæ populis & terris ſola antiquum nomen
retinuit. Legantur veteres Germani & Græ-
ci ſcriptores, qui Germaniæ geſta & ſitus
ſcripſerunt, & Saxonum, VVeſtphalorum,
Turingorum, Traiectenſium, Geldrenſiū,
atq; Cliuentium hiftoriam nec memorafſe
quidem prædictas gentes atq; terras, quum
tamen Friſiæ, eiusque gentis ſæpius memi-
nerint, vt Ptolomæus in Coſmographia ſua,
& Cornelius Tacitus in Auguſta hiftoria, &
in libro de ſitu & moribus populi Germa-
niæ nationis, & plures alij. Non quod aliæ
Germa

Germaniæ nationes tunc non erant, aut prædicti authores eas minimè lustrauerint, aut de iis nihil scripserint, sed quia alia tunc, quàm nunc nomina habuerint. Ptolomæus enim duobus locis meminit Bructerorum, quod tenent Germaniam à septentrione, incipientes ad Rhenum fluuium. in altero loco minores (inquit) gentes, quæ inter Canchos paruos, & Sueuos iacēt, Bructeri sunt. Irenæus tradit Bructeros dici Frisones, apud quos est ciuitas Groninga. Tacitus dicit in lib. de moribus Germanorū: Pulsis Bructeris ac penitus excisis vicinarum consensu nationum, seu fauore, seu superbix odio, seu prædæ dulcedine, seu feruore quodam erga nos, ne spectaculo quidem prælij inuidere, super sexaginta milia non armis telisq, Romanis, sed quod magnificentius est, oblectationi oculorum ceciderunt. Sententia Strabonis de Bructeris lib. septimo hæc est: Amasia fluuius est, in quo Drusus Bructeros nauali prælio superauit. Et infra: Amasia per Bructeros labens. Cornelius Tacitus author grauissimus simul & doctissimus scribit, in Germania, Frisios, inter Bructeros & Dulgebinos & Thasuaros habitare, & ad Oceanum vergere, & Auriuarios & Chamanos, à tergo Dulgibini, Thasuarij claudunt, aliæque gentes à fronte Frisij excipiunt. Hæc ille. Sunt qui volunt Bructeros terram incoluisse non longè à Fulda, vbi

ubi & hodie vestigia apparēt, & dicitur Bruchonia. Et multi volunt terram Broeckmerlandiam, in hodiernum diem nomenclaturam à Bructeris sumplisse.

C A P V T XXV.

HAbuerunt itaque varia nomina singularum Frisæ Zelandiarum, singulæ Zelandiæ moribus tamen ac opinionibus cōsimilibus imbuitæ, licet nullum ad nos transmiserint antiquitatis nomen, utpote Frisij inter Visurgum & Rhenū, olim Cauchi nominati, quandoque Bructeri antiquo nomine. Et Traiectenses Bethasij: Geldrienses, Menapij appellati fuere. Quod autem quarundam Frisæ Zelandiarum populi, aliis quandoq; apud veteres vocitati fuerunt nominibus, non debet quis mirari, quum mutationes nominū multis modis accidere solent. Quandoq; enim Reges deuictis provinciis suppresserunt prisca nomina, & sua propria indiderunt, abolito dictarum gentium nomine: uti de Engisto dictum superius existit. Et Hungari superatis Pannonib; Hungariā, Normandi occupata Britannia Normandiā Tartari ex Sarmatia Tartariā nominarūt. Quod quia id nostris seculis factū fuisse cōperimus, vetustis illis seculis idem factitatū fuisse, nemini dubium erit: sed qua temporum iniuria Frisorum Zelandiæ, sua perierunt

runt nomina, scire non potui. Quin & in Frisia Ciuitates, Arces, & alia loca multa sunt, quorum nomina penitus sunt abolita, & noua eis indita: vt Phileum, teste Ptolomæo, nunc Groninga, Anthonina nunc Traiectum, Noualia nunc Svvolis, & Dockinga nunc Dockum, Lanum fluuium nunc Lauero. Quamuis Cranztius dicit Saxones supra Lanum habitâtes debellandos (à quo fluuius, inquit, Alani dicti sunt.) Et in sequenti cap. 7. lib. 1. dicit Saxones Alanos habitare in paludibus Oceani occidentalis. Et annumerat Cauchorū, hoc est, Frisiorum gentē Saxonibus: illi enim (inquit) palustribus locis habitant & campis apertis. Tamen dicit Alanos non esse Frisios, cum nusquam in Saxonum regione hoc nomine riuus agnoscitur. Ex quo constat ipsum errasse, & Alanos etiam Frisios fuisse, quum Lanus sit riuus in hunc diem Frisiz, & limes siue terminus tertiæ Zelandiz, vulgari lingua de Lauers nominatus, à Crantio & priscis scriptoribus incognitus. Præterea portus & arx Manermanim. Item lucus Baduhenni, de quo Tacitus lib. 4. Annalium inquit, Mox compertum à transfugis ingentes Romanorum apud lucum, quem Baduhenne vocant, pugna in posterum extracta, confectos. Clarum inde inter Germanos Frisiorum nomē. Quæ nomina ex priscis temporibus & nominibus, modernis vocabulis non possunt adaptari.

aptari. Itaque mea opinione nemo Frisoni-
cos fluuios rectius, & locorum situs melius
Ptolomæo distinguit: congruentes præsent
tempori. Vult enim Ptolomeus in quarta ta-
bula Europæ, Frisiam esse prouinciam sitam
inter Amasum ad orientem, & Vidrum ad
occidentem fluuios, habentem Oceanum
Germanicum ad septentrionem, ad austrum
verò Busactores minores, vnde facile est o-
stendere, qui illi olim fuerunt Busactores, si
in testimonium adducamus ipsum Ptolo-
mæum dicentem in sua Geographia, lib. 2.
partem, quæ secus Oceanum est, inhabitant
Frisij ab Isula, siue extremo Rheni ostio, vsq;
ad Amasim fluuium, & hi Busactores sunt. Et
Orosius expressè dicit, quod Valentianus
Imperator gentem Saxonum, supra Lanum
fluuium habitantem in Oceani littoribus, &
paludibus inuiis sitam, virtute atq; agilitate
terribilem, periculosam Romanis finibus,
eruptione magna mole meditantem, in ipsis
Francorum finibus oppresserit. Et cum nus-
quã in tota Germania reperiatur, hoc nomi-
ne Lanus fluuius, nisi in Frisia Lauuerts, vn-
de Alani Saxones dicti, & antiquitus Cau-
thorum gens, hoc est Frisiorum, adnumerata
est Saxonix, qui campis habitant apertis, &
Frisij in palustribus locis & inuiis paludibus,
facile videant lectores, quod fuerunt illi A-
lani Saxones, Frisones. Conradus Celtes poë-

Q

ta

ta egregius, Frisios bubulcos vocat, & Mer-
 lianus ipsos ponit iuxta Brabantiam & Gel-
 driam, ex quo plures, illos non Frisios esse
 volunt, nisi quod Ptolomeus addit. minores
 autem gentes, quæ inter Cauchos paruos at-
 que Sueuos iacent, Bructeri sunt. Quæ regio
 iam multas in se continet ciuitates, vt puta
 Dauentriam, Groningam, Stauriam Imper-
 riales, & alias minores ciuitates, Svvolam
 Leouerdiam, Hasseletum, Stenvvicam, Vol-
 lenhouam, Snekam, Franekeram, Bolsvar-
 diam, Slotam, Harlingiam, VVorkumiam
 Doccum, vt vix esse credam prouinciam
 quæ simili spacio tantum oppidorum con-
 tineat, mediocri quidem magnitudine, sed
 incredibili politia in domesticæ supellec-
 tis nitore, & frequenti numero eruditorum
 hominum, quæ plerumque gentes antiqui-
 tus alia procul dubio etiam habuerunt no-
 mina, vt dictum est.

CAPVT XXVI.

Post hoc Bufacturos, Cauchi qui appel-
 lantur parui (inquit Ptolomæus lib. 2.
 vsque ad Visurgum fluuium habitant
 deinde Cauchi maiores vsque ad Album flu-
 uium. Hæc ille. Cui concordat Cornelius
 Tacitus libro de situ Germaniæ, inquiens
 Cauchorum gentem à Frisiis incipere, ac par-
 tem littoris occupare, multarumq; gentium
 lacerat.

latera obtendi donec in Cattos vsq; finiun-
tur, tam immensum terrarum spacium non
tenent tantum Cauchi, sed & implent. Ex his
doctissimi viri permoti, dicunt, & quidem
meo iudicio bene, hos Cauchos esse, quos
nunc orientales dicimus Frisios, terram vi-
delicet Emdensem ab Amaso fluuio sic di-
ctam. Et hos quidem Cauchos Tacitus vbi
supra, inter omnes Germaniæ populos mul-
tis extollit laudibus, ibidē sic referens: Cau-
chorum populus inter Germanos nobilissi-
mus, quique magnitudinem suam malint iu-
stitia tueri, sine cupiditate, sine impotentia,
quieti securique, nulla prouocant bella, nul-
lis raptibus aut latrociniis populantur, id
præcipuum virtutis ac virium argumentū,
quod vt superiores agant, non per iniurias
sesequuntur, prompta tamen omnibus arma,
c si res poscat, exercitus plurimorum viro-
rum, equorumque, & quiescentibus eadem
parata. Et non sine causa dicit etiam Plinius,
Cauchorum gentem populi magnitudinem
ostensurus immensum terrarum spatium
non tenere tantum, sed & implere. Tacitus
etiam lib. II. Annalium inquit: Natio Friso-
rum per rebellionem clade L. Apronij ce-
citata, infensa aut malefida, datis obsidibus,
consedit apud agros à Corbulone descri-
ptos, ac ne iussa exuerent, præsidium inde
puniuit, missis qui maiores Cauchos ad de-
ditionem

ditionem pellerent, simulque Gannascum
dolo aggredierentur. Si igitur hi Cauchi fue-
runt, & sunt Frisij vt patet, credendum est
etiam, & alios populos, quos dicit Tacitus
(vti supra paulo post subiungit) esse Frisios,
licet aliis nunc etiam vocentur nominibus,
vnde dicit, In latere (inquit) Cauchorū Cat-
torumq; Cherusci, contermina gens est Pho-
sea siue Fosi. Hæc ille. Ex quo patet, quod
Phosea insula est in ipso Frisonum atq; Dan-
norum confiniis constituta, quæ à quodam
Phoseta (quem errore gentili incolæ deum
credebant) dicta. Et nominabatur terra Pho-
setanæa, quæ dicitur iam Helgerlandia, vti
etiam in legendis S. VVillebrordi & Ludge-
ri Episcoporum legim⁹. Habitantes, inquit,
in confinio Frisonum & Danorum in qua-
dam insula Phostelandt, quàm insulam Rad-
bodus Rex Frisonum, sua frequentiori præ-
sentia plurimum illustrabat: vt legitur in le-
gendis supradictorum sanctorum, quod D.
VVillebrordus eò ad conuertendum Regē
Radbodū fuit missus, ac postea à S. Ludgero
verbum Dei ardentissimè in ea euangelizan-
do, breui temporis spacio, diuina comitante
gratia ad fidem Christi conuersa, Phosetum
& phana destruxit, & omnes credentes ba-
ptizauit, prout inferius in tertio libro latius
dicetur. Si igitur hi Phoci aut Fosi & Phoseta
idem sunt, vt ex allusione terminorum vide-
tur,

ur, atque Radbodus Rex Frisonum, in terra
 Fosetanea siue Fostelandt frequenter habi-
 tasse dicitur, constat profecto illos Frisones
 fuisse, aut saltem Regi aut domino Frisiorum
 subiectos. Et si Foli, quis dubitet etiam &
 Catthos, Cannefatos & Ceruscos, quos Tacitus
 supra intra Cauchos ac Fosos dicit habi-
 tasse, olim fuisse Frisios, aut saltem subiectos
 Frisiis, & adhuc fortè esset Frisios, licet illa
 nomina nunc sint abolita. Cõstat enim Cat-
 thos fuisse, qui nunc in Hollãdia *Catvvykers*,
 & *Rinlanders* dicuntur, & Cannefates, qui *Re-
 nemers* appellantur. Itaque non de nominum
 mutatione, quæ frequenter & quandoque
 ex facili causa accidere solet, tam pertinaciter
 esse disputandum opinor. Quemadmodum
 enim Itali, ex eo nõ desinunt esse Itali, quod
 Græci eos Barbaros vocant, ita & nos Busa-
 tores Cauchos & Fosos, non desinemus vo-
 care Frisios.

C A P V T XXVII.

MAiores verò Cauchos Ptolomeus pu-
 tat esse Saxones inter Visurgum &
 Albim fluuios degentes, qui præcipuè
 in hibernum diem nomen obtinent spe-
 ciale *Strandvresen*, quotquot populi diuisi
 habitant inter Bremam & Hamburgam ci-
 uitates. Ptolomæo astipulatur Plinius lib. 16.
 cap. 2. ubi quoque discriminat Cauchos di-
 cens;

cens; Maiores & minores, cuius verba infra adiungam. Cauchi itaque minores ad Visurgum fluuium vbi Bremensis ciuitas proxima sita, itaq; episcopatus Verdensis & Mindensis. Cauchi secundum alios, Saxonum populus inter Visurgum & Rhenum fuisse constat. Præterea Cauchorum meminit Tacitus lib. 1. & 2. Annalium : & Aëtius Spartianus in vita Iuliani, iuxta Albim ipsos ponit. Cauchorū Frisiorum Insulas in Gallicano Oceano esse sitas, Plinius lib. 4. cap. 14. testatur. Ad Oceanum pertinere Cauchos describit Strabo lib. 7. Annotandum igitur hoc loco est, terram Cauchorum quam describunt Geographi esse sitam per Oceanum, inter Amasum & Visurgū, deinde ab eo vsq; ad Albim, fuisse minus infructuosam, asperāque olim degisse vitam constat ex descriptione Pliniana, quod scilicet maior pars inundabatur quotidie fluctibus & refluētibus Oceani, adeo vt vndique extarent colles ac tumuli arenosi fere infrugiferi, in quibus fuerūt cassæ, aut domus hominum Cauchorum, qui non habebant pecudes aut iumenta, neque lacte alebantur, sed tantum ex piscatione vivebant, vt Plinius dicit, ac postea per longa tempora, inter se tumuli illi arenosi multā accipiebant limi, ex quorum frequēti inundatione, & industria hominum, facta est terra optima, foecunda & fertilis. Præterea ex di
luuio

diluuiio maximo, est eleuata terra cespitosa (vt dicunt) ex partibus Noruegiæ, & per aquam illam & continui venti spirationem, delata ad partes Frisonum vndiq;, & maximè Cauchorum terram, vbi permansit in hodiernum diem, etiam ad vtilitatem hominum, & commodum magnum pro ignis fomento. Certissimum est huius rei argumentum, hanc terram cespitosam, aliquando per nimiam inundationem diluuij aliunde dilatam. Nam vbique cespitosa illa terra effoditur, apparent adhuc inter terram inferiorem arenosam, atque cespitosam, multæ arbores iacentes, tam quercuum, quàm abietum, & aliarum, super quas illa cespitosa terra, ex aquarum illarum violentia sedet, vnde etiam & multoties effodiuntur arbores, & exsiccantur, ad commodum illorum hominum, vel ad ignis vsum, vel ad domorum constructionem. Inueniuntur etiam in aliquibus partibus sub terra illa cespitosa, varij generis nummi argentei, & denarij metallici, aurei, cuprei quæ alij, tam magni quàm parui, sed plerumq; crassioris monete quàm hoc tempore, certè penitus ignoti. Quorum plerique etsi vetustate videantur esse corrupti, tamen recentem admirandam quæ antiquitatis formam habent, vti superius primo libro latius diximus.

Talis fuit olim Cauchorum terre facies, sed posterioribus temporibus immutata, modo priori (vt diximus) dissimilis. Et vt olim colles & tumuli, quos in plano habitandi causa, veterum labore & industria extruxerant, erant infœcundi, sic postea effecti sunt vtiles, & frugiferi, vt in hodiernum diem apparet. Et meo æuo in Frisia nostra paludes aliquot & stagna repleta sunt limo, Oceani inundâtis beneficio, ex frequentia alluione maris æstuâtis, adeo vt vnde dudum nauigio transuectus essem, postea pedestri itinere ac curru transiuerim. Id quod præcipuè accidit in terra Phedargorum siue Reyderlâdt. Sunt in septentrione VVesare, inquit Plinius lib. 16. ca. 2. gentes Cauchorû, qui maiores minoresque vocâtur. Vasto ibi meatu, perpetuis bis dierum, noctiumque singularû interuallis, effusius in immensum agitur Oceanus, æternâ operiens rerum naturæ controuersiam, dubiumque, terræ ne sit an pars maris, illic misera gens tumulos obtinet altos, & tribunalia structa manibus, ad experimenta altissimi æstus, casis itaque impositis nauigantibus similes, cum integant aliquæ circundatæ naufragijs, quum vero recesserunt fugientes cum mari pisces, circa tiguria venantur, quos sic acceptos vento magis quàm sole desiccant, non pecudes hos habere,

ere, nec lacte ali, vt finitimos, nec cum feris
 quidem dimicare contingit, omni prorsus
 biecto frutice, vltima & palustri iunco funes
 ectunt ad prætexenda piscibus retia, cap-
 umque manibus lutum ventis magis, quàm
 ole siccantes. Terra ciboque sedent, rigen-
 tia Septentrione viscera sua vrunt. Potus
 non nisi ex imbri seruato scrobibus in vesti-
 culo domus. Et istæ gentes certè si vincan-
 tur hodie, populo Romano seruire se di-
 unt. Ita est profecto, multis fortuna parcit
 in pœnam. Aliud in syluis miraculum, totam
 Germaniam reliquam replet, adduntque
 rigori vmbras. altissimè tamen haud procul
 supradictis Cauchis, circa duos præcipuè
 acus, littora ipsa obtinent, quercus maxima
 uiditate nascendi, suffossèque fluctibus, &
 ropulsæ flatibus, vastas complexu radicum
 insulas secum auferunt, atque ita libratae
 nantes nauigant ingentium ramorum orna-
 mentis. Hæc ille. Quæ de Frisia (lector can-
 didissime) à me quàm verissimè potui di-
 cta, sufficiant.

C A P V T XXIX.

Catthi ab Hircineo saltu inchoant, in-
 quit Cornelius Tacitus in libro de
 moribus Germaniæ, non ita effusis ac
 alustribus locis, vt ceteræ gentes, in quas
 Germania patescit: durant siquidem colles,
 aulatim rarescunt, & Catthos suos saltus
 O 5 Hirci-

Hircinus prosequitur, simul atque deponit.
 Duriora genti corpora, stricti artus, minax
 vultus, & maior animi vigor, multæque (vir
 inter Germanos) rationis & solertiæ, præpo-
 nere electos, audire præpositos, nosse ordi-
 nes, intelligere occasiones, differre impetus,
 disponere diem, vallare noctem, fortunam
 inter dubia, virtutem inter certa numerare,
 quodque charissimum, nec nisi ratione di-
 sciplinæ concessum, plus reponere in duce,
 quam in exercitu, omne robur in peditibus,
 quem semper arma ferramentis quoque &
 copijs coonerant, alios ad prælium ire vi-
 deas, Catthos ad bellum rari excursus, & for-
 tuita pugna. Equestrium sanè virium id
 proprium, citò parare victoriam, citò cede-
 re, velociter iuxta formidinem cunctatio,
 prior constantia est, & alijs Germano-
 rum populis usurpatum, rara & priuata cuius-
 que audentia apud Catthos in consensum
 vertit, ut primum adoleuerunt crinem bar-
 bamque submittere, nec nisi hoste cæso ex-
 uere, vetitum: obligatiumque virtuti oris
 habitum super sanguinem, & spolia releuant
 frontem, sequuntur domum pretia nascendi,
 retulisse, dignosque patria ac parentibus
 ferunt. Ignavi verò & imbecilibus manet
 squalor, fortissimus quisque ferreum insu-
 per anulum ignominiosum id genti, velut
 vinculum gestat, donec se cede hostis absol-
 uat.

at. Plurimis Catthorum hic placeat habi-
us, iamque canent insignes & hostibus simul
uisque monstrari. Omnium penes hos ini-
ia pagnarum, hæc prima semper acies visa
noua. Nam ne in pace quidem vultu mitiore
mansuescunt, nulli domus, aut ager, aut ali-
qua cura, prout ad quemque venire alun-
ur, prodigi, alieni, contemptores sui, donec
ex sanguis senectus, iam duræ virtuti impares
faciat. Proximi Catthis certum iam alucio
Rhenum, qui que terminus esse sufficiat, Vsi-
bij & Theuteri colunt. Theuteri super soli-
um bellorum decus, equestris disciplinæ
arte præcellunt. Nec maior apud Catthos pe-
ditum laus, quam Theuteris equitum est.
Hæc autem extra propositum, occasione ter-
minorum mutationis nominum, insularum
terre Frisicæ breuiter quasi per compendium
differuisse, sufficiat. Quum tamē nullus tam
exactæ doctrinæ posset existere, qui veritatis
loco eos populos, ad nostri seculi gentes re-
ferre audeat, nisi omnino coniectura vtatur.
Quamuis Crantzius Catthos (vt quidē bene)
Saxones esse dicit. Et Tacitus Batauos genus
esse Catthorū asserit, ad ripam Rheni, nunc
vocati Cathvvykers, insulam Rheni amnis
in occidua Frisia colētes, qui fortassis in eas
terras progressi, ex Saxonibus prodierunt, &
nomen suum sibi retinuerunt. Tu tamen si
nobis oculatior es, ac multo acutius vides, id
quod

quò te sententia tua duxerit, retineas: nos
verò nobis cecinisse, puta. Nunc autem ad
nostræ historiæ ordinem reuertamur,
& prosequamur, ne interrupta
narrationis serie, lectori tē-
dium afferamus.

Secundi libri antiquæ descriptio-
nis Frisiæ,


FINIS.



LIBER TER- TIVS RERVM GE- STARVM FRISONVM, EXPLICANS SVBACTIO-

nes Frisicę, & conuersiones ad fi-
dem Christi.

CAPVT I.



Vum itaque Frisia, certis termi-
nis atque limitibus diuisa esset,
& singulę Zelandię siue insule
coli, & inhabitari à filijs Friso-
nis, & populo, qui secum vene-
rant (licet numero pauci essent) cœpissent,
præcepit eis Friso pater, vt non constitue-
rent sibi regem aut ducem, nec vnquam se
externo subijcerent Domino, sed liberi, &
in libertate permanerent, terram illam per
iudices, ex se ipsis electos, gubernarēt. Quod
& multis annis, cum ingēti gloria, & magno
rerum temporalium incremento, seruaue-
runt, donec multiplicati, crescerent in gen-
tem magnam atque robustam, ita vt incipe-
rent timori esse Regibus, Ducibus, & Tyran-
nis vicinis, contra quos quotidie pugnantes,
dilatauerunt terminos suos. Procedente au-
tem tempore, paternę immemores traditio-
nis, degenerarunt ab institutis patrijs, ac pes-
simo inito consilio, communi statuerūt de-
creto,

creto, mittere legatos suos ad Regem Danorum, ut ipse veniens dominaretur eis. Missa itaque solemni legatione ad Regem Danorum, dixerunt, qui missi fuerunt, Iudices & populus septem Zeladiarum Frisiæ, non habentes Regem neque Dominum, miserunt nos, te rogantes, ut eos sub tua protectione & dominio suscipias, Danicisque eos instituas legibus. Gratissima fuit astuto & avaro Regi Daniæ tam grandis & insperata oblatio. Consideras enim quorsum tenderet hæc legatio, plurimum gauisus est, occasionem diu optatam aduenisse, prudenter tamen dissimulans lætitiā, ne à legatis notaretur: voluerat enim animo Rex, quonam pacto aut occasione dominium Frisiæ posset obtinere, suæque eos subijcere seruituti. Nunc itaque opportunum nactus tempus respondit legatis: Optimè suscipiam vos (inquit) meam sub protectionem, bonusque vobis ero Dominus, & continuo misit cum eis unum de Principibus suis, animo & genere clarum, qui populo & terræ Frisiæ præesset, ipse quamprimum subsequeretur. Et ut ipse Iudex inter Frisones esset maioris auctoritatis, dedit ei sororem suam in coniugem. Qui pergens cum legatis, exceptus est à iudicibus, & maioribus septem Zeladiarum Frisiæ in Gronenburch viridi monte, ubi nunc est Groninga, congregatis. Nec multo post & ipse

ipse Danornm Rex, venit in Frisiam, ad quē
ex omnibus septem Zelandijs Frisij conue-
nientes, se & sua eius subiecerunt imperio.
Quo vero tempore hæc acta sint, non potui
apud probatos authores inuenire. Et est ra-
tio, quod antiquitus Frisij doctos viros non
habuerunt, neque alij tantam curam in de-
scribendis Frisix historijs adhibuerunt, vt
tempus exactè posteris tradere possint, & sic
tempora ac rerum gesta transferunt, absque
eo quod ab aliquo notarentur, & per hunc
modum illa obliuioni sunt tradita.

CAPVT II.

Occupata iam Frisia, cœperunt Dani
molesti esse Frisonibus, imponendo
eis inusitata & intolerabilia tributa, &
de omnibus iumentis quotannis vectigal pē-
dere. Constituitque eis Rex leges, secundum
quas viuerent, & alia eis imposuit onera Fri-
sij minus grata & insolita. Et licet sese a cæ-
dibus & rapinis temperarent Dani, nauseam
tamen & fastidium ob morum discrepantiā
generabant. Constructa enim iudici suo in
Gronenburch arce, vbi nunc est templum
D. VValburgis, ipse Rex ad propria reuer-
sus. Eoque absente, non diu violentum eius
tulerunt imperium. Nam Frisij in libertate
essueti, suis legibus & moribus viuētes, nul-
lumque agnoscentes principem, præter do-
mesticos iudices, graue Danorum iugum ni-
mis

mis impatienter, & iniquo animo ferentes post dimidium annum vnanimiter cogitabant, gloriosam mortem seruituti turpitudiniquē esse anteponendam. Et cum Regiū præfectus aliquanto insolentius liberæ genti imperare contenderet, & ita eos diuexaret vt ob intolerabilia onera & tributa solvenda, impellerentur, prædia relinquere desolata, alios pecuniaria, alios capitali plectentes pœna, cum Regis non parerent decretis: Frisij conglobati maxima acceleratione repulerunt Danos, aliquot millibus ex ijs prostratis, captumque iudicem, sine omni iudicio præuio, amputatis manibus & capite truncato, ad ludibrium in triumphum circumducunt, ac tandem submerferunt ipsum in mari Danico. Deinde pergentes in Gronenburch, vbi conuenire consueuerunt, inuaserrunt eius domum, & vxorem eius grauidā, violentius quā iustus eduxerunt, nauique impositam remiserunt in Daniam ad Regē, simulque ei mandantes, vt quæ contigerant, viro suo, Regi annuncicaret. Quæ enauigato mari, ad Regem fratrem, cuncta quæ Frisij in virum suum durius exercuerant, & quæ ei nuncianda commiserant, exponit. Rex verò violati iusiurandi iniuriam, ac sororis viduitatem consternato animo pensans, valde iratus, decreuit valida manu Frisiam inuadere, & ultionem de ijs condignam sumere.

Itaque

Itaque conuocatis omnibus Regni sui Proceribus, principibus & consiliarijs, rebellionem Frisonum & necem mariti, sororis suæ am grauidæ, partuique proximæ, exponit: & de belli ratione consultare cum ijs cæpit. Principes verò & consiliarij ipsum à proposito auertentes, consuluerunt in præsentia bellum Frisij nullo pacto inferendum, & belli discrimen cum ijs subeundum, sed deliberationē furori dandam, improuida plerumque nocere consilia, nihilque simul caueatque celeriter geri posse, plurimum præcipites obesse nîsus, cæterum solertem esse, qui furenti animo frenos iniiciat, sæuiêtesque tempus impetus interpellere, utpote accensis animis pro libertate atque rebus tuendis insolescentibus, & pugnare, & mori paratis, sed in aliud magis tempus opportunū differendum, ad hoc tam arduum, tamque periculofum perficiendum negotium. Quomodo consilij acquiescens Rex, cessauit ab inepto. Post hæc expleto tempore, soror Regis, vxorque iudicis Frisonum prægnans, formæ elegantis formæ enixa est, quod cum Frisij esset nunciatum, non defuere interpreses, qui vaticinando præfagirent, per hunc uerum graui iugo omnes Frisones seruitutis opprimendos. Crescebat igitur puer, & omnes coæuos & coætaneos suos animo & fortitudine corporis præcellebat. Et cum

P
duo-

duodecimum ætatis suæ annum ageret, ac
modum rebus bellicis delectabatur: excellen-
tissimis indolis manifestissima signa, ac indicia pro-
ferre cœpit, ut iam cæteris conspicuo virtu-
tis habitu præstaret, ita ut quatuordecim
annos natus, inusitato corporis inclemente
perfectissimū humani roboris præferret spæ-
cimen, nulli etiam fortissimo viro, quacumque
que in arte pugnandi, & virtute videretur
inferior. Quam ob causam multis ex co-
eratus erat molestus, nunc hunc, nunc illum for-
dextera manu ex petulantia (quæ talibus in-
esse solet) pedibus humi prosteruendo, & e-
prouocatione dimicando, tantam roboris
firmitatem vario agitationis genere con-
quebatur. Tantaque indolis eius fuere ex-
perimenta, ut quidam adolescens nobilis, e-
coætaneis suis, quem præceps deiecerat
terram, non diutius talia ferens, impropere
uit ei, dicens, Quid (inquit) gloriaris fortitu-
dine tua, & nos inquietas, & es onerosus, si e-
tibi animus, si est fortitudo, vade & vlcisce-
patris tui mortem, quem Frisij amputato ca-
pite proiecerunt in profundum maris. Quo
audito, obstupuit adolescens, & dimisso ca-
pite, ruboreque perfusus, obmutuit, & sic a-
tonitus atque furens, ingressus est ad matrem
& sciscitabatur ab ea, quali mortis genere,
ubi pater suus occubisset, ad cuius verba
territa mulier, ambagibus blandisque verbi-
qua

quærebat subtiliter occultare veritatem, timens ne filium cum viro perderet. Quod intelligens adolescens, minatus est matri suæ, dicens: Nisi mihi quamprimum rei omnem aperueris veritatem, meo mucrone te interficiam, quare mater necessitate constricta, ordinem rei gestæ (licet inuita) illi detexit. Quod audiens adolescens, confestim ingressus ad Regem, suum auunculum, cecidit ad pedes eius, quem Rex iussit surgere, dicens: Quid vis? aut quid adfers noui? Cui adolescens: Intellexi Frisones rebellasse contra Maiestatem tuam, & iudicem à te eis constitutum, patrem meum, ab eis interceptum, quousque igitur Domine Rex, dissimulas facere expeditionem contra Frisones, & vicisci iniurias, tuæ Maiestati ab eis illatas, quod tu si facere nolueris, meum certè erit, si etiam mori me oportuerit, & tuas iniurias, & indignam patris mei mortem, vindicare. Cui Rex (volens eum à proposito auertere) Desiste, inquit, infelix, huiusmodi velle aggredi expeditionem, & ad tempus resiste furori, cum improuida plerumque noceant consilia, ac nihil cautè simul & celeriter geri possit: si enim tentaueris affectui mancipare, quod decreuisti, scito te procul dubio ab eis interficiendum. Taliter Rex præcipitem iuuenis furorem consilio cedere volens, non potuit tamè concitati animi rabiem ad modestiam

P 2 destiam

destinam reuocare. Adolefcens verò iuuenilis
feruens animo, conftanter refpondit, Non
inquit, Domine mi Rex, vt dicis erit, fed tu
tantummodo mihi procurabis nauem vnā
qua æquora fulcare poffum, & viros comi-
tes artis nauticæ gnaros, rebellesque ego tibi
fubiugabo Frifones, atque vetuftis alligabo
obfequijs. Tunc Rex admiratus huius pueri
indolem, & maiorem, quàm ætas pateretur
magnitudinem. Cumque adolefcentem nul-
lis vel minis, vel blanditijs ab incepto poffe
diuelli, videret, dedit illi quæ postulabat, &
dimifit ad Frifiam. Qui vento marique fa-
uoribus committens, nauigauit donec circa viridem
montem feu Gronēburch forte fortuna ap-
pelleret, ibique fixis anchoris, ad littus per-
manebat. Erant autem eo tempore iudices
feptem Zelandiarum Frifię ibidem in Gron-
neburch fortè congregati, qui egrediente
ad nauem, fcire volebant quid vellent, aut
quid noui apportarent. Quos adolefcens ac-
ceffum fe venire confpiciens, ac fciciens quod terra
iudices effent, comiter ac benignè eos in na-
uem fuam accepit, atque potum fortiffimum
quem de industria ad hoc fecum affumpfe-
rat, eis abundè miniftrauit. At illi potu ni-
mis auidè fumpto, ignorantes potus poten-
tiam, inebriati funt, & nimio ebrietatis hau-
itu obftupefactis neruis grauique fomno
oppreffi, mox ille leuatis anchoris, vela pan-
dit

dit: atque ferreis mancipatos vinculis, in Dani-
 am captiuos abduxit. Qui in Regis Daniæ
 conspectum adducti, aut crudelem subire
 mortem, aut Frisiam totam Daniæ tradere
 seruituti, coacti sunt.

C A P V T III.

INteriecto parui temporis spacio Haral-
 dus Rex Daniæ, contractis Regni copiis ac
 viribus, Frisiam infesto exercitu petit, ac
 potenter in eos sæuijt, melioremque in ea for-
 titus fortunam, coëgit per omnia seruitutem
 tolerare, & tributa inusitata, & intolerabilia
 ferre, Ducemque eorum Vbbonem prælio
 victum viuum cæpit, atque compedibus
 constrictum in triumphum duxit.

De quo Saxo Grammaticus lib. 7. Dani-
 cæ historiæ inquit: Frisicæ gentis athletam
 Vbbonem nomine, Iuthiæ fines crebra po-
 pularium strage vastantem, cum Dani armis
 non possent subdere, milites ad eum mani-
 bus capiendum hortati, humi prosterunt,
 vinctumque compedibus tradiderunt, ita
 quoniam paulo ante grauissimam sibi cla-
 dem allaturum putabant, deformi expugna-
 tionis genere superatum, obtinuerunt. Eoq;
 capto Haraldus Frisiam vsque ad Rhenum
 varijs cladibus afflixit, & tributo subegit, ut
 nihil enixius voluisse videretur, quam per
 inauditam crudelitatem, totam terram om-

ni ære spoliata penitus desolare atque perdere: eosque coegit confestim iuxta Danicas leges & consuetudines viuere, & catenas ligneas in collo gestare, quæ à Frisonum moribus adeo erant aliena, vt citius cælum terræ misceatur, quam Frisij Danicas leges (quæ nihil nisi Tyrannidem sapiunt) vel in minimo imitari velint. Quæ dum ita geruntur, adoriendæ bello Frisix, Frothoni fratri Heraldici consilium incidit. Oceanum petenti prima aduersus VVithonem Frisiorum piratam congressio fuit. In qua, socijs primos hostium impetus solo clypeorum obiectu patienter excipere iussis, non ante missilibus vtendum edixit, quàm penitus hostium iaculorum imbrem exhaustum aduerterent. Quæ tanto auidius à Frisijs emissæ, quanto à Danis tolerabilius exceptæ: VVithon Frothonis patientiam à pacis cupiditate profectam existimante. Oritur ingens classicum, & immenso pilæ stridore dissultant. Et cum nullum incautis iaculum superesset, Danorum telis obsusi vincuntur, fuga littus amplexi, inter fluxuosos fossarum ambitus, obtruncantur. Rhenum deinde classe rimatus, extremis Germaniæ partibus manus iniecit, repetitoque Oceano, Frisiorum classem vadosis inflatam vorticibus adortus, cæde naufragium cumulauit. Hæc Saxo Grammaticus lib. 2. Danicæ historiæ.

CAPUT

DEinde sub Erico primo Tyranno Daniæ, Christianorum persecutore, adeo impotenter in Frisios sæuitum est, vt ne vestigium quidem humanæ discretionis in eo relictum esse videretur. Siquidem ita eos oppressit, vt nihil, aut parum amplius quam empta mancipia æstimari viderentur, & vulgari edicto sub pœna capitis mandari cecit, in singulis ædibus ad aquilonem, tam oppressas facere ianuas, ne erecto collo possent intrare vel exire, sed vt quotiescunque ea exirent, flexo capite, Regi Daniæ reuerentiam & honorem exhiberent. Præterea toti plebi tam graua imponebat tributa, vt vix eadem carnem turpissimè seruituti obnoxiam eis relinquere cogitaret.

Frisij verò seruitutis impatientes, & inextinguibilem auaritiam, intolerabilemque rapacitatem Danorum considerantes, non præstabant, quod necessitate premente promiserant, & sese mutua cohortatione confirmantes, statuerunt inhumanos illos aduenas penitus ex Frisia amouere. Quare procedente tempore confirmatiores facti, vires animumque sumentes, bellum restaurant, ac tantum roboris recuperarunt, vt qui pridem terram suam ægrè tueri, ac sua propria libertati vix consulere poterant, non solum

P 4 domi-

dominationem Danorum excusserint, sed etiam regibus Franciæ ac Ducibus Brabantiae infestos sese fecerint, & arma tulerint. Si quidem conglobatis aliquot milibus, ad pristinam libertatem respicientibus, visum est eis peropuse esse viro, qui exercitui præesset, ac temporali gladio rem gereret, præsertim ad comprimendas Danorum contumelias, impropria, & insolentias quotidianas. Nec sine Principe, aut Duce ad bellum, felices se esse arbitrabantur. Cumque multum ac diu ea de re consultassent, præstare omnibus visum est, ut vnus omnibus præesset, penes quem in vniuersum Ordinum summa esset potestas. Itaque necessarium rati sunt sibi aliquem confestim excire, qui præcipuè alijs virtute & industria præstaret, & illis imperaret. Quare circiter annum Christi centesimum constituunt sibi Regem virum solertissimum, strenuum, animosum ac vafrum, cuius virtutem & industriam in multis erant experti, cui nemo ea ætate in rebus bellicis aut magnitudine opum in Frisia potuit comparari. Et tenuerunt Reges longo tempore imperiū per Frisiam latè, per Zelandias nominatas, 600. fere annos, donec domesticum imperium, per hæreditariam successionem omiserint. At procedente tempore Frisij vltioris moræ impatientes, totam multitudinem in armis contraxerunt, & ductu noui Regis,
Danos

Danos aggrediuntur, quare etiam perpetua
 certamina Frisij, cum Danis habuerunt. Du-
 rauitque multis annis ista Danorum, & Fri-
 sionum conflictatio, in quibus conflictatio-
 nibus, nunc superiores, nunc deiecti & op-
 pressi Frisones, multaque captiuitatis mala
 perpessi, longo tempore Danis seruire, & in-
 solita tributa pendere, sunt coacti. Et quam-
 uis illa natio tum propter ignobilitatem cō-
 tempta fuerit, ita ut Frisij nec armis hosti pa-
 res essent, nec fortuna, nacti tamen Regem
 bellicosum, & militari virtute præcipuum,
 non quieuerunt, sed omnes tentauerunt vias
 recuperandæ libertatis, quam tandem armis
 pulchrè obtinuerunt, & sese in libertatem
 vindicarunt, cæsis multis milibus Danorū.
 Quippe ea fuit ipsius gentis virtus, hi rerum
 successus, ut non tantum finitimis tandem
 imperaret, sed & Danos, à quibus bello dudū
 impetebatur magnis cladibus victos affece-
 rit, & libertatem suam perpulchrè armis tu-
 garetur.

C A P V T V.

PAtet itaque ex prædictis, quod prima
 seruitus Frisij, ex oriente à Danicis Re-
 gibus imposita fuerit, cæterum quomo-
 do ab hac prima seruitute fuerint libertati,
 atque quam diu durauerit, ad liquida non
 potui inuenire, nam hoc falsum est, vitioque
 P s vel

vel errore scriptoris appositum constat, quod in quibusdam Frisonum Chronicis, huic prædictæ subactioni continuè subnectitur, de aduentu S. V. Villebrordi in Frisiam, quasi per eum fuerint de hac seruitute liberati. Nam si hæc fuit prima subactio, Frisij vnquam à Danicis regibus illata, constat profectò hanc longè ante Dominicam incarnationem fuisse factam, quod autoritate probatur Saxonis Grammatici 2. lib. Chronicæ Danicæ, vbi dicit Frisones primo fuisse subactos à Fronthone primo Danorum Rege, deinde lib 8. eiusdem Chronicæ dicit Christum Iesum fuisse natum sub Fronthone, Magno trigesimo Rege Danorum. Vnde constat viginti & vnum fuisse Reges Danorum, inter hanc subactionem & Christi natiuitatem. Et S. V. Villebrordus primo in Frisiam venit anno Domini, 690. vnde non est credendum Frisones libertati assuetos, tunc temporis tam barbaros, tamque feroces, tam diu Regi Danorū seruiuisse. Ex quo minimè est dubitandum, quin Frisones etiam ab initio antequam Christianam fidem susciperent, alterna vice, nunc ab aliquo vicinorum principum fuisse subactos, nunc Danorum Regi seruiuisse, deinde iterum post aliquot annos excusso seruitutis iugo, libertatem pristinā vindicasse. Huic meæ opinioni astipulatur Cornelius Tacitus clarissimus historiographus

lib. 13. Augustæ historiæ, vbi dicit Frisones, tempore Neronis Cæsaris novos ac varios agros occupasse, authore Verrito & Malbrige, qui nationem illam regebant. Et subiungit, in qua videlicet Frisia, tunc Germani regnabant. Hæc ille. Ex quo facile probatur, quod Frisones non semper & continuò à prima subactione vixerint sub Danica seruitute, vsque ad tempora S. VVillebrordi, & Caroli Magni (vt quidam dicunt) quia iste, Tacitus dicit, quod sub Nerone Imperatore, Germani Frisonibus imperabant. Ergo tunc expulsi erant Dani, qui nunquam inter Germanos computantur. Per quæ tempora Strabo narrat à Druso Nerone Augusti priuigno, estam esse rem, nauali prælio in Amaso fluuio contra Bructeros & Cauchos. Itaque probatur prædicta autoritate, quod Frisones non semper & continuo, ante tempora Caroli Magni, aut Germanis, aut Danis subiecti fuerint regibus, vt multi falso existimant, quod denotat hoc aduerbium, cum dicit Tacitus; In qua tum Germani regnabāt. Si enim Frisones semper & continuo sub Danica vel Germanica fuissent seruitute, non opus fuisset addere, Tum, sed satis fuisset dixisse, In qua Germani regnabant, omisso aduerbio, Tum. Firmum ergo & indubitatum videtur, quod supra posui, videlicet Frisones ante tempora Caroli Magni, sicut etiam postea & in

& in præsentem vsque diem, aliquando etiã alijs paruisse nationibus, vel ab ijs vi oppressos, & subactos vel illos sponte & vltro eligentes, se eorum subiecisse imperio. Deinde iterum odio seruitutis, vel amore libertatis, pulus extraneis, propriam per suos Reges & Iudices gubernasse terram.

CAPVT VI.

ERat eodem tempore in Frisia vir quidã robustus ac strenuus Athleta, nomine Hiddo, inter suos fama illustris ex terra Harlingica, siue partibus Harlingiæ natus, qui cum à Rege Frisiæ (propter æmulationem aut rebellionem fortassis) ad ignotas terrarum partes, proscripti titulo in exilium esset relegatus, ad ducẽ Brunsvvicensem cõfugit, eligens potius honestam exilij cõditionem, quàm in patria seruitutem turpitudini coniunctam sustinere. Ibiq; de infelici suarum rerum statu conquestus, quod patriam relinquere cogeretur, se in numerum minimorũ seruorum suorum ascribi supplicauit. Dux verò videns eius fortitudinem, corporisq; virtutem, ipsum creauit suarum sylvarum præfectum. Itaque paucis diebus euolutis, quum is exercendi corporis, vel recreandi animi gratia, solus syluam quãdam, vastamque solitudinem venatione complexus ac peruagatus esset, forte fortuna in latibulo
quedam

quodam reperit catulos leonis, quatuor ibi-
dem paulo ante natos, cum matre leæna vbe-
ribus eos lactâte. Is verò ignarus qualia essent
fera animalia, vtpote à Frifone nunquam vi-
sa lupos fuisse arbitrabatur, clauaque muni-
tus matrem catulorum rugientem ac fero-
cientem aggressus est. Leæna verò non tam
fame urgente, quàm captu & raptu catulo-
rum suorum anxia, in ipsum veloci saltu ir-
ruit, dictus Hiddo agilitate corporis sui, ra-
pidum sæuientis leæne morsum, primo pau-
lulum declinans, mox ense suo præcordia
leæne ita lacerauit, vt euestigio viribus & vi-
ta destituta occumberet, felicemque pericu-
losæ pugne exitum Friso habuit, qua occisa,
pulos in sinu suo positos detulit Duci nu-
triendos, dicens: Domine, habes hic quatuor
iuvenes lupos, quorum matrem claua occi-
di, & catellos ad te deferre non distuli. Cu-
ius simplicitatem coniunctam cum animo-
sitate & fortitudine Dux miratus, cognouit
in eo homine, supra communem hominum
virtutem & fortitudinem esse, ita vt corpo-
ris magnitudini, virium acrimonia, roburq;
& animi fortitudo responderet, præcepit eū
in primum atque proximum militiæ gra-
dum conscribi, deditque ei iuxta Albim flu-
uium agros & possessiones, terras, & villas
vacuas, & eum equestri decorauit honore,
sperans istius viri ope, industria ac armis,
quauis

quavis urgente necessitate uti posse, & un-
 uersam Frisiam eius fortitudine occupare.
 Proinde clarios in arduis negotijs indies euas-
 dens, honore & opibus auctus est, inque eo
 loco, dictus Hiddo arcem construxit firmis-
 simam, quam suo nomine vocauit agrum
 Hiddonis, ubi Frisij circa Visurgum & Al-
 bim habitantes, in hodiernum diem ad agrum
 Hiddonis appellant, & causas appellationis
 dirimunt & prosequuntur. Viguit in eo ho-
 mine deinde tanta militaris claritas, ut ubi
 que in Ducatu Brunsvicensi, ob insignem
 eius fortitudinem, formidabilis haberetur.
 Hæc ex antiquorum relatione, & annalibus
 Frisiae adducta sunt. Quo fere tempore (v-
 inquit Saxo Gramaticus lib. 8.) floruit Vb-
 bo Frisicus, promptissimus Haraldis miles, ac
 præ alijs habitu corporis insignis, præter un-
 decim quos in acie vulnerauerat, viginti
 quinque delectorum pugilum interfecit. Ho-
 mines sanguine fuere Sueci aut Gothi, de-
 inde primam aggressus aciem in confertissi-
 mos hostes insiluit, palantesque metu hac il-
 lac hasta gladioque dispulit. Et iam fere res
 in Frisiam cesserat, cum Hadger Rolder, &
 Greter emulatione virtutis athletam adorti,
 publicam perniciem, priuato redimere peri-
 culo statuerunt. Verum cominus instare ve-
 riti, spiculis agendum procul curabant, sic-
 que crebrescentibus iaculis eminus Vbbo cō-
 fodi-

foditur, nemine propius cum eo manum cō-
ferre præsumente. Centum quadraginta qua-
tuor sagittæ prius pectus præliantis obsede-
rant, quàm lapsis viribus corporis, solo po-
plices daret. Hæc ille.

C A P V T VII.

Post quædam annorum curricula mul-
tæ Barbaræ nationes armipotētes egres-
sæ sunt per Europam, ac Regna ac pro-
uincias acerrimè infestabant, strage & tyran-
nide plurima subiugarunt, utpote Slaui, qui
VVilti dicebantur, expulsis habitatoribus
Hollandiam occuparunt, qui agrestis VVil-
torum populus, post euerſionem vrbis An-
thoninæ castrum munitissimum fabricau-
erunt, quod ex eiusdem dirę gentis cognomi-
natione VViltenburg nomen accepit. Post
longa verò tempora VVilti cum Frisonibus
conspirauerunt, Rheni gurgites transierunt,
ac manu forti totam Galliam expugnauerunt,
Valentianus autem, ut Romana dicit histo-
ria, expulsus à Iulio Cæsare Augusto, tumul-
tum tam insolentis plebis festina relatione
percipiens, comparuit contra eos valentem
exercitum, acceleravitque sibi rebellantem
disturbare populum. Et ecce Christianus
Imperator, rebellè vulgus victorioso subegit,
classem magnam apprehendit, Rheni fluen-
ta transcendit, castrum Viltonum euertit,
Frifiam

Frifiam fubiecit, & exercitum cum triumphali laude reduxit, Frifijsque per aliquot annos gloriofus imperauit. De hinc Lotharius rex Franciæ, anno Chrifti 589. intulit bellum Frifijs grauiffimum, ac tributum perdere coëgit. In quo bello Beroaldus rex Frifiz à Lothario pro libertate fuperatus ac prelio victus, occubuit. Deinde ad aliquot annos imperante Heraclio Cæfare, S. Dagobertus orientalis Franciæ rex, Hollandiam & Frifiam fuæ ditioni tempore tranfponēs, anno Domini 641. castrum ibi nouum fabricari & reedificari fecit, quod latina lingua Traiectum nominatur. Nam omnis ibi negotiatio mercatoria traiciebatur per telonium Castellani Traiectenfis, quæ ex mari per Rhenum vehebatur, vti lib. 1. cap. 4. latius dictum eft. Vbi primordialis Ecclefia S. Thomæ venerabilis Apoftoli conftituta fuit, pro conuerfione Frifingenfis populi: fed Frifiones duræ ceruicis populus fidem Catholicā à fuis finibus exterminare cupientes, lapidauerunt primitiue foundationis fidei Chriftianæ præconem, & Ecclefiam extirparunt, totamque Hollandiam duris incurfionibus infeflarunt. In quo loco prope ruinam illius Ecclefie S. Thomæ, anno à natiuitate domini 655. memoratus Rex Franciæ fuperædificauit in honorem S. Crucis oratorium, in quo renatiui fontis confecrari fecit Baptifterium,

rium, vt Christiani fideles ob defensionem Castellani Traiectensis, tutum haberent accessum & recessum, ad recipiendum sacri baptismatis sacramentum. Sanctus autem VVilfridus Eboracensis Episcopus, anno domini 677. Romam iturus, nauem cum ascendisset, flante Fauonio pulsus est in Frisiam, & honorificè susceptus est à barbaris, simul & à rege Aldigildo patre Radbodi, prædicabatque omnibus per totam hyemem Christum, & aliquos verbo veritatis instruens, à peccatorum suorum sordibus, fonte saluari abuit. Et ipse VVilfridus sic primus omnium, idem Christianam Frisijs prædicauit.

C A P V T VIII.

DEinde interiecto tempore Dagobertus secundus Rex Francorum, adhuc Regni gubernaculum sub tutela Theudoaldi (aut vt alij dicunt) Grimoaldi, suscipiens, non contentus suis viribus, Radbodum Frisæ Regem sibi belli socium contra Pipinum Brabantiae ducem adiunxit. Et quum Pipinius Dux, Coloniae in Castro, quod dicitur Capitolium, vbi nunc est Ecclesia S. Mariae, habitaret, inter multa bella, quæ gessit tiam anno 692. coacto magno exercitu, bellum Frisijs intulit grauissimum. Contra quæ Radbodus rex Frisæ, cum innumeris Frisobus progressus, Deo disponente, victus:

Q

Tra-

Traiecto fugatus & superatus ad insulam Fostelandiam ad Albim sitam, confugit, quæ insula à quodam suo idolo Fosta, Fostlandi appellata, nunc materna nostra lingua Hylgerlandt nominatur. In qua insula ad veram fidem & sanctissimam Christi religionem amplectendam S. VVillebrordus presbyter, cum suis discipulis à prædicto Pipino destinatus, ut sua prædicatione Radbodum Regem ad baptismi gratiam reduceret. Morabatur autem Radbodus Rex eo tempore in dicta insula Fostelandt, quæ illi valde solemnis erat propter supersticiosam Idolatriæ sectam; ubi sacerdos Dei VVillebrordus, prophana delubra Iouis & Vestæ destruxit, & tres Frisones sathanæ pompis abrenunciantes, baptizauit. Sed cum Radbodus nequaquam ab idolorum cultura desisteret, & audiens idola sua destructa à Christianis, iratus est valde, atque iniurias suorum deorum vlcisci volens S. Vigbertum, quem dudum Christianum esse nouerat, & præterea alium de socijs sanctorum, diro tormento iugulari iussit. Dignatus verò VVillebrordus perpendens, quod in lucrandis animabus, propter tyrannidem Radbodi parum proficeret, adiit occidentales Frisæ partes, & nouellæ conuersionis catechuminos in fide Catholica roborauit. Reuersus itaque ad castrum Traiectense (quod fugato Rege Radbodo, tunc tempo-

his in potestate Frācorum orientalium erat) ruinas collapsę Ecclesię S. Thomę (vt supra dictum est) reædificauit, & in fundo Basilicę S. Thomę prope castrum Traiectense, Canonikorū Cœnobitalium, construxit Ecclesiā, in qua Cathedralē sedem stabiliri iussit, & eandem per primitiuā benedictionem sua propria manu consecrauit. Considerantes deinde præfati sancti prædicatores, quod messis illa Euangelica nimis magna esset, operarij verò pauci, in Frisiam venerūt, more Apostolorū Christi bini ac bini, adiunctis sibi aliquibus neophytis, in diuersos pagos Frisię, proficiscentes. Itaque Pipinus totas animi vires ad augendam propagandamq̃ue Christi fidem accomodauit, ne vinea Dominica necessarijs cultoribus destituta, aresceret, præcipiens paganis sibi subditis, auctoritate Regia, ne quis prædicantibus quidquam molestiæ inferret. Insuper & multis eos (qui fidem Christi suscipere vellent) beneficijs extollebat: vnde etiam factum est opitulante diuina gratia, vt multos paganos breui temporis. spatio, sua prædicatione ab idolatria ad fidem Christi conuerterēt. Quo peracto S. V. Villebrordus à dicto Pipino Romam ad Sergium Papam missus est postulante, vt ab eo Episcopus consecraretur genti Frisiorum, qui ordinatus Romę in Ecclesia S. Cecilie virginis in die natalis eiusdem virginis,

ginis, anno incarnationis Dominicæ 696. Frisonum Episcopus.

*Ipse Brabantinus princeps Dux Lothariensis,
Primus erat maiorq; domus regni gladiator.
Ex Duce Rex primus, sic tandem germinis huius.
Hic rex Francorum, partim quoque Lothariorum
Dux Romanorum fit Cesar more suorum.*

Pipino autem anno 714. mortuo, Franci & Frisones bellum contra Carolum Martellum Pipini filium, ex Plectrude pellice natum restaurant, atq; exemplo congenitilium magna frequentia hostium fines ingressi, omnia cæde & incendio fœdauerunt. Dagobertus Franciæ Rex, exercitum vsque ad fluvium Mosam, contra dictum Carolum mouens, ex alia parte Radbodus Rex, cum Frisonibus contra eundem Carolum insurgit pugnaque valida commissa cum Frisonibus Carolus graui damno afflictus, dilapsus est Radbodus verò cuncta deuastans, peruenit mense Iulio, anno incarnationis Domini 715. vsque Coloniam, ac deinde iunctis copijs, plurimum affligerunt Brabantiam, donec tandem sedem fixerunt in ea, & repentina irruptione, loca adiacentia, cædibus & rapinis depopulati sint. Erant autem hi Frisij finitimi Oceani accolæ, reliquiæ gentium septentrionalium, promiscui cum Danis qui tandem à Carolo Martello deuicti piraticam

ticam (quæ tunc iulti quæstus nomē habuit) aggressi, oræ maritimæ infesti, Brabantiam continuo latrocinio adeo infestabant, vt sub nullo alio hoste tantum afflicteretur. Et pulso ex Francia Grimoaldo, Franci principem palatij constituunt Radbodum Regem Frisix. Erat quippe Grimoaldus vir iustus & modestus, frater Regis Caroli Martelli, patre Pipino ex Itta legitima vxore prognatus, coniugem habens Theodosiundam filiam Radbodi Regis Frisix, qui ægrotante Pipino genitore, dum ad visitandum eum venisset, à Rangario Frisone gentili, Leodij peremptus est, ante altare S. Lamberti, orans. Radbodo autem ita sublimato post omnia ista mala, designata illi fuit Frisia, modo à sua tyrannide cessaret, quod tamen non fecit, sed multis malis Brabantiam affecit: quo facinore indignatus Carolus, anno sequenti denuo contractis copijs, contra dictum Radbodum venit in prælium, sed victus & fugatus à Radbodo, Carolus sui exercitus graue consequitur damnum.

C A P V T IX.

PRiusquam igitur seriem historix prosequamur, operæpretium esse duxi, Genealogiam & originem Carolinorum hic bona venia lectoris inferere. Anno igitur Domini quingentesimo sexagesimo, fuit in

Q 3

Haspen-

Haspengavven in Brabantia nobilis quidam princeps, ac multis virtutibus clarus, nomine Carolus Mannus. Hic Carolus Mannus princeps fuit inclytus, ex qua prosopia Caroli Magni processit origo. Hic propter eximias suas virtutes, cognitus erat Regibus Francorum, qui cum in Brabantia, Haspengavven plusquam annis quinquaginta quinque gubernasset, mortuus est, relicto Pipino de laude filio hærede. Itaque Pipinus Carolimanni filius, factus est Dominus Brabantiae, anno Domini 615. qui (vt in vita S. Gertrudis dicitur) cum B. Arnulpho, omnem populum inter Carbonarium, & fluuios Mosam & Mosellam, vsque ad Frisonum fines strenuè gubernabat. Hunc igitur Lotharius Francorum rex, propter suas virtutes primum Brabantiae & Austriae, siue minoris Lotharingiae, quæ inter Rhenum atque Scheldam fluuios sita est, Ducem fecit, deinde ensiferum suum, & palatii sui primum principem, constituit. Hic Pipinus accepta vxore Itta, siue Ideburga filia Ducis Aquitaniae, genuit ex ea filium Grimoaldum, & duas filias, Beggam scilicet, & Diuam Gertrudim virginem monialem. Mortuo verò Pipino, Ita vxor eius, se & sua Deo deuouens Monasterium Niuellense in Brabantia fundauit, eiq; filiam suam virginem Gertrudim, Deo dignam præfecit. Begga verò filia eius, accepto viro

viro Angiso, S. Arnulphi filio, genuit filium
Pipinum de Harstallo.

*Begga Ducissa fuit, genitrix & germinis huius,
Quæ fuit Angiso, felici fœdere iuncta.*

Pipinus igitur de Harstallo, nepos Pipini
supradicti ex eius filia, factus est tertius Dux
Brabantia, & Lotharingia, qui idem est di-
ctus Pipinus de Harstallo, quia in loco illo
Harstallo dicto, ædificauit sibi castrum & ha-
bitationem, duxit autem in vxorem Plectru
dem, ex qua genuit Dragonem Ducem Cam-
pania, & Grimoaldum maiorem domus
Hildeberti Regis Francorum. Genuit dein-
de viuente legitima vxore Carolum Martel-
lum filium ex Alpaide nobili concubina.
Quare S. Lambertus Episcopus Tungrensis,
incrẽpans eum, quod pellicem legitima vx-
ore sua adhuc viuente, superinduxerat: ex-
communicauit eum, & à Dodone fratre Al-
paidis interficitur. Hic gloriosissimus Prin-
ceps maior domus Regis Francia fuit, & Re-
ge Francia nihil nisi nomine Regio reten-
to, gubernationem totius Regni administra-
uit. Nam vt Sigebertus scribit à solita forti-
tudine & prudentia degeneratibus regibus,
regni negotia atque potentia, per maiores
domus disponebantur: Regibus tantum solo
nomine regnantibus, quibus moris erat re-
gere quidem secundum genus, nihil tamen
agere vel disponere, quàm irrationabiliter
Q 4 edere,

edere, bibere, domique morari. Kalendis vero Maij coram tota gente in publico loco se visendos præbebant, reliquos dies in ocio & voluptatibus terere, dona recipere, donaque rependere, atque ad alium vsq; Maium permanere. Iste itaque est Pipinus, qui Frisij, ac eorum regi Radbodo bella intulit, & vi eos non tam suæ ditioni quàm Christianæ religioni subiecit. Iste etiam S. VVillebrordum cum suis primo ad Frisios direxit, ut eos ad cognitionem veræ fidei prædicando perduceret, prout etiam inferius dicitur. Obijt verò Pipinus de Herstallo, gloriosus ille Princeps anno Domini 714. & Carolum Martellum filium suum ex Alpaide pellice natum, præferens legitimis filijs suis, reliquit omnium principatum hæredem. Carolus itaque Martellus, illegitimus Pipini filius, factus est post patrem quartus Dux Brabantia, & maior domus Franciæ. Qui mox adeptus principatu, existimans muneris esse Christiani principis infideles ad Dei cultum convertere, & omnes gentes ad Christianam religionem perducere, haud infructuosè disposuit, & primo omnium cum Frisonibus congressus, deinde armis subiugat Saxones, deuincensque Lanfredum Alemanorū Ducem, Alemانيam sibi fecit tributariam. Sueuis quoque debellatis Endonem Aquitanix Ducem bello victum fugat, Aquitaniamque deua-

deuastat. post hæc Saracenis Galliam popu-
 lantibus, Ecclesiasque Dei cremantibus, Ca-
 rolus Dei fretus auxilio, armatus occurrit, &
 75. milia cum eorum Rege peremit; num-
 quam enim pugnabat, quin semper vince-
 ret. Quibus crebris victorijs & meritis Fran-
 ci permoti, obtulerunt ei coronam Regni
 Francorum. Sed renuens eam, ait, gloriolius
 esse Regem superare, quàm Regem agere.
 Quum igitur hic bellicosissimus Princeps
 vidisset assiduitate bellorũ, defecisse thesau-
 rum Regni, res Ecclesiasticas in decimas suis
 militibus concessit habendas, quamobrem
 in primis eius anima, post mortem in suppli-
 cijs inferni, à S. Eucharìo Aurelianensi Epi-
 scopo visa est detineri: pacato tandem ac
 Regni Francorum dilatato imperio, obiit
 victoriosissimus Princeps, atque corpus eius
 in Ecclesia S. Odulphi sepultum, in cuius se-
 pulchro post annos aliquot, non corpus, sed
 ingens repertus est vermis, & sic folius huius
 Caroli Martelli, & patris eius Pipini de Har-
 tallo, labore & industria erga Deum, sem-
 per tum bellando, tum prædicatores quoq;
 mittendo Frisiam ad Christum conuerte-
 runt.

Ipse Brabantinus Dux quartus in orbe triumphat.

Malleus in mundo, specialis victor ubiq;

(nit.

Dux Dominusq; Ducũ, Comitũ quoq; Rex fore sper-

Non vult regnari, sed Regulus imperat ipse.

Q 3

Huic

Huic Carolo Martello successit filius eius
Pipinus cognomento parvus, propter statu-
ræ pusillitatem, & factus est quintus Dux
Brabantiae. Qui cum esset maior domus Re-
gis Franciæ, & Hildericus Francorum Rex
esset vir ignavus & inutilis, nullisque rebus
idoneus, atque nihil Regia solemnitate di-
gnum præter Regis nomen possidens, mise-
runt procures Franciæ, solemnī legatione ad
Zachariam Pontificem, consulturi quis po-
tius Rex esse deberet, quique magnos pro
regni pacē labores sustineret, an qui ocio de-
ditus tamquam statua domi resideret, & so-
lo Regio contentus esset nomine. Quibus Pi-
pa respondit, illum debere regem appellari
qui augeret Rempub. qua ratione animat
Franci, Hilderico Rege abrogato, & in mon-
asterium detruso, & tonsurato: elegerunt
Pipinum, anno Domini 760. in Regem: post
quam maiores domus cœperunt imperare
super Reges Francorum. Atque autoritate
Apostolica à Bonifacio Archiepiscopo Mo-
guntinensi in Regem vngitur & consecra-
tur, & Stephano S. Pontifice, generatio supe-
rior filios suos Carolomannum & Carolum in
hæreditatem Regalis successionis benedi-
tur, regnavitque Pipinus, annos 18. Hic Lon-
gobardos Romanos infestantes, cum filio
suo Rege Haystulpho vicit, & cum Roma-
nis eos facere pacem compulit. Saxones quo-
que

que post multam stragem sibi subijciens, tributarios fecit. Tandem post multa praelia feliciter perpetrata Pipinus ille ex Regalis aule præfecto in Regem (vt dictum est) sublinatus, moritur anno Domini 768. & in Ecclesia S. Dionysij sepelitur. Carolus verò novus pro felicitate, quàm corporis magnitudine cognomento Magnus appellatus, Pipini Regis, ex Berta filia Eraclij Imperatoris, filius: factus est post patrem Rex Francorum, unde ex ipso genus Græcorum Romanorum & Germanorum concurrit, & ob id non immerito, ad ipsum postea est translatum imperium. Erat enim Carolus Magnus, sicut omnes patres eius superius nominati, natione non Gallus (sicuti quidam existimant) sed Germanus, natus in ciuitate Ingelneym ad ripam Rheni fluminis, in terra Rinconensi sita, quæ in præsentem vsque diem est sub ditione Cæsareæ Maiestatis. In qua etiam olim vetustum ac ruinosum fuit castrum, in quo natus est Carolus Magnus, quod postea Robertus Bauarus Romanorum Rex, & deinde Carolus quartus Imperator reparauerunt, ac multis ædificijs ornaverunt, fundaueruntque in eo Collegium Canonorum Regularium, in perpetuam Caroli Magni memoriam. Hoc igitur vti diuerticulo, de progenie Carolinorum extramateriam, non iniucunda commemoratio-
ne,

ne, dixisse sufficiat. Nunc verò historiæ nostræ ordinem prosequamur.

CAPUT X.

Sub hoc rerum fastigio non diu constitit Frisia, nam Carolus Martellus aula præfectus, ut dictum est, maiorque dominus Franciæ, à quo maiores Regni causæ, atque ardua negotia quæque pendebant, iniuriam sibi à Radbodo Rege Frisiorum illatam, statuit vindicare, quare denuo magni exercitu collecto; animum conuertit ad Frisones bello persequendos, qui eo tempore inferuiebant idolis insensatis, & Christiani nomini infestissimi, sub malorum dæmonum mancipio, innumeris superstitionibus illudebantur. Radbodus itidem superiori victoria elatus, congregavit Frisiorum magnum exercitum, ut irrumperet & vastaret terram orientalem Francorum, scilicet Brabantiam & Lotharingiam. Cui Carolus Martellus, vir bellicosissimus & peritus Princeps, occurrit & diro cum Radbodo gentis eius Rege, ad flumen Bardoram commisso prælio, hostem falsa Deorum religione deceptum fudit, fugavitque: Ac interfecto Poppone primario Duce eorum plurimisque Frisonibus occisis, Regem Radbodum denuo Traiecto expulit. Qui tandem se suaque omnia potestati Caroli iterato permisit, falsisque à dijs posthabent

abendis Christianam fidem absque dolo
implecti, idola abiurare, sacrumq; baptisma
accipere, obsides dare, & tributum quin-
centorum bouum coria (vt Crantzius scribit,
recentorum caballorum) annuatim ei sol-
uere promisit. Itaq; à Carolo ad ipsum mis-
sus S. V Volfrānus Episcopus Senonensis, vir
pius ac religiosus, qui diuino oraculo in som-
niis admonitus, vt in Frisiam tenderet, & Re-
gem Radbodum suo suasu, & adhortatione
ad fidem Catholicam diligenter instrueret,
& vt Christianam assumeret fidem, admo-
neret. Qui cum in Frisiam venisset, fuit tum
temporis, Frisijs solemne festum conuentu
omnium Zelandiarum alternis vicibus, fœ-
da superis libamenta persolvere, siquidem
humani generis hostias mactare aggressi, in-
ter se sortem mittebant, & quem fors immo-
landum obtulerat, hunc mactando immo-
lerent, pro victima: hoc modo, vt prius de
arbore suspenderetur, deinde idolis immo-
laretur. Cecidit fortè eo tempore fors super
Onnam præstantissimæ indolis adolescen-
tem nobilem, qui cum hostiarum more, ne-
pharia litatione mactandus aræ admouere-
tur, ibiq; peractis cæremonijs solito more li-
bamina dijs suis offerret, occurrit ei S. V Vol-
frannus, ac ab horrendo incepto Regē auer-
tere, sperans, scelerati propositi sacrilegium
detestatus, vitam ipsius adolescentis depre-
caba-

cabatur, sed humanitatem vicit dira superstitio, negabat hoc ei Radbodus, dicēs se morte maiorum suorum sacrum ritè peracturum cum sors super eum ceciderit, itaque adorantibus patrijs numinibus, iussu lictore, vt in scabellis constitueretur, & mortem homini accelleraret: si autem ille quem VVolfrannus prædicaret, ipsum præseruare posset, liber esset. Itaque VVolfrannus videns Regem pertinacem permanere in sua sententia, neque Ornam viuum saluari posse, ingemiscens, vtriusque brachijs expansis, se ante Regis pedes prostravit, ab alto ducens suspiria, manibus in cælum sublatis, pro adolescente orans, illico cunctis astantibus & videntibus ruptus est funis: At ille humi illæsus collapsus, à mortis discrimine ereptus, fidem Christi suscepit & baptismo renatus, à dicto VVolfranno ad sacros ordines promotus est, & in Monasterio Fontanellæ initiatus, vbi & doctrinæ & sanctitatis clarus effulgit. Quod animaduertens Rex, miraculi nouitate attonitus, à S. VVolfranno baptizari petijt. Et factum est dum Rex Radbodus ad baptismi lauacrum simulata deuotione perduceretur, altero tantum pede immerso quærebat, quoniam concessissent patres eius, pluresve maiores sui Frisones in inferno, an in Paradiso cohabitarent? responsum accepit, omnes à Christo alienos in perditionem abiisse, itaque plures
ess

esse in inferno, tandem subito pede è Bapti-
 terio educto, Satius (inquit) plures sequar
 neos paganos, quàm paucos Christianos, ibo
 quò maiorum meorum cœtus demigravit;
 & relicta Christi fide, ad pristinam se con-
 vertit superstitionem. Sed cum exhaustis re-
 gni opibus assiduitate bellorum, inopia labo-
 raret pecuniæ, prælijsque varijs Zelandiarū
 exhauferat ærarium, atque multos annos
 congesto thesauro, bellicis operibus absum-
 pto, stipendiariorum facultatem, qua mili-
 tem aleret, non haberet, vt Carolo, aut eius
 exercitibus par esse possit, à Carolo Frisia pul-
 sus, fuga præcurrere maturavit in Phœste-
 landt. Sed non diu lætatus hoc contemptu,
 tertia die feбри correptus, aut, vt nonnulli
 volunt, ex mœrore animi, in mortiferum
 cecidisse languorem, statim deficientibus
 membris, magnis cruciatibus, non sine sin-
 gulari Dei vindicta pœnā impietatis dedit,
 atque anno Christi 719. (vt testatur Ado
 Viennensis Episcopus, in sua Chronica ab-
 breuiata ætatis 6.) digna morte in insula Phœ-
 stelandt expiravit. Vnde quidam in ipsum
 tale distichon exclamans, ait:

*O iocus, ô dirum, tibi formidabile semper
 Elogium, Radbode iuum post tristia fata.*

Reliquit autem hic Radbodus Frisiorum
 Rex post se filiam Sindacillam, quæ nuptui
 data VVigberto Duci Angariæ, Christiani
 nomi-

nominis amantissimo, & aliam nomine Teodofvindam, quæ nuptui data Grimoaldi filio Pipini, qui (vt dictum est) Leodij à Rargario Frifone peremptus est: vnde facile conijcitur, non vile fuisse nomen Radbod cuius affinitates, Reges & Duces quæritabāt. Filios autem habuit duos, Melgerum & Adgildum, qui Christi fidem ex animo susceperunt. & baptismo renati sunt. Adgildus verò sub homagio Caroli Martelli Rex Frifiorum permansit, relinquē post se filios duos Gundebaldum & Radbodum, quorum natus maior Gundebaldus penultimus Rex Frifia. Carolo Magno fuit amicissimus, & sub eius exercitu, in Hispanijs pro fide Christi militans, cum Rolando, anno salutis 770. in Ronceuallo, occubuit. Radbodus verò frater iunior, vt quidam putant, dominium obtinuit in Egmonda, neque vnquam Regis titulum vsurpauit. Quorum tamen opinio, actis ipsi refellitur, quæ proponuntur infra sub Pipino & Carolo Magno cap. 13. quoniam quæ illic dicuntur, non de Radbodo primo, sed de secundo intelligi debere personarum & temporum ratio cōvincit. Ex cuius progenie originem ducunt, nobiles Comites de Egmonda. Sanctus autem VVolfrannus pertinacissimum Regis prædicti animum conspicatus mentem à Christi fide propaganda, interim non mutauit, sed per annos quinque per Frifiam

nam discurrens, semen verbi Dei spargens,
 ne vlllo obstaculo, multos conuertit ad
 Christum, Catechumenos baptizauit, neo-
 phytos confirmauit, atque plurima templa
 & sacra loca ab ipso eximia, in Deum & di-
 uinum cultum pietate constructa, dotauit &
 consecrauit. Qui tandem post multiplices
 labores, & continua sanctimonie studia, re-
 uersus ad Fontanellæ Monasterium, felicem
 spiritum Deo commendauit Obijt 3. Kaléd.
 Aprilis, anno Domini 720. In hoc loco va-
 riant nonnihil scriptores, & parum dissen-
 tiunt de morte Radbodi Regis Frisie. Nam
 aliqui tradunt Radbodum mortuum circa
 annum Christi 715. temporibus Anastasij Im-
 peratoris, qui & Artemius dictus, dum oriē-
 tis potiretur Imperio, vt refert Sabellicus
 lib. 7. Alij referunt hoc accidisse anno 719. vt
 Ado Viennensis Episcopus, quod discutien-
 dum relinquimus candido lectori.

C A P V T XL.

Quomodo autem Radbodus Rex à dia-
 bolo fuerit deceptus, narrauit prædi-
 ctus Onno, quod diabolus apparuit
 Radbodo in somnis, in angelum lucis trans-
 figuratus, capite cooperto diademate aureo.
 In quem cum Radbodus intenderet, dixit
 ad eum diabolus: Virorum fortissime, quis
 te ita seduxit, vt à cultu Dei tui velis recede-

R

re?

re? Permane in his, quæ à iuuentute didicisti
& venies ad domos aureas, quas tibi in æter-
num sum daturus, cras ergo accersi iubeas de-
ctorem Christianorum V Volfrannum, & ab
illo quære, quæ sit illa mansio, quam ille tibi
pollicetur, & si tum demonstrare nequierit
vtriusque partis mittantur legati, & ego ero
dux itineris, & demonstrabo illis domum
auream, & mansionem pulcherrimam, quam
in proximo tibi sum daturus. Euigilans Rad-
bodus narravit cuncta S. V Volfranno, qui
dixit: Illusor (ô Rex) diabolus tibi illudit.
Respondit Rex se Christianum futurum, nisi
illa pulchra mansio demonstraretur à Deo
suo. Mittitur ergo statim quidam Friso ex
parte Regis, & quidam Diaconus ex parte
V Volfranni. Episcopi, qui, iniuncti muneribus
obsequium non detrectantes, cum haud pro-
cul à Regis aula abessent, obuiam habuerunt
quendam itineris sui comitem, eius loci gna-
rum, qui dixit eis, Properate, ego ostendam
vobis pulcherrimam mansionem, Radbodo
Regi præparatam: illi autem profectionem
orsi (si Annalibus credere fas est) velocitate
gressus tantum locorum diali itinere emēsi,
ad loca ignota peruenerunt, videruntque à
longinquo domum quasi auream, & perue-
nerunt ad plateam, quæ ante domum erat
quasi auro & gemmis strata, intrantesque do-
mum, viderunt illam miræ pulchritudinis,
& splen-

et splendoris incredibilis, atque in ea thro-
num miræ altitudinis & magnitudinis. Tūc
ductor itineris, seductis focijs ait: Hæc est
mansio Radbodo Regi præparata. Ad hæc
Diaconus, loci specie delectatus, ait: Si à Deo
sancta sunt ista, perpetuò maneant: si autem à
diabolo, citò pereant. Et cum signaret se si-
gno sanctæ Crucis, euanuit ex oculis eius dia-
bolus, & domus aurea in lutum mutata est,
ababantque Diaconus & Friso legati, in me-
dio locorum palustrium, plena iuncis & vir-
gultis, mortalibus pene inuio. Qui triduo
inmensi itineris spacium cemens, reuer-
sit ad Oppidum, & inuenerunt Regē Rad-
bodem mortuum, narraueruntque quæ con-
tingerant S. V Volfranno. Fabulosam autem,
à veri fide penitus alienam, & à vulgo con-
statam, hanc esse opinionem suspicantur ali-
i; quamvis constet Frisiam hoc tempore
sarijs diaboli laqueis, falsa credulitate ludi-
catam, vt ad cultus sibi gratos, pagana su-
perstitione eos seduceret, & à Christo auer-
ret. Erat autem Radbodus vir bellicosus
inquietus, ex Regia familia Frisonum or-
is, magnitudine corporis conspicuus, tanta
roceritate omnes excellens, vt ab humero
rsum emineret, ipso membrorum robore
magnitudini respondent, virtute inter om-
es Frisios clarus, ocij & inertix impatiens,
iteratus, & solo idiomate patrio conten-
tus,

tus, linguas peregrinas discendi non studio
 sus, sed Gallicam melius intelligens, quam
 pronuncians, sagax admodum, & ingeni-
 acer, in Christianos valde impius fuit & cru-
 delis, seueritatisque immensæ, capite crasso, &
 ampla facie, oculis prægrandibus & vegeti-
 nulla acri seueritate formidabilis, duobus
 dentibus aliquanto eminentibus extra ordi-
 nem, gerebat crines prolixos usque ad hu-
 meros, vtrinque à fronte discriminatos, &
 aliquantulum crispatos, ab adolescentia im-
 berbis, aut vt alij volunt, circulariter semper
 se tonderi fecit, habitu incessit Frisonico, in
 signia habebat undecim humana corda ru-
 bea, in scuto ceruleo obliquis trabibus, à se i-
 suo clypeo distinctis, colore candido. Filius
 autem Radbodi Melgerus, subita morte pa-
 tris territus, fidem Christi suscipiens bap-
 tizatus est, & existens adhuc in albis expirauit.
 Alter autem filius Aldigildus, vt præceden-
 titulo dictum est, in Regno successit, & e-
 animo fidem Christi suscipiens, baptismate
 renatus est.

CAPVT XII.

SEd non diu in eo animi proposito per-
 stiterunt Frisij, neque à pertinacia an-
 morum vlllo modo reuocari poterant.
 siquidem sacra Christi fides, in populo no-
 bene formato, malè audiebat, & videbantur
 mag

magis recuperandæ libertatis, quàm seruan-
 æ fidei, rationem habere, putantes fidem
 Christianam grauiâ & impossibilia contine-
 re, atque ob id denuo ruptis habenis, à Caro-
 lo Martello defecerunt, & Christianissimum
 institutum reiecerunt. Itaque circiter annũ
 Christi 725. per Aquitanicum sinum classe
 uectus, conuersus est in eos Carolus, atque
 magno bello non quidem vno prælio, & an-
 no; sed iterum atque iterum pressit, insulas
 eorum diripuit. cædem edidit insignem,
 non sexus, non ætatis habita est ratio. Deorũ
 statuas, & lucos subuertit, templaque impie-
 ritis ferro & igni deuastauit, noua templa,
 & loca sacra extruxit, & delubra vetustate la-
 tentia in Christi phana conuertit, & libera-
 ter ornauit, & magnificè dotauit, vt iustè in
 eius laudem illud exclamari possit, quod de
 Augusto Cæsare canitur:

Templorum postor, templorum sancte repostor.

Ac tandem Frisios ita coarctauit, vt ma-
 ius victas, victori darent, plurimique sacrũ
 ubièrè baptisma, componentes cum illo
 qualibuscumque conditionibus, sed leges
 Christianas ægrè admodum accipere vole-
 ant. Tenebant tunc temporis Frisones ex
 continenti Ammiam, Strachiam, Astrachiã
 insulas circa Rheni ostia, in quibus vxores,
 liberosque corporis charissima pignora, qui
 er ætatem militare non poterant, tanquam

in tuto collocauerant. Martello autem mortuo Frisij nomini Christiano infestissimi, rebellionem denuo parabant, vnde Carolus Mannus filius Martelli totas ingenij sui vires eò conuertit, quò possit Frisios bello domare, & ad Christi fidem cogere. Itaque militum prauallido collecto, in eos duxit potentissimum exercitum atque pugna cruenta, ita eos perdomuit, vt Christi religionem denuo susciperent, datis etiam obsidibus, quod in fide Christi & Regis permanerent. Eo autem sub Zacharia pontifice Romæ monacho facto, & ad B. Benedicti Cassinense Monasterium accedente, Pipinus frater eius, filius Caroli Martelli iunior anno Christi 764. in Regno successit. Sub quo Frisij etiam, qui erant baptizati, se denuo ad idola conuertunt, & qui necdum baptizati alios secum rebellare, coegerunt. Ea enim fuit gentis istius pertinacia, vt ægrè possit sub iugum redigi, vel ad mutandam religionem armis cogi, aut ab eo, quod semel animo conceperat, vlla lege, aut ratione dimoueri. Itaque Carolo Magno Pipini filio, etiam negotij plus satis exhibuerunt, ductu Radbodi, eius nominis secundum & vltimi Frisiorum Regis: quem tamen Carolus iusti exercitus conflictu debellauit, vel, vt aliqui tradunt, mirabili quodam certaminis genere superauit, & Frisia imperio exiit.

CAP

REperitur enim in quadā historia apud Frisones, haud scio quā authentica (nam authorem eius non reperio,) patria lingua conscripta, in hunc qui sequitur modum: Gente Frisonica (inquit) non obtemperante, consilio S. VVillebrordi hortantis ut ad imperium Pipini religionem Christi susciperet, Carolus filius eius cognomento Magnus, ad Frisiam descendit, castroque VViltenborg capto, diruto, atq; destructo, Rex Radbodus eius nominis secundus Traiecto expulsus, ad partes Frisiae fugiens se transtulit, quem Carolus insequabatur strenuè, ita ut eius manus effugere vix posse, videretur: qui mox undecumque sui Regni Frisiae potentiam omnem contrahens, obviam hosti processit, ac bellum contra Carolum, de rerum summa, qui se victorem putabat, instruxit: & dum acies ab utraque parte in conspectu ad certamen explicaretur, & inter se de regno contenderent, unus nomine Baldericus, non cunctanter processit inter medias acies, nuncians eis instantis belli pericula, & fratrum appellatione eis dignatus alloqui, in hunc modum verba proponit: O vos viri fratres, domini & principes mei, quæ vos (inquit) dementia coepit, cum sitis sapientes, ut nulla laceffiti iniuria, vos vestraque omnia presentissimo periculo

R 4

expo-

exponatis, & in discrimen proiiciatis totum exercitum, contra hanc innoxiam & inopem gentem, nullis insidiantem, suis rebus contentam, nulla bella, nisi graui iniuria laceffitam, moliri consuetam, nec aliena diripere conantem. Ne sitis adeo præcipites, vt vosmetipfos exponatis manifestis periculis. Qui enim bellum alijs inferre contendit, alterum è duobus sibi necessario eliget, aut enim per audaciam, aut per fortitudinem se pugnaturum, confidit: modestius ergo agatis, & gladios in vaginam vertatis, nec talibus bellum inferatis, & perpendatis incertam belli esse aleam, & præmia victoriæ manifestis damnis obnoxia, memores instabilis fortunæ, quæ non perpetuo illis fauet, quos extollit, ne fortassis si vnum vestrorum procerum perire contingat, plus damni & incommodi ex eo sentiat, quàm beneficium ex victoria proueniens, etiam si totam gentem Frisonicam debellassetis, quum in magnis exercitibus præclara virtus sæpè non emineat. Et cum fortes, cum fortibus congregiuntur, sæpe accidit vtrosq; pari infelicitate collabi, vtrique enim vires, vtrique belli artes suppetunt. Itaque cōsulite vobis ipsis, arma vestra cōprimite, & potius eis amicis vtimini, neq; vosmetipfos infelici euentu fortunæ tam temerè exponatis ne dum aliena occupare conamini, vita & proprijs bonis spoliemini. His dictis, vtraque

que acies rigore deposito, concorditer id
exequendum, bene & sapienter locutum es-
se iuuenem acclamabant, inueniatur ergo
melius & salubrius consilium, ut paucorum
impendio, plurimorum pericula rediman-
tur, & à singulari certamine victoria consti-
tuatur. Hæcque audientes Radbodus Rex
& Carolus acquieuerunt, signoq; dato, uter-
que exercitus à pugna cessauit, & singulare
coeperunt certamen, ea lege & conditione, ut
si Radbodus vincat, libera à Carolo esset
Frisia, & vectigalium concedatur Frisijs im-
munitas. Si victor fuerit Carolus, ei subiecta
Frisia esset, & tributa ei solueretur. Et si quis
hanc acceptare recusaret conditionem, is pro
victo & imbelli homine haberetur. Itaque
tale duellum exstitit ab ijs ordinatum, quod
scilicet ipsi Principes Radbodus Rex & Ca-
rolus vno loco sese sisterent, stando: & qui-
cunque ipsorum alium vinceret diutius stā-
do, ita ut ad terram se non inclinaret, penes
eum consisteret palma, & esse deberet Friso-
nicæ gentis dominus, sicque factum est, ut
cum ambo paribus armis in campum, qui
pugnæ destinatus erat, prodirent, circumstan-
te vndique procerum ac virorum fortium
corona, standoque certamen inchoatum es-
set, Carolo vna suarum chirotecarum de
manu excidente, eam subleuauit Radbodus,
& Carolo porrexit, qua recepta, prorupit Ca-
rolus

R s

rolus

rolus in hanc vocem: Ha, ha, ha, hic se incli-
navit ad terram, ex quo facta est tota gens Fri-
sonica iure duelli mea. Rex verò Radbodus
inopinato casu consternatus, in hanc vocem
respondit: VVach, vvach, vvach, qui hanc
terram & gentem tam viliter & improuide
perdidit, & patriam seruitutis iugo victus, in-
uolui. Vnde etiam & locus, in quo vtriusq;
exercitus se continuit Hatringe & VVach-
tringe, in hodiernum diem nomen est forti-
tus. Rege autem Radbodo ex hac causa duel-
lo victo, Frisiamque derelinquente, Caro-
lum pro domino totius gentis Frisonicæ ag-
noscunt Frisij, ac se ipsius, imperio subiiciunt,
quo eius ductu & imperio, diuino cultu pau-
latim institui, & à iugo seruitutis se liberari
posse sperabant. Nec tamen omnino à iugo
seruitutis voluit eos tam citò liberare Caro-
lus, ne fortissima illa gens, quæ omnia præter
ocium maluit, tamquam neophyti, sicut &
erant consuecta libertate gloriantes, abiecto
subiectionis iugo ad priorem gentilitatis re-
dirent errorem, & negotium aliquod Ro-
mano facerent imperio. Itaque nouo re-
rum ordine ipse Carolus Episcopi loco fun-
gens, vicos & villas circumiuit, idola omnia
subuertit, & salutarem doctrinam Iesu Chri-
sti vbique disseminauit, nullis parcendo
transgressoribus, præcepta legis diuinæ ad-
discere, & veris fidei Christianæ moribus in-
stituen-

stituendis curauit, donec ad plenum in his
assuefacti, omnium bonorum operum per-
fectione, fidem Christianam, & Dei præcepta
seruando, non desinerent inservire, & quid-
quid ad conseruandum Christianæ religio-
nis statum vtile videbatur, summo conatu
præstare curauit. Sicut & quondam Domi-
nus Deus decem præcepta in tabulis lapideis
dedit filiis Israhel, & per Moysem seruum
suum eis exposuit, vnde non immerito quasi
de quadam speciali prærogatiua gloriantur
Iudæi: sic & Frisonica gens merito gloriatur,
quum & ipse Deus eorum iura, quibus in
hunc diem plerique vtuntur, misericordi-
ter, & miraculose dignatus est eis reuelare.
Hæc ille author historiæ supradictæ, & pau-
lo post subiungit.

C A P V T XIII.

CArolo igitur (inquit) post Radbodi
Regis decessum in Frisia dominante,
& loco sibi empto vbi sedem erigere
possit, quum cerneret populum sibi in om-
nibus obedire, instruxit eos præceptis diui-
nis, institutisque virtutum, & absterfa omni
barbarie, effecit, vt non solum moribus in-
stituti essent, sed etiam iustitiam colerent,
pacificique viuerent, ac pro tribunali sedens,
dixit eis, vt sibi leges & iura constituerent,
iuxta quarum formam viuerent & regeren-
tur.

tur. Qui responderunt, se omnino iura nescire, neque leges habere alias, quàm quæ vniuerso orbi satis erant, atque pro beneplacito voluntatis iuribus vsos fuisse: sic ergo Carolus septem diebus apud illos institit, vt iura quibus regerentur, eligerent, neque quicquid omisit, quod ad leges & iustitiæ promotionem videbatur pertinere. Et quum nullis honestis rationibus eos inducere possit, atq; constantius negatum, quàm petatum animaduerteteret, dixit eis, aut iura & leges conderent, quibus viuerent, aut vnum ex tribus eligerent, in ore nempe gladij capite truncandos, aut viuos sepeliendos, aut in naui sine remis, & omnibus necessarijs victualibus carentibus ad mare mittendos fore, quò fluxus & refluxus eos deueherent permansuros, vbi fame aut inedia, pedoreque excruciat, extinguerentur. Compertum enim erat Carolo, mores Frisiorum eosdem esse, quos adhuc habent, videlicet vt rationibus bonis ducerentur, quum omnino nequeant etiam morte proposita compelli. Itaque inter eos communicato consilio, elegerunt ex his prædictis tribus vltimum, scilicet mitti in mare, more prædicto. Duodecim ergo ex primatibus Frisonum naui impositi, relicta patria, & amplissima familia, mari absque remis & anchoris sese committunt, atque exponunt. Et cum in summo rerum versarentur discrimi-
ne,

ne, neque modum, neque consilium, ad patriam reuertendi aut remeandi haberent, huc, illucque sursum deorsumque, quo fluctus maris eos verberaret, ferebantur, presentemque viris intentant omnia mortem. Erat ex ijs quispiam nomine Asingha de familia VVideloma, qui se saepius audiuisse dixit, quod Dominus Iesus Christus, (cuius fidem B. VVillebrordus eos seruare docuit) ianuis clausis, propter metum Iudæorum ad discipulos suos, cum esset sero vna sabbatorum venisse, & eos in summa anxietate consolatos fuisse, sic & nos genibus flexis, adoremus ipsum, vt nos in hac nostra miseria dignetur consolari. Quis enim vnquam in eum sperauit, aut sperans inuocauit, & derelictus est? Genibus ergo flexis, inuocauerunt humili corde, pectore simplici, Deum, totaliter se diuinæ misericordiæ committentes, vt ijs, in tanto dolore & vitæ discrimine laborantibus, non deesset, & de media morte deduceret. Ecce visitauit eos Dominus ex alto, & velut excitatis à somno fluctuanti nauiculæ suæ imposuit gubernatorem, virum robustum sedentem in puppi nauis, & lignum ad instar axis ingeniis super humerum portantem, quod ad nauem applicauit, vt esset nauis gubernaculum, quo tamquam optimus nauclerus nauem rexit, & regendo gubernauit, eosque qui in ea erāt, felici & prospero metu,

tu, inter medias fluxuum procellas, securos ad terram deduxit. Cum itaque iam ad littus peruenissent, hic decimus tertius, qui eis diuinitus aduenerat, lignum axis, quo nauem rexerat, ad terram proiecit, vnde statim fons erupit, ex quo scaturiebant aquæ limpidissimæ & dulcissimæ, qua isti duodecim siti afflicti, opportuni liquoris beneficio recreati, circumfedeabant, & erumpentes scatebras sitibundi passim ore captabant. Tum ille decimus tertius aduentitius socius, se eis adiungens, vnicuique ipsorum adeo similis erat, quod à nullo poterat discerni, & sic de condendis legibus, & institutis tractantes, ipse decimus tertius eos edocuit, & formam legis præscripsit. Nemo autem ipsorum interrogauit, quis nam esset ipse, aut vnde veniret, quo facto, ex eorū oculis disparuit. Post hæc hi duodecim, superatis periculosis maris gurgitibus, non diu distulerunt ad Carolum accedere, qui putabat eos iam dudum miserabiliter submersos. Carolus verò eos diuina protegente & adiuuante gratia, mirabiliter reseruatos agnoscens, gaudiū est valde, eosq; in amicitiam & gratiam suscipit. Ipsi verò tū iura & salutare leges, quas ea ætas permisit, per eximiam Caroli industriam tam iustas atque humanas, rationique consonas promulgarunt, vt vix æquiores in medio latio statui potuissent, quas & ipse Carolus tamquam

quam legifer de cælo missus, confirmavit, & suis servare præcepit, sanctissimi Evangelij institutionis conformes, & à bonis moribus non alienas, quæ in hodiernum vsque diem Frisicæ gentis homines, cum gloria & com-
modo in Groningana Frisia servant. & servatione non desinunt. Et quum in annalibus Frisicorum hæc commemorantur, ego vt parum authentica non ausim affirmare: lectori tamen liberum erit, quod velit suspicari: multa enim non scripta sunt, quæ tamen facta sunt. Eamque gentem sic perdomitam, vectigalibus oneravit, modico imposito tributo, magis in titulum imperij, quàm in præmium victoriæ. Putabat enim Carolus veram victoriam esse assequutum, quum plus ex præclaris, magnificisque gestis, quàm ex sordidis tributorum diuitijs illustraretur.

C A P V T XV.

Gerebatur per multos annos bellum inter Reges Francorum & Frisones. Tandem Radbodo mortuo, sub Carolo Magno filio Pipini, circa annum Christi 772. ad fidem Christi plenè persuasi, atque in ea confirmati, ad sacrum baptismatis sacramentum peruenerunt. Carolus enim Magnus celebratis VVormatiæ comitijs, constituit Saxonones atque Frisones, aut religioni subijcere, aut omnino de terra delere. Tandemque tra-

traiecit ingentes copias per Rhenum, totam
 que Frisiam peruagatus rebelles subegit, fu-
 gauitque contumaces, totisque se viribus an-
 mi & rerum, conuertit ad Frisonicum bel-
 lum peragendum, quo neq; atrocius vllum
 vnquam gessit: quia Frisones natura feroces
 & idolorum cultui dediti, ab eo quod seme-
 apprehenderant nulla poterant vi dimoue-
 ri. Regis tamen Caroli Magni clementia eo-
 deuicit, eaque conditione legem victis præ-
 scripsit, vt si pagana illa superstitione abiecta
 Christi fidem acceptarent, nec in vita, nec in
 bonis periclitarentur, alioquin nec vita, nec
 bonis deinceps potirentur. Et sic, gentem o-
 mni impietate abiecta, fidem Christi, quam
 sæpius abiurauerant, assumere coëgit. Sane
 tanto diuinæ Religionis amplectendæ stu-
 dio exarsit, vt exhortationis verba ad popu-
 lum in Ecclesia ipse faceret.

CAPVT XVI.

CUm itaque Carolus Magnus contusam
 bello Germaniam non solum Chri-
 stianismum sacra suscipere, sed etiam
 ditioni suæ parere compelleret, opposuit se
 huic Rex Daniæ Godefridus, qui & Gotri-
 cus, Radbodi supradicti Frisiorum Regis ne-
 pos. Cuius gratia ordinem temporis hic no-
 minibus immutabimus, vt deinceps pacatio-
 ra proferamus. Hic enim anno Domini 808

VI

T E R T I V S.

273

vt ex annalibus rerum Francicarum discimus, vel à Frisijs quibusdam, vt aliqui suspiciantur, in Christiana Religione nondum satisfactis confirmatis incitatus, vel, vt Saxo Grammaticus ait, vltro dominandi libidine stimulatus, finitimas Albiæ gentes adortus, Saxoniam susceptum Caroli iugum cupidius amplectentem, ac Romana arma Danicis præferentem, ad pristinum regni sui titulum reuocare tentabat. Itaque in Abotritos primū irruit, quos & maxima clade affecit, eo proposito, vt his subactis in vltiorem Frisiam procederet. Cui prouidē Carolus Magnus filium suum Pipinum, vt Saxo Grammaticus commemorat, seu Carolum, vt supradicti Francorum annales referunt, cum exercitu mox obiecit, qui Frisiorum & Episcopi Bremensis iunctis auxilijs illum magna copiarum suarum parte multauit, & in Daniā refugere coëgit.

C A P V T XVII.

E Lapso biennio idem Godefridus recuperatis viribus expeditionem de integro suscepit in Saxoniam, non Frisiam tantum, sed & vniuersæ Germaniæ inhians. Itaque Imperator, vt annales eius habent, Aquisgrani adhuc agens, & contra eum expeditionem meditans, initium accepit, classem ducentarum nauium de Nordmannia

S

Fri-

Frifiam appuliffe, cunctasque Frifiacoliitor
 adiacentes infulas effe vaftatas, iamque exer
 citum illum in continente effe, terrenaque
 praelia cum Frifonibus commiffiffe. Danos
 que victores tributum victis impofuiffe, a
 vectigalis nomine centum libras argenti
 Frifonibus iam effe folutas. Quod & reuer
 ita erat. Qui nuncius adeo Imperatorem cō
 citavit, vt miffis in omnes circumquaque
 regiones ad congregandum exercitum nun
 cijs, ipfe fine mora palatio exiens primò claff
 occurrere, deinde transmiffio Rheno in lo
 co, qui Lippenheim vocatur, copias que nor
 dum conuenerant, ftatuit operiri, congrega
 tisque tandem copijs celerrimè ad Araran
 fluuium contendit, castris que iuxta conflue
 tem eius, quo Vniferę flumine coniungitur
 politis, minarum Godefridi Regis prætolat
 tur euentum, nam Rex ille vaniffima fpe vi
 ctorię inflatus, acie fe cum Imperatore con
 fligere velle iactabat. Sed dum Imperator i
 memorato loco ftatuam haberet, diuerfa
 rum rerum nuncij ad eum perferuntur: Nam
 & claffem, quę Frifiam vaftabat domum re
 greflam, & Godefridum Regem à quodam
 fuo fatellite interfectum nunciatur. Quan
 quam fint qui fcribant, eum interfectum effe
 à proprio filio, cuius matrem alia fuperind
 etā pellice repudiauerat. Carolus certè aud
 ta eius morte effufo gaudio exultauit, nih
 e

eo casu vnquam fortunæ suæ iocundius ab-
 uenisse confessus. A tributo autem quod Go-
 lefridus Frisijs imposuerat, idem Carolus
 eos postea liberauit, vt historiæ referunt. Cu-
 ius quidem tributî pensitandi modus qualis
 fuerit, vt fieri possit, hic paucis exponam ver-
 bis Saxoniae Grammatici, qui lib. 8. Primum
 itaque (inquit) ducentorum quadraginta pe-
 dum longitudinem habentis ædificij structu-
 ra disponitur, bisseis distincta spacijs, quo-
 rum quolibet vicinorum pedum intercape-
 dine tenderetur, prædictæ quantitatis sum-
 mam totalis spaciij dispendio reddente. In
 cuius itaque ædis capite, Regio confidente
 quæstore, sub extremam eius partem rotun-
 dus è regione clypeus exhibetur, Frisonibus
 igitur tributum daturis, mox erat singulos
 nummos, in huius scuti cauum conijcere, è
 quibus eos duntaxat in censum Regium ra-
 tio computantis eligeret, qui eminus exacto-
 ris aures, clarioris soni crepitaculo perstrin-
 gisset. Quo euenit, vt id solum æs, quæstor in
 discum supputando colligeret, cuius casum
 remotiore auris iudicio persensisset, cuius
 vero obscurior sonus, citra computantis de-
 cessisset auditum, recipiebatur quidem in
 discum, sed nullum summæ præstabat augmē-
 tum. Cum pluribus igitur nummorum iacti-
 bus, quæstorias aures nulla sensibili sonori-
 tate pulsantibus, accidit, vt statam pro se sti-

pem erogaturi, multam interdum æris partem, inani pensione consumerent, vt nihil enixius quærere videretur quæstor, per inauditam & inulitatem crudelitatem, quàm totam Frisiam omnî ære spoliata, penitus denudare.

CAPVT XVIII.

FVerunt igitur ab eo tempore, quo ad fidem Christi semel perducti sunt, Frisij diuina cooperante gratia semper in Religione Christi fidelissimi, & omnibus modis Carolo amicissimi. Caroli enim militiâ summa cum alacritate sectati, non minorem promptitudinẽ deinceps exhibuerunt propugnandæ illius Maiestati, quàm olim eidẽ oppugnandæ præstiterant. Itaq; eorum fidelitac militari fortitudine contra Lutgerum Ducem Saxonie vsus, Saxones rebelles deuicit, & insolentiam Ducis compescuit, viuumq; cepit, & abduxit. Consimiliter cum Romam Saraceni occupassent sub Pontifice Leone quarto, qui tamen tertius numeratur, Imperator afflictæ vrbi subuenturus, exercitum ingentem ex diuersis prouincijs collegit, cui nequaquam defuerunt Frisij, vt ex Decretali apparebit, quod proponetur infra cap. 19. Quin imo, contra rebelles Romanos atq; Longobardos adfuerunt: qui magna affecerant summum Pontificẽ Leonem terciũ inu-

iniuria, ac contra Carolum aliquid moliri
cœperunt, pulchram nauarūt Imperatori o-
peram. Siquidem procures & magnates Ita-
liæ, coniuratione inita sese, in libertatem asse-
rere, & Carolum cum veniret armis repelle-
re constituentes, memoratum Pontificem
Roma expulerunt, & à sede apostolica detur-
barunt. Quare dictus Pontifex propensum
Caroli animum, erga Romanam Ecclesiam
perspectum habens, cum magno suorum Car-
dinalium, Archiepiscoporum & Prælatorū
numero confugit ad Carolum, tunc in Saxo-
nia commorantem Padelbornæ, orans vt
laboranti ecclesiæ succurreret, opem & au-
xilium pro defensione sedis Apostolicæ præ-
beret, ac facile quod petijt, impetrauit. Quē
Carolus venientem pro sua atque illius di-
gnitate comiter excepit, atque consolatione
plenum dimisit ad vindictam in contuma-
ces Romanos (præmissis Frisij) protinus se
maiori cum expeditione militari secuturum
pollicetur. Itaque Duce s. Magno, agmineq;
magno, & magnis itineribus contendunt in
Italiam Frisij, atque proprijs stipendijs mili-
tantes, auxiliares sese Carolo præbent, & ad
prima semper signa pugnantes, prorumpunt
ante alios, & acri pugna hoste pulso, mox Ro-
manos eis occurrentes, fuderunt, profliga-
runt, & ita prostrauerunt, vt de Frisiorum
aduentu non magnopere exultarent: zelo

S

3

enim

enim tantæ expeditionis adeo erant inflammati, ut antea quam Carolus sequeretur cum exercitu, vi Româ ferro ac flamma inuaserint, Ecclesiæ hostes submouerint, & Romanos armis eò adegerint, ut Pontificem in suam sedem receperint. Vrbe iam capta & superata Romam Carolus petijt: Leo Pontifex Maximus venienti occurrit, & cum Episcopis & Clero cum honorificè excepit. Quod factum Annales referunt octauo Kalend. Decembris, anno 800. post septem verò dies Rex concione vocata cur Romam venisset, omnib⁹ patefecit, & exinde quotidie ijs propter quæ venerat facienda, operam impendit. Ipse autem cum die sacratissima natalis Domini ad Missarum solemnia Basilicam B. Petri Apostoli fuisset ingressus, & coram altari vbi ad orationem se inclinaret, Leo Papa coronam capiti eius imposuit, cuncto Romanorum populo acclamante Carolo Augusto à Deo coronato magno & pacifico Imperatori Romanorum vita & victoria. Quocirca Frisonum præclaris hîc & fortibus factis summopere delectatus Imperator Frisones libertate donauit, & nobilitauit, multisque priuilegijs & immunitatibus insigniuit, & à Danorum intolerabili tributo, inconfuetoque vectigali immunes reddidit, aureosque gestare torques, & insignia fere omnibus deinceps nascituris Frisonibus concessit.

cessit. Quare Frisij victricibus signis domum
proficiscentes, Colonix portam vnam, &
Aquisgrani palatium bene ornatum constru-
xisse feruntur. Quod in testimonium anti-
quitatis in hodiernum diem Frisorum pa-
latium & porta Frisorum nuncupatur, & in
Frissiam redeuntibus excitatis coram omni po-
pulo literis & priuilegijs Caroli Magni, (de
quibus infra cap. 20. agitur,) rei gestæ seriem
omnibus exponunt, amissis non paucis stre-
nuis viris, qui in ea expeditione occubuerunt,
& in primis primario Duce eorum S. Magno,
qui pro defensione fidei Christianæ, & sedis
Apostolicæ in Italia fortiter occubuit, prout
Romæ in Ecclesia Michaelis Archangeli, quæ
est in Ianiculo ad occidentem Hospitalis S.
Spiritus eleganti elogio inuenitur, temporibus
Caroli Magni parieti templi insculptum,
cuius copiam hic ad fidem antiquitatis de
verbo ad verbum inferere non inconueniēs
esse duxi.

C A P V T XIX.

ROmæ ad Vaticanum in templo Michae-
lis Archangeli Maximum marmor al-
bum hanc habet inscriptionem.

In nomine domini, tēpore Leonis Quarti
Pape, imperante Carolo Magno imperatore,
quo tempore S. Basilica à Saracenis capta fue-
rat, tunc deniq; pro totius mundi capite tur-
bato,

bato, totus mundus turbatus, omnis Gallia cum Rege Carolo, ad tuendam illam venerunt, unde cōtra inimicos Domini, bella Domini decertando quidam mortui sunt, & in crypta iuxta Neronis palatiū sepulti, eodemq; tempore à Leone Papa & Rege Carolo ad honorem Michaelis archangeli super illos facta est Ecclesia. His ita peractis Rex Apuliam abiit, eamq; B. Petro & Romæ subiugauit. Per id tempus exercitu Galliam reuertente, tres illorum milites de Frisia, Elderado de Groninga, & Reomot de Stauera, & Hiaro, & Celdui ancilla Dei de Slinga, S. Magni corpus in loco, qui dicitur Fundi, inuenerūt. Quo inuento in illorum prouinciam portare, & condire decreuerunt: sed diuina gratia cooperante, postquam ad Sutrinās partes uenerunt, & amplius deferre nō preualuerunt, quidam bis & ter terri, & per somnium moniti Romam reuertentes, sanctum corpus secum tulerunt. Vnde factum est, quod illorum deuotionis causa, partem brachij à se segregari ab illis permisit, partes autē ceterę in crypta prefata remanserunt, super quā (sicut dictum est) Ecclesia iam fuerat facta. Deinde omni anno simul beneficium optimum dari ibi decreuerunt, scilicet 300. marcas argenti pro illorum & ubique requiescentium redemptione, & in perpetuum, siue diuites seu pauperes in eadem supradicta Archangel

geli Basilica & B. Magni Ecclesia iuxta eam ab
eisdem constructa Hospitali, quando à suis
partibus venirent, agerent. Idcirco nostro-
rum aliorumque omnibus pateat: Si ipsi, vel
quicumque hoc Decretum rumpere tentaue-
rint, sciant se perpetuo damnatos & male-
dictos, & supradicti Pontificis anathematis
vinculis in inferno, nisi resipuerint, cum dia-
bolo conligatos, in hac autē vita miseros, pau-
peres & dispersos, & iterum de libro vite cæ-
lestis deletos, & de regno Christi deiectos.
Confirmatoribus & fautoribus huius Decre-
ti, &c. sit benedictio Christi, & fruantur vtri-
usque vitæ gaudijs. Amen.

Erubescāt igitur, qui gesta Frisonum sub
Carolo Magno in expeditione vrbis Romæ
damnant, & quasi figmenta carpunt. Nos au-
tem Frisij Deo gratias agamus, quòd Caro-
lus magna & memorabili omnium nostra-
tium felicitate, in Frisiam peruenerit, cuius
ingenita benignitate & summa prudentia ef-
fectum est, vt Christiana fides planè in tota
Frisia (abiecto vbique falso dæmonum cul-
tu) assumeretur. Erat autem Carolus Magnus
vigessimus quartus Rex Francorum, natura
mansuetus, corpore amplo & robusto, statu-
ra eminenti, quæ tamen iustam non excede-
bat. Nam septem suorum pedum procerita-
tem eius constat habuisse figuram, lato pecto-
re, latis humeris, apice capitis rotundo, oculis

lis prægrandibus & vegetis, naso paululū mediocritatem excedente, canitie pulchra, facie læta & hilari, & omnia corporis lineamenta debita proportionē consistentia, promissam gerens barbam, vnde fortunæ auctoritas, & dignitas, tam stanti quàm sedenti plurima inerat. Cervix quamvis obesa & brevior, venterque videretur proiectior, tamen hoc ceterorum membrorum cælabat æqualitas, incessu firmo, totaque corporis, habitudine virili voce clara quidem, sed quæ minus corporis formæ conueniret valetudine prospera, præterquod antequam discederet, per quatuor annos crebris febribus corripiebatur. Venationibus frequenter studebat, ratus ad sanitatem corporis conferre, ad extremum etiam vno pede parum claudicabat. Erat eloquentia copiosus & exuberans, poterat quidlibet decenter efficere, nec patrio sermone contentus, etiam peregrinis linguis ediscendis studebat, in quibus latinam ita perdidicit, ut ea quasi patria lingua orare esset solitus, artes liberales studiosissimè coluit, earumque doctores plurimum veneratus, magnis extulit honoribus, & sagaci intentione cursum syderum curiosissimè rimabatur. Delectabatur etiā vaporibus aquarum naturaliter calentium, frequenti natatu se exercens, ob hoc etiam Aquisgrani palatium extruxit, ibique extremos vitæ annos usque

que ad obitum duxit. In cibo & potu temperans, sed in potu præcipuè, ita vt supra cœnam raro plus quàm tet biberet, sed cibi non deo moderator, vt sæpe quereretur, noxia corpori suo esse ieiunia, cœna quotidiana quaternis tantum ferculis præbebatur præter carnem assam, quam venatores verubus conferre solebant, qua ille libentius quàm vltimo alio cibo vesceretur. Cuius Christianissimi Imperatoris temperantia huius æui luxuriam procul dubio seuerè castigat, cum ille non tam gulæ desiderio, quàm naturæ necessitati satisfecerit. In pauperibus sustentandis deuotissimus erat.

*nuictus Carolus Francorum gloria gentis,
Virtutu cultor, Regia sceptragerit.
Magnanimus fortis fuerat, procerus in armis
Rex pius exiiterat, promptus & ingenio.
Gasconiam primo domuit, mox Saxoniamq;
Thessilo Baiorum Dux quoque succubuit.
Longhardos bello vicit, nec non Saracenos,
Romanus præsul, liber in vrbe fuit.
Post quoq; Burgundos domuit, Frisiosq; feroces,
Omnia perdecens turpiter igne simul.
Ios bello aggressus Carolus qui Francica signa,
Armarat felix, victor vbiq; fuit.
Et Frisios bello domuit, paruumq; tributum
Indidit, vt possent Frisica iura pati.
Contign hinc tandem Christi quoq; gens populosa
Suscipere felix vndiq; dulce iugum.*

Passim

*Passim destruxit perituraq; templa Deorum,
 Et stravit verum religionis iter.
 Fundavit Carolus templa & monumenta virorum,
 Qui laudes Domini, nocte dieq; canunt.
 Hinc merito electus Casar gratissimus orbi,
 Romanum imperium fortiter instituit.
 Inde senex moriens, nato sua regna relinquit,
 Alternam requiem nactus & ipse sibi.*

CAPUT XX.

SEquitur Bulla Caroli Magni Frisonibus
 data, cuius exemplar ad fidem inseren-
 dum operæ precium putavi, quum mul-
 ti aduersus hæc antiquitatis testimonia con-
 surgunt, & negent Caroli Magni hanc esse
 Bullā, sed anilia esse deliramenta, & à quopiā
 ingratiam Frisiorum conscripta, quamuis
 originalem Bullam præsentī die extare in
 archiuis Ducatus Geldriæ, relatione fide di-
 gnorum acceperim. Carolus diuinā fauen-
 te clementia Romanorum Imperator, Fran-
 corumque Rex semper Augustus. Omnibus
 tam præsentibus quàm futuris salutem & pa-
 cem in Domino. Ne ea, quæ aguntur in tem-
 pore, simul cum tempore labantur, solet iu-
 dicij testimonium scripturæ memoria per-
 hennari. Ea propter quæ à nobis facta sunt,
 ad obliuionis confusionem euitandam, vni-
 uersorum notitiæ cupimus præsentium fide
 decla-

declari, quod cum Ludgerus Dux Saxo-
niae Ducatū suum iure feudali teneret ab Im-
perio, ne hoc cognoscere curaret, tributum
ex suo ducatu à Cæsare Augusto statu-
m, quod & à prædecessoribus suis singu-
lis annis prædecessoribus nostris solutum
erat, nobis exhibere contemneret, modis
omnibus se sacrosancto Imperio Ro-
mano & nobis per suam superbiam oppone-
bat, & se in præiudicium, & grauamen Im-
perij, pro Rege gereret, seque Regem Saxo-
niae vocare præciperet: Nos tandem huius-
modi suam superbiam, & iniuriam dicto
Imperio & nobis sæpius illatam diutius dis-
simulare aut sustinere non valentes, inuo-
cato Frisonum orientalium & occidenta-
lium auxilio, quos viros strenuos, agiles, &
audaciae, multorum id affirmante te-
stimonio intelleximus, quibus etiam idem
dux multa inferebat grauamina, eò quòd
eisdem suæ volebat subijcere potestati, tum
viriliter hi sese defendendo eidem
efficaciter resisterent, maximè gauisi sunt,
quod eorum auxilium inuocare dignaba-
ntur, nobisque per nuncios suos sponde-
bant, certos & securos reddiderunt, quod
parati esse volunt, & deberent in nostrum
auxilium & subsidiū, & quod ad ob-
tinendum Imperij honorem & nostrum, vi-
tā suam vellent & essent parati exponere.
Sicque

Sicque dicti Frisones sine mora & dispendio, se ad ineundum prælium contra Ludgerum Ducem & exercitus suos præparauerunt, & termino statuto ad inuadendum ipsum, & terram suam cum maxima multitudine Frisonum, Ducatum Saxonie in manu forti intrantes, viriliter & crudeliter cum prædicto Duce, & exercitibus suis dimicantes, ipsum Ducem & exercitus suos iam dictos, euicerunt. Ipsum Ludgerum Ducem vnà cum dignioribus satrapis sui Ducatus Saxonie captiuarunt, quos funibus connexos nobis traderunt, qui de huiusmodi victoria laudabili, nobis & sacro Imperio obtenta, maxime exultantes ad propria cum gaudio remeauerunt. Item, cum aduenæ Romani mandatis nostris obedire contemnerent, & quædam iura in imperij præiudicium & grauamen nostrum sibi vsurparent, & nos auxilium fidelium imperij ad resistendum eorum iniurijs inuocassemus, id quamprimum dicti Frisones intellexissent, non vocati à nobis, de suo libero arbitrio & voluntate spontanea, cum multitudine copiosa in subsidium nostrum venerunt, & ab exercitu nostro se separantes, in Romanos, qui per suam superbiam ultra pontem Miluam nostro exercitui occurrerunt, potenti virtute irruentes, quamplurimis ex vtraque parte interfectis eosdem euicerunt, & per nobiles Romanos, quos

quos cum post tempus conflictus ceperant,
nobis Romam subiugarunt. Nos itaque con-
siderata horum Frisonum fidelitate, dexte-
ritate & audacia, attendētes etiam fidele ob-
sequium eorum, quod Imperiō & nobis, in
diuersis eorum argumentis, quā creberri-
mē exhibuerunt, de consueta Regiæ Maiesta-
tis benignitate, ipsis Frisonibus & imperio
fidelibus gratiam volentes facere specialem,
de consilio fidelium nostrorum, accedente
etiam ad id Principum imperij consensu, tri-
butum à Cæsare Augusto statutum, videlicet
viginti libras auri, quas nobis & prædecesso-
ribus nostris singulis annis pendere & exhi-
bere consueuerunt, remisimus. Ita quod ne-
que nos, neque successores nostri, id ab ipsis
vel eorum hæredibus de cætero requirere-
mus, vel aliquas exactiones in ipsos facere-
mus. Præterea auctoritate Regia indulsimus
eisdem, vt cum omni sua prole nata vel nasci-
tura, in perpetuum liberi permaneant, & à
seruitute proprietaria penitus sint absoluti.
Statuimus etiam, ne quis eis dominetur, nisi
sit ex eorum voluntate & consensu. Et ne iu-
dicibus & iure videantur carere, statuimus
vt ex suis eligant consules, quotquot vide-
rint sibi expedire, qui in causis secularibus,
de quibus ipsis quæstio mota fuerit, iudices
existant. Statuimus etiam, vt eosdem consu-
les singulis annis secundum consuetudinem
Roma-

Romanam, eligant personas idoneas & discretas, sub quorum regimine, dominio & gubernatione Frisia sit constituta, & subiecta in omnibus, & per omnia, tamquam suo vero domino infra terminum sibi ab ipsis teneantur obedire, quæ persona potestas Frisix ab omnibus debet appellari. Insuper statuimus ut si qui ex ipsis sustentationem habuerint vel militare voluerint, dicta potestas eis gladium circumcingat, & dato eisdem, sicut consuetudinis est, manu colopho, sic milites faciat, eisdemque firmiter iniungendo præcipiat, ut deinceps more militum sacri Imperij, aut Regni Franciæ armati incedant, eod quod consideramus si prædicti Frisones secundum staturam corporis & formam, eis à Deo & natura datam, hic militauerint, cum eis in orbe terrarum militibus sua fortitudine, ingenio & audacia (dummodo ut prædictum est sint armati) facile præcellent & præualebunt. Qui Frisones signum suæ militiæ à dicta potestate recipere debent, in quo corona Imperialis in signum suæ libertatis nobis concessæ debeat esse depicta. Item statuimus, ut Frisones nolentes militare, & in substantia habentes, sint usque ad summitatem aurium circumtonsi, auro in eorum paludamentis undecumque splendentes, ut per hoc suam valeant ostendere libertatem, ipsi (ut præmittitur) à nobis esse collatam. Et si
qui

quis hanc eorum libertatem aliquo ansu temerario infringere voluerit, vel violare præsumpserit, secundum sententiam, quam annuentibus Imperij Romani principibus tulimus, tam ipsi quàm eorum coadiutores sint proscripti, & à consortio fidelium exclusi. Præcipimusq; autoritate nostra Regia, eisdem tamquam proscriptos & aduersarios Imperij, ab omnibus euitari debere, & si quisquam eisdem ad præliandum contra dictos Frisones astiterit, vel adiutorium præstiterit, eandem pœnam & offensam Imperij & nostram se nouerit incursum. Autoritate etiam præmissa statuimus, quod si iisdem aliquo casu contingenti in ipsorum vita vel bonis aliquod damnum à dictis Frisonibus, vel ab aliquo fuerit illatum, nec successores nostros, neque alij iudices seculares ad alicuius instantiam, iisdem aliquam ex hoc exhibebunt iustitiam. quum potius tamquàm proscripti Imperij sint seuerius puniendi, quàm fauoribus quibusuis, vel à nobis, vel ab imperio prosequendi. Hanc autem sententiam nostram in fauorem Frisonum sic à nobis dictam esse & collatam autoritate statuimus in perpetuum firmam, ratam, stabilemque haberi & obseruari, & nos etiam tenore præsentium protestamur à sanctissimo Domino Patre nostro Papa Leone impetrasse & obtinuisse. Quod si prædicti Frisones de huiusmodi

modi grauaminibus ipsis à præfatis malefactoribus illatis, querimoniam fecerint, tamen ipse Dominus Papa iam dictus, quàm sui successores, ostenso ipsis suæ libertatis priuilegio præsentem, eosdem excommunicabunt, & denunciari facient excommunicatos vbique terrarum, specialiter autem qui seculares habuerunt dignitates, quos sub interdicto ponent, quæ sententia interdicti, aut excommunicationis, nullatenus relaxari poterit, nisi per speciale S. Pontificis mādātum. Et vt hoc laudabile factū nostrū robur obtineat æternæ firmitatis, nec à nobis nec à nostris successoribus, seu à quocunq; alio aliquatenus infringi possit, vel etiā in dubiū reuocari valeat, & etiā vt dicti Frisones nobis fideles, & dilecti iam memorati, tali in perpetuū gaudere possint priuilegio, præsentem paginam exinde conscribi, & Bullæ aureæ munimine in testimonium omnium horum roborari fecimus. Huius igitur facti laudabiles testes sunt, VVencelaus Rex Bohemiæ, VVarnandus Dux Bauariæ, Lipoldus Dux Moranensis, Henricus Dux Austriæ, Otto Dux Sueuiæ, Conradus Margrauius Meysonensis, Harboldus Landgrauius Turingiæ, alijque Principes & viri honesti complures. Actum & datū Romæ in Lateranensi Palatio. Anno Dominicę incarnationis octingentesimo secundō, indictione sexta, Regni nostri secundō sedente

sedente Leone tertio Papa, & imperāte Carolo Magno. Hæc de literis Serenissimi Regis Caroli ad verbum transcripsimus, vt fidei testimonio pernoscamus libertatem, quam victoriosissimus Rex post impositum à Danis iugum seruitutis Frisijs dedit, vt liber esset, populus à iugo tributorum & omni exactione.

C A P V T XXI.

VT autem ad intermissam temporis seriem redeamus, temporibus Gregorij Papæ secundi & Pipini Imperatoris, teste Iohanne Spanhemensi libro de Ecclesiasticis scriptoribus, fuit in Germania D. Bonifacius Moguntinensis primus Archiepiscopus, natione Anglus, aut vt quidam dicunt, Scotus, Germaniæ Apostolus, Monachus ordinis S. Benedicti, vir citra controversiam Deo longe charissimus, cuius epistolæ extant & ostēdunt eum in Turingia & vicinis locis multos Ecclesiarum abusus emendasse, tandem à Gregorio Papa secundo in Germaniam missus, propter summam pietatem, doctrinam, integritatem morum, & indefessum studium, & zelum propagandæ religionis Christianæ, Moguntinensis Episcopus est ordinatus. Ac postea vt Frisios quosdam, antea Christianos, sed in paganismum paulatim relapsos, salubri doctrina ad

T a

puri-

puritatem Christianismi reduceret, resigna-
 to Episcopatu Moguntinensi, factus est Epi-
 scopus Traiectensis, assumptisque aliquo
 fratribus fidei zelo feruentibus, ad infidelen
 populum Frisiae nauigando descendens, de-
 uenit ad partes eius, quæ ea ætate sub religio-
 nis Christianæ prætextu, idolorum cultura
 seruiebant, ut animas Christo lucrificeret
 illamque gentem proposita Euangelica luc
 illustraret. Constanter ergo progressus ubi-
 cum ingenti feruore verbum Dei prædica-
 bat, & multos Frisones, relictâ idololatria, ad
 Religionem veram conuertit, infanientis
 vulgi minas parui pendens, exhortantibus
 discipulis suis, Euangelium constanter ape-
 ruit, & verbum æternæ salutis insultanti po-
 pulo prædicare non distulit. Quumque iam
 Deo disponente, palma eius martyrij adesse
 set, peruenissetque secus ripam fluuij vel flu-
 minis, quod Borne dicitur, quod est in con-
 finio eorum pagorum, qui vulgari lingua
 Oestergoe & VVestergoe dicuntur, ibique
 fixis tentorijs, sese aliquantis per recreationem
 dedissent, ac nuper conuerso populo, & ba-
 ptizatis omnibus diem statuens eò conueni-
 re, ut Confirmationis sacramentum percipi-
 rent: Frisij paternis monitis, auribus pertina-
 citer obturatis reiicientes, cum gladijs & lan-
 ceis in athletas Dei irruerunt, ipse B. Pont-
 sex inde contendit ad vicum, qui dicitur
 Dockin

Dockinga, nunc autem Dockum. Et cū dies illuxisset, venit Frisiorum ingens multitudo cum lanceis & gladijs, cœperuntque in cāstra sanctorum irruere. Sed S. Bonifacius nequaquam à prædicatione verbi Dei desistens, tātò feruentius Dei verbum prædicabat, quantò amplius furens plebs sæuiret. At Frisij irruentes in sanctos Dei famulos, eos morte cruenta trucidantes, & ad terram prostrauerunt, ita vt ipse post multiplices labores, & continua sanctæ vitæ studia, cum sedecim annos per Frisiam fideliter prædicasset, anno Domini 782. Nonas Iulij in Dockum, cum quinquaginta duobus viris doctissimis, socijs, & discipulis suis, ob prædicationis officium, pro fide Christi crudelissimè trucidaretur. Ibidem autem cum panem peteret à Frisonica muliere, vetus habet fama, dum in fornace conquerentur, illa negabat se habere panem, & quum dictus martyr instanter peteret, illaque instantius pernegaret addita imprecatione dira, vt, si haberet, in lapides conuerterentur, continuò propter illusiones in fidei Catholicæ professorem factas, ex vindicta Dei in lapides transmutati sunt, qui in hodiernum diem pro memoria S. Martyris ibidem seruantur in archiuis Ecclesiæ, imò & fama, & fide receptum videtur, hos lapides aliquando panes fuisse, quum etiam formā panis, & pristinum saporem & candorem retineant.

tineant. Quod autem hæc non fabula sit, aut
in laudem pietatis dicti martyris confictum
sed rei veritas, attestor ego, qui quinque pa-
nes ex eis oculis meis vidi, & saporem gusta-
ui. Huius vitam à D. Villibaldo Eisteten-
Episcopo primo posteritati commendatam
esse, testimonia nemini dubia supersunt. Ob
cuius eximia merita ibidem à Frisijs, ad fidem
Christi conuersis, celebre constructum est
Monasterium ordinis Præmonstratensium
vt sequenti capitulo dicetur, in cuius sacra
æde honoratur Sanctus ille vir magnifico se-
pulchro, quale decet hominem numini di-
uino acceptissimum. Et alia ornamenta pe-
culiaria, tum ipsius Bonifacij intestina, alio-
rumque complurium martyrum mirifico
odore flagrantia, ob singularem charismati-
Spiritūs sancti honorandam memoriā, in
hunc diem Cimbæ implicata, reseruantur, &
ibidem multis miraculis clara visitantur. Ex-
tant ibidem à Sancto illo viro multa antiqui-
tatis monimenta, & diuinę mentis argumen-
ta, vt superius in descriptione ciuitatis Doc-
kumanę dictum existit, eiusque etiam cra-
nium à Frisijs ense amputatum, adhuc in mo-
nasterio illius loci conseruatur & ostendi-
tur. Corpus verò eius B. Lullus (quem post se
ordinauerat Archiepiscopus) ad Monaste-
rium Fuldense ordinis D. Benedicti in Bu-
chonia sitam, reduci fecit, & honorificè sepe-
liri.

liri. Quidam autem Christi fideles, collectis
tredecim Sanctorum martyrum corporibus,
transferunt Traiectum repentino nauigio,
atque ibidem in Ecclesia S. Saluatoris con-
gruo honore corpora humarunt. Reliquit
post se sanctus ille martyr nouum Testamē-
tum Græcanica phrasi suis digitis conscriptū.
Is autem S. Bonifacij liber hostili ferro læsus,
qui instar clypei cædentibus Frilijs ethnicis
obiectus, virtute tamen Dei, de manibus gen-
tilium seruatus est. Conciliat præterea huic
ædi perpetuum nomen & decus, annua pere-
grinatio ex omni Frisia, populorū sæpe per-
multa milia Christianorum, religiose ad hæc
nostra tempora ibidem confluentium. Ho-
rum tandem sanctorum indignam mortem,
Deus in filios filiorum vindicauit, vt passim
ex eorum familijs (quorum maiores tam ne-
pharium scelus perpetrarunt) in hunc diem
videntur, in occipite habere grossos crines
subalbi coloris, in modum caudæ cuiusdam
bruti animalis, vt iustè dixeris: Sentit adhuc
proles, quod commiserunt parentes.

C A P V T XXII.

IN loco, vbi quondam preciosus Christi
martyr sanguinem fudit, quum Frisones
aggesta terra collem erigerent, propter
læsiones maritimasque irruptiones ex maris
æstu quotidie veniētis, ibi Ecclesiā extruere,

T 4

& ser-

& seruorum Dei habitacula collocare properabant. Et facimus tantæ memores Frisij disputare cœperunt de aquæ defectu dulcissimæ, quam loci illius habitatores, seruorum Dei ope habuerant, cuius penuria pene per totam Frisiam, tam hominibus quàm iumentis non paruum gignit difficultatem. Tunc vnus Deo volente Abbo nomine, præfectus terræ, Pipini Regis constitutione, sumptis secum collegis, equum ascendit, cum quibus girato collo, & tumultu inspecto, qui iam perfectus erat, ecce repentè cuiusdam pueri caballus pedibus anterioribus terræ infixis, & cruribus nutantibus ruinam penitus minabatur, mox hi, qui agiliores erant, cum descensis suis caballis accurrerent, vt equum terræ inhærentem extraherent, statim fons limpidissimus, præter consuetudinem patriæ, prorumpibat, miroque sapore potantibus suis aqua erat, qui per incognitos meatus transiens, adeo largiter profluebat, vt iam riuus maximus videretur. Quo obstupefacti miraculo, exultantes, ea quæ viderant, vbique diuulgauerunt glorificantes inde Deum. Hæc omnia sumpta sunt ex legenda S. Bonifacii martyris. Est autem hodie in loco illo vbi S. Bonifacius cum suis socijs est passus martyrium, nobilis exstructa Ecclesia cum Monasterio adiuncto, quod olim Canonicos Regulares tenuisse crediderunt, eò quòd S. VVilibrord-

Lebrordus primus Episcopus Traiectensis,
cum suis socijs, & S. Bonifacius annis tredecim
cum eo ante Episcopatum suum, & mul-
ti Episcopi Traiectenses, multo tempore
post eos in habitu & regula Canonico-
rum Regularium Traiecti in Monasterio dege-
runt, teste Marcellino in legenda S. Suidber-
ti, & ab his ipsis primo inhabitatum videtur
hoc Monasterium in Dockum, & vetustissi-
mum esse totius Frisiae, quia haud multum
post mortem S. Bonifacii fundatum apparet.
Scribit enim S. Rixfridus, septimus Episco-
pus Traiectensis, in quadam epistola ad S.
Ludgerum primum Episcopum Monaste-
riensem: Deus, inquit, nos in nostro Mona-
sterio Frisiae in pago Dockum, in quo B. Bo-
nifacius secundus Traiectensis Ecclesiae Epi-
scopus cum quinquaginta duobus fratribus
martyrium pertulit, &c. Et infra in eadem
Epistola sua ait: Admonitione & exhortatio-
ne fratrum conuentus in Dockum, ad tuam
fraternam dilectionem habeo fidelissimum
accessum. Ex his S. Rixfridi Episcopi verbis
patet, suo tempore fuisse hoc Monasterium
eiusdem ordinis, cum conuentu Traiectensi,
qui (teste S. Marcellino) erant Canonici Cae-
nobiales, siue Regulares. Continentur etiam
in eodem Monasterio & Ecclesia, trigin-
ta corpora sanctorum martyrum, quia vt su-
perius diximus, corpus S. Bonifacii ad Mo-
naste-

raſterium Fuldenſe & tredecim aliorum ſoci-
 ciorum eius, aſportata fuerunt Traiectum,
 & reliqua ibi manſerunt. Item eius caſula, al-
 ba, manipulus, ſtola, atque calix, item eius
 baculus Paſtoralis ſiue epiſcopalis, & cyphus
 argenteus, non diſſimilis poculis, quibus
 mendici vtuntur, capiens vini amphoram
 dimidiatam, ex quo Sanctus ille vir bibere
 conſueuerat, ſed nimis longum eſſet orna-
 menta omnia recensere. Itaque hic ſubijciam
 Carmina Alcuini Anglici Doctoris eccleſia-
 ſtici, & Magiſtri Caroli Magni, de Eccleſia S.
 Bonifacij in Dockum compoſita.

*Hic pater egregius meritis Bonifacius almis,
 Cum ſocijs pariter fundebat ſanguinis vndam.
 Indita martyrij ſumens ſtemmata ſacri,
 Terra beata nimis, ſanctorum ſanguine diues,
 Tranſuolat hic victor miles ad premia cali,
 Vltima ceſſitibus iſtis veſtigia linquens.
 Suadeo quapropter, curuato poplite ſupplex,
 Tu quicumq; legis, terris hiſc oſcula fige.
 Spesq; tibi fiat, lachrymis aſcendere calum
 Hic potuiſſet.*

*Hic manet ille cruor, cuncto precioſior auro,
 Membraq; caeſti rere hac perſuſa quieſcunt.
 Adiuvat hinc Paulus, doctor Bonifacius inde,
 Hac illis quoniam conſtat ſimul aula dicata.*

CAPVT XXIII.

Difficile ad fidem Chriſtianam conuer-
 ti poterant Friſones, & trecentos fere
 annos

innos ita in paganismo hærentes, paulatim
amen, nunc parte vna, nunc altera, tandem-
que tota, sed diuersis temporibus, verã Chri-
sti fidem susceperunt, & ab eo tempore verũ
Deum, & filium eius, quẽ misit Iesum Chri-
stum cœperunt agnoscere, & facta est omniũ
virtutum amatrix, præsertim liberalitatis &
hospitalitatis, qua incolæ eius in aduenas &
peregrinos vtuntur. Id quod demonstrat
orthodoxa Religio, & cultus diuinus,
tem egregia templa, Cœnobia & Monaste-
ria tam virorum quàm virginum magnificẽ
extructa, & liberaliter dotata, atque à Caroli
Magni tẽporibus variis monumentis decora-
ta, prout in sequẽti capite latius explicabitur.
Et qui eos primo prædicatione verbi diui-
ni à paganismo ad Christianismum conuer-
terunt, & vias æternæ salutis Frisijs aperue-
runt, fuerunt viri Apostolici & zelosi, vide-
licet S. Cunibertus Archiepiscopus Colo-
niensis, Suitbertus, VVillehadus Bremensis
Episcopus, qui tam Frisijs quàm Saxonibus
prædicarunt. Post martyrium S. Bonifacij,
hic obiit senex & plenus dierum in Frisiæ pa-
go Pleccasse, nunc vocant Blixen, in ditione
Rustringensi, tum etiam VVillebrordus An-
glus Episcopus Traiectensis, vir pius & fan-
ctus, qui à multis Frisonum Apostolus no-
minatur, & fuit de stirpe Regis Engilti, qui,
vt dictum est, cum Horsa fratre primi fue-
runt,

runt, qui Angliam cum Frisonibus inuaserunt, ac ipse VVillebrordus à Gregorio Pontifice Romano Episcopus ordinatus, & ad conuertendam gentem Frisonum paganorum in littoribus Oceani occidui transmissus, multas Ecclesias, (destructis delubris) in occidentali Frisia construxit, & prædicatione verbi diuini per quinquaginta annos decorauit, & Frisiam magna ex parte ad fidem Catholicam conuertit. Deinde à S. VVillebrordo missus est S. Marcellinus presbyter, de quo S. Ludgerus protoepiscopus Monasteriensis scribit ad venerabilem Rixfridum Traiectensis Ecclesiæ Episcopum: Marcellinus (inquit) egregius presbyter ultra septuaginta annos Christum euangelizando, præfuit paganis & gentibus, magnam Frisiæ partem conuertendo. Sed deinde propter suam imbecillitatem, decrepitamque ætatem è Frisia ad conuentum Traiectensem à S. Gregorio Episcopo reuocatus est, quo facto multi prope Aldenzeel in Frisia & in finibus eius neglectis fidei sacramentis, quibus erant feliciter ab eo imbuti, ad erratica idolorum phana, & philacteria dæmoniacæ artis sese conuerterunt, ad quorum errorem corrigendum ab aliquibus incolis Christianis eiusdè provinciae, vt celeriter ad illos perfidos rediret, humiliter est requisitus, & ab eodem Gregorio Episcopo ad illos missus, ducens illos sua
fructi-

fructifera prædicatione, ad viam veritatis
eos denuo reuocauit. Qui etiam vico Dockū
publicè coram Haddone, Tranburgo, Hen-
rico, Gerardo & Aldelgero, alijsque fratri-
bus audientibus prædixit, S. Ludgerum po-
pulis rudibus vltra Lauicam siue Lanam flu-
uium verba vitæ ministraturum; quæ om-
nia sortita sunt effectum. Præterea dum cur-
rum ascenderet profecturus Aldenzeel, &
omnibus ferme fratribus Conuentus Traie-
ctensis ad currum comitantibus, & propter
suum discessum piè mœrentibus, ecce obuiā
habuit ante portas Monasterij duos viros
squalida lepra infectos, ligneo sono eleemo-
synas petentes, quos vt vidit confusus in Do-
mino, fusa tacitus prece ad Dominum, cali-
cem sibi ad potandum porrigi iubet, & be-
nedicens misit illis leprosis, & propter con-
firmationem neophytorum astantium, præ-
cepit illis vt ex eodem calice biberem, quī
bibentes statim sunt mundati, omnibus astā-
tibus & stupentibus de tam insolito miracu-
lo. Ipse verò gratias agens Deo salutis autho-
ri, salutatisque singulatim fratribus omnibus
recedens, in Aldenzeel aliquot annos degēs,
Christum deuotè annuncians, ac multorum
aliorum miraculorum signis effulgens, ibi-
dem feliciter requieuit in Domino. Hęc Lud-
gerus Ediscopus prolixius de S. Marcellino
scripsit, vt cognita viri sanctitate, scripta eius
magis

magis authentica habeantur. Ipse enim non audita, vt Venerabilis Beda & quidam alij, qui hanc materiã tractantes, scripserunt: sed visa & reperta retulit, itaque ipsum non immerito alijs scriptoribus præfero. Præterea VVillehadus Bremensis, Hildegimus Friso Episcopus Halberstadiensis, Ludgerus Episcopus primus Monasteriensis, & ipse Friso & frater antedicti Hildegimi, successiuis temporibus ad Christi fidem propagandam in Frisiam venerunt. Erat quippe Ludgerus ex parentibus Friso natus, vir ab utero matris sanctificatus, qui prædicationis sancto officio tam ardentem incubuit, vt merito Saxonum & Frisonum Apostolus (vt inquit Rhenatus) & memoraretur, & esset. Quippe ipsum in vita pariter & in morte multis miraculis constat claruisse, qui primo construxit summum templum Monasterij, & dotauit illud, ad cuius ædificationem maioris templi Monasteriensis, contribuerunt ingentes oblationes & pecunias, populi partium Frisie, videlicet Hunsinga, Fimelinga, Phedagra siue Reidentis, qui ab eo ad fidem Christi conuersi, fuerunt Ludgero amicissimi, vt secundo libro dictum est. Quippe regio Frisorum prædicatione D. Bonifacij Archiepiscopi illustrata, multos habuit, & emisit religioni Christianæ addictissimos Christianos. Monumentum huius rei in summa Ecclesia
Mona-

Monasterienſi oſtenditur in pariete, & anti-
 qua pictura Friſonum, offerentium D. Paulo
 munera, ſupra ianuam ſeptentrionalem ver-
 ſus occidentem inſcriptam, quam picturam
 ſuperioribus aliquot annis fere oblituratam,
 & deletam ab Anabaptiſtis, noſtra vidit ætas
 per reformationem egregiè inſtauratam, &
 arminibus ſequentibus illuſtratam, à viro
 doctiſſimo & poëta Rodolpho Langio, Ca-
 nonico eiufdem Eccleſiæ.

*uſcipe virtutes maiorum Friſia diues,
 ad maiorum oculos ſtudio reparata vetuſtas.
 Quam bis tincta nouo, deſtruxit turba furore,
 arte repurgatam, nitidoq; colore politam.*

CAPVT XXIIII.

Mortuo ſanctiſſimo Bonifacio, marty-
 re & Archiepiſcopo, ſucceſſit ei in E-
 piſcopatu Traiectenſi Gregorius vir
 doctus & ſanctus, quem Bonifacius ante
 mortem ſuam ſibi ſucceſſorem ordinaue-
 rat, qui prædicationem ſanctæ fidei per
 prædeceſſores ſuos VVillebrordum & Bo-
 nifacium Episcopos in Friſia cœptam, ſtu-
 dioſe ſecundum gratiam ſibi à Deo da-
 tam continuauit. Sed Deus pater miſericor-
 liarum, & Deus totius conſolationis, vo-
 lens vt omnes homines ad agnitionem
 fui

sui peruenirent, prouidit S. Gregorio Episcopo prædicto, de fidei & strenuo prædicatore, qui secum in Frisiorum conuersione diligenter laboraret. Nam S. Anscharius secundus Episcopus, & primus Archiepiscopus Bremensis scribit, quod fuerit vir quidam venerabilis de gente Anglorum nomine VVillehadus, qui factus presbyter, audiuit Frisones & Saxones, qui hactenus increduli fuerant, iam relicta idolorum cultura, fidei Catholicæ cœpisse mysteria. Hoc itaque audito, vir Dei magno repletus est gaudio, & inuoluntate quærere cœpit, quomodo pro Dei amore illas in partes se trāsferre posset. Quare diuino institutus spiritu, accessit ad Regem Angliæ nomine Alachart, indicans ei quod zelo Dei accensus esset, petijtque ut eius licentia atque permissu ad prædicandum verbum Dei in Frisiam & Saxoniam sibi adire liceret. Rescripta autem comperta eius sanctissima voluntate conuocato ad se Episcoporum aliorumque seruorum Dei non paucorum numero, eum ad prædictam causam prædicandi verbum Dei destinauit. Qui mari quantocius transmeato, venit in Frisiam, ad locum quæ dicitur Dockinga, qui est in Oestergoe, ubi B. Bonifatius Episcopus iam dudum erat martyri coronatus. Ibi ergo dictus VVillehadus Anglicus, flagrans desiderio, ut martyrium subire posset pro Christi nomine, quemadmodum

dur

lum & S. Bonifacius Moguntinus Archiepi-
scopus non ante multos annos in gente Fri-
sonum fuerat, quæ veteri Saxonie olim an-
numerabatur, aut animas Christo per Euan-
gelium eius lucrificare posset, multa fecit, &
plurima passus est, vt in fide confirmaret eos,
quos memoratus martyr & pontifex Domi-
no quæsierat, quoniam per prædicationem
prædicti martyris, multi antea ad fidem in-
structi fuerant, cum magno honore ab illis
susceptus est. Itaque docens quæ Dei sunt,
multo tempore ibi habitauit, nam & plurimi
nobiliū, infantes suos ipsi ad erudiendum
ibidem tradiderūt, quos ille tã verbo, quàm
exemplo, piæ conuersationis ad diuinum ex-
citabat amorem, multosque errantes olim à
fide, ad veram Catholicam reuocauit scien-
tiam, seque maximum lumen supremæ clari-
tatis eodem in loco exhibuit. Gentiliū quo-
que quamplurimam cateruam, sua prædica-
tione instructam, ibidem baptizauit. Inde
procedens transijt flumen Lanum, vulgari
lingua *de Lauverts*, venitque ad locum qui
dicitur Hugemertka, nunc *Hummers*, ibique
barbaris cœpit prædicare nomen Domini,
atque persuadere, vt relicta idolorum super-
stitione, vnus verbi Dei notitiam suscipe-
rent, insaniam & vanum esse, à lapidibus au-
xilium petere, & in simulachris surdis ac mu-
tis salutem ponere. Quo audito gens fera, &
V ido-

idolatrijs nimis dedita, irata: in eum denti-
 bus stridebat, clamitans, non debere hun-
 hominem diutius viuere, imò reum esse mor-
 tis, qui tanta conuicia, contra Deos suos in-
 uictissimos dixisset. Quidam tamen inter eo-
 saniori consilio suadebant, cæteris ignotant
 sibi esse religionis viam, vtrum ex Dei volun-
 tate sit proposita, virum quoque illum nulli
 crimini obnoxium, neque in re tam dubia
 nec subito dandum neci, quæ propter inite-
 consilio, dimiserunt illum à se liberum exi-
 re, & pergere quò vellet, sicque transiens ve-
 nit in Trentam, ibique diutius immorans, &
 crebro euangelizans, vnde & credidit Gen-
 tilium multitudo quamplurima. Caroli de-
 inde Magni Francorum Regis iussu ad Saxo-
 nes diuertit, à quo & primus Bremensis Epi-
 scopus constitutus est, ibique post multos la-
 bores, dierum & bonorum operum plenu-
 mortuus est. Obijt autem anno Domini 768.
 Post transitum deinde S. VVillehadi, quum
 plures adhuc in Frisia ad idolorum cultum
 relabi conarentur, prouidit Dominus Deus
 populo suo Frisonico, ex propria ipsorum
 natione strenuum prædicatorem & idoneum
 nomine Ludgerum. Hic quasi alter Samue-
 (è ventre matris vti præcedenti capitulo di-
 ctum) videtur Domino consecratus, qui
 tantæ erat innocentiae, tantæ sanctimoniae
 cuius gesta strictim hic libet subiungere, vt et
 . faci-

facilius ad plurimorum perueniamus notitiam, & maximè Frisiorum, quoniã ab ipsis duplici honore præ cæteris sanctis merito est honorandus. Quia non solum ipse Frisios, vt S. V. Villebrordus, & alij Christo Iesu per Euãgelium genuit, sed eciam in Frisia, & ex Frisico genere natus est. Fuit quippe Ludgerus in pago Frisiæ, qui dicitur Vvyrum, nõ procul à Dockinga, nunc Dockum, in Dongerdeel, ex nobilibus & Christianissimis parentibus ortus, cuius pater dicebatur Thiargrinus siue Tyaerdt, mater verò Liassburch. Quem (postquam gratia Dei pariter & in corpore accrescens adolescentiæ ætatem attigisset) miserunt parentes eius ad Gregorium Conuentus Traiectensis Abbatem, postmodum tertium eiusdem Ecclesiæ Episcopum, literis sacris erudiendum, breui itaque tempore Ludgerus seculari statui abrenunciando tonsura accepta, se totum in Traiectensi monasterio, ad diuinum officium conuertebat, ubique successu temporis Acolythus, & deinde Subdiaconus ordinatus est eodem tempore, quo B. Gregorius Traiectensem regebat Ecclesiam, quo etiam tempore venit ex Anglia quidam sacerdos nomine Albericus, ad Christi nomen Frisonum & Saxonũ gentibus prædicandum. Cuius scientia & moribus vir Dei Gregorius delectatus, eum sibi Coepiscopum fieri instanter postulauit. Ad

V 2 hæc

hæc cum se Albericus nullo modo tale tantumque officium (nisi id ei per suum superiorem iugiter concederetur) assumere responderet, eundem mox Gregorius cum epistolis in Angliam remisit, iungens illi viæ comites, virum Dei Ludgerum Subdiaconum, & pariter Sigeboldum Diaconum. Erat quippe ea tempestate famosissimus Doctor in Anglia Alcuinus, qui Caroli Magni fuit præceptor, cuius etiam favore Imperator famosissimum illud olim vniuersale studium de Althenis Romam translatum, & exinde in Franciam Parisios transtulit. Hic igitur Alcuinus Doctor, præclarâ omnium bonarum artium & ingenuarum scientiarum scholâ in Cantuariæ Eboracensi, tenuit. Huius confestim familiaritate vir Dei Ludgerus potitus, per annum integrum illius lectioni insistebat, & post anni circulum Diaconatus ordine percepto cum Alberico Episcopatus apice insignitus Traiectum reuersus est. Sed non multo tempore post, iterum B. Gregorius misit Ludgerum, studio literarum, ad Alcuinum imbuendum in Eboracensium ciuitatem, ibi tres integros annos cum dimidio persistens, nedum sacras vtriusque testamenti scripturas reuoluuit, sed & ingenuas artes, bonasque scientias literarum secularium perdidicit, fuitque ipsi Alcuino Magistro suo & omnibus suis honorabilis ac acceptus. Porro diutius illic Ludgerus

gerus perstitisset, nisi quodam tristi fato præ-
editus, inde discedere fuisset coactus. Acci-
dit namque quod in contentione exorta, cu-
iusdam Comiti filius in ciuitate Eboracensi,
quodam Frisone occideretur, vnde ciues
iniuria moti, vltionem in omnes Frisones ili-
co conuerterent, vnde etiam negotiationes
suas intermittere oportuit, seque clam sub-
rahare cgebantur. Alcuinus verò de Lud-
gero sollicitus, adiuncto ei Diacono suo, vnà
cum alijs mercatoribus, clam inde Traiectū
remcare fecit. Deinde S. Ludgerus destina-
tus est in Frisiam, ad Deorum phana & ido-
orum simulachra destruenda, plurimi nam-
que ibi erant adhuc gentilium superstitioni-
bus dediti. Igitur Ludgerus assumptis secum
nonnullis fratribus ex conuentu Traiectensi,
illuc citissime perrexit, vbi gratia Dei & vi-
gili constantia nomen Christi prædicans, po-
pulum valde durum instruxit, ac mirabili
sagacitate templum cum Deorum idolis, absq;
omni contradictione, coram illorum cultori-
bus destruxit, & in Christi Ecclesias com-
mutauit. Tunc Albericus Antistes B. Ludge-
rum sacerdotij gradum fecit percipere, quia
hactenus in Leuitarum officio ministraue-
rat: & quia Frisonum gens eo adhuc tempore
multum in fide Christiana rudis erat, ideo
Antistes Albericus constituit dictum Lud-
gerum, iam Christi sacerdotem in pastorem

Ecclesiæ in pago Dockum in Oestergoë, eò quòd ipsum nouerat fidei puritate, & doctrinæ facultate pollentem, & ob suorum parentum & cognatorum gratiam, qui illic spectabiles habebantur. In quo quidem loco dudum (vt supra diximus) B. Archiepiscopus Bonifacius cum suis socijs, martyrio fuerat coronatus. Dignus quippe tali loco, aut locus tanto sacerdote, locus inquam, qui tanti martyris est sanguine consecratus, tantum dignus erat habere pastorem. Itaq; vicissim, vel locus sacerdotem, vel locum sacerdos commendat. Quo in loco septem continuis annis Frisij feruentissimè prædicabat, vtpote suæ gentis & nationis salutem ardentissimè sitiens.

CAPVT XXV.

CVmque S. Ludgerus post multos salutiferos labores ad proprium solum rediisset, & esset quodam tēpore in VVertiua suæ nationis loco, seu Frisonico nomine VVierum prope Dockum, vbi ex sua hæreditate Ecclesiam construxerat in proprio fundo, & ibidem etiam Monasterium fundare decreuerat, vidit in somnis visionem, quomodo Dominus hominum iniquitates per Nordmannos esset vlturus, viditque ex aquilone per mare caliginosas quasdam & terribilissimas nubes exurgere, quæ paulatim magis

gis crescerent, & sua tandem mole ingruen-
tes, Christianitatem plurimum infestarent,
& ipsum à maritimis locis Frisæ ex intuen-
tium oculis penitus abducerent, vnde toti
Frisæ ingens caligo, horribilesque tenebræ
ingestæ fuerunt, atque habitatores immanis
timor percussit. In quo mœrore dum sic ali-
quamdiu persisterent, sol se tandem ex Au-
stro recuperans, vi sua tenebras inuadere, at-
que sensim radios suos, quamuis pallidiores
emittere videretur, donec ad pristinum sta-
tum reuersus, detergenda caligine, rursus vni-
uersas nubes penitus trans mare fugaret. Quã
visionem dum vir Dei animo suo manè per-
penderet, se non vanum vidisse somnum, sed
veram superiorem prophetiam supernè re-
uelatam credidit. magnaque exuberans mœ-
stitia, lachrymatus est. Vnde cum soror eius
Heriburga, quæ tunc secum illic erat, cau-
sam tantarum lachrymarum exquisiisset,
respondit: Charissima soror, grauissimum
hac nocte somnum habui, mihi que videre
visus sum, quod totum cor meum dolore
concussit. Quandoquidem Monasterium in
loco hoc nostro genitali cogitarã construere,
sed hoc nequaquam pro mea voluntate hic
fieri posse, reuelata in somnis visione hac no-
cte didici. Venient enim dies, quibus Nort-
mannorum gentes infinita multitudine, ex
septentrionalibus partibus, per mare ad has
V 4 nostras

nostras terras se transferent, & instar caliginosarum nubium paulatim irrumpent, & deprædabuntur, ac tandem grauissima persecutione incolas deuastabunt. Sed & fidem Christianam tamquam solis lucem obnubilabunt & insequentur, totamq; ex cordibus hominum disternabunt, quam tamen Dominus sua miseratione ad seruos suos reuersurus, luci pristinae suæ (licet pallidiori) restituet, & ab australibus populis pacem recuperabit. Ad hæc autem cum Heriburga (audita genitalis soli desolatione) cum eo simul fleret, & se non tantis malis reseruari, sed vel aut ea de hac vita tolli deprecaretur: Nō ita (inquit) erit ō mea soror, ego autem ista temporibus meis non videbo, tu verò me superuictura es, & omnes istas tribulationes post me videbis. Siquidem secundum S. Ludgeri prophetiam, temporibus suis tanta pax erat, ut ne ullus quidem tanta vndique mala superuentura ibi suspicaretur de Nortmannis. Aft verò anno secundo post Ludgeri decessum, eadem sicut prædixerat, continuò surgere cœperunt, ut infra dicetur. Qua in re diligentius considerare libet, quantæ securitatis vir iste apud Deū fuerit, cui futura mala ostendit, & tamen in diebus suis hæc euenire noluit. Igitur dum domini voluntatem orando intentius perquireret, quo in loco Monasterium tuto ædificare posset, reuelatū est

est ei diuinitus, locum fundandæ Ecclesiæ ac
 Monasterij esse in saltu quodam, iuxta flumē
 dictum Rura, Deo placidiorem. Qui mox as-
 sumptis viæ comitibus, ad ostensum sibi à
 Deo locum properans, edificationem ordiri
 cœpit, quod Episcopus factus adimpleuit,
 vocando illud VVerdena.

C A P V T XXVI.

DEinde victoriosissimus Carol⁹ Magn⁹
 Rex iam rebellium Saxonum victor,
 ex suggestione Alcuini viri primarij,
 & præceptoris sui, cui⁹ semper consilio præ-
 fertim in sacris rebus vti solebat, Ludgerum
 virum Dei, ex Monasterio Franciæ, cui no-
 men Benēuentum, euocauit, ipsumque præ-
 fecit in partibus occidentalis Saxonix con-
 gregationi Canonorum, donec sopitis mo-
 tibus Saxonix, & pace firmata, ei commenda-
 uit Ecclesiam Mymyngrodensem, nunc Mo-
 nasteriensem: nam ciuitas extructo ibi Mo-
 nasterio, Monasterij nomen accepit: quam
 annis duodecim sine ordine Episcopali ad-
 ministravit. ¶ Quia enim meminerat dixisse
 Apostolum, Qui Episcopatum desiderat, bo-
 num opus desiderat, munus quidē Episcopi
 exercere cœpit, ast gradum accipere renuit,
 itaque quod oneris erat, suscepit; sed quod
 honoris erat, reiecit. Tandem nolens Diœ-
 cesim suam esse sine Episcopo, nec ipse fieri
 V s vole-

volebat, postulauit aliquem eorū, quos ipse
nutrierat pro se gradum accidere Episcopa-
lem. Quod cum Hildeboldus Colonienſis
Archiepiscopus nollet annuere, Episcopatū
inuitus suscepit, atque primus est Monaste-
rienſis Episcopus ordinatus. Hunc virum
Dei aliquando cum Carolus Imperator co-
gnomento Magnus ad se pro quadā Reipub.
causa vocasset, & primo mane misſo cubicu-
lario ad se venire præcepisset, ea erat hora,
qua exolueret pensum horarum cum suis, at-
que his expletis se venturū respondit. Quod
cum relatum esset Carolo, & ille venire tar-
daret, secundo quoque & tertio ad accersen-
dum illum misit, sed ille omnino venire di-
stulit, donec cœptam psalmodiam finiuiſſet.
Qua finita quum ante regis conspectum ve-
niſſet, interrogauit eum Rex, cur imperium
eius contemnens, venire ad eum distulisset,
at ille vultu constanti, animoque intrepido
respondit: O Imperator ego tuum mandatū
in omnibus semper ita exequendum putauī,
vt tamen Deum ubiq; tibi præferendum nō
dubitarem, quem omnibus anteponendum
omnes norunt, & etiam fatentur. Hoc enim
& mihi ipsi præcepisti, quum pastorale onus
mihi imponeres; vt Deo primum seruirem, &
deinde tibi, quod & nunc feci. Nam Deum
tibi & cunctis in terra mortalibus præponē-
dum non ambigo, neque tuum esse credidi,
quod

quod huic iussioni & perspicacissimæ ratio-
ni contrarium esset. Imò non ad Regiæ Maie-
tatis ac potestatis dehonestationem & con-
emptum (vt maleuoli criminantur) sed pro-
pter tuam salutem, quam Deo exoluere cu-
rabam, & ita consequenter ad tuum seruitiũ
veni. Quam eius responsionẽ Rex optimus
gratanter amplexus: Gratias (inquit) habeo
Episcopo, quia qualem te esse credidi, sem-
per talem nunc expertus sum. Equidem fue-
runt, qui hoc tuum factum ad meam traher-
ent iniuriam, sed hos, vtpote sanctitatis tue
inuidos, minimè gratos habeo: vt semper fe-
cisti, Dei semper voluntatem operare, & si-
mul nobis deuotus atque fidelis, pro nostri
imperij statu ora. O quàm imitabile, tam in
sacerdote sacerdotibus, quàm in Rege Regi-
bus exemplum. Discant à sacerdote, Regibus
Principibusque suis exhibere honorem, illis-
que sic obtemperare, vt diuinum non negli-
gant seruitium. Discant Reges à rege, nemini
officium suum exequenti irasci, discantque
sacerdotibus diuina præcepta seruantibus nõ
contrariare. Sciant Reges se ita hominibus in
negotijs mundanis esse præpositos, vt modis
omnibus dein Christianæ religioni subijciã-
tur. Mortu⁹ est autem B. Ludgerus Monaste-
riensis protoepiscopus post multorum infi-
delium ad Christianæ religionis conuersio-
nem, multarumq; in Dei nomine virtutum
ope-

operationes, anno Regni gloriosi Regis Caroli Magni, ex quo Rex Francorum fuerat, quadragesimo primo, ex quo autem Augustus octauo, nec non pontificatus Leonis tertij, anno decimo quarto, quem in vita pariter & morte multis miraculis claruisse constat. Et postquam sedem Monasteriensis Ecclesiæ ferme viginti quatuor annis laudabiliter gubernasset, diem suum clausit supremum, & sepultus est in Ecclesia VVerdenensis Monasterij, quod ipse de facultatibus patrimonij sui fundauerat, & ædificauerat in Marcaua iuxta flumen Ruram ordinis S. Benedicti. In quo Sanctus ille vir diem senouissimum expectaturum Domino reuelante, prædixerat, vt merito de illo Ecclesia canit:

Vita vir sanctus, verbo quoq, iustificatus.

A puero Christum mentem iactabat in ipsum.

CAPUT XXVII.

FVit iisdem fere temporibus in Frisia vir quidam religiosus parentibus Christianis, & secundum carnem nobilibus ortus, nomine VValfredus in pago, qui dicitur Bedum, deuotus fidei cultor, iustitiæ tenax, veritatis assertor, pauperum largus susceptor, verbi diuini largus auditor & factor, moribus tranquillus, in omni opere consideratus & cautus, qui accepit in timore Domini

mini uxorem de stirpe gentis suæ, ex qua suscepit filium Radfridum appellatum, eratque Deo seruiens illa familia in castitate, & elemosynis, omnibus diebus peregrinationis suæ. Qui paludem, in qua manebat, ubi olim difficillime quis ambulando pergere poterat, magna pro parte iumentis pabulosam, domesticis vsibus fructuariam, & è vicino positu, accessibilem fecit, & quia Deum supplici mente diligebat, ab eo terrenæ suppellectilis abundanter ditatus est incrementis, prædict⁹ omnipotentis Dei seruator, solebat hoc etiam cum cæteris bonis habere commune, Basilicas sudulò petere, cantus matutinos, & Missarum sacrificia cum vespertinis melodiis quotidie timorata mente audire, nec ab huiusmodi intentione aliqua occupatus re, facile desistere. Sed quia procul Ecclesia distabat, in vico qui Groningē vocatur, fluuio Hunesalenibus aquis interlabente, ad quem ipse semper nudatis pedibus orandi causa cursitauit, nec viæ prolixitate, nec hyemis rigida asperitate præpeditus, rem necessariam, pontem scilicet ex lignis structibilem, super hanc dictam Hunesam, ex sui sumptibus, primus machinatur, non sibi tantum consulens, vt expeditiori cursu ad dominicum ferretur obsequium, quantum & aliis, vt absolutius ad Ecclesiam confluendi, seu venalia comportandi facilius me tus redde-

redderetur. Quod amabile opus vsq; in hodiernum diem VValfridi pons appellatur & ob illius beneuolentiæ recordationem pro hæredibus eius vice successoria continu renouatur. Quodam tempore terris glacial gelu rigescentibus, cum Dei famulus soliti tramitem diluculo carperet discalceatus quidam compater eius, qui etiam ferebatur viri Dei exemplo compunctus, euntē ipsum ad præfatam Ecclesiam nudis est pedibus affecutus. Interea dum aliquamdiu pariter ambularent, vir Dei respiciens vidit illum paululum labascere, parumq; expectans donec ad se veniret, dixit: Quid te ita molestat, ut prope me incedere non velis? Cui voce tremula ille respondit: Inhianter quippe volo, sed non valeo, quia validissimo frigore congelatus, me pedes habere non sentio. Ad quē Sanctus: Festina, meorum pedum vestigia diligenter obserua, quatenus licet arcto utrumque tamen planato calle aliquanto leuius iter meum subsequi possis. Paruit ille dictis, & statim humus, per quē vir, Dei inceserat, sub pedibus eius mollis & tepida est effecta, ex latere utroque pristina bruma durante. Hæc ut fidelis ille viator sensit, raritatem facti portinus expauit, &

*Ex tristi in letam mutatus pectore mentem,
Incessit calidis sancti vestigia plantis.*

Nunc nihilominus Dei hominem proph-

phetico spiritu aliquoties viguisse, duæ
(quas ante obitum prædixerat) causæ, pos-
sunt idoneam reddere fidem. Adiens enim
aliquando sæpe dictam Ecclesiam, solo Dei
timore, non forensis questus vlla cupiditate
illectus, post religiosissimè auditum Missæ
Officium, cum pauperibus & peregrinis,
quasi mendicus cum mendicis ad stipem se-
debat, eis de suis piam & deuotam exhibens
refectionem, Deoque placitam. Vbi dum
quidam consanguineus eius eum conspexis-
set inter mendicos sedentem, inuitauit eum
ad vinum cum sodalibus suis, & amicis in ta-
berna bibendum. Cui viro Dei modeste re-
nuente, & vt secum illa die morari extra ta-
bernā ipse vellet, desideranter optante, ille
iracundia concitatus dixit: Ad stipendium
inopum, quasi vnum de vilissimis me vocas,
tu enim natalium tuorum despector, abie-
ctissimos quosq; sedulo vt delirus sectaris.
& ad iniuriam totius profapiæ tuæ cum eis
seruiliter conuersaris. Cui tranquillum ad
ad hæc satis homo Dei dedit responsum: Gau-
derem non modicum (inquit) si mecum
prandere velles, si tamē hæc non feceris, ego
quidem dolebo, tu verò lætos exitus non
habebis. Ille verò silice durior, contempto
Dei viri verbo, tabernam concitus repetit,
sed vox tam præfagi hominis, suo non caruit
promisso, vergente enim iam vespero, præ-
dicti

dicti Sancti derogator, stimulo suæ ebrietas cum alio quodam rixari cœpit, nec priu destitit, quàm eo interempto peccatū grande animæ suæ, corpori verò ex occisione iugulati, acerrimos insidiatores acciuit. Ex huius præfagij experimento, subsequens ratio veraci patuit argumento. Prædixit enim paulo ante consummationem vitæ suæ, classem Nordmannorum iam ad littora Frisonica velificasse, contiguasque prouincias inter duo maxima flumina, id est Embsa & Lanica positas, rursus gentili contagione fœdari. Prædixit quoque præualentibus contra totam terrā paganis, Groningæ eos adnataros, ibique se captiuandum, ac pro fide Catholica illorum manibus impuris, se mortificandum, quod etiam post discessum suū, barbaris corpus eius fuerit pecunia redimendum, quasi vehiculo inde asportandum, ubi tellure tegendum, quique exequias celebraturi competenter iuxta fidem rerum explicauerint. Igitur Nordmanni per Oceanum euecti, ut fuerat antea vaticinatum, Frisia applicuerunt, & strages innumeras, per loca spargentes, etiam non lætis ipsi successibus sunt excepti. Interea Groningæ plebs Decinuisa populatur, S. Martini Ecclesia concrematur, oppidani neci ferali traduntur. Inter quos domini miles VValfridus, quasi Lucifer inter sydera rutilans capitur, mortemque spon-

pontaneus pro melioribus adipiscendis
ubique, bonam scilicet habens voluntatem,
magis peregrinari à corpore, & præsens esse
pud Deum. Qui rumor ubi propinquo-
rum & conuicaneorum perculit aures, &
contudit mentes, legatio celeriter dirigitur,
ubi gens deo exosa hospitatur, beatum su-
us pecunia comparatum, ad locum desti-
natum, non sine magnis transfuehitur lamen-
tis, ac sub eius lectulo, ubi viuis antea de-
reuerat, sarcophago ligneo deponitur. Ab
aliis verò alia narratio, ita deducitur: In pro-
priis illum ædibus à paganis martyrio con-
sumptum fuisse, de recondendo quippe il-
lic corpusculo, vtrum dei nutu, & viri dei
præsagio, aut (vt quorundam opinio conie-
ctat) metu barbarico, ad Ecclesiam vehen-
ti adimente copiam, actum sit: nihil differ-
re credimus, dum hoc publicis sanationum
experimentis sit attestatum ab omnipotente
deo, sancto locum, sanctumque loco dele-
ctatum. His taliter perpetratis, Nordtman-
nis recedentibus, quid de filio venerabilis
viri Radfridi actum sit, anxia genetrix, ac-
citum domum vernaculum suum direxit, ad
ultranda ubique arundineta, vt si fortè in-
ueniendi daretur facultas, vltimum quod
erat solatium, saltem domum deducere stu-
lisset. Paruit homo imperatis, demumque
diutina indagatione lassatus, haud procul il-
lum

lum ad occiduam domus plagam, vbi maxima ranarum spissitudo inerat, perfossum speculis inuenit exanimem. Quem ilicò per fustollere conatus est, sed corporis impeditu te grauiamine, ad hoc nullo modo sufficere potuit, qui tandem animum ad hoc coaptauit, vt si posset, eum ibidem de fossa telluri sepeliret. Quod eo cogitante, tanta cadaueris subsecuta est leuitas, vt nullum penitus oneris fastidium sentiret, leuitate tandem cadaueris allectus, asportare iterum intendit, se pari & prius grauedine, corporis moles rigescere cœpit. Hoc sentiens iterum, versa vicibus eleuabilis, sicque denis vel amplius vicibus alternans, in eodem tandem loco, puluis pulueri puluerem commendauit. Quo in loco speratur hominis Christiani pro Christi nomine occisi Radfridi videlicet pignora, De dispositione ad præstanda fidelibus beneficia, adhuc esse reuelanda. Non multis postmodum annis discursis, quum iam domino visum fuisset famuli VValfridi piam remunerare fidelitatem, cœlitus ministrata ad eius sepulchrū nocte visa sunt lumina micuisse, vt quàm clara & viuifica in cœlis luce fulgeret, cunctis è vicino degentibus claruisset. Nonnullis denique æstu diutino febricitantibus, per somnum aliter est alijs reuelatum, sua ad eiusdem Sancti locum vouere, & redire itinera, si vellent debilitatum suarum inue-

nuenire remedia. Quos continuò vota sol-
 uentes, spes nò fefellit, sed illis sanitatem ade-
 ptis, per remotiores etiam vicos Sancti vo-
 cantur opinio. Omnigenis tandem turmatim
 confluentibus populis, & singulorù prospe-
 ritatis desiderijs, mediocritas exuberat loci,
 & Basilica nobilibus ibidem erigitur artifi-
 cijs columnata, quæ à Mingardenfis Ecclesiæ
 venerabili Antistite (cuius modò non reco-
 nimus nomen) in honorem pijsissimi marty-
 ris Domini, Sanctique Pauli consecrata est,
 sub huiusmodi diei lætitia, B. VValfredi re-
 liquiæ, officioso cleri apparatu, & populi ap-
 plaudente fauore, in theca lignea super altare
 sunt reclusæ.

C A P V T XXVIII.

FVerunt eo tempore in Frisia quinque
 populi in Insula, quæ dicitur *de Bandt*,
 qui Christianam fidem nondum susce-
 perant, quorum nomina hæc fuerunt, Hugo-
 mertsen nunc Merna, Hunsegonia, Fimele-
 goniam, Emfingonia, Reidergoniam, ab orien-
 tali parte fluminis Lani siue Lauice, qui om-
 nes diuina aspirantè gratia, missis legatis ad
 Carolum Magnum spondebant se Christia-
 nam accepturos fidem, dummodo Rex illis
 quempiam mittere dignaretur à quo fidem
 addiscerent, cuiusque loquelam intellige-
 rent. Misit ergo Rex, & præfecit eis S. Ludge-
 rum,

rum, qui non solum Frisonicam linguam
perfectè nouit, vti Friso ex vtroque paren-
te natus, ac in Frisia nutritus & educatus, sed &
Latinam, Germaniam, Anglicam & Gallicam
perpulchrè calluit, qui ibidè breui admodum
tempore, omnia idolorum phana destruens,
ea in Ecclesias dei cominutauit. Huius fidei
testes sunt vsque hodie populi eiusdem re-
gionis, & sic (vt adhuc est in memoria) omne
populum, qui est inter Lauicam & Amasum
fluum per Euangelium & baptismatis la-
uachrum in Christo regenerans, ad veritatis
cognitionem vocauit. Fuerunt enim illi an-
tiqui Frisij idololatriæ maximè dediti, & ha-
buerunt magnifica atque amplissima delu-
bra, multorumq; deorum statuas atque ido-
la ex ære & cupro confecta. Et adhuc hodie
conspicitur in Monasterio Rottum, Abba-
tia ordinis B. Benedicti, delubrum quoddam
antiquissimi operis, iam præposituræ tem-
plum, vbi ad omne testudinis latus, idola Fri-
sonica ex ære immolabantur. Et in eo centum
idolorum fuisse imagines, ab antiquorum
relatione, potius quam approbatione sunt
adducta, quas miseri illi homines tum infe-
lici cæcitate obruti adorabant, illis dicabant,
ab illis & consilium & auxilium implorabāt,
decipiente diabolo, & per ora eorum fictitia
loquente, & dante responsum populo insi-
pienti, & pleno peccatis. Et cum in delubro
popu-

populum sacrificandi gratia conuocare sole-
bant, in editissimam delubri turrim nonnul-
li, alij in eminentiorem quendam collem
conscendebant, voce altissima æris campanæ
vicem supplentes, in clamabant populum al-
ternatis aut trinis vicibus sermone patrio,
Cum tho'tyacka Pyre en Pou. id est, venite ad de-
lubrum, venite ad delubrum Petre & paule.
Hæc idola pectoribus pingebantur armatis,
galeam in capite gestantia, brachijs & pedibus
nudis, in dorso alias habebant, quibus per æ-
ra volitasse fabulabantur. Medeam aut Pho-
etam hanc imaginem fingentes, quæ in om-
ni Frisia dominabantur, & maximè in Medé-
lick & Phosetanea terra, quam Hilgerlan-
liam vocant, vbi antea Radbodum Regem
Frisiorum sedem suam habuisse, pallatium-
que suum obtinuisse, diximus, vnde & loca
nomina sunt sortita. Præterea Fredam &
Voedam incredibili veneratione prosecu-
ti diem Veneris, in eius honorem æternæ cō-
memorationi consecrabant, & pro Deo co-
cebant, in dextera manu sagittam, & in sini-
stra acervum frumenti præferentem, per quā
fame præseruari, frugibusque & omnium
bonorum affluentia se beari credebant. Sūt
qui dicāt hanc Martis imaginem fuisse, cuius
patrocinio utebantur in prælijs. Hæc omnia
idola (baptismate assumpto) à Carolo Magno
subuersa sunt, & in hunc diem ad perpetuam

reigestæ memoriâ Traiecti in archiuis Collegij D. Mariæ virginis, tria adhuc reseruantur & visuntur Frisiorum idola, quæ ego meis oculis vidi, & in manibus habui. Est autem Traiectum inferius vulgari nomine *VVrecht*, ciuitas Frisiæ, antiquitus *Vtricesium*, teste B. Rhenano, appellata, & ab ipsa origine Antonina nuncupata, iam Batauorum & Hollandiæ oppidū, de cuius origine dicit Chronica Traiectensis, quod tempore Neronis Imperatoris, omnis prouinciæ & iustitiæ persecutoris qui cœpit regnare anno incarnationis Domini 55. proscripti fuerunt Granus senator, & Anthonius tribunus cum omni familia sua. Granus veniens in Galliam Belgicam ad locū vbi inuenit aqua calidas, condidit ibi munitionem, quam ex suo nomine, & aquis ibidem inuentis appellauit Aquisgranum, & habitauit illic. Anthonius verò vltterius descendens fundauit ciuitatem, vbi nunc est Traiectum, anno post natiuitatem Domini 56. & vocauit eam ex suo nomine Anthoninā, quæ durauit annis 12. Deinde anno Domini 186. Vilti, qui nunc Hollandi vocatur, incursione sua Anthoninā destruxerunt, & ædificarunt ibi castrum nomine suo dictum *VViltenburch*, & destruxerunt eo, deuictisque Frisonibus Viltis & Slauis, tandem edificatum est ibidem nouum castrum validissimum in loco, quo steterat

VVi

VViltenburch, & inditum est ei nomen Traiectum, à traiectione rerū, quę illo in loco per Rhenum fiebat, sic dictum. Et antiquitus cū magna sui territorij parte, ad Frisiam spectasse, Regesque Frisiorum ibi habitasse liquido constat, propterea bene allusit Aeneas Syluius Traiecto, in sua descriptione Europę, ubi dicit Traiectenses, quandoq; se Frisios, quandoque Hollandinos appellare. Annales habent ibi olim temporibus Iulij Cęsaris fuisse arcem firmissimā. quę dicebatur VViltenburch, in qua Radbodus Rex Frisię habitare solebat, & postea habitationes & domus multas huic arci adiunctas, ac tandem in oppidum succreuisse. In quo sicut & in aliis multis locis euenit, vtpote Fulda & Monasterij VVestphalię oppido, ubi primum fuerunt Monasteria, & pederentim coniuncta ædibus, creuerunt in ciuitates magnas. Sunt qui putant Episcopatum Coloniensem olim Traiecti fuisse, & postquam Traiectum per Danos & Frisios fuit direptum & deuastatum, Archiepiscopatus tempore Bonifacij, aut paulo ante eius tempora, circa annum Christi 755. fuit Coloniam translatus. Deinde Carolus Magnus rursus Traiecti erexit Episcopatum, qui adhuc hodie est, donauitque terris atque hominibus, qui & multas sanctorum reliquias ad istum locum adferri fecit, quę adhuc ibi visuntur. Annales Tra-

iectionem habent, quod Conradus Episcopus, ad felicitatis suae recordationis memoriam, ex palude quadam superaedificare proposuit Collegium Canonorum D. Mariae virginis in occidentali parte ciuitatis, qui fundum adeo lutosum ibi reperit, quod bases & fundamenta pilarum stabilire non posset. Fuit autem in latomorum consortio quidam Friso nomine Pleberus, qui sub proprii capitis poena, fundamenta Ecclesiae stabilire iactitabat, sed immoderatum praemium pecuniarumque summam inde exegit, quapropter Episcopus largis xeniis à filio Frisonis arcana patris expiscatus, inchoatam Ecclesiam, in honorem S. Genitricis magnifico opere construxit & perfecit. Quamobrem praedictus Friso ira accensus, anno Domini 1099. dictum Episcopum post Missarum solennia capta, opportunitate, violenta manu interfecit. In quo Collegio duo cornua monocerotis longitudinis bicubitalis, precij inestimabilis in archiuis summo in precio habentur, quae ad venenum depellendum conducere ferunt. Imperante autem post Carolum filio eius Ludouico Pio, celebravit is Aquisgrani Synodum, conuocatis ex Germania & aliis nationibus doctis viris, statuit extirpare vitia & abusus Ecclesiae. At Carolus Caluus aliquot annis post Carolum Magnum instituens Hollandiae Comitatum, spoliauit nonnihil.

Episcopatum, se creuitque dominium ab
 altero. Episcopatus habet arces & ciuitates
 plurimas incipientes à Traiecto, & vltra Ise-
 lam vsque Suollam, Steinvvykam, & Vol-
 lenhouen se extendens. Vrbs Traiectum est
 antiqua, diues & populosa, in qua Rhenus
 medio defluit, & quasi interlecat, forma viris
 & mulieribus pulcherrima, ab exterorum
 incursu propria virtute defendi potest. Epif-
 copus enim quadraginta milia pugnatorum,
 si quando necessitas ingruit, & bellum ipsi
 aliunde immineat, ad prælum educere po-
 test, & sua aduersus hostium vim defendere,
 & præcipuè hoc nomine clara, quod in ea na-
 tus sit Adrianus S. Pontifex, vir singulari
 sanctitate & doctrina præditus, bonarum li-
 terarum antistes, & præceptor Caroli quinti
 Imperatoris, ex cuius intercessione, ad cul-
 men Pontificatus euectus. Multæ olim in
 hac ciuitate fuerunt seditiones, cum Episco-
 pis ab vna parte acceptis, ab altera parte re-
 cusatis. Arcem firmissimam, qua ciues in
 officio retineri possent, ibidem Carolus
 V. Imperator, anno Domini 1528. extrui
 fecit, vulgato nomine *Vreburch*, sine pacis ar-
 cem, iuxta distichon portæ arcis inscri-
 ptum.

*Arcis dicor pacis, à Carolo condita quinto,
 Statio grata bonis, sed ferrea virga malignis.
 Requiescunt in Basilica Traiectensi mul-
 X 5 torum*

torum sanctorum corpora. Ibi etiam floruit S. Martinus Episcopus. Quid plura possem referre de magnificentia huius urbis, & politia, & magistratuum sacra gubernatione & iustitia? Est & diues opibus, & sumptuosis ædibus atque Senatorio ordine magnificentissimo decorata. Certè hodie vetustissima Frisix urbs & regalis, quæ priscam magnificentiam opibus & magnitudine longè superat.

CAPUT XXIX.

Multos habuit hæc ciuitas Episcopos Frisios, prout ex sequentis catalogi inscriptione videre licet, & inter cæteros B. Fredericum de Adelen. Hic Fredericus fuit octauus Traiectensis Ecclesie Episcopus in Sexberum prope Franekeram de castro Adelen ex nobilibus parentibus ortus, cuius cognatio in hodiernum vsque diem inter nobiles Frisix non est extrema. Siquidem mater Frederici (vt in quibusdam haud contemnendis Chronicis legitur) dicta Cronouella filia Aldigildi eius nominis secundi Regis Frisix, cuius pater Radbodus Rex, eius nominis primus, habuitque hæc fratres Gundebaldum penultimum Regem Frisix, qui cum Rolando pro fide Catholica occubuit; & Radbodum eius nominis secundum & ultimum Frisix Regem, & amisso Regno, vt quibus-

quosdam placet, dominum Egmondensem,
quo orti sunt domini Egmondenses. Hunc
itaque Fredericum, mater eius in prima eta-
te, quibusdam religiosis committens, roga-
uit vt eum sanctæ religionis docerent semi-
tas, multasque vitare consuetudines, deinde
(licet patre inuito) tamen eum Traiectum
vsque perduxerunt. Episcopus autem Rix-
fridus spiritu prophetico præuidens, quod
in Pontificali regimine post mortē sibi suc-
cederet, eum quasi filium & hæredē liberali-
bus simul & Ecclesiasticis ad liquidum fecit
imbui doctrinis: erat enim verus Israhelita,
in cuius spiritu nullus nutriebatur dolus, ne-
minem lædebat, neminem defraudabat, ne-
mini, quod sibi fieri noluit, fecit. Idcirco do-
minus Rixfridus, quum talibus eum fulgere
videret virtutibus, est nimio repletus gau-
dio, quod talem mereretur habere successo-
rem, ipsumque ordinauit presbyterum. No-
men autem eius propter vitę sanctimoniam,
per vniuersam celebre factum est terram,
ita vt etiam Regias verberaret aures. Anno
Domini 814. die vigesima octaua Ianuarij,
obiit Aquilgrani Carolus Magnus Franco-
rum Rex & Romanorum Imperator, cui in
Regno & Imperio successit filius eius Ludo-
uicus, cognomēto Pius, vir mitis, religiosus,
ac pius, & qui nullis potuit exasperare iniu-
rijs: cuius prima vxor Eringarda peperit ei
duos

duos filios Lotharium & Ludouicum, post mortem autem Eringardę Ludouicus aliam duxit vxorem, filiam videlicet VVelphonis ducis Bauarię, Iudith nomine, quę neptis erat ipsius Ludoüici, & idcirco illicitum nephariumque ab omnibus Episcopis Gallię pronunciatum est matrimonium, atque post Canonicam admonitionem, nisi mulierem dimitteret, excommunicationem sui Regni minabantur. Qui, ne excommunicaretur, relicta Gallia venit in Germaniam. Hęc dum ita agerentur, moritur interea Rixfridus Episcopus Traiectensis, natione Friso, doctrina & sanctitate insignis, anno Domini 821. quinto die mensis Octobris, quo honorificę sepulto, Clerus & populus vnanimiter eligunt Episcopum Fredericum. Interim Ludouicus Caroli Magni filius, qui tunc ne excommunicaretur ab Episcopis, propter neptem suam, quam in vxorę duxerat, in Gallia manere non audebat, in Germania iuxta Rhenum cum ea morabatur. Comperto itaque Rixfridi Episcopi obitu, per legatos suos mandauit senioribus Ecclesię Traiectensis, vt Fredericum Episcopum acceptarent, & electum ad eius ducerent palatium, pręsciens totum populum eundem iam elegisse. Tunc Fredericus Episcopus cum senioribus Ecclesię Traiectensis surgens perrexit ad Regem, qui illum, accersitis Episcopis aliis,

aliis, licet inuitum & multum renitentem, in sua praesentia iussit ordinari Episcopum. Quo peracto, Imperator Clerum & omnes qui aderant nobiles pariter & ignobiles, ad suum inuitauit conuiuium, atque propter viri amorem, diem illum cum magna lœtitia terebat ad vesperam. Peracto conuiuium Rex secū, in animo voluens, se fortè propter illicitum connubium, in futurum posse à B. Frederico maledici, iussit illum accersiri, & corā iis, qui aderant Episcopis, talibus alloquitur verbis: Elegit te, charissime, Domin' sibi in sacerdotem magnum, quoniam te ad hoc munus cognouit idoneum, vt tua sancta prædicatione populum peccatorem conuertras ad Dominum. Est igitur populus in tua Diœcesi, in insula dicta Valatoria, in qua (proh dolor) vt ad meas peruenit aures, vnusquisque neptem, aut, quod peius est, sororem, vel ipsam in matrimonium ducit genitricem. Quapropter te per Deum viuum & verum adiuro, vt si quis nobilis aut ignobilis, domin' aut seruus, diues aut inops, à religione Christiana aberrauerit, & talibus, quæ supra diximus, se polluerit criminibus, quàm primū ad tuum peruenerit auditum, illū corrigas: & si correptus de sua praua non reuersus fuerit via, & te & Ecclesiam non audierit, excommunicatione omnium in Deum credentium, authoritate tibi data separe

pares ac condemnes, ut sit tibi sicut ethnicus & publicanus, donec ad Deum nostrum redierit, qui semper paratus est ad miserandum, si quis vera poenitentia ductus, conuersus fuerit. Quo dicto Præsul gloriosius ingemuit, Regique respondit: Magno quidem iuramento me obstringit vestra Maiestas, Cæsar Auguste, sed an salua tua gratia hæc facere possim, mihi dicito. Cui Rex: Non solum salua mea pace hæc facies, sed etiam si volueris, adiutorem viæ in omnibus habebis me paratum. Hæc idcirco obiter annotare operæpretium duxi, quia martyrij causa B. Frederici fuit, ut sequenti capitulo dicetur.

CAPUT XXX.

Tunc Præsul suo officio satisfactorius, iniustas nuptias accusans, Regi ait: Dic mihi quæso Imperator, à qua parte corporis piscis est manducandus, an rectius à cauda, vel à capite sit edendus? an primum in altum sit erigendus murus, & postea collocandum fundamentum. Rex ut audiuit, miratus est, quid sibi vellet talis interrogatio, respondit: Piscis, ut opinor, à capite manducandus erit, & sic ad caudam usque consumendus: fundamentum in primis collocatur, sine fundamento opus minimè stabilitur. Bene (inquit S. Fredericus) iudicasti, idcirco te, quem caput & fundamentum Reipub. præfecit

fecit Deus, vt bonum cunctis existeres exemplum, aggrediar, vt demptis ex capite vitiis, ac fundamento firmiter collocato, per corpus ad caudam possim Dei auxilio venire, & murum in altum erigere. Habes itaque mi Imperator, in coniugio tibi iunctam Iudith neptem tuam, VVelphonis Bauorum ducis filiam, quam nisi dimiseris, & pro commissis Deo poenitentiam egeris, maximum tui regni futurum prædico tibi excidium, & hunc sermonem Dominicum in te veraciter cõplendum: Surget gens contra gentem, & regnum aduersus regnum: tradet frater fratrem in mortem, pater filium, & insurgent filij in parentes, & morte afficient eos, & totum ab incursione Danorum depopulabitur regnũ tuum. Hæc si tuis non fuerint temporibus impleta, pro certo poteris (Deo propitio) sine crimine ista vti scemina. Cæterum completa quæ prædixi si extiterint, scito tuas nuptias in conspectu Dei gratas non fuisse: scriptum est enim; Omnis homo, ad ptoximam sanguinis sui non accedat, vt reueletur turpitudine eius. Et Paulus Apostolus ait: Fornicatores & adulteros iudicabit Deus: tibi enim, Domine Rex, si foret coniunx etiam ex tuo sanguine, deberes nihilominus attendere, quid idem Apostolus diuinitus doceat, dicens: Qui habent vxores, sint tamquam non habentes. Et B. Gregorius in Canonibus dicit:

cit: Si quis duxerit neptem in coniugem: anathema sit. Propterea si tormentum vis euadere perpetuum, & ad regnum peruenire cælorum, vera ductus pœnitentia, spretoque tali coniugio, conuertaris ad Dominum, vt tuum tibi dimittat commissum. Vana mundi huius est gloria, & omnis caro fœnum. Hæc dum S. Præsul ad separandum tam inuisum coniugium, ex sacris proferret testimonia, tamque piè paterneque admoneret Regem, quò maxima doctrinæ suæ perseuerantia, studium Regis à sententia reuocaret, vt publicam suæ vitæ infamiam publica morum conuersione castigaret, vidit tamen Regem ea minus quàm debuit animaduvertere, quare iterum ad Regem ait: O Imperator, secundum Apostolum, Dominum Deum timebimus, eiusque mandata custodiemus, te autem honorare, & in bonis actibus consentire, in malis autem resistere & corrigere decet, Domino teste, qui per Prophetam Ezechielem ait: Si non fueris locutus, vt custodiat se impius à via sua, & ipse impius in impietate sua morietur, sanguinem eius de manu tua requiram. Quapropter, Domine Rex, si tua tibi non annunciauerimus peccata, teque non arguerimus, vt ab impietate tua conuertaris & viuas, & nos non increpafsemus te, quia nobis peccantibus peccares, flammis nos Deus perderet gehennæ. A quo
cum

um Rex per sacram ac salutarem admonitionem incesti reus ageretur, ita est commotus, ubi vix ea dixisset Episcopus, quin repente sanior effectus, Rex animo mutato, & nulla Regiæ dignitatis ratione habita, lachrymatus sit valde, & pœnitentia ductus, dimissis præ rubore in terram oculis, suspirans ait: Peccaui, & à via veritatis erravi, rem me reddo, vestroque subiectus iudicio, obtemperanter me de commissis emendabo, & ineptæ vitæ institutū mutabo. His finitis sermonibus, beatum virū cum cæteris Pontificibus vocabat ad prandium, ac deinde cum summo honore remisit Traiectum. Cumq; S. Fredericus commissam cupiens visitare Dicecesim, ad Insulam iam dictam, primū ob Euangelizandi studium iter suum disposuit, ventoque prospero Valachriæ applicuit, atq; ita docuit, vt post labores, omnes incolæ pœnitentiam agentes, fœda relinquere coniugia. Interim Iudith Regina, nunc per epistolas, nunc innumerabiles offerendo gazas, Sanctum virum ad id conuocabatur flectere, vti autoritate sibi tradita, eis licentiam in coniugio permanendi concederet. Ille autem correptioni insistens, talia sine S. Pontificis aliorumq; Præsulū decretis fieri minimè posse dicebat. Regina obcæcata amore, religionis potius quàm nuptiarum desertrix esse malens,

Y multis

multis de causis Deo charum cœpit accusare Episcopum, atque animo voluere, qualiter eum posset perdere. Itaque vexationis impatiens, plus crudelitati suæ, quàm sacrosancti iuris viribus indulgendum rata, inuidiæ zelo duos sicarios in mortem Sancti viri coniurare fecit, qui Traiectum adeuntes, Episcopo sacris intento, nunciari faciunt, se solemni legatione ab Imperatore missos, habere quæ cum eo colloquantur. Episcopus verò diuina inspiratione propinquam sibi necē instare animaduertens, iussit sicarios ad finem Missæ expectare. Deinde religioni vacando, officia sanctitatis exequitur, atque post lectionem Euangelij concionatus est populo, ac sub ipsa concione diuinitus de morte sua impendente se admonitum esse dixit, nimirum eodem se die cibum perpetuum capturum, cum omnibus Sanctis in regno cælorum. Sacrificio igitur peracto, S. Antistes adhuc ornatus, sacrarium S. Iohannis Euangelistæ, in quo sibi sarcophagum ordinauerat subintrans, ubi pro constantia passionis expansis vtrinq; brachiis prostratus, percussores expectat, atque deuotas preces fundens, ad se admissos inquit: Vestram, sicut præceptum est vobis, adimplete legationem, priusquam enim huc venistis, præsciui. Tunc illi cultellis ex manicis extractis, irruerunt in S. Episcopum,

pum, ac interfecerunt ipsum, atque ex domo Dei, speluncam fecerunt latronum. Sed martyr Dei corpus, quibus poterat viribus immobile retinuit, atque ne sanguis & intestina effluerent, vulnera constrinxit, atque homicidas admonuit, ut fugam caperent, ne comprehenderentur. Neque antè loco quocubabat, excessit, quàm feretro imponeretur, ex cuius sanctissimis vulneribus plus gloriæ, quàm cruoris effluxit. Ut merito in laudem & decus istius Sancti viri, versiculi sequentes recitari possint:

*Hic sublimatus sit in ordine Pontificatus,
Moribus ornatus, doctus vitæq; beatus.*

Tales fuerunt hi Episcopi primitivæ fidei præcones, ut non modò præesse, sed prodesse populo & gregi Dominico sibi commissò, omni periculo contempto fideliter tueantur, & animas Deo lucrari possent. Nostra fœliciora videntur esse tempora, ubi Evangelizandi ministerium Episcopi relegant in sacellanos, ipsi interim superintendentes. Illud porro scelus haud segnius quàm iustus Deus vindicavit: nam paruo post tempore, à Nortmannis aliisque Barbaris, non solum Frisia, sed tota Germania adeo est vastata, ut absumptis incolis longo tempore terra in solitudinem sit redacta, tribulos & spinas gigneret.

LVdouico primo cognomento Pio, anno 840. vita functo, successit ei in regno Lotharius filius eius, quo tempore Vvedekindus Dux Saxonum, in eam excreuit audaciam, vt descenderet in Frisiam, cuncta ibi cædibus, incendiis & rapinis impleret, templa Christi destruendo, & quoscumq; fideles aut iugulando, aut exulando perderet in tantum, quod maior pars Frisiæ, vsque ad terminos occidentales ripæ Fleui fluminis, à sincera Christi fide, ad hæreseos errorem deficeret: fecit enim vt populus de veritate indiuiduæ Trinitatis dubitare cœperit, ita vt Sabellij, Ariique sectam, secundo putares exortam & disseminatam esse. Itaque eo tempore venit in Frisiam S. Odolphus, atque pagos & villas docendo peragrans, quò per semetipsum, aut per suos sodales ferocem gentem ad viam veritatis reduceret. Et traiecto fluuio Fleuo Stauriam peruenit, vbi aliquamdiu permansit, ac Frisios prædicando instituit, sanctamque in Deitate Trinitatem, & vnitatem in Trinitate esse, docens: & multos ad veritatis viam conuertit, crebris admonitionibus arguendo atque increpando, ita vt homines, qui antea erant quasi lupi feroces, salutari dogmate mansuefacti, in oues Christi sint conuersi

uerſi. Hæc ſub Lothario Imperatore contingiſſe Annales referunt. Erant circa id tempus paſſim in Friſia multa laruarum infernalium ſpectra, quæ in paruo quodam eminentis collis ſupercilio ſubterraneum habebant ſpecum, abſque humana ope artificio præſtigioſo extructum, in quo reſidebant, quas antiqui vocabant Albas Nymphas, ſiue vulgari gentis ſermone, *V Vitte vvy-ven*, harum ſpeciem adumbratam, non veram fuiſſe, conſtat: quæ ſolebant nocturnos viatores, gregumque & armentorum intentos excubiis, & puerperas cum infantibus ſæpiſſime in abdita ſua & ſubterranea antra clanculum abducere, in quibus ſubinde ſubterranei murmuris ſonus, atque etiam vagitus infantium auditi ſunt, & præterea etiam ingens gemitus & fletus hominum, & quandoque Muſarum concentus, & voces dubia aure colligebantur.

Qua de cauſa magna fiebat cuſtodia prægnantium mulierum, & paruulorum infantium, ne ab iſtis Nymphis infernalibus clam abriperentur. Quæ omnes dæmonum illuſiones, poſt agnitum ſyncerum Dei Euangelium, euanuerunt, & in nihilum redactæ ſunt. Scripſit enim S. Odulphus contra eiufcemodi illuſiones dæmonum Chartam de S. Trinitatē, quam per Eccleſias & parochias Friſiæ ſacerdotibus miſit, vt ſi ſchiſma de-

nus oriretur in populo, frequenter publico
legeretur. Hæc pro rei nouitate, paucis an-
notanda putauit. Et extat exemplar Charta
in hunc modum:

Aeternus est pater, æternus est filius, æter-
nus est & Spiritus Sanctus: distinctio est in per-
sonis, vnitas agnoscitur in natura. Omnipot-
ens pater, omnipotens filius, omnipotens
spiritus sanctus, trinus quidem nomine, sed
vna virtus, & potentia. filius à patre incom-
prehensibiliter genitus. Spiritus sanctus pro-
cedens ineffabiliter, potestas non accedens,
sed perpetua indiuidua manens, summitas
sociabilis, regnum sine fine, gloria sempi-
terna, quæ sola creat, sola peccata dimittit, &
cælorum regna concedit. His ita gestis, bea-
tus ille Vir communi Clericorum & laico-
rum voto, pro pastore Stauriensis Ecclesiæ
eligitur, vt populum in Frisia nuper ab er-
rore reductum, erudiendo sanaret, & ab an-
tiqui hostis mortifera fauce salubriter eri-
peret. Hæc sunt, candide Lector, quæ in gra-
tiam tuam ex diuersis authorum monumē-
tis, & ex viris fide dignis contulimus, tu-
um erit ea boni consulere, & si id fece-
ris, à nobis & plura & meliora
deinceps expe-
ctare.

FINIS LIBRI
Tertij.

CA-

CATALOGVS EPISCOPO-
RVM TRAIECTENSIVM,
qui fuerunt Fri-
sones.

Albricus quartus Episcopus, ex Regio sanguine Fri-
sonum in Anglia natus, missus à Sancto Ludgero in
Doccum post mortem Sancti Bonifacii. obiit Anno
794.

Theodardus vel Tetardus quintus Episcopus, na-
tione Friso, fuit vir omni veneratione dignus. obiit
Anno 800.

Hormocardus Episcopus, vir Deo deditus Friso na-
tus. Obiit quinto Calendas Decembris, Anno Chri-
sti 827. secundum alios fuit Anglicus, ex Regno Hū-
ritano.

Rixfridus septimus Episcopus, vir doctus & humi-
lis Friso natus, obiit tertia Nonas Octobris Anno à
Christo nato, 836. Huius iussu beatus Ludgerus, tunc
Monasteriensis Episcopus, conscripsit eleganti stylo li-
rum de miraculis & canonizatione Sancti Sunberti
Episcopi Vordensis.

Fredericus Friso, octauus fuit Episcopus nobilibus
arentibus, de castro Adelen in Sexberum prope Fra-
keram natus, vir doctus, sanctus, & martyr coro-
natus, viuus sepulchrum intrauit, & spiritum Deo
reddidit, cuius mater fuit Cronouella, filia Algildi
regis Frisonum. Obiit Anno 838. octauo Iulij, &
cum corpus eius terra traderetur, miri odoris fragran-
s, tota repleta est Ecclesia, vt omnis presens turba

perspicuè sentiret, angelicam adesse cateruam.

6 Alfricus nonus Episcopus, iste frater fuit germanus
Sancti Frederici prædicti, vir bonus, & Sanctus, cuius
tempore Dani irruptionem fecerunt in Frisiam, iuxta
prophetiam Sancti Frederici. obiit Anno 846.

7 Ludgerus decimus, Friso fuit, vir Sanctus & reli-
giosus, obiit nono Calendas Maij, Anno 856.

8 Hungerus vndecimus Episcopus Friso, fuit vir san-
ctus & doctus, sub ipso Episcopo Dani & Nordmanni
in Frisiam ac Hollandiam denuo vastauerunt, ac Traie-
iectum multis ingulatis, vi expugnarunt. Eodē tem-
pore Theodoricus factus est primus Comes Hollandia.

9 Odibaldus duodecimus Episcopus, vir sanctus &
pius fuit, & etiam Friso. Obiit Idibus Decembris, an-
no 904.

10 Egilboldus decimus tertius Episcopus, Friso
fuit vir bonus & sanctus, & præfuit decem mensibu
Ecclesie Traiectensi.

11 Radbodus decimus quartus Episcopus, Friso d
Grouvve, fuit pronepos Radbodi, quondam Regis Fri-
siae, habuitq; Guntarium Archiepiscopum Colonien-
sem auunculum, vir bonus & Sanctus, spiritu prophe-
tico pollens. Et interpretatur hoc nomen Radbodu
idiomate germanico idem quod Consilij nuncius
fuit certe hic Episcopus magni consilij Angelus. Com-
posuit enim Historiam translationis Sancti Martini
qua nunc temporis vititur Ecclesia. Et cum Frisia
Danis atq; Nordmannis depopularetur, atq; Traie-
ctum ciuitas vastaretur, furori atq; persecutioni ho-
stium cedens, Dauentriae sibi constituit mansionem.
& obiit Anno domini 917. in Oetmersum, tertio Ca-
lenda

lendas Decembris, & corpus eius Dauentriam translatum, atq; ibidem honorificè tumulatum est.

2. Folkmarus decimus sextus Episcopus Friso fuit, atq; notus vir bonus ac Sanctus. obiit Anno domini 977. tertio Idus Decembris.

3. Adelbaldus vigesimus Episcopus, nobilis Friso, fuit primus Episcoporum, qui bellauit contra Hollandia Comitem Theodericum quartum, & tamē bonus & & utilis Ecclesie, commendatur. Obijt anno 1021.

4. Godebaldus vigesimus quartus Episcopus, Friso fuit, & amator religionis. Iste fundauit Monasterium Sancti Reuedicti in Oesterbroeck, & relicto Episcopatu, intrauit Monasterium.

5. Harbartus vigesimus sextus Episcopus, fuit Friso de Bierum, vir bonus & religiosus. Obijt Anno domini 1150. tertio Nonas Nouembris.

Hi omnes quindecim predicti Episcopi Traiectenses, ex Frisonibus nati fuerunt, ex quorum petitionibus Hendricus quartus, & Cenradus tertius Imperatores, dederunt Ecclesie, & Episcopis Traiectensibus spirituales iurisdictionem in Frisia, Regna conquiesierunt aeterna, per summa pietatis merita. Moderni verò Episcopi, si sua in pace et tranquillitate, rerumq; abundantia transigant tempora, felices sunt, & vocantur dum viuunt, sancti Patres, bene etiam, si hoc nomen retinent, in morte.

FINIS CATALOGI EPISCOPORUM Traiectensium, qui fuerunt Frisones.

Errata in absentia Authoris commissa, sic corrigito.

Fol. 2. ver. 6. Saxoniae. v. 16. precium. v. 19. scriptorum
v. 28. conscripturi, quia. f. 3. v. 6. ferarum. f. 4. v. 7. min
būdi. v. 20. impinguntur. f. 6. v. 25. voluptuosius. f. 7
v. 14. ignis. v. 22. adiectam. f. 8. v. 28. abducuntq; f. 9. v
27. nimio. f. 10. v. 13. vices. f. 11. v. 12. commotum. v. 26
formidabiles. f. 12. v. 1. qui. v. 12. plusne. v. 25. locustres
f. 14. v. 16. stabulis. f. 15. v. 5. puniceis. v. 17. Domini 494
v. 19. 1520. ac denuo. f. 16. v. 13. V Volt. v. 17. irriguæ
v. 28. multis enim. f. 19. v. 9 sufficiunt, sed etiam. f. 12
v. 19. Manormonim atq; Lauum. f. 22. v. 30. & salmo
nes. f. 23. v. 27. accommoda. f. 24. v. 20. Metropolis Fri
sige Groninga. v. 22. adepto Papatu. v. 23. Europea. f. 25
v. 23. possit. v. 29. parte gentis. f. 27. v. 20. possunt. f. 28
v. 7. schoete. v. 11. simulare v. 20. praeliabantur. v. 21. au
dacissimè. f. 29. v. 4. frysche dagge ofte een frische kor
de. v. 13. robustissimos. v. 26. filiorumq; f. 31. v. 12. ipsi.
f. 32. v. 19. Frisonu, Saxonum ac V Vestphalorum. f. 35.
v. 13. scie in. f. 37. v. 1. quosq; ac. f. 44. v. 23. an etiā. f. 49.
v. 7. Bern-lona. v. 16. deposuisse. f. 51. v. 21. immoror. f.
53. v. 22. nomine Horsa, & fuerūt filij, vt quidā tradūt,
Vergisti. f. 54. v. 5. sic a. v. 12. circūplexus. v. 18. socios su
os Bri. f. 55. v. 23. non, abūdat. v. 26. eos. f. 58. v. 15. distrin
geretur. f. 62. v. 15. reliquiae. v. 16. apud ruricolos. f. 64.
v. 3. quod vir. f. 66. v. 28. intus in. f. 67. v. 22. oppidatim
corpus eius pungētib; donec moreretur. Est etiam
semper mulier ad viri imperium, &c. f. 68. v. 29. rara.
f. 71. v. 10. quod tū. v. 15. studere. f. 74. v. 24. patrio mo
re, scutellam Frisonicam, in qua quatuordecim gene
ra eduliorum, non quidem confusa, sed separata atq;
discreta reponūtur. f. 75. v. 10. bubula. f. 76. v. 2. farciē
di. f. 77. v. 26. hortētur. f. 80. v. 20. defluerēt. v. 27. saltat
f. 84. v. 1. depositis. v. 8. peploue. v. 15. at ditiores latissi
mas habent. f. 87. v. 2. Omnis. f. 89. v. 26. defuetudinē.
f. 90. v. 7. vel commissarium. f. 92. v. 3. zelat. f. 94. v. 17.
iniurias verò. f. 98. v. 5. alicubi. v. 12. habitabant. v. 15.
irascebantur. v. 17. Hodie si quis. f. 99. v. 4. Nunc in. v.
31. aliqui. f. 101. v. 2. abutunturq; f. 102. v. 30. sacram æ

lem .f.107.v.7. Vleclant. f.109.v.21. cōparant. f.110.v.3.
 iuc. f.110.v.14. toto. v.18. longo & .f.110.v.11. f.111.v.3.
 obstruēt. f.112.v.12. possint. f.112.v.20. indicia. f.113.v.2. of
 uidere. f.114.v.10. sacca. f.116.v.5. Schmallingerlāt.
 .27. vero domui. f.117.v.1. alijs. f.118.v.1. possint. v.
 o. Scholbalch. v.30. oriētalium. f.124.v.23. vnum in
 127.v.6. trutinatur. f.128.v.14. maxima. v.20. Hispa
 liarum. f.129.v.7. Hayonem. f.130.v.4. Issulam. v.30.
 recipue. f.131.v.8. Lauicā. f.133.v.13. procerum. f.134.
 .2. agit. v.10. exercitium. v.12. sint. v.22. satis fertilis.
 136.v.22. habet. f.137.v.23. tandem. f.238.v.10. prodi
 or aut desertor. v.24. prae se. f.139.v.18. curioso. f.141.
 .3. & filice. v.4. & 5. elaboratam, constructam, edifi
 catam. v.18. turricula alia. f.142. v.18. Beguinarum. f.
 143.v.24. merum. f.144.v.2. Hæc. v.13. intusq; orn. v.
 o. pietate vix. f.145.v.1. tabulata, abundat. f.148.v.1.
 elffzyl. f.154.v.16. quos predictus Agri. f.155.v.20.
 sciculum. f.156.v.13. Item Grunevecht. v.21. & Ste
 rden vvolde. v.22. Menke, id est Tice. v.28. de Dren
 .v.29. Frisia. f.159.v.20. parui. v.26. Amaso. f.160.v.
 .dio pro. f.161.v.25. præsuli. v.27. laudatissimus. v.
 o. euentus. f.162.v.17. cap. 11. f.163.v.6. iā intus. f.167.
 .2. latis. f.169.v.20. exolera. f.171.v.24. prosperas. f.
 172.v.1. sectari, sicut. v.28. nimijs. f.176.v.18. Tithma
 ani. f.182.v.18. Lauicam. f.184. v.18. siue mulctis, a
 undat. v.28. Groningensis. f.185.v.28. Huius. f.188.v.
 .bombarda. v.28. voti. f.190.v.26. quendam. v.31. fa
 tidium pariat, itaq; ad cætera pergam. f.196.v.13. 18.
 . & 24. VVortimerus. f.197.v.1. Regem. f.198.v.25.
 otuit. f.199.v.4. Cantia. v.21. Marcellinus. f.200.v.
 .secundum dominia. f.202.v.6. accedētes. v.7. sint.
 19. acciderunt. v.20. profectis. f.203.v.13. fuerint. f.
 204.v.19. vocentur. f.205.v.9. saluo. f.207.v.17. non.
 208.v.7. Lauuers. v.10. cap. 17. f.210.v.22. hos Busa
 ores. f.213.v.9. esse. f.214.v.27. multū. f.215.v.10. de
 am. v.11. vbiq; vbi cef. f.218.v.27. Ignauis. f.219.v.
 .Theucteri. f.224.v.27. iurifurādi. f.228.v.16. littus
 anebat. f.229.v.4. Danica. f.230.v.18. VVithone f.
 232.v.3. intulerint. f.233.v.28. liquidum. f.238.v.3. cla

14.15
f. 239. v. 24. comparauit. f. 244. v. 26. sunt. f. 253. v. 2
f. 259. v. 28. respondente. f. 262. v. 2
Iraq; & f. 263. v. 25. f. 269. v. 26. ingentis. f. 270.
25. suscepit. f. 272. v. 22. Christianismi. v. 27. hic non
hil immu. f. 273. v. 28. nunciū acce. f. 274. v. 17. V Vi
re f. 275. v. 6. vt sciri. v. 7. Saxonis. v. 10. vicenorū. v. 1
mos erat. f. 277. v. 2. cœperant. f. 278. v. 6. reciperet
v. 18. inclinauerat. f. 279. v. 7. recitatis. f. 286. v. 27. M
uium. f. 288. v. 15. considerauius. f. 291. v. 21. vicini
ei lo. f. 296. v. 2. Et facinoris tãti. f. 298. v. 25. hîc. f. 30
v. 2. in vico. v. 20. biberent. f. 304. v. 25. qui. f. 305. v.
fecerat. f. 307. v. 11. Thiargrimus. f. 313. v. 6. quod p
stea. f. 314. v. 2. accipere. f. 319. v. 23. ad. abundat. f. 32
v. 4. areæ. v. 11. alas. f. 326. v. 28. destructo. f. 333. v. 1
Valachria.

